







12. 11. B. 36.





BAPTISTÆ FIERÆ
MANTVANI

Medici sua ætate Clarissimi

COEN A

NOTIS ILLUSTRATA

A

CAROLO AVANTIO
RHODIGINO.

Cui nouissimâ hac editione acceſſerunt

CL. V. MARCI AVRELII SEVERINI

in Regio Neapolitano Gymnaſio Chirurgiæ

& Anatomies Publici Profeſſoris

EPISTOLÆ DUE:

Altera de LAPIDE FUNGIFERO:

Altera de LAPIDE FUNGIMAPPA.



PATAVII, Typis Sebastiani Sardi. MDCC XLIX.

SVPERIORVM PERMISSV.

Handwritten signature or mark.

ALL THE WORLD

THE NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

NEW YORK

CLARISS. ET EXCELL. VIRO D.
IO. GEORGIO VOLCKAMERO

NORIMBERGENSI
APOLLINIS MYSTÆ
MVSARVM CORCVLO
FLORÆ DELICIO
PRISCIQ. CANDORIS EXEMPLO
HÆC SVA IN FIERÆ COENAM
SCHEDIASMATA
AMORIS ET BENEVOLENTIÆ
MONVMENTO

D. D.
CAROLVS AVANTIVS
RHODIGINVS.



CLAVIS ET EXPOSITIO

IO. GEORGIO VOLCKMANN

NORIMBERGENSI

APOLLINIS MYSTÆ

MASARVM CORVATO

FLORÆ DELICTO

TRIGLO CANDORIS EXINTLO

HEC SVA IN FIERÆ COENAM

SCHEIDIASMATA

AMORIS ET BENIVOLENTIAE

MONUMENTO

D. D.

CAROLVS AVANTIVS

THODIGIVS

THE



Ec vero aliis Te verbis compellandum censei, Vir Clarissime, quam huic schediasmati quę præscripsit bonę memorię frater meus: cujus acerba quidem mihi superest recordatio, Tibi vero jucunda scio. Quę inter vos enim summa fuit necessitudo à studiorum similitudine hoc ipsi expressit suę in Te voluntatis monumentum. Extēros nempe à teneris unguiculis colere, mutuisq; prosequi officiis, enixe laborabat. Sed præ omnibus Germanos: quorum ille candorem, fidem, studium sic dilexit, ut nemo fere paulo politior esset Patauī, cujus sibi non devinxisset animum. Sileo reliquos cultioris passim Europę incolas, quorum sibi amicitiam continuis heic partam studiis jugi literarum commercio quam arctē conseruavit locupletissimus tumet inter multos mihi testis es. Neq; aliam sane ob causam, quam ut admirandam rerum naturalium scientiam in salutē mortalium illustraret, pro qua totis ingenii viribus excubuit. Egregios autem conatus

præ-

præcox nimium fati vis fregit. Ecce enim, dum
crebra exercitatione usq; non mediocri stirpium
latifundio plus nimium ab optimis quibusq; in-
geniis exculto neglectam pluribus accessionem
parat, inter media amicorum tantæ molitioni fa-
nentium vota ad cœlestem animi originem reuo-
catur. lacturæ vehementiam nobis leniet spero
munusculum hoc varii saporis, quo fraterni amo-
ris hæres virtuti meritisq; in rem literariam tuis
parem omnino animum dedico & confirmo.

Patauii xxiv. Iunii Anni Salutis clc lcc xlix.

Clarissimo nomini tuo

Addictissimus

Jacobus Aranius.

AMICE LECTOR.



Neptissimam provinciam Tibi aggressus fortasse videbor, qui Medicum Poëtam, eumq̃ recentissimum, notis illustrandum suscepim: & hac potissimum tempestate, qua in tanta eruditorum viroꝝ copia vel inopisita ipsa & exactiori limâ polita fastidire possis. Et quidem tanti ponderis consideratio serîo monere me debuerat, ut levissima isthac nugamenta pauco-

*rumq̃ dierum exordia quæ aut omnino supprimerem, aut saltem censura severiori demandarem: ne vel nimia festinationis me tandem pœniteret, vel in scioli & nasuti alicujus subsannationes incurrerem. Utcunq̃, tamen cessura res sit, non potui hac in parte genio meo non indulgere, Tibiq̃ exhibere hanc non quidem *μολὴν τράπεζαν* i. e. lautam & Medorum luxu instructam mensam, sed Medicam verè & salubrem COENAM: in qua quid in unoquoq̃ Ciborum genere eligendum aut vitandum Tibi sit, quæve singulorum sint utilitates & noxæ, unico velanti intuitu deprehendere facillè possis. Si quid igitur in ea palato tuo gratum inveneris, eris quod mihi supra votum gratulari debeam: sin minus, nec ideo oleum & operam lussisse existimabo, cùm saltem haud defuturam materiam sperem, qua malignus alienorum interpres genuinum frangere, & livorem pro libidine exercere possis. Quòd si ipse quoq̃ Liber tam infans à aciratâ Lucinâ in lucem prodierit,*

Ut, nigram citò raptus in culinam

Cordylas madidâ tegat papyro;

sortem suam hand conqueri debebit. Eò enim post liminio redibit, ubi parari COENA consuevit. Caterùm, ut aliquam instituti mei in Oduseulo hoc exornando rationem reddam, scire Te velim, meâ tantùm attigisse, quæ apud Auctores dubia & controversa, quæve obscura & paululum difficilia videri poterant. Quibus discutiendis illustrandisq̃, non modò probatorum Scriptorum loca proxi, sed non parca de proprio penore depromsi. Potuisssem quidem longè plura con-
gerere;

gerere; sed plerumq; consultò pratercunda duxi, ne longiori scriptione aures tuas importunè fatigarem, neu viderer ex ephemericibus in rationum librum omnia mercatorum more transcribere. Idq; praesertim, quòd ea, quæ rudi crasseq; mea Minervæ planè perspicuaq; visa sunt, nemini negotium facessere posse existimaverim. Multa quoq; sicco pede transmissi, quorum sensum (fatebor enim ingenuè) nullà unquam ratione assequi licuit. Si quid verò extra ordinem aut ad amariorem literaturam, aut ad rei historiam adnotatione dignum, minusq; obvium, quamvis longius arcessitum, interdum occurrit, non piguit corollarij loco subnectere. Ubique verò Scriptorum, quibus profeci, loca ad marginem bonâ fide annotavi: maleficatorum quorundam fucorum ingenium perosus, qui optimos Auctores, quorum mella populati sunt, non modo proferre ipsi dedignantur, sed & aliis, ut idem efficiant, sedulo persuadent, rati, ut opinor, hac arte Centones, quos hinc inde ferruminârunt, tanquam proprij ingenij fetus rudioribus posse obtrudere. Horum se antesignanum præbuit Castor Durantes: qui in suum de Ciborum Natura, seu, ut ille vocat, Sanitatis Thesaurum universum hoc FIERÆ nostri Opusculum traduxit, suppresso ubique Auctoris sui nomine. Dignus ceriè, qui si bicipitem montem ascendere unquam ausus fueris, plagii pœnâ, ut olim Bathyllus, severissimè plectatur.

Supereſt modò ut de Auctore nostro aliqua breviter dicamus. Lucem is hausit Mantuæ Anno MCCCC LXIX per antiquâ FIERARUM gente: quæ ex Germanica nobilitate oriunda ante annos fermè trecentos inter primarias ibidem confedit. Auctorem quippe originis suæ agnoscis Philippum illum Fieram, quem ob summam rei bellicæ peritiam à Rudolpho I. Imperatore, aduersus Bohemiæ Regem bellum gerente, exercitui præfectum, re feliciter gestâ, Comitis dignitate geminissq; palmis, quæ in gentilitio stemmate visuntur, decoratum fuisse legimus. Ex hac postmodum, tanquam locupletissimo seminario, Aurati Equites, Arcium præfecti, Principum Oratores, & Aulici familiares, aliq; innumeri cum armis & literis, tum ecclesiasticâ dignitate insignes Viri longâ serie prodierunt. Patrem habuit Paulum prudentissimum & integerrimum virum: cujus diligenti curâ puer adhuc

adhuc optimis literis imbutus, brevi ad disciplinarum omnium api-
 cem pervenit. Philosophicis enim studiis cum primum animum addi-
 xisset, tantâ ingenii contentione & felicitate in eis versatus est; ut
 Petrus Pomponatius, summus illius ætatis philosophus, non acriorem
 Fierâ nostro antagonistam invenerit. Dum enim Ille Animorum
 Mortalitem publicè doceret; Hic edito scripto impiam ejus opinio-
 nem solidissimè confutavit. Cujus argumenti occasione cum è Theo-
 logico fonte nonnulla theoremata delibâisset, vastissimam quoq; scien-
 tiam illam non perfunctoriè vagari voluit. In qua gravissimas de
 Deo & Homine, de Prædestinatione, aliisq; rebus lucubrationes vul-
 gavit. Ad Medicinam verò peculiari quodam genio rapiebatur, &
 ad eam veluti natus fausto quodam sidere videbatur. Artem enim
 tam felici successu exercuit, ut rarissimè agrotantium votis non re-
 sponderet: passimq; tanquam cælo delapsus Æsculapius alter om-
 nium ore predicaretur. Unde cum tanti Viri fama in dies magis
 magisq; inclaresceret, & à magnis Principibus certatim expeteretur,
 Julius II. Pont. Max. cum ingenti honorario Romam acciuit, ubi
 Medicinam decennium è primo loco professus est. Mortuo tandem Leo-
 ne X. cujus quoq; valetudinem rexerat, jamq; laboribus fessus & ata-
 te gravis de reditu in patriam cogitare cepit, frustra eum retinere
 conantibus Adriano VI. & Clemente VII. ibiq; reliquum vitæ am-
 nioribus studiis dicavit: & subinde in Arboretanum pagum, Ma-
 joribus olim suis à Mantuæ Principibus donatum, secedens extremam
 senium invidendâ tranquillitate beavit. Severiora enim illa studia
 ita semper tractare solitus est, ut nunquam politiones literas Musæ-
 rumq; delicias penitus desereret, sed ad laxandum animum quotidie
 carmen aliquod meditaretur. Et quidem si sæculi ruditatem conside-
 remus, eum non omnino adverso numine carmina scripsisse fatebimur.
 Tandem septuagenario proximus celebs natura debitum persolvit
 Anno M DXXXVIII, & in monumento, quod in cæmeterio Divi
 Francisci sub arcu propriarum ædium, in quo hortus pensilis con-
 spicitur, sibi vivens extruxerat, conditus est, hac additâ inscriptione:
 BAPTISTÆ FIERÆ, FUTURO QUI FUIT, ET PROPRIIS
 HIC SUB ÆDIBUS, QUOD CURAVIT TUMULANDO



NEMO

NEMO INVIDERET QUIETEM, SOLUS VULT ESSE.

Statuâ fuit communi, oculis vivacissimis, facie, & toto corpore ad venustatem composito. Comam aluit, barbam rasisit pro seculi more. Coluit quotquot ætas illa tulit viros doctos: præcipuè qui cabalino fonte labia proluerant; & in primis Baptistam Carmelitæ, suavisimum illum Mincii olorem, ætæ rumq; à Marone Mantuana Musa decus & ornamentum. Quorum carmina à quibusdā penes se MSc. extare, affirmavit olim mihi Christophorus Vairus Medicus Mantuanus. Innumera reliquit ingenti sui monumenta: quorum potior pars, magnâ heredum incuriâ, majori literarum damno intercidit. Hic duntaxat eorum syllabum attexam quæ apud Reuerendiss. Fridericum ejus pronepotem, cuius diligentia à sineis blastisq; vindicata sunt, parim edita, parim manuscripta servantur.

De Loco Angeli.

De Deo & Homine Lib. III.

De Virgine Deipara sine peccato originali concepta.

De Primo Cognito.

De Principiis Rerum Naturalium Lib. II.

De Intensione & Remissione ad Pomponatium.

Responsio ad quatuor Conclusiones Joannis Marliani.

De Immortalitate Animæ contra Petrum Pomponatium.

Commentaria in Artem Medicinalem Galeni.

De Virtute movente pulsum.

De Phlegmatico & Bilioso æqualiter febrientibus.

De Pestilentia & Morbis communiter Pestilentibus dictis.

Institutio Medici ad præservanda corpora tempore Pestis.

De Attractione Medicinarum Solutivarum.

De Justitia pingenda, Dialogus inter Mantiniam Pictorem eximium, & Momum.

Hymni Sacri, Leoni X. dicati.

Miserationis Divinæ imploratio per Davidem relapsum.

Silvæ, Elegiæ, Epigrammata plurima.


Et præsens Opusculum, COENA inscriptum: quod Tibi notis illustratum exhibeo. In quo si quid improprie aut minus Latine ab Au-

ctore

*Etore di Etum offendes ; memineris Te Medicum & Poëtam legere , qui
hoc argumento & scribendi genere neutrum facile assequi potuit .
Sufficiat Conradi Gesneri , magni illius Germaniæ Plinii , iudicium
promeruisse . Baptista Fierain COENA sua plurima simplicia
condimenta ; & eorum facultates carmine elegiaco satis eleganter
descripsit .*

*Ad Annotationes verò meas quod attinet , ut eas æqui boniq ; consulas ,
ingeniiq ; mei tennitatem excuses , Te rogo & obtestor . Hac enim ,
qualiacunq ; sint , graviorum studiorum παράγωγα , non ut laudem
aliquam consequerer , sed ut amicißimo viro , in cuius gratiam scrip-
ta , morem gererem , in lucem profero : satis & abunde laudatus , si
Tibi non fastiditus . Vale .*





BAPTISTA FIERA MANTUANUS
THEOLOGUS, MEDICUS, ET POETA.

INDEX CAPITUM.

A.



Brotonum. Pag. 136.

Abſinthium. 137.

Acetum. 59.

Aër. 162.

Agnus. 69.

Ala. 68.

Alauda. 88.

Allia. 144.

Amaracus. 125.

Amygdala. 12.

Anas. 80.

Anethum. 112.

Animi accidentia. 158.

Aniſum. 105.

Anſer. 80.

Aper. 71.

Apium. 119.

Arbuta. 10.

Armeniaca. 6.

Armoracia. 145.

Artemiſia. 129.

Aſcalonia. 143.

Asparagus. 123.

Avellana. 12.

Avena. 38.

Avicula. 92.

Aurantia, ſeu Nerantia. 24.

B.

Bacca Hederae. 23.

Juniperi. 29.

Lauri.

20.

Myrti.

22.

Balneum. 160.

Baticula. 132.

Beta. 118.

Betonica. 131.

Borago. 132.

Bos. 68.

Brassica. 116.

Bubalus. 72.

Bugloſſum. 123.

Butyrum. 61.

C.

Caper. 70.

Capreolus. 71.

Capparis. 122.

Capus. 77.

Carduus Hortenſis. 135.

Caro. 65.

Caro pinguis, & falſa. 66.

Caryophyllum. 102.

Cafeus. 61.

Caſtanea. 14.

Cancer. 96.

Cerebella. 67.

Ceraſa. 8.

Cepa. Ibid.

Cera. 142.

Cervus. 72.

Cicer. 32.

Cicercula. 33.

Ci.

I N D E X

Cichoria.	115.	F.	
Ciconia.	81.	F	Aba. 30.
Cinnamomum.	100.	F	Farra. 28.
Citrullus.	41.		Ficedula. 89.
Cochlea.	97.		Ficus. 3.
Coitus.	159.		Foeniculum. 111.
Colla.	67.		Fridio. 161.
Columba Livia.	82.		Frumenta. 28.
Cellaris.	ibid.		Fungi. 45.
Conchæ.	96.		Fungus Lyncurius. 47.
Coriandrum.	109.		
Corna.	16.	G.	
Cor.	68.	G	Allina. Gallus. 77.
Coturnix.	87.	G	Gammarus. 96.
Crocus.	103.		Gingiber. 103.
Cucumis magnus.	44.		Glis. 76.
Cucumis parvus.	ibid.		Grus. 81.
Cucurbita.	38.	H.	
Cuminum.	108.	H	Ederæ bacca. 23.
Cuniculus.	74.	H	Hepar. 67.
Cupressi conus.	20.		Hirundo. 91.
Cydonia.	8.		Hœdus. 70.
			Hordea. 29.
D.		I.	
D	21.	I	Bis. 81.
Acyli.	71.	I	Inanitio. 154.
Damma.	134.		Inula. 148.
Dracunculus.			Iuniperi bacca. 20.
E.		L.	
E	3.	L	Abrusca. 18.
Lementa.	115.	L	Lac. 60.
Endivia.	148.		Lactuca. 114.
Enula.	76.		
Erinaceus.	142.		
Eruca.			
			Lauri

INDEX CAPITVM.

Pulmo.	68.	Sturnus.	91.
Pyra.	7.	Sus.	71.
	R.		T.
R Ana.	98.	T Aurus.	68.
Rapa.	148.	Testudo.	93.
Raphanus.	145.	Tribulus.	141.
Ren.	68.	Tubera.	150.
Repletio.	154.	Tuberonia.	153.
Rosmarinus.	129.	Turdus.	88.
Ruta.	121.	Turtur.	84.
		V.	
	S.	U Bera.	67.
		Venter.	68.
S Accharum.	65.	Vervex.	69.
Sal.	59.	Vicia.	38.
Salvia.	128.	Vigilia.	157.
Sambuci flos.	140.	Vinum.	57.
Serpyllum.	126.	Vina Aquatica.	58.
Sinapi.	109.	Vitulus.	68.
Sium.	140.	Uva.	17.
Somnus.	152.	Uva passa.	18.
Sorba.	10.	Uva immatura.	ibid.
Spelta.	30.		Z.
Spinachia.	119.	Z Inziber.	103.
Staphylinus.	149.	Zizypha.	15.

BAPTISTÆ FIERÆ MANTVANO

Pomponius Lætus.



*M*aris delicias & pinguis fercula mensæ?

Perfida, vel Medis Regis adito lares.

Mille dabit, si mille petis, tibi pagina luxus:

Inventis cedit nec, Caracalla, tuis.

Aut quod nocturnis ponebat regia divis,

Halius aut quales dispare sorte dedit.

Istæ linunt, graciliq; placent male sana palato,

Et docta carpunt prædia magna gula.

Si cupis oblonga traducere tempora vite,

Accipe quas promittunt Mantua sola dapes.

Mantua dat numeros: videas monumenta Maronis:

Consulit humano non minus illa pedi.

Semina disponit gemino Baptista novæ:

Frugifero fruitur COENA diserta cibo.

Contulit quantum prædæves Mincius orbi!

Prorogat hic animam, prorogat ille lyram.

Illustrissimo & Amplissimo Domino suo

D R A P H A E L I R I A R I O

S. GEORGII CARDINALI DIGNISSIMO

BAPTISTA FIERA MANTVANVS

bene vivere.



Oluisssem Illustriss. Domine, graviori & doctâ magis
 scriptione mandatis tuis morem gerere: & utinam ad
 extremum calamum. Tractatui nostro de diversis tam
 philosophicis quàm medicis annotationibus imponen-
 dum suppeteret otium. Gratum satis opus nostrum Am-
 plitudini Tuæ, quàm plurimis verò utile futurum sperarem. Verùm
 quandoquidem voto par nunc esse non possum meo: à quo, dum
 vitæ fomenta medicamus, divellimur; quod optâsti, & quod potui
 felicibus habere auspiciis: incolumitatisq; ut perpetuitatem illam con-
 sequaris, quàm & Tu & COENA Tibi optat mea. Dii faxint boni.
 Vale.

Ad Librum

Sidonios habitus, atq; aurea pallia felix

Indue virgineo tincte rubore Liber.

Ad Dominum properas: quanta est tibi gloria: cultu

Divite amat tanti numinis ara coli.

Ad Ampliss. D. D.

R A P H A E L E M R I A R I V M

S. GEORGII CARDINALEM

Hendecasyllabum.

S*I cui delicias jocosq; nostros
 Fas sit sepositis dicare curis,
 Savi dum fugiant leonis ignes:
 Qualescunq; habeas velim Raphaël.
 Tu solus medicos meos labores*

*Nutris: Tu miser, a rati secundo
 Aspiras, pelago furente, porcu,
 Duro tempore nec finis perire.
 Unus Juppiter, unicusq; Apollo es.
 Nobis: seria sint tua & jocosæ.*

E. L. E.

ELEMENTA.

Arida Terra gelu torpet: calet humidus Aer:
*Si gelida est, decaet si minus, humet Aqua.
 Torrida ab Igne minus sunt cetera sicca: ministrans
 Omnibus hac varias non sine sole vices.*

*Dii, bene sit vobis: semper mutata novantur,
 ut perimant formas, deniq; Elementa novas.*

Quatuor esse simplicissima corpora, primaq; & communia rerum omnium principia, Elementa vocata, quæ juxta quatuor combinationes totam primarum qualitatum latitudinem compleant, & ex quibus mixta omnia coalescant, & in ea iterum resolvantur, receptissima est apud Medicos & Philosophos fere omnes sententia. Nō defuerunt è Recentioribus tamen, qui Ignem ex Elementorum numero expungere non dubitârunt. Inter hos primas tenet eruditiss. Alexander Taxonus Muriæ uensis. Cujus validissimas ac penè insolubiles rationes lege lib. 1. Variar. Quæst. cap. 1. Quo sanè opere & acutissimi philosophi & doctissimi polyhistoris nomen promeruit. quicquid alii putent, qui incomparabilem hunc virum infimæ literatorum plebeculæ accensent.

F I C U S.

Igne tepet modico: primog; est tempore Ficus
*Mollior: urenti mox siccit igne magis.
 Candida purpureis nigrisq; est gratior: omni
 Pinguior hac fructu, uberiusq; fovet.
 Si nova sit, nocua est stomacho, & descensibus apta
 Effluet, ardenti ni sociata nuci est.*

A 1 Ac

At sicca & aperis, sordesq; potentiùs effert: E
Nec minùs ista mali sanguinis esse solet.
Frigida membra calent Ficu: præcordia lenit,
Et caput: hanc primam mensa liberq; ferant.

primaq; est tempore Ficus] Præcoces intelligere, Græcis ~~σφοδρῶς~~ appellatas: quæ quidem molliores sunt i. e. pluri humiditate seu succo excrementitio abundât. quo nomine damnantur etiam ab Hipp. lib. 2. de Diætâ. Quo loco nescio cur Foësius, rejectâ Cornarii interpretatione, ~~σφοδρῶς~~ lacte plenissimas vertere maluerit. Imaturas & adhuc lacte turgentes Ficus in cibum certè recipis nemo: per maturitatem verò lacteus ille succus, quem eleganter Plinius Pomi infantiam vocat, acris & mordax in suavem & dulcissimum permutatur, nec lactis nomen meretur ampliùs.

lib. 15. c. 19.

de succ. bon.
& vit. c. 1.

uberiusq; fouet] Non aliunde clariùs colligere id potes, quàm ipsius Galeni exemplo & experientiâ: qui ut salubrem vitam degeret, omni fugaci fructu rejecto, à xxviii ætatis suæ anno solis Ficibus uvisq; probè maturis usus fuit. Platonem quoq; hujusmodi fructu apprime delectatum fuisse legimus propterea ~~φιλόσοφος~~ à Plutarcho appellatus est.

4. Sympof.
quæst. 4.

Dipnosoph.
l. 2. c. 6.

sordesq; potentiùs effert] Excrementa non solùm expurgat per alvum, sed etiam per corporis ambitum, sudores movendo. Refertq; Athénæus, Anchimolum & Moschum philosophos Elidendes, cum per totam vitam solis ficibus vescerentur, eorum sudorem adeo grauius oluisse, ut eos in balneis omnes auersarentur. Hinc patet cur largiori & frequentiori Carycarum usu Phthiriasis interdum oriatur.

liberq; ferant] Solet hîc convivalis quæstio à nonnullis excitari: præstetne ab esu Ficuum potare vinum an aquâ.

Ut

Ut eam egregiè discutiat & solvat cl. Jo. Dominicus
Sala, vide Part. 1. Aliment.

M A L A.

Plurima sunt, minimiq; madentia Mala caloris:
Dulcia sed Stomacho commodiora meo.

Corda juvant flammis agitata: at noxia ventri

Turgebunt, nervis & nocuisse volent.

His caveas: mala sunt, dirasq; moventia febres.

Forma placet: nitidi corticis esca nocet.

Dulcia Stomacho commodiora] Contrarium sentit Diosc. lib. 1. c. 131.

qui Melimela, quæ omnium dulcissima, Stomacho insensa esse scribit: Epirotica verò seu Orbiculata eidem amica.

At Epirotica Mala dulcia non esse, imò ^{corrupte} seu austeritatis nō parū obtinere ex eo liquet, quòd sistendo ventri, eadem Diosc. teste, accommodentur. Quod

intelligens Interpres librorum Galeni de comp. Medic. per loca, ^{lib. 9. c. 5.} *ἰσχυρὰ καὶ μῆλα* ad ventriculi subversionem,

Orbiculata optimè vertit. Ut hinc credam Epirotica Mela non esse *Rosea* vulgo dicta, ut censet Marcellus Virgilius, sed quæ passim *Ferruginea* nuncupantur.

nervis nocuisse] Hoc priuatim de Pomis Vernis tradit Diosc. quia frigidioris sunt temperaturæ, nec unquam acerbitem, quantumvis matura, prorsus exuunt: ideoq;

corpori succum tribuant, quem cum Athenæo ^{Dioscoph. lib. 3. c. 6.} *ἐνερπὲς* *ῥαδέντεμ* non malè appellaveris.

P E R S I C A.

Rore sumus pluvio, mox putrescentia, ventri
Fida calefcenti, si modo prima damur.

Mollia

Mollia laxamus ventres, siccata tenemus.

Nos timuit Persis, sed tibi grata sumus.

*Hist. Nat.
lib. 23. c. 7.*

mox putrescentia] Vide quantum fidei præstare debeas Plinio scribenti, non esse Persicis innocentior cibum.

*Aliment.
lib. 2. c. 19.*

si modò prima damur] Id in univèrsum de omnibus præcipit Gal. quæ cum succi pravitate humidam ac lubricam obtinent substantiam: quæ primis epulis sumpta citius excernuntur, aliisq; cibis viam sternunt: postremis verò unà cum reliquis corrumpuntur.

*de succ. bon.
& vit. c. 5.*

siccata tenemus] Absumptâ humiditate, quæ ventri lubricitatem conciliat. Quamvis Gal. Persica inter ea recenseat, quæ ob succi pravitatem siccari nequeant: sed priùs putrescant, quàm siccentur.

nos timuit Persis] Jamdudum explosus error, qui multorum mentes pervaserat, Persica apud Persas exitialia esse: alibi verò innoxia. Id n. non de Persico, sed de Persea tradunt Rei Herbariæ sapientes. Quod itidem fabulosum alii existimant.

MALA ARMENIACA.

P*oma eadem dices, quæ Persica, si tamen amplum*

His corpus: nobis aurea forma datur.

Armeniaca Mala Gal. à Præcocibus modò distinguit: modò *αργονομίου* (*αργονομίου* voce latinâ fortè legendum) nomine utraq; confundit. Hoc videtur inter illa esse discernen: quòd Armeniacorum nucleus dulcis sit: Præcocium verò amarus & fructûs pulpa nonnihil solidior. Illa Patavii nomen adhuc retinent: Hæc *Baricocchi*, quemadmodum & Suidæ *βερικοννα* appellantur.

aurea forma] Ab auri colore Chrysomela quibusdam dicuntur. Licèt Chrysomeli nomine Columella & Plinius Cotonei speciem intelligant.

*Rei Rust. l. 5.
cap. 3.*

PRU.

P R U N A.

Pruna, licet vario decorata colore niteſcant,
Frigent, & pluri crassa liquore fluunt.
Solvunt, corda fovent ardentia, prima repossunt
Prandia: sunt Syrii nobiliora soli.

Solvunt] Jure Gal. miratur Dioscoridem, quod scrip- *Aliment. l. 2.*
 ſerit, Pruna exſiccata alvum adſtringere: quæ appri- *cap. 3.*
 utilia eſſe conſtat, quibus propoſitum eſt ventrem ſolve-
 re, humectare, ac refrigerare. Hanc laxandî ventris
 facultatem non ignoravit Martialis in Xeniiſ.

Pruna peregrina carie rugosa senecta

Sume: ſolent duri ſolvere ventris onus.

Syrii nobiliora] Damascena ſcil. à Damasco Syriæ urbe.
 Quæ cùm nobilitate cæteris antecellant, factum eſt, ut
 Pruna omnia recentioribus Græciſ *Δαμασκήνιον* nuncu-
 pentur.

P Y R A.

Brumalis ſitibunda cibi, durantiâ ventrem
Sunt Pyra: ventosum non edat illa latus.
Cox tamen hæc colat, & fungi cui cura maligni:
Nec pipere, & mulſo, melleve coctæ nocent.

ſitibunda] i. e. temperamento ſicca. τὸ ν. ſiſire pro
 ſiccum eſſe uſitatiffimo ſibi termino Auctor frequenter
 utitur. Aliàs Pyra ſitum prohibere teſtatur Gal. lib. 6.
 Simplic.

ant fungi] Silueſtrium Pyrorum id proprium eſt teſte *lib. 2. cap.*
 Dioſc. qui iis incoctis innoxios reddi Fungo ſcribit: & *132.*
 eorundem ligni cinerem iis auxiliari, qui à fungis ſtran-
 gulantur.

CERA-

C E R A S A.

I Am dedit è Ponto nobis tria poma Lucullus :

Vix tepida, & cursûs dulcia sunt subiti :

Dulcaci da ignito sitiunt apertissima ventri :

Condit adusta vorax acris sole coquus.

His alvus fluida arcesur, famis improbus ardor

Crescit, adempta sitis: quàm gula docta coquo?

tria poma Lucullus] Quæ Poma, præter Cerasa, è Pon-

Hist. Nat.
l. 15. cap. 25. to attulerit Lucullus, fateor me ignorare. Plinius n. & Athenæus scribunt ante Mithridaticam victoriam non

Dionysoph.
lib. 2. c. 11. fuisse Cerasa in Italia, sed tunc demum à Lucullo in-
venta, & à Cerasunte Ponti oppidi Cerasa vocata: præte-

lib. 2. Georg. rea nihil. Verùm cùm Servius scribat etiam ante Lucul-
li tempora Cerasa in Italia fuisse, sed dura & agrestia: quæ
prius *Corna*, deinde *Corno-Cerasa* mixto nomine appel-
lata fuerint, verisimillimum arbitror, Lucullum Sativo-
rum species, & quidem trium præcipuorum saporum in
Italiam attulisse, Dulcium scil. Acidorum, & Mixti sapo-
ris. Idq; trium pomorum nomine innuere voluisse Au-
ctorem nostrum.

acris] Acris sapor, quem Greci *ἀκρίδιον* vocant, calidi-
tatis index est: percipiturq; in sinapi, pipere, pyrethro,
& similibus. Poëtæ verò indulgendum, si hoc loco, &
alibi passim Acris nomen pro acidis, quæ frigida sunt,
καλκυσταίς usurpaverit.

C Y D O N I A.

Sicca levis brume quòd Poma Cydonia melle

Cocta juvent Stomachum, mensa secunda rogat.

Frenant

Frenant vina, tument, fluxus remorata, lacertis

Sunt nocua, & nimis cursibus apta cibo.

mensa secunda] Adstringentium omnium ea vis est, ut supremis epulis sumpta alvum moveant, ventriculum roborando, & ad excernenda quæ in se continet, incitando. Quod luculenter docet Gal. Protæ Rhetoris exemplo cujus historiam fusiùs refert lib. 2. Aliment. c. 22.

Frenant vina, tument] MSc. exemplar, quod fuit cl. Laurentii Pignorii, legebat, *Nulla venena timent*, sensu nihilo deteriori. Ebrietatem n. non solùm discentere possunt, vrinam provocando: sed & adversus venena ad miraculum usq; valere prædicantur. Prodit n. ex Phylarcho Athenæus, solo eorum odore lethalium medicamentorum vim hebetari: pharicumq; canistro impostum, in quo Cydonia antea reposita fuerant, evanidum factum omnem maleficam qualitatem amisisse: nec iis, quibus potu exhibitum fuit, quicquam noxæ attulisse.

*Dipnos. lib. 3.
cap. 6.*

Ab odoris similitudine nomen sortita videtur Cydonia herba: quam ad conciliandum medicatis quibusdam compositionibus odorem Gal. commendat. De qua licet arduum ac penè temerarium sit, nullâ extante ejus descriptione aut notâ, quicquam statuere; cum certò sciam Rosmarinum silvestrem Unguentis, Pomatis vulgo dictis, mixtum suavissimum odorem, à Cydoniorum non multùm distantem, conciliare; *καυδωπιον ωδον* suspicari tantisper licebit, donec alius magis respondentem produxerit.

*lib. 1. per loc.
cap. 5.*

O L I V A.

TOrpescens Olea exacuit, sed avara palatum
Vix alet: arentem mollior alvus amat.

Ignem levi, nisi salsa, tepens imitata smaragdos:

Faniculo, atq; acido rore referta sapit.

B

Olea

Olea] Pro fructu arborem poetice posuit.
imitata Smaragdos] Smaragdinæ Olivæ appellantur
 etiam ab auctore alterius de Dynamidiis, immaturæ scil.
 & quæ murîâ aut aceto condiuntur, Græcis *ἀμαράδες* &
νοτὸν ἀμαράδες, & Petronio in Trimalchionis cœna Albæ
 dictæ, ad differentiam Nigrarum: qua, quoniam in ipsa
 arbore maturescunt, *Ἀρωματῆς*, seu *Ἀρωματῆς* appellantur.
acido rore referta] Aceto condita.

ARBUTA. MESPILA. SORBA.

Arbuta, Sorba tenent fluidos, & Mespila ventres =
 Parvo siccescunt hac tria poma gelu.
 Hac fugias nitido dum cortice poma rubescunt.
 Vix simul eveniunt & decor & bonitas.

cap. 37.

Aliment.
 lib. 2. cap. 38.
 & Simplic. l. 6.

lib. 1. cap. 33.

loc. cit.

Arbutum Euganeorum incolæ *Comaram* vocant, nomi-
 ne procul dubio detorto à græco *νήμας*. Quamvis
 Comarus Apulejo vulgare sit Fragum. Ejus Pomum
 Gal. *μυρσινωδον*, seu ut alii scribunt, *μυρσινωτον*, Plinius
 communî nomine cum arbore Unedonem appellat. Et
 licet idem Gal. Unedonem à Memecylo diversum fa-
 ciat, scribens Rusticis Italis *Ἐπιμελίδαι* vocari *ὑνδῶνα*,
 verisimilius est, peregrinum hominem, quàm Romanum
 in latina dictione deceptum fuisse. Quod ex eo quoq;
 colligere est, quòd ille omnia Memecyli vitia Epimel-
 di, quam vulgare Mespilum esse ex Dioscoridis verbis li-
 quet, perperam adscripserit. Non n. Mespilum stoma-
 cho ingratum, neq; capitis dolores infert, quemadmo-
 dum Arbuti fructus. Cujus pravitatem propterea dâ-
 mans ad extremum usq; acerbum permanere, & ipsâ glan-
 de quernâ ad omnia deteriorem esse pronuntiat.

N V X.

M Ille Nuces poteras dixisse, sed unica Juglans
 Nux dicta est, lingua jam nocitura mea.
 Siccior ardescis, stomachum & caput improba vexat;
 Mirum, si nocua sit bene juncta via.

Mille Nuces poteras dixisse] Nucis nomen omnibus fructibus commune est, qui putamine duro & lignoso nucleos includunt, ut Pineæ, Avellanæ, Pistacea, & reliqua Græcis *κνυγιά* dicta. Per antonomasiam verò eo nomine intelliguntur Regiæ, quæ & Juglandes, quasi Jovis Glandes nuncupantur: sive quia eas Jovi sacras vellet antiquitas: sive quia præsci illi & rudes homines, solisq; glandibus assueti, cum has primum degustassent, quernisq; longè suaviores essent experti, tanquam Jovis munere sibi concessas, Jovis Glandes, mox, interlitis literis, Juglandes appellaverunt. Nux latinis dicitur à nocendo; Græcis pariter *κάρυον*, ἀπὸ τοῦ κάρω. Non solum n. ejus esus *κάρυον* infert, sed & arboris umbra humano capiti valde noxia habetur, omnibusq; juxta insensibilissima. Quapropter nonnisi secus vias, & ad agrorum margines feri consuevit.

siccior ardescis] Juglandes recentes minùs noxiæ existimantur: ætate verò unguinosiores fiunt, & rancorem, seu, ut ait Athenæus, *πυκνότης* & *ψυχρότης* quid contrahunt: quo vocis rancedinē & stertorem inferunt, nimioq; usu, ut scribit Auerthoës, linguę paralyfin inducūt. Dipnos. lib. 2.
cap. 13.

Id autem peculiare habet Nux Juglans contra cætera. Colledan. l. 5.
cap. 40.
 rum arborem indolem, quòd verberibus & fustibus cæsa uberioris fructus ferat. Unde festivissimè quidam

Femina, Nux, Asinus simili sunt lege ligata:

Hæc tria nil rectè facient, si verbera cessent.

A V E L L A N A.

Primus Abellinam Campano à nomine cultor
 Dixerat: aridula est: sed minus illa sepe.
 Inuisa est capiti & stomacho: tardissima lapsu
 Intumet: umbrosis nascitur in corylis.

Lib. 15. c. 22.

Primus Abellinam] Avellanæ olim Abellinæ patrio nomine, ut inquit Plinius, vocabantur: ab Abellino scil. Campaniæ oppido, quod etiamnum nomen servat. In Italiam verò ab Heraclea Ponti primum translatae. Inde Theophrasto passim nuncupantur.
 tardissima lapsu] Eo nomine ejus cremorem seu emulsionem coeliacis & dysentericis utiliter quidam exhibent.

A M Y G D A L A.

Feruct & emollit si Dulcis Amygdala: Amara est
 Asperior: mensas nesciat ista tuas.
 Iliacum dulcis tabemq; à pectore delet.

Quàm bene distat! alit dulcis, amara necat.
 mensa nesciat ista tuas] Nisi te Liberi Patris rore perfundere velis: quippe ebrietatem arcere compertum est. Scribit n. Plutarchus, Druso Tiberii Cæsaris filio fuisse Medicum, qui potando longè omnes post se relinqueret: observatumq; fuisse, illum quatuor aut sex Amygdalas Amaras ante potum sumere solitum.

Sympos. lib. 1.
 quail. 6.

amara necat] Sc. ventris tineas, ut amara omnia. Nisi mavis hoc referre ad Vulpes: quas Amygdalis amaris necari tradit Plinius & Plutarch. loc. cit. Quamvis id ego falsissimum esseprehenderim, facto periculo in vulpecula ferme cicuri, quam Patavii alebat D. Polydorus Bello-

Hist. Nat.
 lib. 23. c. 8.

Bellodus pharmacopœus diligentissimus : cui non semel Amygdalas Amaras exhibui, totosq; dies potu interdixi (id n. observandum monet Plinius) neq; ullam ex eis noxam unquam sensit.

P I S T A C I U M.

I Gne nuces superat : renes juvat & jecur humens

Pistacium : hoc stomachi cœna senilis amat.

Ignem nuces superat] Avicenna , à quo Auctor ista depromptisse videtur, Pistacia vehementioris caliditatis esse ait , quàm nuces : & calefacere in fine secundi gradus.

lib. 2. Tr. 2.
cap. 276.

Sed irrepsisse mendum in textum ex eo patet , quòd de nucibus agens tertium caloris gradum apertissimâ contradictione eis adscribat . Quapropter pro *vehementioris* ibi legendum existimo *misioris* : assentiente ejusdem scholæ summo philosopho Averthoë : qui Pistacia tum in calore tum in siccitate temperata esse decernit : quod & sapor eorum γαυρόπικρον comprobare videtur.

lib. cis. cap.
202.

Collectan.
lib. 5. cap. 40.

cœna senilis amat] Sive respexerit Auctor ad substantiam Pistacii πυρρουν, quæ plurimum nutrit, & stomacho amica est, quo nomine senili ætati apprime conducit, sive ad illius ætatis homines, qui lorum immiserunt in aquam, nec nisi per somnum jam arrigunt, cùm Pistacia tentiginem quoq; promoveant; utroq; modo sensus constabit.

P I N E A.

E Bullit, minimumq; sitit, pulmonibus inis
Debita, vix coquitur Pineæ, sed bene alis.

Intestina fovet : nervis rigidoq; lapillo

Subvenit : & Veneri grata : fugis Cybelen.

pulmo-

lib. 23. c. 8. *pulmonibus imis debita*] Pectus expurgant Strobili, quia resinofum quid obtinent. Nec scrupulum moveat Plinius, qui Nucleos Pineos tussim & fauces exasperare scribit. Ibi n. doctis. Dalechampius ex vetustis. & probatis codd. exasperatas lenire restituendum jamdudum monuit.

in Xenia. *fugit Cybelen*] Nux Pini Cybeli sacra fuit. Unde Martiali *Cybelis Pomum* dicitur. Fugere a. Cybelen ideo dixisse arbitror, quoniam cum Strobili genituram augeant, & venerem excitent, ejus Sacerdotibus, qui exsecti erant, omne veneris irritamentum ineptum videbatur. Vel, si placet, ad notissimam Atydis fabulam referas.

C A S T A N E A.

Quæ tibi grata, licet posito mollescat echino,
Sicca est, & minimo Castanea igne calet.

In caput & ventres inflata asperissima sevit,

Ni spolia aportes mellis arundinei.

posito mollescat echino] Echinatum Castaneæ calycem

*lib. 1. per loc.
cap. 1.*

Gal. λωπίμω πωγωνίε *Castaneæ barbæ* vocat. λωπίμω n. Castaneas quibusdam appellari scribit lib. 2. Aliment. cap. 38. Aëtius verò aliquod inter Lopimum & communiter dictam Castaneam discrimen constituere videtur. Libro n. primo ἀριστὰ δὲ, inquit, τῶν βαλάνωρ πωστῶν ἐστὶν αἱ λωπίμω, καὶ αἱ λωπίμω ὀνομαζόμεναι. Quo loco non, ut Janus Cornarius vertit, legendum, *optimæ glandium omnium sunt Castaneæ, quæ & Lopimi*, sed & *quæ Lopimi*, vel potius, *precipue quæ Lopimi* nominantur. Ita ut Lopimus selectior sit & nobilior quædam Castanearum species: quales sunt Euboicæ, aut quæ Italis *Maroni*, quasi Castaneæ mares appellantur. Avellanas quoq; λωπίμω quibusdā nominari ex Nicandri Georgicis

verbo Ἀρῶν.

gicis notat Athenæus lib. 2. Dipnosoph. cap. 13.
mellis arundinei] i. e. sacchari. detergente n. & laxante facultate ad faciliorem eorum dejectionem plurimum facit.

Z I Z Y P H A.

Magna placent: tussim sedant, stomachumq. laceffunt:
Humenti frigent Zizypha temperie.

Magna placent] Mihi verò ne maxima quidem. Sunt n. *Aliment.*
nt ait Gal. mulierum & effrenatorum infantium edulium. *h. 2. c. 23.*

Et ego novi Adolescentem Patavinum, qui Zizypha, tri-
duo postquam illa comederat, vomitu prorsus immuta-
ta rejecit. Magna a. nascuntur ad Ædessam Macedoniæ
urbem.

frigent] Avicenna quoq; Zizypha primo ordine frigida
existimavit, sed errore apertissimo. Dulcedinem n. ma-
nifestam cum præ se ferant; caloris quoq; non omnino
expertia esse concludendum est. Id quod Aëtium &
Paulum asseruisse invenio.

Porro *ζιζύφη*, seu *ζιζύφον* nomen non modò poste-
rioribus Græcis, ut quidam putant, sed ipsi quoq; Gale-
no usurpatur lib. 2. Alim. cap. 38. ubi *ζιζύφη ναυόχημα*
esse scribit.

M A L A P U N I C A.

Dulcia sunt madidi roris, sicci acria Poma
Punica: pulmoni hæc sunt mala, & illa bona.

Cuncta nocent stomacho: fervente acria flammæ

Extinguunt: cunctis mensa secunda datur.

Sæpe remorbescit, dulci si vescitur æger.

Utræq. cum distent mejere cur faciunt?

Cuncta

lib. 1. c. 127. *Cuncta nocent Stomacho*] At Diosc. omne Punicum boni succi esse ait, & stomacho utile. Quod de parcissimorum usu intelligito.

lib. 2. *Simpl.* *sape remorbescit*] Rationem reddit Diosc. lib. c. quia Punicum dulce aliquantulum caloris in stomacho gignit, & inflationes parit: ideoq; in febribus abdicandum.

mejere, cur faciunt?] Punica omnia, sive dulcia, sive acida sint, teste Gal. adstringentem facultatem obtinent. Videntur igitur eâ ratione utraq; urinam provocare: quoniam adstrictâ alvo humiditas, quæ naturaliter in ventre continetur, rapitur distribuiturq; in venas: Unde largior urinæ profusio.

C O R N A.

Corna nocent stomacho brumâ male grata rigenti:

Si tuus illa voret venter, avarus erit.

venter, avarus erit.] Corna inter adstringentissimos fructus numerantur: nec multo inferiori facultate constant reliquæ arboris partes. Ut propterea admiratione dignum sit, quod tradit Plinius, Apes Corni flore degustato concitâ alvo mori.

M O R A.

Acribus est gelidus, fervescens dulcibus humor:

Dulcia mox putrent Mora vorata tibi.

Acria sè ventrem, choleram subigensia, durant,

Vesicae effluxus plenior inde tibi est.

Dulcia mox putrent] Idq; facilius, si post alios cibos ingesta fuerint. Quod si pravam, inquit Gal. in ventriculo succum offenderint, cum aliis cibis corrumpuntur: &

ново

novo quidem putredinis genere, quod verbis explicari nequit. Unde poterit unusquisq; discere, Medicorum non Poëtarum esse de Ciborum natura judicium ferre: ac propterea Horatium explodere, dicentem

lib. 2. Sermon.
Satyr. 4.

ille salubres

*Ætates peraget, nigris qui prandia Moris
Finiet.*

Andreas Medicus apud Athenæum, panes in Syria fieri scribit ex Moris, cujus usu capilli defluant.

Dipnos. lib. 3.
cap. 29.

U V A.

Dulcis & apricis dilecta in collibus uva:

Terrens huic cortex, fervidus humor inest.

Excipe de nigris, qua sit tibi gratior, albam:

Neve inflat soles sit remorata duos.

Bacche quid hoc majus potuisti munere? nutrit

Hac bene, vesica sed male sananoces.

Terrens huic cortex] Proportionem respondens ut ait Gal. putaminibus nucum & conorum.

Simplic. l. 9.
cap. 34

soles sit remorata duos] Ventilatione Uvæ flatulentiam amittunt, &, ut loquitur Plinius, innocentiores fiunt,

lib. 23. cap. 1.

& stomacho ægrisq; magis viles. Solebant a. Veteres

non solum, ut nostris temporibus, Uvas suspendere,

sed etiam recondere inter paleas in ollis musto repletis.

Qua ratione etiam hodie Turcas addito sinapi toto anno recentissimas Uvas servare testatur Busbequius legat.

Turcicæ Epist. 1.

nutrit hac bene] Id luculenter ostendit Gal. exemplo sui

Aliment. l. 2.
cap. 9.

temporis vinitorum: qui cum duos interdum menses solis ferè Uvis vescerentur, admodum tamen pingues fie-

bant & obesi: quamvis carne laxâ & præhumidâ, quæ ci-

tò consideret.

UVA PASSA.

Passa jecur, stomachūq; juvat: mihi prima Corinthi est:
 Iliacum tepido grata liquore levat.
 Iliacum levat] Passulis dulcibus, quales sunt Coryn-
 thiace, vis inest contemperandi & mediocriter deter-
 gendi. Quibus facultatibus ventris mordicationes ob-
 tundunt.

Gal. lib. 2.
 Alim. c. 20.

UVA IMMATURA.

Quid misere amplecti charam mihi profuit ulmum,
 Tam subita mortis cum meus exset amor?
 O felix Labrusca tuis servata racemis!
 Quam minor est multo fors mea sorte tua?
 Non caleo, dulcisq; mihi non insitus humor:
 Digna fovere fui pectora, nunc noceo.
 Adstringo, ingluviem repeto, sum noxiabili.
 Malueram Baccho debitus esse sopor.
 Baccho debitus esse sopor] Vino n. conciliatur somnus:
 & qui eo nimium se ingurgitant, alto plerumq; sopore
 corripuntur. Quod non ita pridem in milite cataphra-
 cto cohortis Malatestæ Patavii observatum est: qui ex
 largo vini Cretici potu veterinosus obiit.

LABRUSCA. PRUNA SILVESTRIA.

Labrusca, inculta decus arboris, acria Pruna,
 Nata sub umbrosa, sole tepente, rubo,
 Frigida sunt, vomitumq; tenent, fluxusq; retardans.
 Gratia quanta Jovi? nil sine dote facis.

Oenan-

Oenanthe, ut in vulgatis Diosc. exemplaribus, dicitur
 ὁ τῆς ἀγρίας ἀμπέλου καρπὸς, ὁποῖός ἐστιν ἀνδρῶν. *Labrusca, seu Vitis*
silvestris fructus, cùm floret. Vidi tamen apud Caro-
 lum Herbetum, insignem olim Botanicum Veronensem
 vetustissimum MS. codicem: in quo, inter plurimas, quas
 observabam, lectionum varietates, hoc quoq; loco
 τὸ τῆς ἀγρίας ἀμπέλου ἄνθος simpliciter legebatur: & quidē
 magis ex naturæ ordine. Florere nempe fructus non di-
 citur, sed flores subsequi. Galenus non καρπὸν, sed
 ἐμβλάστημα συν τοῖς ἀνδρείοις vocavit, ἐξ ἧς ταῖς ἡμέραις τὰ φρού-
 γιναται, *rudimentum cum floribus, ex quo succedentibus*
diebus nova gignitur. Verba illa Dioscoridis, ὁποῖός ἐστιν ἀνδρῶν,
 Plinius interpretatus videtur, *cùm maximè olet* lib. 12.
 Hist. Nat. cap. ult.

lib. 5. cap. 3.

per loca lib. 8.
cap. 1.

4. Georg. vers.
145.

Aliment.
lib. 2. cap. 38.

Prunum Silvestrem Rustici Patavini *Spinum Nigrum*
 vocant: quem admodum Virgil. *Spinum Pruna ferentem.*
 è cuius fustibus, προυνύοις Galeno appellatis, in vini pe-
 nuria potum parant: sed qui non rarò dysenterias infe-
 rat.

BACCA LAURI.

L Aurea docta caput, mucosâq; pectora, lumbos,
 Et jecoris clausas radere Bacca vias.

Dira movet vomitus, & rufficitate resensâ,

Prae nimia sœtum perdit amaritie.

Menstrua subducit, lapidemq; epota resolvit

Quid mirum est? ussit si prius, usita modo est.

radere vias] Abstergere & ab infarctu liberare venas: Gal. lib. 4.
 quod amari saporis propriū est, ut & mēstrua provocare. Simpl. cap. 18.

sœtum perdit] Radicis cortici id adscribit Diosc. l. 1. c. 40.

usita est.] Poëtica ὁμωνυμία cum superiori verbo, quo

alludit ad notissimam Daphnes fabulam, calidum usum

dixit: fortassis unico hoc verbo ὁμοκατακρίσει exprimer

lib. 6. Simpl. volens, quod Gal. hisce duobus *ἰσημερινὸν ἀποῤῥῆ*

in Galba

Dignum a. mihi visum est, quod scriptis mandaretur, Anno MDCXXIX, qui proximè præcessit pestilentiam, Patavii Lauros ferè omnes, ut olim in Vejentano ante Neronis mortem accidisse memorat Suetonius, veluti maligno quodam sidere afflatas, exaruisse: cùm alioquin hiems illa satis mitis & clemens fuerit. Certo quasi præfagio Apollinem Musasq; subsequenti anno urbe illâ, bonarum literarum domicilio, excessuras.

BACCA JUNIPERI.

Gratia Juniperi Baccis sitiensibus ingens:
Palmonem stomachumq; igne repente iuvant.
Semianimen revocant matricem: Bacca dolores:

Juniperus flammis usta venena fugat.
[igne repente] calorem repentem non faciliè vocaverim,
lib. 4. Simpl. quia ad tertiam mansionem ascendit. Gal. quippe Juniperum tertio gradu calidum & siccum constituit: Fructu verò, licet nonnisi primo ordine siccet, similiter tamen
lib. 1. cap. 104. calidum esse. Auctor tamen pro se stantem Dioscoridem habet: qui *ἀγνυθιδας* (sic n. Juniperi Baccas Græci vocant) modicè calefacere affirmat.
venena fugat] Serpentes fugantur Juniperi suffimento, quo nil usitatius pestilentiae tempore.

CUPRESSI CONUS.

Arescens calido reprimis conspersa Cupressus:
Vesica & nervis optima languidulis.
Est mala grata tamen, Ditiq; in funere sacra
Flet pueri assidue lurida fata sui.

Cupressi

Cupressi fructus propriè Galbulus M. Varroni dicitur. *Rei R. N. l. 1. cap. 40.*
Nam Conus aliis quoq; arboribus, quæ Coniferæ inde
appellantur, communis est

Ditiq; in funere sacra] Moris fuit Romanis Cupressi ra-
mum præ foribus ædium figere, è quibus efferendum
erat funus. Quod ideo factum scribit Servius, ne per *3. Arceid.*
ignorantiam ingressus Pontificum aliquis pollueretur.
Inde sacra inferis habebatur.

Fles] Extillat è Cupressi resina quædam, larignæ consi-
stentiâ similis. Cujus licet rarus sit usus; tineas tamen &
vermiculos mirificè necat: neganturq; res eâ inunctæ
teredinem sentire.

D A C T Y L I.

Ardna dat dulci pomum tibi Palma tepore,
Cui dedit apta nimis nomina forma teres.
Hoc caveas: tumidum corpus torpedine replet.
Sic cedit vinci nescia Palma tibi.

forma teres] Ab humani digiti similitudine Palmulæ Da-
ctylorum nomen sortitæ sunt. qua appellatione officinis
innotuerunt.

corpus torpedine replet] Qui obstructionibus laborant ad *Gal. lib. 2. Aliment. c. 16*
necessaria munia torpidi redduntur. Facillimè a. ob-
struuntur naturalia viscera Palmularum esu, præsertim
si virides & immaturæ fuerint. Nam molles & dulces,
quales *natura* Græcis dictæ, innocentiores existiman-
tur.

Sunt a. Palmulæ omnes dentibus valde inimicæ: eosq;
nisi statim purgentur, citissimè corrumpunt. Quam ob
causam Ægyptios cæterosq; qui iis vescuntur, populos *Sala Alim. part. 1. c. 17.*
ante senectutem edentulos fieri observatum est.

GRA-



G R A N A M Y R T I.

Dum sitibunda rigent, referatos Grana cruores
 Myrtea compescunt, & bene semper olent.
 Corda senescentemq; iubent revirescere formam:

Hinc tibi grata putant Myrtea fersa Venus.

lib. 1. cap. 128. *revirescere formam*] Succus & decoctum foliorum & fructuum Myrti ex Diosc. capillos denigrat, & emendat vitiligines.

lib. 15. c. 29. *Myrtea fersa Venus*] Myrtus olim Veneri sacra erat. Fuitq; Plinio teste sub Aventino ara vetus Veneri Myrtæ dicata: quam postea Murciam appellaverunt: quia Venus, ut ait Varro, homines murcidos i. e. ignavos & inertes reddit. Inde Virg. illis, qui amoris impotentia tabuerant, aut sibi manus intulerant, Myrteam silvam apud inferos assignat.

Myrti δαυερ, ut refert Gal. in Hipp. Glossis, Piper quibusdam appellatum est. cum alias *μυρτί δαυερ* proprie sic inæqualis & verrucosa quædam *ἀπιφύσις* caudici & ramis Myrti adnascens. Quæ cum *μυρτίς* quoq; vocetur, communi scil. cum Myrti granis appellatione; censent Viri docti, Plinii inde materiâ desup̄hisse scribēdi, Myrti Bacas Veteribus piperis vicē præbuisse, antequam illius usus reperiretur. Ego verò qualibet sponsione certaverim, haudquaquam hallucinatum fuisse Plinium: sed quæ sibi comperta erant scriptis consignasse. Constat nempe farcininis quoddam genus apud veteres in honore fuisse, Murtatulum dictum, quia Murtis, non secus ac hodie pipere, condiretur: indeq; Italicum *Morsadelle* nomen manasse certissimum est. *Myrti δας* quoq; à Diphilo apud Athenæum inter condimenta seu bellaria recensentur.

BAC-

BACCA HEDERÆ.

Sicca nocens nervis Hedera est, & frigida parvo
 Igne calet, variis sic male mixta modis.

Vina domant, firmantq; caput, ventremq; Corymbi,

Cinthe Hederâ nimirum tempora Bacche sapis.

nocens nervis] Nocet quidem nervis, ut ait Plinius, in- lib. 24. cap. 10
 tus sumpta; at foris applicita iisdem prodest.

variis mixta modis] Ideo ancipitem in medicina Hederarum naturam dixit Plin. Quæ ut ex contrariis composita sit facultatibus docet Gal. l. 7. Simpl.

Vina domans] Ad arcendam, ut opinor, crapulam coronas ex Hedera æstivis convivis veteres adhibuerunt, ut colligitur ex Gal. lib. de caus. procatur. cap. 1. Tanta quippe est Hedera cum vino inimicitia, ut non solum ab ebrietate tutum præstet; sed nec vinum contineat *αἰσθητὴν*, seu vas Hederaceum. Quod fortè respicientes Poëtæ, Liberum Patrem Hederâ coronatum finxerunt: quam propterea *βανχινὴ* & *Διονυσία* appellaverunt. Inde *βανχῆν* pro *hederâ* coronari apud Hesychium.

MALA MEDICA.

Medica Mala sumus: pelli vis ignea nostræ est:

Humentis brumæ, nec bene cocta caro.

Ferrens est humor: seclantur semina pellem:

Flos calet & folium: sic voluere Dei.

Tarda caro est: succus choleram fluxusq; moratur.

Cor tepet hinc ardens, hinc tua membra nitent.

Semina, flos, folium, & cortex frigensia mulcent

Corpora, & epurant aëra pestiferum.

Sola

Solatamen volumus mandi: sic gratus olefcens

Nos bona dic veneris, non mala nec medica.

*Hi R. planto
lib. 4. cap. 4.*

*lib. 2 Tr. 2.
cap. 120.*

Mala Medica, seu Citria, quæ & Perfica Theophrasto dicuntur, quatuor constant partibus, Cortice, Pulpa seu Carne, Succo, & Semine: quæ duo postrema seminis nomine complexus videtur Gal. l. 7. Simpl. De horum omnium temperaturis & gradibus variæ extant & pugnantes Auctorum sententiæ: quas per otium legere poteris apud Costæum in Annotationibus ad Avicennam. *pelli vis ignea*] Auctori potius, quàm Galeno subscripserim, qui corticem in acuius aut temperatum esse, aut parum symmetricum superare existimat.

terrens humor] Frigidus & ficcus tertio ordine.

tarda caro] *παχύχρυσον* & *φαιγμαίνον* *pisnitosam* crassiq; succi Gal. vocat loc. cit.

gratus olefcens] Eo tantum nomine Antiquis innotuit Pomum hocce. Theophrasti n. imò Plinii ætate nullus ejus fuit in cibis usus: sed ad mortifera tantum phar-
maca, orisq; suaveolentia commendabatur.

NERANTIA.

P*roxima sunt, Itali dixere Nerantia, primis:
Vincunt pelle, parum frigidus humor inest.
Vericibus miro sunt hæc gratissima odore.*

*Dulce sapismeliùs, pectoribusq; favet.
Sint folia arboribus servata virentibus ipsis:
Cætera sunt mense commodiora mea.*

*in Prasat.
Exam. Simpl.*

Nerantia, Aurantia, sive, ut vult Brasavolus, Arantia ab Arantio Achajæ oppido, Veteribus incognita existimantur. *Ni partiçis* tamen meminit Nicandri Scholiastes in Alexipharmacis, ubi de Fungis. Ex quo colligere licet,

licet, aut eam appellationem non ita recentem esse, aut Scholiastem postremis temporibus vixisse, quibus græcæ linguæ nitor exterarum gentium commercio contaminari cæperat. Quamvis *νεραντίον* sit idem cum nostro, cum ille *μαλινόν μῆλον* interpretetur, non affirmaverim.

M A L A L I M O N I A.

A *Sfyrii pariunt etiam Limonia campi:*
Crediderim succo hac vincere prima malo.
Cætera subducunt, nec prima vigoribus æquant.
Sic nullo variis ordine dantur opes.

Mala Limonia, unde nominis originem traxerint, non constat. Ab humentibus enim & irriguis locis, quos Græci *λεμῶνας* vocant, eorum appellatio deduci nequit. Horum primum meminisse Avicennam observavit Pandeſtarius. Nisi dicere malimus, Citriorum nomine utraq; veteres complexos fuisse. Citrii enim, ut formâ, ita & facultate ferè respondent. Luxuriat autem quàm maximè in hoc Malorum genere Natura: & in eorum varietate sibi ipsi quodammodo placuisse videtur. Alia enim reperire est, quæ prægrandia Citria magnitudine emulentur: alia contra adeo exigua, ut columbinum Ovum vix æquent: qualia in silvestribus circa Caurum nasci tradit Bellonius. Quædam habentur succo plenissima, eoq; dulci, acido, aut mixto: quædam sine succo, & tota ferè carnea. Alia formâ sunt rotundâ, oblongâ, turbinatâ, rectâ, curvâ. Alia cortice lævi, verrucoso, crasso, tenui. Alia deniq; (quod omnem superat admirationem) alterum in se parvum Malum, tanquam in utero foetum suum includunt. Quorum

cap. 307.

Observat.
l. 2. cap. 35.

D licet

*Mist. Rarior.
lib. 1. cap.*

licet Clusius Limonum Prægnantium nomine memine-
rit, quia tamen præter nudum nomen nullam eorum no-
titiam reliquit; curiosis Botanophilis rem haud ingra-
tam me facturum existimo, si vivam eorum imaginem ex
recentibus fructus, quos Cydone à nobilibus. D. Emma-
nuele Mormori J. U. D. & Chloridis Mystra celeberrimo
accepi, graphicè depictam exhibuero. Hoc tantum
circa eorum descriptionem adnotato; quòd externâ fa-
cie vulgaribus simillima sunt, nisi quòd circa umbilicum
extuberantem veluti epiphyssin quandam habe-
ant: quæ intus latentis Pomi conceptaculum

est. Qua ablata, sese in conspectum
dat mirabilis ille foetus, cortice,
pulpâ, cæterisque sui parti-
bus, cum probè ma-
turuir, absolu-
tissimus.

De quo Deo dante alibi pleniùs.

Interim Tu, si bonus es,
imagine conten-
tus esto.



Malum Limonium Prægnans.



FRUMENTA.

Iam Liber arboribus per aristas ire relictis
Parvè potes: vario tempore multa legas.
Prima tibi aëria occurrunt Frumenta, maniplos
Excute, subruffa & grandia grana teras.
Pleniùs hæc repleant, sementaq; plura ministrent.
Nulla magis Cerei grata corona datur.

lib. 1. Georg.
 Aliment. l. 1.
 cap. 28.

Frumenta ea omnia appellari ait Servius, quæ ex se emittunt aristas, seu, ut ait Gal. quorum semina spicis continentur. κατ'ἰσχυρὸν verò Frumenti nomine Triticum celebratur, utpote Cerealium omnium πολυχρησιμώτατον, & πολυχρηστότατον. Porro illud optimum & præstantissimum Triticum dicendum, quod pingui solo natum est, maturum, mundum, colore aureum, lucidum, læve, nec nimis recens, nec nimis vetustate evanidum, sed aliquot menses requietum, grave, densum, fractu contumax, & quod multum farinæ præbet: cujusmodi est, quod latinis Robus appellatur.

FARRA.

Farra calent, minimum siccata: his esca tenuacis
Sumpta cibi: mollem sacchara conficiunt.
Sic stomachum & pectus refovebunt. quàm bene dictum,
sacchara non ullis posse nocere cibis.

Hist. Nat.
 lib. 18. cap. 7.
 per loca lib. 9.
 cap. 3.

Far duplex Veteribus fuit, Naturale & Factitium. Naturale (quo vetutissimos Romanorum CCC annos vixisse auctor est Verrius apud Plinium) latini vocabant semen Adorei, Græci, Gal. teste, φαῖν & φαῖον. Quid verò Zeæ nomine Vetères intellexerint, sibi non constare fate-

fatetur idem Gal. lib. de Atten. vict. rat. c. 6. Quamvis Recentiorum quidam Speltam vulgo dictam Antiquorum Zeam esse affirmant. Facitium initio quidem fiebat ex Farre-frumento (unde ipsi nomen) ab utriculis purgato, pinfito, & ruditer confrecto: postmodum vero ex omni Frumenti genere fieri capit. Nam ex Olyra apud Ægyptios fieri scribit Plinius: & Palladius hordeaceo Farre phasianinos pullos pasci præcipit lib. 1. Rei Rust. tit. 29.

tenacis cibi] Validi & haud facile dissolubilis nutrimenti. lib. 1. Georg. vers. 219.
Hinc fortassis Virg. robusta Farra nominavit.

mollem sacchara conficiunt] Saccharum, præterquam quod palato lenocinatur, ingenitam Frumentaceis visciditatem & lentorem castigat.

H O R D E A.

Sicca, gelu parvi, modice sunt Hordea cæna:

Febribus, in calidis pectoribusq; valent.

Inflant, occlusæ vesicæ claustra relaxant.

Nullus ea adstricti corporis æger edat.

modica sunt Hordea cæna] Minimum nutrire Hordeum eo argumento probat Gal. quod panes ex illo facti frumentaceis omnibus friabiliore sint.

Subditq; milites Romanos, ejus imbecillitatem damnantes, polentam, quæ ex Hordeo frixa fiebat, non comedisse. Imò invenio, ignominiosum militibus fuisse Hordeo vesci. Scribit n. Plutarch. Marcellum ab Annibale ad Canusium victum cohortibus, quæ terga dederant, tanquam ignominiam notatis, Hordeum pro Tritico dari jussisse.

*Aliment.
lib. 1. cap. 10.*

*in Marcell.
circa fin.*

inflat] Inflat quidem: sed probè coctum flatulentiam omnem exuit.

vesicæ

vesica claustra reh.] Abstergente facultate, qua urinæ vias ab infarctu liberat.

S P E L T A.

Spelta venit melior, minimo tepefacta calore,
Cui tribuunt primos Hordea Farq, gradus.
Mira sed hinc res est: Spels à minùs Hordea profunt:
Et tamen hac avidis prima vorantur equis.

Lib. 1. Pempt.
4. cap. 4.

Si eadem esset Spelta cum Farre, ut existimat Dodo-
næus, superfluum erat de ea hlc iterum agere. Sed cum
Res Frumentaria tot difficultatibus implicita sit, non est
mirum si dissonæ Recentiorum sententiæ audiantur.

Rei Rust. l. 1.
cap. 9.

prima vorantur equis.] Hordeum, quod Græci ἵστρον
nominant, Columella Cantherinum vocat: quoniam
equos ceteraq, animalia bene pascit: non autem quia
folliculo castratum nascatur, ut Gallus quidam pu-
tavit.

F A B A.

UDa prius Faba, mox fit terrea, surgida semper
Est tamen, & poteris somnia ferre mala.
Fresa minùs nocua est: crassos parit illa liquores:
Albentem intactam gurgulione legas.
Pectoribus, fluidaq, alvo vix commoda, ventri
Et capiti est morbus: dedita testiculis.
Hanc pipere & celebri poteram condire culinâ:
Vindicat hanc vilis sed sibi Rusticitas.

de Gist. acut.
l. 4. text. 92.

surgida semper.] Legumina omnia, ait Hipp. quomodo-
cunq, edantur, sive cruda, sive cocta, sive frixa, statuosâ
semper existunt. Fabam verò eo vitio excellere inde
colli-

colligas, quòd si vel triduo eam coxeris non omnem flatulentiam prorsus amittit, ut docet Gal. lib. 1. citati oper. comm. 18.

somnia ferre mala] Fabam *δυοδυερον* vocat Diosc. i. e. infomniosam, ut vertit Marcell. Virg. seu, ut Ruellius, tumultuosa infomnia facientem. Quod leguminibus omnibus commune est.

innascentem gurgulione] Gurgulio, seu Curculio, *γαστραπαύς*, & *νις* propriè dicitur frumentorū vermiculus: cæterorum a. leguminum *νις*: qui vetò Fabæ innascitur peculiariter *νιδας* appellatur. Quomodo verò innoxia à curculionibus servantur Fabæ docet Columella l. 2. Rei Rust. c. 10. Ad Apollonium a. Ioniæ maris urbem, Augusti Cæsaris græcarum literarum studio nobilem, Fabas nasci tradit Theophr. quæ nunquam corrodamur.

*Hist. plant.
lib. 8. cap. 30.*

pectoribus] Novi ego Patavii Juris Studiosum, qui quoties Fabas, quibus impensè delectabatur, comedebat, noctu corripiebatur Incubo: crassis nimirum & tetrìs vaporibus intercostales musculos opprimentibus. Hic fuit Jo. Fridericus Ronascus Pedemontanus: qui Anno MDCXX mense Julio cùm magnæ pilæ ludo validdè se exercuisset, & æstuante corpore gelidam bibisset, derepente animo liquit, & paulò post extinctus est.

dedita testiculis] Inde fortassis Pythagoræorum illud, *νιδας δαίχεται*. Constat n. Fabis vespcentes in venerem procliviores reddi. Norunt id quoq; nostri subulci: qui fatui & pigri cunni scrofas illarum pabulo ab subationem proritant. Quibus etiam Pavones ad libidinem provocari Palladius affirmat. Ut non immeritò suspectum videri possit, quod tradit Clemens Alexandrinus, mulieres & domesticas gallinas Fabarum esu sterilefcere: cùm potiùs conceptionem, ut serè venerem stimulantia, ju-

*Rei Rust. l. 2.
tit. 28.*

*Stromat. l. 9.
cap. 2.*

vare credendum sit : ac propterea *παρε το νυμ δ concipiendo νύμω* Græcis non incongruè fuisse appellatam.

C I C E R.

FErue: & arefcit Cicer omne, fed ignea vincunt
Subnigra, pulmoni prima alimenta tuo.

Hæc reduci forma, & vocum concentibus apta,

Si data ſint menſas inter utraq; tibi.

Cortice non poſito venes, jecur, atq; lienem

Veficamq; fovent, & venerem faciunt.

Hæc bona ſunt: turgent ſed aquoſa virentia: Tuſci

Cur tamen in primis artibus illa vorant?

lib. 2. cap. 26. reduci forma] Dioſc. coloris elegantiam & hilaritatem
facere ſcribit.

cortice non poſito] Ipli nempe ineſt abſtergendi vis va-
lidior.

simpl lib. 6. veficam fovent] Cicera omnia id præſtant: ſed Arieti-
num, inquit Galenus, cæteris *διουπλιώτερον* eſt.

Nat. Hiſt. lib. 18. cap. 22. & venerem faciunt] Venereum propterea Plinio appel-
latur: & admiſſariis equis in eum finem dari ſolet. renti-
ginem n. ſi quid aliud, ſtrenuè & potenter promover.
in Achæon. Quò fortaliſs alludentes Græci, ut notat Ariſtophanis
Scholiaſtes, *επιβινδυ* nomine *αἰδοῖον ἀνδρῶν* virile puden-
dum indigebant.

cur Tuſci] Toto Flaminia & Ecturia tractu æſtate vi-
dere eſt pueros Cicera viridia, in faſciculos manuales
congeſta, magnâ voce vendentes. Quæ non modò vul-
gares homines, ſed nobiliſſimi quiq; & matronæ ipſæ
tragematum inſtar aridiſſimè comedunt. quamvis halitûs
graveolentiam facere compertum ſit. Id quoq; ævo ſuo
in more poſitum fuiſſe aſſerit Gal. lib. 1. Alim. c. 22.

Obſer-

Obferuârunt curioſi, Ciceribus nullos innafci vermes : cùm reliqua ſerè Legumina propria gignant infeſta . Eamq; ob cauſam putant, Veteres connubialibus ſacris myſtico ſenſu ea adhibuiſſe. Ego verò potiùs crediderim, reſpexiſſe illos ad dictam facultatem excitandi venerem : hoc veluti ſymbolo laterumq; thorumq; pacificum ſibi ominantes. Languente n. tentigine friget quoq; conjugalis amor, & perpetuum viget uxoris cum marito diſſidium .

C I C E R C U L A.

Extumidos angit magis uda Cicercula ventres :

Et ſtomachum calido dura minore gravat.

Si Cicer hanc vincit; non his eſt aqua poteſtas .

Sic cedunt dominis infima quaq; ſuis .

Cicercula Græcorum *καθυγος* eſt : ſoloq; colore diſfert à Cicera : de qua Columella inter pabulorum genera verba facit, & Galeni *ἀγανος* exiſtimatur lib. 1. Aliment. cap. 27. *Rei R. A. l. 2. cap. 11.*

P I S A.

Sub cane ſicca parum frigentia Piſa parabunt,

Cortice depoſito, pabula ſana tibi .

Sed meliùs ſapient, ſi dulcis amygdala ſuccum

Præſtiterit : mirâ ſic iubet arte gula .

melius ſapient ſi dulci amygd.] Non modò fiunt palato gratiora, ſed corpori quoq; minùs noxia . Piſa n. reſte Gal. cùm Fabis ſubſtantiâ ſimilia ſint ; minùs tamen, quam illæ, detergant, ideoq; ſegniùs per alium ſecedant ; additum oleum amygdalarum dulcium ipſis lubri-

Aliment. l. 1. cap. 21.

citatem quandam conciliare videtur. Præterquam quod eâ ratione præparata asthmatis, tussi, cæterisque pectoris affectibus conferre nonnulli sibi certò persuadeant.

P H A S E L U S.

Dum calet aremi & tibi manditur ore Phaseolus,
Mox facis infirmo turgida membra cibis.
Si rubet, est melior, muliebria fortius effert.
Hunc fuge, si placida somnia noctis amas.
Si pipere & mulso facies coquus arte salubrem,
Dic mihi, natura servit, an iste gula?

lib. 2. Pempt.
4. cap. 5.

Silentio prætereundum non erat, ne nominis ambiguitas hæsitandi occasionem daret, Rembertum Dodonæum virum doctiss. contendere, vulgarem Fabam Veterum Phaseolum esse. Nam Græcorum, seu Latinorum Fabam ætio nostro incognitam suspicatur. Sed cum mihi planè verisimile nō videatur, cognitionem tanti Leguminis: cui semper, inquit Plinius, maximus fuit honos, & ex quo etiam tentatus paup, ita prorsus deperditam esse, ut nunc demum Diogenis lucernam eo inquirendo adhibere debeamus; malo cum reliquorum Botanicorum turba errare; quàm singularem ejus sententiam sequi. Sit igitur Veterum & Recentiorum Faba una eademq; & *φασις*, & *φασίολος*, & *ἀδαχός* communis Phaseolus, ubiq; notissimum Legumen.

lib. 2. Tr. 2.
cap. 255.

si rubet est melior. Meliores sunt rubicæ Avicenn. quia calidiores: hisq; propriè inest facultas provocandi menstrua.

L E N U S.

Aluns ab igne levè Lentis stercata tumescit:
Hordea se reddant, dic Medice, innocua?

*Illa melancholicos, nervis inimica & ocellis,
Nec satis est, morbos, somnia dira, movere.
Scilicet extollat Pelusia munera Nilus!*

Dulcia si addideris toxica dira facis.

ab igne levi] Simeon Sethi Lentem primâ distantia frigidam esse ait: & ante ipsum Hipp. *ψυχρότατον βρώμα* *πανὸν* frigidissimum cibum Lentem dixerat. Redarguitur tamen à Gal. comm. 5. in 6. Epidem. tex. 33. ubi non-nihil ad calidum vergere probat.

alvus siccata tumescit] De Lentis carne seu pulpâ hoc intelligit. Nam primum ejus decoctum ventris solvendi vim habet, ob causam inferius cap. de *Brassica* dicendam. *Hordea*] Coquebant Veteres Lentem cum ptisanâ: parabantq; earum mixtionē ferculum præstantissimum *πανοτίσσιμον* vocatum: de quo Gal. l. 1. Alim. c. 18.

inimica ocellis] Iis nimirum, qui visum inculpatum habent, immodicè siccando. Nam contrario modo se habentibus i. e. humidiori intemperie affectis potius opulatur.

Gal. lib. 2.
Alim. cap. 44

Pelusia munera] Martialis imitatione *Accipe Niliacam*, in Xenii. *Pelusia munera Lentem*. Ad Pelusium enim Nili oppidum laudatissimæ Lentis. Quarum frequenti usu Alexandrinos cancro & elephantiasi familiariter laborare tradit Galenus l. 2. ad Glauc. cap. 10.

Dulcia si addid.] Jure merito Gal. eorū damnat consuetudinē, qui Lentē sapâ condire solebant. quippe in crassantium admixtionē fit pessimū alimentum, obstructionibus scirrhisq; tumoribus gignendis accommodatissimū.

Fuerunt a. Lentis Romanis feralia & inauspicata Legumina: malumq; portendere visæ sunt exercitui Crassi, cum ejus militibus ante certamen distributæ fuissent, ut refert Plutarch. in ejus vita, & Appianus Alex. lib. 3.

O R Y Z A.

Cum sepeat, ventrem retinens, & amygdalâ inungi
 Lactē vel exposcat, siccat Oryza magis.
 Sic pulmenta feret tibi plurima: si tamen inflat,
 Nequitia poterit promptior esse tua
 Sed moneo vexat patinas diuturna calentes.

Siste parum: veneri fiet & apta gula.
 siccat Oryza magis] Si particula hæc referatur ad priora
 illa verba cum sepeat, ut sensus sit, Oryzam magis siccare,
 quàm calefacere; optimè dictum. Calefacit n. primo:
 siccat secundo ordine. Si verò ad posteriora, lac scil. &
 amygdalas: ita ut innuere voluerit, Oryzam lacte amyg-
 dalisve conditam validiùs siccare; falsissimum est. Lac n.
 & amygdalæ dulces cum laxandi & humectandi facultate
 polleant, quî fieri potest, ut Oryzæ siccitatem intendant?
 Afferuit hoc aptissimè Avic. qui Oryzam lacte & amyg-
 dalino oleo conditam copiosius & laudabilius nutrimen-
 tum præbere scribit: removeriq; ab ea siccandi & adstrin-
 gendi vim.

lib. 2. tract. 3.
 cap. 575.

vexat patinas calentes] Id sæpè malo suo experiuntur
 voraciss. heluones: qui cum propter ingluviem expecta-
 re nolint, ut hujusmodi ferculum deferrescat, maximo
 convivarum risu sibi linguam & fauces adurunt. Hoc fie-
 ri arbitror ob crassam glutinosamq; ejus substantiam:
 cujus causâ fervidus vapor pertinaciùs inhæret, nec tam
 facillè evaporat, vt in materia tenui & aquia.

de Medicina
 Indor. lib. 3.
 cap. 16.

Notat in hanc rem Jacobus Bontius, Nautas, qui Mo-
 luccas & adjacentes Insulas annavigant, non rarò visûs
 debilitate & omnimodâ interdum cœcitate infestari, non
 tamen permanente, sed quæ acris ciborumq; mutatio-

ne evanescat : observatumq; fuisse , hujusmodi symptoma ab esu calentis Oryzæ originem trahere . Propterea Batavis eò navigantibus pœnâ vetitum esse, Oryzam, nisi priùs refrigeratam , comedere .

MILIMUM. PANICUM.

Sunt jejuna, album durantia, grata dolori,
Si Milia ignitis sint priùs usta focis.
Lacte incoctâ sfovent, molli vel inuncta liquore,
Pleniùs : at cœna tarda tenacis erunt.
Panici uberior levioris mensa superbit.
Sapius exiguis cedere magna solent.

Sunt jejuna] i.e. exigui nutrimenti. Sic Virgilius *glaciam jejunam* & Rei Rusticæ scriptores *terram jejunam* dixerunt, exilem scil. macram, & avarè responderem. Partum a. nutrire Milium omnes uno ore testantur : imò Gal. inter omnia frumentacea *ὀλγότερον* esse scribit. *sint priùs usta*] Milio discutuntur tormina : in quem usum torretur ante , & in sacculo ventri admovetur. Quod somenti genus Gal. in coli dolore feliciter vsurpavit. Eligitur autem è cerealibus in hunc finem maximè Milium, quia nihil concipiendo retinendoq; calori eo aptius.

Panici uberior mensa] Hoc dictum præter Diosc. & Galeni mentem : qui concorditèr affirmant, Milium uberioriùs nutrire , & ad omnia præstantius esse Panico .

LUPINUS.

Siccior ardescit rudis incultusq; Lupinus.
Hic conviva tibi rustice durus eras.

Lam-

Lumbricis mors est : pleno jecori , atq. lieni.

Et praesentis opis renibus esse solet .

Gratia sit natura tibi . si villicus illum

Non colit , ipse suâ est tutus amaritie .

*plin. lib. 22.
cap. ult.*

pleno] i. e. obstructo jecori. Hinc Lupini frequentiores in cibis colorem hominis exhilarare dicuntur: expugnatis scil. obstructionibus, quæ scedum & tristem colorem inferre solent.

*Rei Rust. l. 2.
cap. 10.*

si villicus illum non colit] Qualitercumq; inquit Columella, Lupinum obruas sustinet coloni negligentiam, suâ ab animalibus omnibus amaritudine tutus. Mitescit autē & amaritudinē deponit cinere & aquâ calidis infusus. qua ratione præparatus apud nonnullas gentes pro bellariis esitatur. Quod mihi in mentem revocat festivissimum Zenonis dictum: qui cum in familiares suos durus & iracundus esset: liberaliter autē potus placidus & lenis fieret, interrogatus, quidnam sic ingenium mutaret? idem sibi accidere respondit, quod Lupinis: qui suâ pte naturâ amarissimi, ubi aquâ macerati sunt, dulcissimi evadunt.

AVENA. LOLIUM. VICIA.

His Viciam, Loliam, & poteram committere Avenas,
Pluraq. quæ nullo terra ferente parit.

Segnia sunt, cultu, neq. carmine digna, nec horto,

Cumq. renascentur nulla ea mensa volet.

Non multum esset laborandum in redenda causa: cur

Plantæ aliæ, nullis hominum cogentibus, ipsæ

Sponte suâ veniant;

si cum Anaxagora sentiendum, ingenita esse aëri rerum semina: quibus cum aqua decedentibus omnia nascantur.

Sed

Sed cùm opinio hæc multis difficultatibus urgeatur ; satis erit pro re nostra dicere , Lolium , cæteraq; frugum vicia melioribus granis aut humidâ cœli intemperie aut soli uligine degenerantibus nasci : ut præclare Plinius, & parentis sui experimento docet Gal. lib. 1. Aliment. cap. ult. Porro Avena duplex est : altera sativa , Græcis *βρώμη* dicta : altera degener , sterilis , & erratica , quæ *αγρίων* appellatur . Quamvis hæc nomina scriptores non raro confundant . Vicia verò proprii generis legumen est : nec nisi proprio semine sata , quod sciam , in nostris regionibus nascitur . Cujus species non ita pridem in Italiam allata grano prorsus candido .

*Hist. Nat.
lib. 18. cap. 17.*

CUCURBITA.

Succi aquei , cursûs rapidiq; Cucurbita , bilem vincit , & iliacum non bene cocta ciet .

Quàm bene grata tamen & cucunq; admixta secundat :

Huic externa magis , quàm sua forma , placet .

Succi aquei] Aqueam Cucurbitæ naturam aptissimè Medici veteres exprimere visi sunt : dum eam , referente Plinio , *aquam coagulata* dixerunt .

*lib. 4. de Re Medica c. 6.
Plinius hic à Fuchso citatur sub nomine Plinii Valeriani.*

cursûs rapidi] Celeris descensûs . Mollit n. ventrem ob substantiæ humiditatem . Ut meritò ridendus videatur Pisanelius : qui Cucurbitas tardè descendere scribit . **cucunq; admixta secundat**] Cucurbitam inter ea recenset Gal. quæ Græcis *ἀνοσι* nuncupantur : suntq; omnis qualitatis expertia . Hæc causâ est , cur rerum omnium , quibus mixta conditaue fuerit , saporem faciliè concipiat .

Cùm verò Cucurbitæ mentio opportuna inciderit , jure meo quodammodo uti videbor , si peregrinam rarissimamq; ejus speciem , quam ante annos ferme XVI om-

nium

nium primus Patavii, fortè etiam in Italia, colui, hìc proposuero. Quam si Tibi, Lèctor candide, tenui rudiq; stylo delineavero, veniam dabis, & ex ipsa potius fructus structura, quàm ex verborum pompa & lenocinio Divini artificis opus admiraberis. E radicibus itaq; longis, tenuibus, pluribus fibris firmatis caulem emittit angulosum, subhirsutum, humiq; procumbentem: qui tamen frequenti ac numeroso capreolorum apparatu proxima quæq; arripiens imbecillitati suæ adminiculum quærit, & in editissima loca sese attollit. Folia promit primo statim exortu gemina, lævia, crassiuscula, in rotunditate oblonga, & à reliquorū forma (quod in omnibus serè plantis observatur) toto cœlo distantia. Quæ n. caulem vestiunt inæquali & anguloso ambitu, quinq; profundis laciniis diviso, ad viniferæ vitis folia proximè accedunt, subhirsuta, aspera, & saturo colore virentia. Ex horum sinu pediculus palmaris exit: qui flores sustinet elegantes, quinque foliorum, aurei coloris: modò plures simul congestos, atq; ordine sese explicantes, sed fatuos, inertes, & eâ ipsâ die inutilitor decedentes: modò singulares, cosq; sæcundos, & cum ipsius fructus rudimento apparentes. hoc quoq; inter eos discrimine: quòd illorum centrum pallidiusculum occupant crispa aliquot foliola, concoloria, saturatiori marginie picturata: horum verò solidus pistillus: qui superius in tres aut quatuor partes fissus globosis capitulis parvos clavos quodâmodo representare videtur. Excrescit inde paulatim fructus in sesquipalmarem longitudinem, ab angustiori collo in ventrem nonihil turgescens: cortice initio viridi, nigris aliquot lineis ab ipso collo ad umbilicum usq; depicto: per maturitatem verò fuscâ & nigricantem flavedinem sensim acquirente. Pulpam intus continet albam,

bam, succosam, innumeris filamentorum plexibus intertextam. Qua tandem absumptâ & colliquatâ simplex remanet & mirabile illud Reticulum, tam solerti naturæ artificio elaboratum; ut nec verbis, me iudice, nec accuratâ pictoris manu representari satis possit. Semina trifulco per longitudinem meatu conduntur, copiosa, lata, albicantia, magnitudine, & figurâ Cucurbitinis prorsus similia, quæ causa fuit, ut Cucurbitarum potiùs, quàm Cucumerum familiæ eam inscribendam censuerim. Quod eo quoq; libentius feci, quia generosus Eques Alphonsus de Andrada, Lusitanus, qui semina ex Arabiæ urbe Mecca, Mehemetis Pseudoprophetæ natalibus infami allata communicavit, Arabibus *Charà be arir* i. e. *Cucurbitam Bombicinam*, ob eam, quam tenuia illa filamenta cum serico crudo similitudinem habent, appellari affirmavit. Quod nomen etiam retinere visum fuit. De hac fortasse Plinius: dum in Ty-

lib. 12. c. 10.

lo sinûs Arabici insula Cucurbitas, maturitate ruptas, ostendere ait lanuginis pilas: è quibus vestes precioso linteo faciant. Nam licet eas mali Cydonii formâ esse prodât, certum est ibi Plinium Mala & Cucur-

bitus perperam junxisse, quæ alibi apertè di-

stinxerat: quod & ab eruditiss. Salma-

sio observatum video. Has quoq;

in stamina, si congruum ac-

cesserit artificium,

duci posse, non

absurdum

vide-


tur.

Exerc. Plin.
pag. 296.

Cucurbita Bomby.
cina Arabica



*Cucurbitæ Bombycinæ Fructus, tum viridis, tum, detracto
cortice, Reticulum tantum exhibens.*



CUCUMIS PARVUS. CITRULLUS.

S I nocet humescens Cucumis, gelidusq; Citrullus,
 ut tremuli ardores cordis odore levet:
 Ne diuturna tamen sit concomitata, caveo,
 Febris, in assiduus si datur esca cibos.
 Hic bilem subigitq; sitim, stomachoq; calenti
 Gratus erit Medici si sapit arte coqui.

CUCUMIS MAGNUS.

G Randior exoritur Cucumis sitientibus agris,
 Humidior, parvo vix tepet iste gelu.
 Sordibus hic patulos reddit quoscunq; meatus:
 Sape venenata sed dapis esse solet.

Vulgares Cucumeres plerisq; Italiae regionibus *Citrinoli* dicuntur. Ad huius vocis imitationem Autor Citrullus eos vocavit. Cucumeris verò Magni nomine Citrullum officinarum intelligit: cujus semina inter quatuor frigida majora censentur, & *Anguria* seu *Cocomero* Italis appellatur, & Græcorum *πέπων* esse creditur. Horum fructuum pravitatem ostendit Gal. lib. de succ. bon. & vit. cap. 8. ubi ex eorum corruptione succum fieri scribit, qui à mortiferis venenis non longè absit. Appositè ergo celebris in Gallia Medicus, cum ex Artis quæstu splendidissimas ædes construxisset, earum postibus hoc carmen inscripsit:

*Cocurges, cocombres, & melons
 Ont fait bâtir ces maisons.*

Casalpini. l. 5.
 de Plant. c. 5.

P E P O.

Quarta tua est sedes, poteras sed primus haberi,
 Cum tepeas, dulci grate liquore Pepo.
 Vesicam & ventrem referas: sed præviis iso,
 Ne tumidus noceas posteriore cibo.

*Quæ gravior tibi noxa tamen? vel perdisa sedes?
 Vel tibi quòd Medici plurima vina negent?*

Dubitant Viri docti, an nostri Pepones Veteribus cogniti fuerint: & si cogniti, qua eos appellatione indigitaerint. Placet illorum opinio, qui *μηλοπέπων* & *σινυέρ σπαραγγίων* esse suspicantur. Videntur autem Veteres cognominasse, quòd inter *σινυός* hi plurima proferant semina, & quæ maximè sint vesica. *plurima vina*] Imò nonnulli à Melonum esu vinum omnino interdiciunt: ne importuno hauſtu rapietur crudus succus in venas: qui sæpe malignis febribus materiam præbere solet.

F U N G I.

Biffenos poteras irritamenta malorum
 Ferre, Liber, Fungos: curas ista coquo.
 Undenos, satis est, subite putredinis ndas,
 Dicere frigentes esse gravesq; nimis.
 Hi tamen inter se cùm distent; Claudius edit
 Conjuge Boletos dante magis nocuos.
 Si placeant, rabidi caveas contagia ferri,
 Cumq; venenatis putrida quaq; locis.
 Quisq; nocet capiti & Stomacho: caligine sensus
 Velat: & est cordi perniosa lues.

Nis, salutiferi medicamina pura falerni

Hanferis, urina vixerit apta via.

Funge vale: genitum nil miror nocte sub una.

Sic properant rapido noxia quæq; pede.

in Alexiph.

Elegantissimè Nicander Fungos *καὶνὸν χθονὸς ζύμωνα* *μα-
lum terra fermentum* vocavit: sive quia, ut inquit Scho-
liastes, *ἀναζυμῶνται ἐξ ὧν μὴ περζόμενα* i. e. ut ego inter-
pretor, *fermenti more intumescunt intus, ni bene coquan-
tur*, unde suffocationis periculum: sive quia terræ suc-
co, quem Plinius pituitam vocat, pluviarum ac solis ope
acescente, & quasi fermentato nascantur. modo non ab-
simili, quo fermento aquâ diluto ad Populi nigra truncos
Fungos, quos Ægiritas vocant, concreescere videmus.

lib. 22. c. 23.

Aliment. l. 2.
cap. 69.

Claudius edit Boletos] Boletos Gal. *ἀβλαβίστατος* *inno-
centissimos* vocavit: quod iis neminem interiisse obser-
vatum sit. Quamvis & ipsi cholera inconcocti nonnullis
attulerint, ut idem testatur cap. 4. de succ. bon. & vit.

in Ludo de
Claud. morte

At Boletus, quo Agrippina Claudium sustulit, veneno,
seu, ut Senecæ verbis utar, medicamentis opiparè con-
ditus erat. Propterea flagitiosissimus Nero Boletos *θεῶν
βρῶμα* *Deorum cibum* per jocum appellare solebat: quod
iis Claudius in Deorum numerum relatus fuisset. &
Martialis Ceciliano suo, coenarum captatori, & Boletor-
um gurgiti summo precatur, ut

Xiphilin in
Claud.

lib. 1. Epigr.
21.

Boletum, qualem Claudius edit, edat.

caveas contagia ferri] Venenati evadunt Fungi, si pan-
ni marcor, si ferri rubigo, si serpentis caverna juxta fue-
rit. Cognoscitur quoq; eorum malignitas livido intus
colore, rimosa striâ, rancido aspectu, pallido per ambi-
tum labro, & quod rustici certissimum indicium prædi-
cant, lento & glutinoso humore ex ipsis emanante.

Quisq; nosces] Ne quis putet sibi ab exitiabilibus tantum
Fungis

Fungis imminere periculum, sciat esculentos quosq; nimiam copiam perniciosos fieri. Quod ego proprio periculo testari possum: qui anno MDCXXXIX die XIV. Octobris cum Fungos, alioquin innoxios (nullienim convivarum nocuerunt) liberalius in cœna ingestissem, præsens vitæ periculum adivi. Quippe sævissimis correptus symptomatibus ac penè suffocatus in multam noctem mortuo similis jacui: actumq; de me procul dubio fuisset, nisi roborata vino Cretico & Mithridaticâ antidoto natura sarcinam deposuisset. Superveniente enim sub auroram diarrhocâ materiæ, supra quam dici possit, foetidissimæ singulari Dei beneficio liber evasi: tanto tamen universi corporis relicto languore, & *avogasiæ*, ut vix sequenti triduo è lecto surgere aut cibum sumere potuerim. Disce igitur, amice Lector, meo exemplo, anceps hoc cibi genus aut omnino ablegare, aut non nisi parvè in mensas admittere.

FUNGUS LYNCURIUS.

Ultimus exposcit primos sibi Lyncis honores
Fungus, honoratas dignus adire dapes.

Ignescit, jecori & renum medicina lapillo

Vesicæq; datur: prandia grata gula.

Quod Lapide est ortus forsan mirabere? mirum

Grandius est Lapidem mox alit ipse suum.

Si quid in tota Simplicium universitate est, quod philosophi contemplationem mereatur, illud certè non in postremis fuerit, effodi è terra Lapides, qui toto ferè anno fecunditate inexhaustâ Fungos ferant. Lynceos seu Lyncurios, quasi è Lyncum urina concretos Lapides vulgo vocant. Ea enim jamdudum inveteravit opinio, Lyn-

Exam. Simpl.
pag. 542.

Lynceſ, hominū uſibus invidentes, egeſtam urinam, terrā operire, quæ ſuccedente tempore vertatur in Lapidem *κρυβέειν* appellatum. Quamvis autem Dioſc. & Plin. id falſum & fabuloſum exiſtiment : & Braſavolus non ſemel à ſe collectam in Leporariis referat terram Lyncum tiri- nā madidam, nihil tamen ex ea concreviſſe; non auſim ea de re hīc quidquam decernere : cū videam graviffimos viros neſcio quem Lapidem ſpongioſum Lyncurii nomi- ne oſtendere . Sufficiat in præſens dixiſſe , Lapidem Fungiſerum, de quo hīc ſermo, legitimum Lyncurium, ſi modò in rerum natura exiſtit, non eſſe. Ut enim cæ- tera omittam argumenta: quis ſibi perſuaſerit unquam, ex Lyncis, animalis non valde magni, lotio Lapides cen- tum & plurium interdum librarum excreſcere. Quibus adde, huiusmodi Lapides effodi pluribus Regni Neapo- litani tractibus: in quibus nullos naſci Lynceſ apud om- nes in confeſſo eſt. Si quid igitur in hiſce vulgi ineptiis con- jicere licet, exiſtimo ego, id nominis Lapidi factum eſſe, quòd optimæ notæ effodiantur ad Collem Pardi, ditionis Procerum Columnenſium, unde celebratiſſimæ Anticoli aquæ derivantur: atq; ex natali loco primūm Lapides Collis Pardi appellatos fuiſſe: inde verò ſeio- lum quempiam ex Pardo Lyncem, & ex Lynce demum Lyncurii nomen ineptiſſimè effinxiſſe. Vel quia Fungi ex eo prodeuntes, crebris illis, quibus ſunt ſparſi, ma- culis, ut mox dicetur, maculati tergora Lyncis quodam- modo referre videantur. Si cui verò conjectura hæc mea non arriſerit, probabiliora ſuo pte Marte inveſtiget. Cæ- terū cū iſtorum Lapidum non vniuſmodi ſit forma & magnitudo, hīc illum Tibi ob oculos ponam, quem à Cl. V. Tobia Aldino, Botanicorum noſtri ſeculi peritiſ- ſimo dono accepi. Eſt autem magnitudine bubuli capi- tis:

tis: cujus etiam figuram non inconcinne refert superficiei asperâ, rugosâ, rimis nonnullis hiulcâ; colore partim intensè nigro, partim dilutiore, & ad cinereum vergente; substantiâ porosâ, pumici non absimili, longè verò ponderosiori: quæ & silicis frustulumita insertum habet, ut connatum esse videatur. argumento quidem non levi, Lapides istos & lento ac glutinoso terræ succo, & adjacens quidlibet inviscante coalescere. Hic pingui terrâ modicè tectus, & tepidâ subinde conspersus Fungos fert suavissimos: figuræ modò rotundæ, modò ovatæ, sæpe etiam inæquali labro, variisq; ac sinuosis anfractibus humanas auriculas æmulantes: colore interdum flavo, interdum dilutè purpureo; semper verò crebris spadicibus vel atrorubentibus maculis asperfos: quæ priusquam obsolescant, non parvam ipsis elegantiam conciliant. Illud porrò admiratione non vacat: quòd scapus, qui ab evulso Fungo lapidi inhæret, sensim induratur, ac eandem cum lapide soliditatem & substantiam acquirit: ita ut Fungus Lapidem & matricem suam, ut ait Poëta noster *alere*, & alimentum, quod accepit, ipsi quodammodo rependere videatur. Cæterum an hujusmodi Fungorum Veteres cognitionem ullam habuerint, non facile erit, me iudice, determinare. Theophrastus quidem in Mari Erythræo Fungos nasci tradit: qui sole tacti ἀπολιθύνται *lapidescant*. At è Lapide Fungos prodire, nondum memini me legere. Quod enim scribit Hermolaus Barbarus, esse ubi Plinius hoc innuerit; ego certè in Auctore illo, quem nō perfuntoriè me legisse profiteor, nihil tale me observasse memini. Evacem autem, quem Pandectarius profert, eruditi pro legitimo nō agnoscunt.

*Hist. plant.
lib. 4. cap. 8.*

*Corollar.
698.*

cap. 447.


ἡ φύσις αὐτῶν ἐρίχθεις τὸ καὶνόν πέδιον.

Fungos concupiscit Lapidofusus ager.

G

Verum

Verùm de huiusmodi Fungorum natura & generatione
 fufius in PARALEIPOMENIS nostris BOTANICIS.
 In quibus præter innumeras ab aliis non descriptas auc-
 pictas Plantas quicquid à cæteris Herbariis cùm in Plan-
 tarum Descriptionibus, tum in earundem Figuris, aut
 oniffum, aut perperam exhibitum est, Deo dante, pro-
 ponemus. Interim illorum imaginem ad vivum expref-
 fam hîc damus : quibus adjunximus Fungos Lapideos,
 quos in Mari Rubro propriis manibus legit inge-
 nuus vir Cœsmus Neriſ Mercator Roma-
 nus : ſub aquis quidem molles, friabiles,
 ac planè fungoſos : ex iis verò
 eductos, ſoliſq; radiis tactos,
 illico lapideſcentes,
 ut ex Theopra-
 ſto ſuperiùs
 retuli-
 mus.



Fungus

Lyncurius





Fungus Lapidus ex Mari rubro.



PANIS FRUMENTACEUS.

DEbita natura tua non modo charita, Libelle,
 Ars petit emeritam, siste parumper, opem.
Viuimus arte: foveat nos in omni tempore Panis:
Nec sapiunt laute, si sine pane, dapes.
Fervet, & artificis curâ conditus amicâ
Fœcundo vincet salgama quæq; cibo.
Pituitam fermenta adimunt huic mixta tenacem:
Sal faciles aditus membra ad alenda dabit.
Ars bona: sic geniti sumus, ut moriamur: amicâ
Tu tamen æternum vivere quaris ope.

Ut nullus est cibus, qui homini magis familiaris sit, quàm Panis; ita quoq; nullum esse arbitror, de quo plura, quàm de illo dici possint. Cui argumento cùm ab aliis abundè satisfactum sit; sufficiet ad Auctoris nostri dilucidationem hæc paucula veluti per synopsis adnotare. Panem omnium alimentorum optimum & saluberrimum esse validissimis argumentis, ratione, & experienciâ deductis probavit Cl. Jo. Dominicus Sala, præceptor meus nunquam satis laudatus Part. I. Aliment. cap. 18. quo Lectorem remitto. Panis autem differentias omnes tum ex farinæ partibus, tum ex præparandi ac coquendi modo accuratè ex Gal. Aegin. alifq; colligit Dod. lib. I. Pempt. 4. cap. 3. ubi singularum etiam vires exponit. Quibus addo ego Parthicum, seu Aquaticum à Plinio ita vocatum, quòd aqua trahatur à tenui & spongiosa ejus inanitate: quem eundem esse puto, qui Patavii *Pan Matto* vocatur.

lib. 18. c. 11.

lib. 2. capp.
 24. & 25.

pituitam fermenta adimunt] i. e. visciditatem & lentorem frumentis ingentum. Notandus igitur Celsi lapsus: qui

qui Panem fermentatum stomacho alienum: Azyumum verò eidem idoneum esse scribit. Gal. enim experientiâ duce, optimum Panem debere congruâ fermenti & salis mixturâ constare ubiq; affirmat. Ut hinc pateat etiam, quàm rectè sanitati suæ consulant, qui Pane planè insulso familiariter uti solent.

geniti sumus, ut moriamur] Non aliâ quidem lege hac luce fruimur, quàm ut naturâ iubente eandem deseramus. Si quid verò est, quod humanæ vitæ curriculum producere possit, id certè est optimus & simplicissimus cibus, qualis est Panis. Quod Gal. comprobare visus est exemplo Antiochi Medici & Telephi Grammatici: qui solo ferè pane contenti illæsis sensibus, membrisq; omnibus integris ad extremi senii metam feliciter pervenerunt.

*lib. 5. de San-
tuen cap 4.*

PANIS NON FRUMENTACEUS.

Q*uid sapiant alii, velles si vendere, Panes
Pistor, ab inscriptis quare Leguminibus.*

Panis non Frumentacei tot constitui possunt varietates, quot sunt materiæ, quæ farinam, aut quid farinæ analogum, præbent. Non enim sola Legumina, ceteraq; Cerealium semina, sed & arborum fructus, imò dulcium, quorundam lignorum scobes, herbarumq; radices apud nonnullos populos in panificia recipiuntur. Alpium incolæ, atq; ubi Castanearum copia suppetit, ex earum farina panem parant. Alibi quoq; cæterarum frugum inopiâ ex Palmulis, ex Sycomori fructu, ex Aquatici Tribuli medulla panes conficiunt, imò quibusdam populis pisces siccati sūt panis loco. Mexicanis populis farinæ & panis materiam præbit domesticæ plantæ radix, quam Hiyncam

Hort. Fernesf.
cap. 2. sect. 3.

Simplic. l. 6.
cap. 16.

cam barbaro nomine appellant. Cujus duas prægrandes quadras mihi dono misit, & pleniorẽ ejus historiam & imaginem ad vivum expressit Cl. V. Tobias Aldinus, Botanicus Pontificius, & Amicus meus omni officiorum genere colendus. Cujus præclaras animi dotes, si pro dignitate recensere vellem, mihi face & viatico opus esset futurum. Sed vel me tacente, frustra; ringentibus zoilis perpetuò loquentur præclara ejus monumenta, quæ edidit, & quæ mox editurus est. Ut enim est Exoticorum Simplicium sedulus, curiosusq; indagator, brevi rarissimas Plantas, aliaq; quæ collegit, publici juris faciet. Sed ut ad rem, unde tanti Viri commemoratio me averterat, redeam, Legumina licet Gal. ea appellari velit, quæ Pani conficiendo sunt inepta, contrarium docuit usus, & duris urgens in rebus egestas, quæ non modò illa, sed viliora & pejora quoq; panificiis non semel accommodavit. Nec possum sine maximo animi horrore meminisse; quod Anno MDCXXIX in extrema illa annonæ caritate, quæ universam penè Italiam afflixit, quibusdam locis usurpatum vidi: miseros nempe rusticos ex tritici, aut etiam melleæ fursure, glandibus, fratribusq; simul pinsitis sibi panes parasse: quorum unum, ceu tantæ calamitatis monumentum, adhuc servo. Unde facillè conjici potest, qualis chymus ex ejusmodi cibo gigni potuerit: ac propterea mirum videri non debet, si mox innumerabiles & lethales morbi subsecuti fuerint: quos tandem excepit funestissima illa Pestilentia, quæ multas Italiæ regiones miserè devastavit. Ut propterea non minùs verè quàm eleganter Græcis in proverbium cesserit,

πρὸς τὸν χιμὸν ὁ νοιμός.

V I N U M.

V Ina bibe, humentes sed sint imitata tepores:
Antiqui calices, nec nova musta placent.

Alba colas: melius referatis postibus intrant
Corpora, & emulcent: sunt Nigra sicca magis.

Si tibi subrubro salientia grata colore
Sunt, modò sint olido munda sapore, bibe.

Corda juvant, vires reparant, subitamq; reportant
Latitiam: modicis sed bibe sumpta cadis.

Dulcia pectus alunt, jecorimala, pessima ventri
Turgidulo: somnos hac veneremq; ferens.

Cacuba fumoso, nimiumq; furentia viro,
Sensibus & stomacho deteriora nimis.

Forstian & Chium expectas grande scq; Falernos?
Sunt mihi pauca malo nec sine rura Capro.

humentes imitata tepores] Vinum, ut in activis calidum esse fatentur omnes; ita de passivis ejus qualitatibus inter Auctores non planè convenit. Fuitq; hoc adeo controversum patrum nostrorum tempestate inter Bartholomæum Gajonum & Antonium Fumanellum magni apud Veronenses nominis Medicos: quorum ille humidum, hic siccum esse contendebat; ut ad arbitros res deferri oportuerit. Electusq; inter alios controversiæ judex Hieronymus Fracastorius Philosophorum & Medicorum illius ævi facilè princeps victoriam Fumanello adjudicavit, latâ hac de re sententiâ, quæ inter ejus opera legitur. Contra quam Consalvus Barreda Hispanus acerrimi ingenii vir pro Gajono doctissimè disputavit. Hujus demum rationes convellere Fumanellus conatus est. Quàm feliciter autem Medici viderint.

de Succ. bon.
& vit. c. 11.

Antiqui calices nova] Vinum vetus plus iusto calefacit. Mustum verò, ait Gal. nil habet boni, nisi quòd album moveat. Quæ conditio si abfuerit, omnibus numeris noxium evadit.

subrubro salientia col.] Qualia sunt *Tiperga* & *Augustana* Patavii nuncupata.

loc. cit.

Cacumba] *Cacubum* non erat peculiaris Vini species: sed in unoquoq; genere optimum & generosum longâ ætate inveteratum Romani, Gal. teste, *Cacubum* vocaverunt.

com. in 3.
de Gist. acut.
tex. 1.

grandessq; Falernos] Falernum veteribus id fuisse putat Brasavolus, quod nunc Romæ *Greco di Soma* appellatur.

lib. 4. c. 134.

Pugnandi autem vim acquireret Vinum, si fidem meretur Diosc. confiro ad Visium radices *Helleboro nigro*. Scribit etiam Phanas Eresius apud Athenum, Mendosæ Macedoniæ populos pendentes in Vitibus Uvas elateriorigare: ideoq; ventrem solvere vinum, quod ex iis fit.

Dipnos. lib. 1.
cap. 23.

VINA AQUATICA.

Calda minùs; sed sunt magis humida *Aquatica Vina*: sè ferat hęc Stomachus, sensibus apta, bibas.

de Dieta
Acut. lib. 3.
tex. 8.

Vinum Aquaticum, quod Græci *ὕδατος* & *ὕδατος* vocant, id Galeno propriè dicitur, quod colore album, substantiâ tenue est: nec ullam earum, quæ cæteris Vinis insunt, qualitatem habet, non acrimoniam, non austeritatem, non dulcedinem, non adstrictionem, non odorem. Huicq; soli datum, ut cum vini tum aquæ mala effugeret: neq; enim adeo frigidum, ut Aqua, est: neq; ut cætera Vina calidum & vaporosum.

A C E T V M.

Ulcera si ventris, vel pectora ladit, Aceti
Commoditas tamen est non sibi parva coque.
Frigore si poteris Nervis nocuisse, rependit
Damna, potest agro si revocare famem.

nervis nocuisse] Acetum non frigore tantum nervis &
exsanguibus partibus insensum est, sed etiam substantiæ
tenuitate, qua in profundas partes ita sese insinuat, ut
ne minimum quidem illarum ejus noxam effugere possit.
revocare famem] E rei natura videtur Germanis dictum
essich ab infinito essen quod est comedere: quod appeti-
tus Aceto rebusq; acetosis in primis acuat.

Gal. de Diet.
Acut. lib. 3.
sec. 32.

S A L.

Nunc riges, antequam fueras Sal: siccas & ardes.
Cur tamen epotus corpora fluxa ciet?
Gratior albus erit, ruber est urentior: omni
Laus: Sale non posito mensa nec olla sapit.

siccas] Argumentum sufficiat eorum, quæ saliantur: quæ
in ligneam interdum duritiem siccati conspiciamus. Hinc
genituram quoq; absumere impensè exsiccando non-
nulli tradiderunt. Quod ut de immoderato usu non ne-
gandum: ita modico & frugali seminalem vim excitari
certum est. Inde Salacitatis nomen deductum putant.
At propterea Ægyptios Sacerdotes, cum vitæ purita-
tem amarent, Sal omne, tanquam nequitiae irritamentum,
aversatos tradit Plutarch. lib. 8. Sympos. quæst. 8.
nec mensa sapit] Jure condimentum Sal appellatum le-
gimus. Cujus olim tanta in mensis religio fuit, ut eas sa-

cras reddere crederetur. Hodie quoq; supersticiosos reperire est, qui ominosum putant, si Sal in mensam effundi contigerit.

L A C.

Dulce sapit: subitò cur Lac putrescit? aquosum est.
 Quod praestat? Capra: post? Ovis: inde? Bovis.
 Cui nocuum? capiti, putridis & febris: ora
 Inficit & dentes: sed bene petus alit.
 Quando bibam? primùm cum sugis ab ubere: somnus
 Huic, moneo, & motus, mixtaq; mensa nocet.
 Tot petis? unum oro: cur in contraria fertur,
 Et modò Lac referat, & modò fluxa tenet.

Gal. lib. 3.
 Alim. cap. 15
 & Simpl. l. 10

praestat? Capra.] Hic est inter Lactis species bonitatis gradus. Caprillum optimum censetur, quia mediæ est consistentiæ, & ad muliebris conditiones proximè accedit: Ovillum pejus, quia crassius: Bubulum pessimum, quia crassissimum.

[nocuum capiti] Vide Gal. sect. 5. Aphor. comm. 64.
 [inficit & dentes] Nil æquè dentibus ac gingivis noxium, ac frequentior Lactis usus. illas enim humidat, hos verò putrefactioni & erosioni obnoxios reddit. Galenus se quendam vidisse asserit, qui diuturno Lactis usu dentes omnes amisit. Propterea consulit, ut sumpto Lacte os primùm melicrato, deinde vino adstringente colluatur. Sic enim gingivæ roborantur: & quod cascosum dentibus adhæsit, abstergitur.

lib. 5. de San.
 tuen. cap. 7.

[cur in contraria fertur,] Quòd ventrem solvat Lac, à Sero habet: quòd eundem sistat, à Caseo. Ut igitur plus aut minus serosum fuerit Lac, sic plus minusve alvum sistet aut ciebit.

subito

subito Lac putrescit] Facile corrumpitur Lac ob partium heterogeneousam naturam. Si tamen à ventriculo probe concoquatur, viscerumq; naturalium transitus faciles & apertos inveniat, vix est reperire salubrius meliusve alimentum. Exemplo sint Philinus ille, quem toto vitæ cursu non alio cibo aut potu, quàm Lacte, usum scribit Athenæus lib. 2. Dipnosoph. cap. 6. & agricola apud Galenum, qui cum solum ferè Caprillum lac sumere consuevisset, centesimum vitæ annum excessit.

loc. cit.

B U T Y R U M.

Lac dabit aërii tibi condimenta Butyri:
Nec mirum, è gelido marmore flamma micat.

Pectora demulcent ventremq; doloribus apta:

Non sunt plura gula, sed satis ista coquo.

pectora demulcent] Quæ pectus leniunt & demulcent, omnis adstrictionis & austeritatis expertia esse debent. Quocirca corruptus censendus est Plinii textus, ubi Butyrum adstringere scribit: quod nempe Gal. expuitionibus aliisq; thoracis affectibus conferre testatur. Optime igitur Mercurialis lib. 1. variar. lect. cap. 6. ex ejusdem Galeni mente pro *adstringere* censet, eo loci restitutum *digerere*.

*Nat. Hist.
lib. 28. cap. 9.*

lib. 10. Simpl.

C A S E U S.

Si calet antiquus siccescens Caseus, humet
Et gelidus novus est: inter utrumq; placet
Si novus impinguat, siccatur vetus: at tamen ambo
Et capiti, & stomacho, pectoribusq; nocent.
Mensa ferat medicum, vel nullum: renibus illi
Sunt nocui & jecori: nil habet iste boni.

Siccatur

siccatur vetus] Acrimoniam & siccandi potentiam acquirit Caseus ab admixto coagulo : quæ eo semper validior evadit , quo ille fit antiquior .

Mensa ferat medium] Non bene sanitati suæ consulunt , qui recentissimos Caseos in deliciis habent ; & qui juxta vulgare proverbium censent , caseum præstantiorem esse , quo Lacti vicinior . Quibus autem notis & indiciis caseum bonum à malo discernas , te docet Gal. lib. 3. Alim. cap. 17.

OLEUM OLIVARUM.

Pingue Oleum mollit ventres , humesq; calenti
Temperie , & pingui fert alimenta cibo .

Hoc sine nil condita sapit lactuca : sed unde hoc ,

Insipidum cum sit deiciatq; famem ?

sed unde hoc] Poterat hoc aliis problematibus adjungi , quæ fusè de Oleo proponit Gal. lib. 2. Simpl. cap. 5. An igitur cibis quibusdam additum Oleum gratiam conciliat , quia pingue & temperatum est , ideoq; excedentes in eis qualitates & sapores corrigere & temperare potest ?

O V A.

Flent leve coëta , tremuntq; & vix cocuntia mandi
Nollent : nata modo , si sapis , Ova bibe .

Humida sunt , celerisq; cibi , flammæq; repentis :

Sed durata time nec requieta velis .

Pectus alunt , tu ssimq; levant , sunt optima rancis .

Insanoq; thoro prandia grata parant .

Sed , monco , hac marcent facile , & tot commoda perdunt .

Sic nihil ex omni parte juvare potest .

Humi-

Humida sunt] De totius Ovi, ac singularum ejus partium temperatura varias & innumeras sententias lege apud Brasavolum comment. in lib. 1. Hipp. de rat. vict. acut. text. 27. ut & varias cocturæ differentias sect. 2. Aphor. comm. 18.

sed durata time] Ova Dura præter plurima alia mala, contumacissimas ventris suppressiones inferunt. Refertq; idem Brasavolus: Monachum quendam ob largum eorum esum, cohibita ex toto alvo diem obiisse. Ego quoq; elapsis annis Patavii Rusticum vidi in Xenodochio D. Francisci simili de causa mortuum.

nec requieta velis] Requieta dixerunt veteres Ova antiqua & jam evanida.

insano thoro] Iis, qui in venerea palæstra strenuè se exercuerunt. Ova enim sorbilia præterquam quòd citissimè nutriunt, fractasq; vires instaurant; venerem quoq; excitare, & genituram augere creduntur. Unde usus obtinuit, ut nouiter nuptis Ova recentia, seu, ut Apulejus *lib. 9. Metam.* loquitur, Gustula manè propinentur.

M E L.

I Gnea vere legas & Mella nitentia succo

Subruffo: hiberno tempore lecta mala.

Dulcia sunt: somnis blandum lenimen & imo

Pulmoni, turgescit athen, illa time.

Hæc stomachum reparant, hæc à putredine foeda

Omnia curantur. gloria magna Apibus.

Sed nihil aut modicum hoc ventri: mirabile majus:

Quod nocet, educunt, quod juvat, illa tenent.

vere legas] Verno Melli primus locus meritò tribuitur.

Constat enim roscidam illam materiam, quam cœli sudorem,

rem, fiderum salivam, purgantifq; se aëris succum elegantissimè vocat Plinius, siquidem pura legi nequit, tunc meliorem esse, cum è coelo cadens optimorum florum doliolis excipitur: indeq; ab Apibus sucta elaboratur. Quod verno tempore contingere nemo ignorat. Accedit Arist. auctoritas, qui lib. 9. Hist. Animal. cap. 41, ubi, cum Mellificii duo tempora constituisse, Ver & Autumnus, ὁ δὲ αὖ, inquit, καὶ λευκώτερον, καὶ τὸ συνόλον κάλλιόν ἐστι τὸ ἐαρινὸν τῷ ματοπαριῷ: *sed vernum suavius, candidius, & omnino præstantius autumnali est.* Nec putes ipsum sibi adversari Philosophum, dum lib. 5. ejusdem operis cap. 21. Autumnale Mel præfert. ibi enim, ut Scalliger notat, de Melle sermonem habet pro alimento foetûs Apum. Incassum igitur locum illum sollicitat Casaubonus: qui Aristotelis mentem non affecutus, pro μέλι τετραῶν, reponendum putat μέλι φέρον.

lib. 1. de An. succo subruſſo] Gal. in optimo Melle colorem ὡχρὸν pal-
sidos. cap. 2. lidum desiderat: Diosc. ὑπόξανδρον subflavum: Arist.
χρυσωδέος aureolum.

Dulcia sunt] Mel ciborum dulcissimum vocavit Gal. de
Gal. lib. 6. atten. vict. rat. c. 12. Sed dantur & Mella amara: quale
est Sardorum, & quod in Ponto super absinthii ab Apibus legitur. Præstantissimum tamen Mel non simplicem
dulcedinem, sed mixtam acrimoniam habere debet.

à putredine] Cadavera etiam ipsa olim condita fuisse legimus. Plinius se vidisse affirmat allatum ex Ægypto ad Claudium Cæsarem Hippocentaurum in Melle. Qui plura hac de re cupit, adeat Laurentium Pignorium Symbolar. Epistolicar. 45.

SACCHARUM.

Sacchara grata magis tibi dulcis arundo ministrat.

Liber adi: nocua nec timeantur Apes.

Cumq; minùs caleant, minimùm siccata videntur.

Omnia chara, mihi sunt meliora nova.

Pectoribus, stomacho frigenti aptissima: Melle

Si minùs abradunt, sunt magis apta gula.

Lac, dulces fructus, Mel, pluraq; dulcia portas:

Nec liber es sapius: plurimia amara tenes.

Pauca admodum de Saccharo à Veteribus prodita sunt:

qui illud tantùm novisse videntur, quod sponte suâ è ca-

lami exsudans folis ope concrefcebat salis in morem.

Unde etiam *Salis Indi* nomine ab *Egineta* appellatum

fuit. Id autem à Saccharo nostro materiâ neutiquam dif-

ferre, ac alii senserunt, doctissimè disputat *Matthiol. lib. 1.*

Epistol. Medic. 14. Quod & nos, Deo dante, alibi ple-

niùs probabimus.

*lib. 2. cap. de
Ling. asperi-
tate.*

C A R O.

Si domini fortasse, Liber, te mensa vocabit,

Inscie ne pecces, ultima mensa tua est.

Quadrupes vario current huc ordine: plumâ

Nobilis huc posita quâq; volabit Avis.

Quadrupedum humidior cibus est: tua portio dextrum

Sis latus: uda tamen, si licet, ossa pete.

Dulcius hac gustum alliciunt: tuus ista tepe scens

Semianimisq; calor concoquet igne levi.

Parva, sapis, vel si mavis lætentia: cedant

Testiculi teneris carnibus ista licet.

Masculus oblectet: fastidit fœmina: pingui

Ferventes nimio subleuat illa cibos.

Externum incocta carni dabit olla liquorem:

Innatum retinent assa tepente foco.

Si te gratus odor volucrum irabet, ita cachinnos

Ne morveas domino simplicitate suâ.

ossa pete] Caro, quæ prope ossa est, sive quia uberiori calore foveatur, sive quia externis injuriis minùs sit exposita, sive quia per motum magis fatigetur, suavior, tenerior, & concoctioni aptior judicatur: ideoq; ab edentulis senibus expeti solet.

vel si majoris lactentia] Caro lactentium animalium tenerima quidem est. at visciditate, lentore, nimiaq; humiditate damnanda.

testiculi teneris carnib.] Non omnium animalium testes laudandi. Taurorum enim Arietum, Hircorum, & similium virosum quid redolent: ideoq; minùs boni censentur. Commendantur Gallinaceorum, præcipuè altilium: de quibus illud potulit Avicenna, quòd tantum nutriend, quantum ponderant.

Si te gratus odor volucrum] Respicit hîc alimenti copiam, non qualitatem. Nam volucrum caro paucissimum quidem alimentum præbet, si ad gressilium conferatur: laudabilius tamen, & quòd faciliùs à calore nostro concoquitur.

CARO PINGUIS, ET SALSA.

E*Xitus est facilis Pingui, & vix nutrit: avari*

Salsa cibi est Caro, ni sepius inde bibis.

ni sepius] Hic videtur sensus. Caro salica ob substantiæ ariditatem ægerrimè conficitur, nisi liberali portu in ventriculo maceretur, & ejus distributio promoveatur.

OCULI. CEREBELLA.

Quadrupedum effodias Oculos, Cerebella Volucrum.
Ida nimis, calidum ni piper addis, erunt.

Plutarchus scriptum reliquit, suo primùm tempore Cerebra in ciborum censum venisse: quæ majores sui abominati fuerant: nec injuriâ. Nauseam enim excitare experientia docuit. Et ideo Gal. vomituris Cerebrum pinguibus conditum summis epulis dari jubet: seriòq; monet, ne iis, qui non appetunt, quos Græci *ἀποσπυγες* appellabant, ullo modo exhibeatur. Volucres Cerebrum habent Pedestrium tanto præstantius, quanto durius.

*Symposiac.
lib. 8. qu. 9.*

*Aliment.
lib. 3. cap. 8.*

UBERA.

Sunt aquea & pluvio si lugent ubera lacte,
Carne minus sapiunt, nec sine lacte placent.

Mamillares Glandulas lacte turgentes Gal. *ὑδρῆα* appellat: crassiq; succi esse ait; sed copiosum & laudabile alimentum præstare, si bene habitum animal fuerit. Hodie inter præcipuas epularum delicias celebrantur Bubulæ & Suillæ à lactentium animalium ventre exsectæ. Quod haud credas novum esse gulæ inventum. Plutarchus enim invehitur in sui temporis ganeones quosdam: qui foetarum scrofarum ventres & mammas virgis cedere solebant: quo caro lacti ac sanguini mixta, & veluti in unum coagulata palato jucundior evaderet.

*de esu car-
niū in princ.*

COLLA. HEPAR.

Colla Jecurq; calens: Collum sed fortius humet.
Gallina, Anser, Anas mollius Hepar habent.

*de Succ. bon.
& vit. cap. 6.*

*Aliment.
lib. 3. cap. 12.*

Id tantum de Collis Avium notat Galenus, quod ventribus & intestinis duriora pejoraq; sunt : nisi quod ob motum excrementis careant. Inter Hepata autem quam maximè extollit Suis multarum carycarum esu saginati : quod Græci *συνετόν* Latini *ficatum* dixerunt. Aliàs omne jecur crassi est succi, & concoctu difficilis.

P E D E S. A L A.

*Aliment.
lib. 3. cap. 20.*

*de succ. bon.
& vit. cap. 6.*

P*Es places Anterior, sed non minùs Ala; tepores
Aërios hæc est non imitata minùs.*

Quadrupedum Pedes anteriores, Aviumq; Alæ, si cum cæteris animalis partibus conferantur, levioris substantiæ faciliorisq; coctionis existimantur. Quod tum cordis viciniæ, tum assiduo motui, quo dictæ partes exercentur, tribuendum : quem tanti fecisse videtur Gal. ut Anserum, imò Struthiocamelorum, quorum carnes, utpote calori nostro vix superabiles, ubiq; damnet, Alas à proborum ciborum censu non rejiciat.

REN. COR. PULMO. LIEN. VENTER.

D*Et Volucrum aërios Renes coquus : ipse Lienem,
Pulmonem, Ventres, siccaq; Corda voret.*

Ex animalium Renibus solos Gallinaceorum præsertim altitium laudat Gal. lib. de succ. bon. & vit. cap. 4. sed nec improbandi aliarum Avium, quæ boni sunt succi.

BOS. VITULUS. TAURUS.

A*ssiduos habeant Visulum tua prandia in usus:
Humida cui sapido juncta sapore caro est.*

Terrea

Terreabilem affert tetræ digesta per annos:

Nunc eme: sic Stomacho fit levis escatio.

Næ tamen incertis natura laboribus erret,

Cogetur pando Bos dare colla iugo.

Spēctet ad exortum solem frons frigida Tauri:

Siccior est: Hyadas si fons, illa sapit.

Humida] Caro Vitulina Bubulæ comparata, humida quidem est, ut juniorum omnium animalium respectu sui generis adultiorum. At si cum Agnina aut Porcellina conferatur, naturâ est siccior, & concoctioni alimentorū; ferendo magis idonea Gal. lib. de succ. bon. & vit. cap. 4.

Hyadas] Hyades stellæ septem sunt in Tauri fronte: quas Veteres, ut ait Festus Pompejus, putantes à Suiibus denominatas esse, modo latinè loquendi Suculas appellaverunt; cum tamen *Hyades* dictæ fuerint *ἀπὸ τῆς ὕειος πληνδο*. Iis enim orientibus & occidentibus tempestates largi; imbres oriri solent. unde pluviae, tristes; nimboe à Poëtis appellantur.

AGNUS. VERVEX.

Agniculus placeat, vel si sine testibus Agnus:

Pinguior est Hædo: cum calet olla, vorex.

Hunc amosi duri per pascua montis anhelet:

Malvero si Auri Vellere dives erit.

vel si sine testibus] Arietes libenter Averrhoi relinquamus: qui eorum carnem optimam esse contendit, primumq; illis post Hædos locum tribuit: videturq; Galenum carpere, quòd Arietinem improbaverit. At Vervicina omnium consensu saluberrima existimatur: ita ut, si quan-

*Colledan.
lib. 5. cap. 32.*

si quando in Italia *Barbarus* grassatur, non alia magis in hominum usum cedat.

cum calet olla] Adscititia olla caliditate carnis humiditas nonnihil temperatur.

H O E D U S. C A P E R.

Hoedulus ad domini saltet, sed frigidus, aras.
Vix calet: ille agris uida alimenta feret.

Cum malè olet, siccat, fit jam Caper improbus: absit,

Et cadat ante focos uictima, Bacche, tuos.

sed frigidus] Cur Hoedinam frigidam comedere debeas, quare ex Galeno comm. in Hipp. 4. de rat. vict. in acut. text. 100. & Avic. lib. 1. Fen. 3. doct. 2. cap. 7.

uida alimenta] De Hoedo idem, quod de Vitulo, iudicium esto. Eodem enim censu utriusque caro habetur à Gal. lib. de succ. bon. & vit. cap. 4.

fit jam Caper] Caper interdum accipitur pro Hirco, seu Caprarum admistrario: propriè tamen marem exsectum significat: quod apertè ex Martiali colligitur lib. 5. Epigr. 71. Cujus carmen, quoniam lepidissimum est, & ad rem nonnihil facit, placuit hìc totum exscribere.

Vite nocens ros à stabat moriturus ad aras

Hircus, Bacche, tuis uictima grata focis.

Quem Tuscus mactare Deo cum vellet Haruspex,

Dixerat agresti forsè rudiq; viro,

Ut citò testiculos poracui à falce secaret,

Teter ut immunde carnis abiret odor.

Ipse super virides aras luètantia pronus

Dum refecat cultro colla, premitq; manu;

Ingens iratis apparuit Hernia sacris:

Occupat hanc ferro Rusticus atq; secat.

Sic

Sic rarus antiquos sacrorum poscere ritus,

Talibus & fibris numina prisca coli.

Sic modo qui Tuscus fueras, nunc Gallus Harnuspe x,

Dum jugulas Hircum, factus es ipse Caper.

S U S. A P E R.

Sus tibi canosofit cœna domesticus ore.

Grataferat nobis mensa hiemalis Aprum.

Ille, licet currat de vertice montis, aquosa

Carnis erit, pluri sed tamen apta cibo.

Hunc feris as, siluag, domant, & inania saxa:

Post melius posita rusticitate sapit.

aquosa carnis] Argumento tibi sit, præter exuberantem animalis pinguedinem, humiditas illa, quæ ex carne, dum torretur, copiosissima extillat.

pluri apta cibo] Imò ciborum omnium, teste Gal. firmissimè nutrit. Propterea Athletæ ad tuendum corporis robor ea ferè uti consueverunt,

*de Atten. viſſo
rat. cap. 8.*

Est autem Suilla Caro humanæ temperamento & sapore quàm simillima. Reperti enim sunt impii caupones, qui hospitibus humanas carnes pro Suillis apponerent: donec tandem in ipso crimine deprehensi tam immanis ac horrendi facinoris debitas poenas darent.

*Gal. Simpl.
lib. 10. cap. de
Sang. Suillæ*

CAPREOLUS. DAMA.

Jam canibus laqueas injungite: jam lacer udam
Tingit humum roseo sanguine Capreolus.

*Hic optata feret nobis fomenta calore
uda leui, modicis moxq, coquenda focis.*

Dama.

Damula adusta magis, si matris ab ubere rapta est:

Huic prior in nostro foris erit orbe locus.

Sunt qui inter feros Quadrupedes Damis & Capreolis
saporis & bonitatis palmam tribuant: idq; ob pernicipita-
tem & inquietos motus: quorum causâ minimum excrc-
mentorum continere eorum carnem verisimillimum est.

BUBALVS.

Bubalus hinc abeat, neve intret prædia nostra.

Non edat hunc quisquam: sub iuga semper eat.

Semel ego Bubalinam carnem comedi: quam adeo len-
tam viscidamq; expertus sum; ut glutinis instar labiis &
palato adhæresceret. Non immeritò igitur Fiera noster
à Cœna sua illam proscripsit.

CERVVS.

Terreus est, volitat sed Cervus: retia tendas,

Ne fugias: nervis, cum tumuere, faveat.

Si vere are nigram bilem, sit captus anhelos

Esca cani: Cordis sed prius Ossa legas.

Ille venenatum poterunt depellere virus.

Sic nihil est penitus, quod sine laude vocas.

nervis, cum tumuere, faveat.] Quid sibi velit Auctor, fa-
teor me non assequi. Ceruinam enim carnem nervis po-
tius officere credendum est: cum nimia copiâ, ut ait Si-
meon Sethi, tremulum & infirmum corpus reddat. Nisi
hoc de ejus medulla & pinguedine peculiariter dictum
intelligamus. Quæ, ut mollientium omnium præstantis-
simæ, induratis contractisq; nervis prodesse possunt.

Cordis

Cordis Offalegas] Andreas Vesalius constanter negat, in Corde reperiri ossream substantiam. Quodq; Ossis è Corde Cervi nomine inter Alexipharmaca commendatur, nihil aliud esse, quàm arteriæ magnæ & veræ arterialis invicem coëuntium radices. Quæ in Cervis siccissimo temperamento donatis tempore ita indurantur; ut costarum quadrupedum cartilagine æmulari videantur. Quidquid ea de re sit: vidi ego apud Joh. Baptistam Vvindterium Medicum Bavarum hujusmodi Os, quod non ossream modò, sed lapideam ferè duritiem referret. Venatores à figurâ *Crucem Cervi* appellant.

*de Hum. corp.
Fabrica lib. 1
cap. 20.*

A D L E C T O R E M.

Longa tibi & forsàn, Lector, mea Cana molesta est:
Ne satur inde vomas, finis ubiq; mihi est.

L E P U S.

Auriti Leporis mihi pulpamenta reponas.
His meus abradi jam didicit stomachus.
Ignea sunt, alvum durant, sed renibus arctas
Et femori norunt hac referare vias.

Juppiter alme datur Lepori si sexus uterq;
Nec fera, nec malus est: omnibus esca places.

Auriti Leporis] Græci, ut grammatici volunt, Leporem λαγὼν appellaverunt ab intensiva particula λα, καὶ τὸ ὄντωρ. Aures quippe grandiores habere videntur, quàm pro corporis magnitudine.

sexus uterq;] Anilibus deliramentis annumerandum puto, Lepores utroq; sexu præditos esse: & mares promiscuo cum foeminis munere utero gestare: quod ab Au-

*de Animalib.
lib. 3. cap. 12.*

*Epist. Medic.
lib. 1. Ep. 7.*

in Xeniti.

Coribus proditum est. Ælianus enim captum fuisse refert Leporem marem: de cuius ventre tres Lepusculi extracti fuerint: qui & lacte nutriti supervixerunt. Cui respondet, quod tradit Langius, captum prope Oelvuangh Cervum ab Henrico Comite Palatino: in cuius ventre hinnulus, membranulis circumseptus inventus sit. Simile quid de Hyæna fabulati sunt Veteres: qui alternis annis inire & initi commenti sunt. Hos arguit Arist. lib. 6. de Hist. Anim. cap. 32. & lib. 3. de gen. animal. cap. 6. Illos venatorum experientissimi: qui nihil tale sibi unquam visum, mihi non semel affirmaverunt: sed Leporibus foeminis interdum nasci ad inguina tumores duos: qui testes quodammodo referre videntur. Et hinc fortassis fabulæ origo.

omnibus esca placet] Cui nempe Martialis inter Quadrupedes gloriam tribuit: eam fortassis ob causam, quod vulgo creditum fuerit, ejus esu homines formosos fieri, ut idem in Gelliam jocatur lib. 5. Epigr. 30.

CUNICULUS.

Credideram Leporem: sic forma simillima fallit.
Ambo superfutans: dente vel aure pares.
Ambo timent: distant tamen: uda Cuniculus affert
Fercula viscosum semi-imitata glutem.
Hunc torre igne tamen. suffossa evertere castra
Betidis audebit, si modo credis, aquis.

*Hist. Nat.
lib. 8. cap. 55.*

Credidera Leporem] Ad Leporum genus etiam Plinius hoc animal refert, quod in Hispania Cuniculum appellatum ait. Ubi ventre exsecutos vel uberibus ablatos foetus, Laurices vocatos, non repurgatis interaneis in delitiis fuisse scribit.

Ambo

Ambo superfatant] Tradit Herodotus solum Leporem lib. 3. cap. 108

ex animalibus brutis superfoetare: aliumq; foetum educare, alium gestare in utero pilis vestitum, alium nudum, alium tantummodò inchoatum. Plinius verò lib. 8. cap.

55. & lib. 10. cap. 63. idem Dasypodi quoq; proprium esse scribit. Verùm an Dasypus à Lepore differat, apud

Auctores controversum invenio. Budæus quidem Plinium iis locis alucinatum credit, dum ea animalia diversa statuit, eo argumento, quòd Arist. Leporem ubiq;

*in Pandæis
lib. antiq. 3. ff.
in partibus
dit. potatur.*

Αασύπιδας vocaverit. Et reverà si universa Arist. opera evolvas, unico tantum in loco lib. 1. Hist. Animal. c. 1.

λεπύς nomen offendes. Quod tamen ab imperito aliquo scriptore è marginali glossmate in textum insertum fuisse, rationabiliter existimat eruditissimus Salmasius Exercit. Plin. pag. 282. Addit Budæus in sententiæ suæ

corroborationem, Terentianum illud *Tute Lepus es*, & *pulpamentum quaris*, non aliunde deductum esse, quàm

*Bunuch. ad.
3. sc. 1.*

ex veteri græco *Αασύπιδας λεπύς ἐπιδουμήν*. Unde concludit Dasypodem & Leporem unum idemq; animal esse. Qui-

bus verò argumentis ductus Christophorus Landinus, qui Plinium Italicæ consuetudini tradidit, Dasypodem

lib. 10. cap. 63.

Taxium verterit, alii perquirant.

suffossa evertere castra] Ex M. Varrone memorat Plinius à Cuniculis suffossum in Hispania fuisse oppidum.

*Hist. Nat. l. 8
cap. 29. & 55*

Et in Balearibus Iusulis tantâ foecunditate crevisse, ut populatis frugibus extremam famem incolis attulerint: qui propterea adversus eos militare auxilium à Divo Augusto petere coacti fuerint.

ERINACEUS.

SI tibi Echinus adest, Stomachum fovet, ilia mollit:

Humet, & urinae membra relaxat enet.

Febris in antiqua cœnâ optatissimus: agris

Antidotum nervis nobile salsus erit.

Scilicet hic morsest Natura: excelsa recondit

Munera. dumosum tot bona tergens habet.

ilia mollit] i. e. ventrem solvit: quod de Terrestri Heri-

*lib. 2. rr. 2.
cap. 239.*

naceo prodit Avicenna. Duplicem enim ejus statuit differentiam: Terrestrum seu vulgarem, & Montanum, quem alii Histricum vocant.

urinae memb. rel. tenet] Prodest eo nomine pueris permejantibus stragula. Quinimo assiduo ejus usu Dysuriam etiam excitari scribit idem Avic. loc. cit. ex quo Auctor ad verbum omnia deprompsit.

GLIRES.

NIl jurat umbrosi latitare cubilibus antri

Glis tibi: vita & mors hic tibi somnus erit.

Nec pingui nocuisse malo: ingeniosa libido

Interdicta gula noxia quæque vorat.

Quanti Veteres in conviviis suis fecerint Glires, abunde Petronius testatus est: dum inter conquistissimas dapes, quibus luxuriosa illa Trimalchionis cœna erat instructa,

*Rei Rust. l. 3.
cap. 15.*

*Hist. Nat. l. 8
cap. 57.*

Glires melle & papavere sparsos recenset. Varro quoque iis saginandis Gliraria construere docet. Eòque pervenit hominum luxus; ut non alio modo, quàm Conchyliis, aut ex alio orbe, ut ait Plinius, advectas aves Censoriæ leges eos cœnis adimere debuerint. Castor Durantes tempe-

*Theaur.
sanit.*

ramen-

ramento talidos & siccos esse scribit, sed errore manifestum. Gal. enim animalia, quæ naturâ frigidiora sunt, *Simplic. lib. 2. cap. 20.* pinguiora omnia esse docet, ut sunt Ursi, Oves, Sues: quæ verò calidiora siccioraq; , gracilia esse, & pinguitudine carere. Pinguissimos autem esse Glires, neminem latere arbitror. Nec obstat, quod *βελίμυρ* laborantibus eorum usus opem ferat. Id enim præstant non caliditate, qua stomachi intemperiem corrigant; sed pinguedine insigni, qua immodicam ejusdem suctionem obtundunt. Adde profundissimum & plusquam veterinosum somnum, quo animal totâ hyeme detinetur, nonnisi frigidi & humidi temperamenti esse indicium. Sed audi quàm eleganter hujus Animalis naturam expresserit Martialis in Xeniiis.

*Tota mihi dormitur hiems: sed pinguior illo
Tempore sum, quo me nil nisi somnus alit.*

GALLUS. CAPUS. GALLINA. PULLUS.

Jam vigil excubitor nos increpat: ocyùs ito,
Jam rubet orta dies, segnis inersq; Liber.
Cedendum est. Lybici Gallum timere Leones:
Omen habet certis in fera bella notis.
Ilia fortè doles, & somnum fessulus oras,
Incocti pingues sint tibi potus aquæ.
Prandia si dederit, Veneris nocumenta protervus
Nesciat: hinc sicca est & malè grata caro.
Sit puer: aut falso Cybeles pro nomine pœnas
Exigat, & posito sit tibi teste Capus.
Sic bene pinguis eris: sic jam dormire licebit:
Et pariet rancia fercula plura gula.

Hæc

Huic Gallina vices, vel si magis humida, primas

Nigra dabit, paritū sit licet impatiens.

Hic cerebrum, veneremq; fovent. minū ignea Pullis

Vis data: sub sicco sint mihi cana cane.

Maxima testiculis positis tibi gloria Galle:

Somno, atq; Veneri gratuses, & Cybeli.

Gallum timuere Leones] Nil decantatius apud Auctores, quàm Gallinaceum Leonibus terrorem incutere: eoq; vel solo cantu & aspectu in fugam conijcere. Hoc scribit Plin. lib. 10. cap. 21. lib. 8. cap. 16. Solin. cap. 29. Ælian. lib. 5. de Animal. cap. 50. aliq; cum Veterum tum Recentiorum quàm plurimi. Quibus mantissæ loco addit Plinius, neq; à Leonibus aut Pantheris attingi, qui jure Galli se perunxerint. Quis non miretur hasce ineptias occupasse tantorum hominum mentes? Vivunt adhuc Paravii quàm plurimi, qui anno M DC XX Leonem viderunt in diversorio Ciconiæ prope publicas Scholas: qui non modò Gallinaceum è proximo loco cucurientem non semel audivit; sed eundem sibi objectum absorpsit veriùs quàm voravit, ne minimo quidem timoris edito signo. Ut hinc discamus non tam pronè nugis istis fidem adhibere. Vulgatissimum præterea est in Gallinaceorum ventre Alethorium gemmam reperiri, crystallinâ specie, magnitudine sabæ. Cujus mirabiles vires recenset idem Plin. lib. 37. cap. 10. & Solin cap. 3. Nescio cur hoc mihi fortuna experimentum inviderit. Sanctè testari possum, me innumeros propemodum Gallinaceos in hunc finem secuisse, & juvenes, & adultos, & decrepitos; nec ullum unquam Lapidis rudimentum aut vestigium invenisse. Habuit tamen in suo Musco eruditissimus Pignorius Alethorii titulo Lapidem, sabâ longè majorem, turbinatæ figuræ, fufum, nulloq; nitore com-

lib. 29. cap. 4.

commendabilem. Ostendit etiam mihi V. Cl. Jacobus Zabarella, Patavii olim Simplicium Professor, Lapillos aliquot varii coloris & figuræ: quos in annosi Capi ventre repertos asseribat. Qui porro an fuerint in illius ventre geniti, an ab eodem cum cibo deglutiti, in re incerta non affirmaverim.

Ilia fortè doles] Ilia Celso propriè dicuntur partes inter coxas & pubem imo ventre contentæ: Græcis *κατόντες*, & *πυλόντες*. Hic verò, ut toto serè hoc Opusculo, Ilium nomine ventrem seu intestina omnia Auctor comprehendit. Quorum dolori, præcipuè Coli, jus Galli potissimum veteris mirificè prodest: quippe quod calefacit, detergit, attenuat, flatu discutit, ventrem solvit, & omnino ea præstat, quæ hujusmodi doloribus pellendis requiruntur. Jus autem ipsum vocat *aquam pinguem* phrasi satis barbarâ: quam puto à Jctorum aliquo mutatum fuisse. Memini enim apud Institutionum Civilium nescio quem Interpretem, inter varias hujus verbi JURIS significationes, hæc formalia legere: *Jus dicitur quoq; aqua pinguis.*

falso Cybeles pro nomine] Sacerdotes Cybeles Gallos appellatos fuisse, nemo cultioribus literis vel parum imbutus ignorat à Gallo scil. Phrygiæ flumine: cujus aqua poti in furorem agebantur, adeo ut sibi ipsis virilitatis testimonia amputarent: quæ deinde condebant subterraneis quibusdam locis sacris ad Cyzicum, quos *καβέλιος* *δαλάμυς* vocat Nicandri Scholiastes in princ. Alexiph.

Nigra dabis] pennarum color in Avibus, non secus ac pilorum in Gressilibus, temperaturæ indicium est. Galinis itaq; albis, tanquā humidioribus præferuntur nigræ. *partus sit licèt impariens.*] Licèt sit junior & nondum pepererit.

Quod

Quod tradunt nonnulli è Volucris solas Coturnices Epilepsiâ infestari, falsum esse non ita pridem deprehendi. Habui enim Gallum, qui frequentissimè eodem morbo corripiebatur. Is cùm in corte sanus vagaretur, imò Gallinam sub vesperam compressisset, paulo post Epilepticus factus mortuus est. Epilepsiâ, ut opinor, in Apoplexiam mutatâ: ut hominibus etiam accidere quandoq; obseruatum est. Rabiei quoq; obnoxios esse Gallinaceos, ex Cælio Aureliano colligere licet.

Deut. Pass.
lib. 3. cap. 9.

A N S E R. A N A S.

A Nser, *Anasq; tibi sit pleno domestica succo;*
Si validi es stomachi: Rustica dura nimis.
Anseribus magis ardet Anas: præstantior Alis.
Est cibus: hæc profunt vocibus & veneri.

Quisquis honoratum jecur ausus mandere primum,
Hic Messalino doctior arte gula.

Anseribus magis ardet Anas] Imò domesticis omnibus Avibus Avicennæ credimus.

l. 2. tr. 2. c. 42.

præstantior Alis] De his superius lemmate P E D E S. A L Æ.

profunt vocib.] An quia, ut scribit Porta, animalia obstrepera, inter quæ Anseres enumerat, homines loquaces reddunt? an verò hoc peculiariter de Alis intelligendum: quæ, ut substantiæ levioris & magis aëreæ, spiritales partes similitudine quadam fovere possunt? Venerem autem non solum Alæ, sed & Anserum Lingua mirificè excitare creditur.

Phylogn. l. 1.
cap. 26.

honoratum jecur] Anserinum jecur inter lautissimas dapes olim habitum, & etiamnum habetur. Crescit in amplam molem, præsertim si Anseres fartilibus saginentur, ut ipso.

Anser.

Anfere, inquit Martialis, majus videatur . Incertum, ait Plinius, Scipio Metellus Vir Consularis, an M. Sesejus *lib. 10. cap. 22* Eq. Romanus tantum bonum invenerit .
Is Messalino] Messalinus Cotta, Messalæ Oratoris filius, gulæ studiosus, si quis alius unquam, fuit : qui Plinio te- *loc. cit.*
 ste palmas pedum Anserum torrere, atq; in patinis cum gallinaceorum cristis condire primus reperit .

IBIS. CICONIA. GRUS.

I Bis in antiquos redeatq; Ciconia luxus,
 Escaq; Pygmæis Grus nocitura suis .
Anguibus Etneo sit pernicioſa vorago
Ventre: graves odi, qua nocere, dapes.
Sas Medicolatum est meriti: si mantica mollis
Intestina lavat; munus ab Ibide habet.
Anguibus sit pernicioſa] Scribit Plinius in Theſſalia ca- *lib. 20. cap. 23*
 pitale fuiſſe Ciconiam occidere : eandemq; legibus pœ-
 nam, quæ in homicidam. Tanta enim ea in regione na-
 ſcitur Serpentum copia; ut niſi à Ciconiis continuò con- *Ariſt. de Ad.*
 ficerentur, incolas ſolum vertere neceſſe eſſet . Ibides *mirandi.*
 quoq; Serpentibus innoxie veſci tradit Solinus cap. 34.
mantica mollis] i. e. Clyſter: cujus inventionem Ibidi
 debemus: quæ roſtri aduncitate, inquit Plinius, per eam *lib. 8. cap. 27.*
 partem ſe proluit, qua reddi ciborum onera maximè ſa-
 lubre eſt: quod & oculatus teſtis Gal. confirmat lib. de
 Sang. miſſ. adverſ. Eraſiſtratum cap. 6. Plutarchus *de Animal.*
 i. e. aquam marinam ad eam purgationem adhibere ſcri- *ſoleria.*
 bit: idq; poſtea imitatos Ægyptios. Qui propterea *Pier. Valer.*
 SALUBRITATIS hieroglyphico Ciconiam roſtro *lib. 17. cap. 20.*
 ſibi partem illam ſollicitantem pingebant.

COLUMBÆ CELLARES.

Cellaris mihi sunt convivium prima Columba,
 Cum fugis hæc nidos ansa volare suos.
 Tunc calidi, humentisq; cibi, facilisq; culina:
 Obtusi nimium prima cruoris eras.
 Condiat hanc Labrusca tamen, dum Sirius ardet,
 Et repleant calidos æria poma ñteros.
 Parce Venus: tanti non sunt tua numina nulli
 Docta nocere, sacras ut tueantur Aves.

*W. Ruff-
 b. l. 8. cap. 8.*

Cellares Columbos Columella vocat, quos Galenus
 nazoinidiss, & nos Domesticos dicimus.
 obtusi cruoris] Succi excrementitii & putredine obnoxii.
 Quo nomine damnantur ab Avic. lib. 2. tr. 2. cap. 133.
 sacras ut tueantur Aves] Qui Veneris. sacris. initiati
 erant, Columbis, tanquam ejus numini dicaris Avibus,
 abstinebant. Quod videtur innuere Martialis in Xenii:
 Ne vires teneras prædare dente Columbas,
 Tradida si Gnidiæ sint tibi sacra Dea.

COLUMBA LIVIA. PALUMBES.

Aridior si te delectat forte Columba:
 Livia, turritâ quæ tibi ab arce cadis.
 Non sapiat Torquatus aminus mihi cara Palumbes,
 Si modo fert malles non diuturna dapes.
 Ni stomacho ignito, sint pulmentaria, nervis,
 Poplitibus agris, cum voluere, fauent.
 Has tere secura, nec sis trepidans ar, ore:
 Offendisse suam jam didicere Deam.

*Hist. Animal.
 lib. 5. cap. 13.*

Theodorus Gaza apud Arist. non addat: Columba
 vertit, conficto nomine à colore livido, qui C

dicatur, & à quo ipsæ *πυλῶδες* nomen sortitæ videntur. Licet verò Livix Columbx sint omnino feræ & agrestes, quæ in montium rupibus nidificant; hinc Liviærum nomine *Turricolas* designare videtur, quæ mitiores sunt, ac mediæ quodammodo naturæ inter Livias & Domesticas. Palumbos verò Torquatos, sic dictos ab albarum plumarum cingulo circa collum, Hispani mutato nonnihil nomine *Palomas Torcaças* appellant, & quibusdam Italiæ regionibus *Colombi di Ghianda*: quod quernis glandibus in primis delectantur.

non diuturna] non annosa.

Offendisse suam Deam] Columbx omnes Veneri sacræ fuerunt. Hoc verò de Torquatis peculiariter dictum puto. Nil aliud enim *Offendisse suam Deam* significari arbitror, quam Veneris stimulos infringere: id quod huiusmodi Avibus Auctores non contemnendi adscribunt. Martialis in Xeniiis:

Inguina Torquatis tardant hebetantq. Palumbi

Non edat hanc volucrem qui cupit esse salax.

Unde Albertus Magnus etymo satis ingenioso Columbos dici ait, quòd lumbos colant: Palumbos verò, quòd lumbis parcant. Quod quidem si verum est, Glandibus, quibus huiusmodi Aves delectari superius retulimus, adscribendum crediderim. Quæ cum virtute refrigerante & impensè exsiccante præditæ sint, quo nomine nec ad feminis generationem, nec ad membri tentiginem quidquam faciant, quin potius diuturnis morborum conditionibus non parum adversentur. Probabiliter eandem facultatem Torquatis imputari

lib. 3. de av.
malis.

PHASIANUS.

Phasida jam vehat Argos Avem. quassata retardat.

Debuerat primo discubuisse thoro.

Illalevis stomacho suaves imitata tepores.

Non volet in mensas, Rustica turba, tuas.

Vix sicca est. Volucrum huic primi debentur honores.

Nec malè, cum fuerit regius ante puer.

Phasida jam vehat] A Phaside Colchidis fluvio primum
in Græciam advectæ sunt hujusmodi Aves, & ab eo for-
titæ nomen Phasiani. Ita enim Martialis:

Argivâ primum sum transportata carinâ.

Ante mihi notum nil nisi Phasis erat.

Aliment. l. 3.
cap. 29.

Illalevi stomacho] Phasianos Gal. & succi bonitate, &
facilitate coctionis Gallinis comparat. Sed neq; in eo
decipitur, dum saporis jucunditate præcellere scribit.

Non volet in mensas, Rustica turba tuas.] Hoc quidem
seriò cavendum est. Rusticos enim eorum esu asthmaticos
fieri gravissimi Auctores prodiderunt.

TURTUR.

Turtur honorabis Domini convivium nostri.

Huic melius sapiens posteriore cibo.

Siccescunt, sed calda magis sua fercula profunt

Sic Domino, ut sapiens hinc magis esse queat.

O' bona Avis: castæ es, sanctæq; dicanda Minervæ.

Hos tamen in venerem luxuriemq; rapis.

posteriore cibo] Subadstringendi facultate quadam præ-
dita est Turturis caro: quo nomine Dysentericis pro-
desse observatum est. Adstringentia autem quæ primâ
men-

menſa alvum ſiſtunt, poſtrema eandem laxant, & concoctionem adjuvant.

sapiens ut eſſe queat] Ex Arabum ſchola effluxit, & principem Averrhoëm habuit opinio hæc, Turturum carnem mirabili proprietate ingenium acuere. Unde quidam *cibum ſapiensum* eas vocaverunt.

*Collect. lib. 5.
cap. 32.*

in venerem rapis] E Columborum genere cum Turtures ſint, & ſimili ferè illis temperamento; ſimili quoque erunt facultate, calefaciente ſcil. & venerem ſtimulante.

P E R D I X.

O *B*ſuit ingenium Perdici. effrena libido
Pernecet, aucupium ni modo fallat Avis.

Grata tepeſcenti, ſtomachum ſiccata, tiquore,

Cor, inmidumque; poteſt prima fovere iecur.

Si timet excelfos, cum ſit levis, illa volatus;

Palladiâ caſus ſervat ab arce ſuos.

effrena libido] Inter cæteras artes, quibus Aucupes Perdices inſidiantur, non incelebris illa eſt, qua libidine eas illiciunt. Alunt enim ſcœminas cicures & canoras: (*παλαιοί* *Alleeſtrices* Græci vocant.) Ad quarum voces Mares libidinis cœſtro convolantes, incidunt in caſes venatorum præda. Salaciſſimas autem eſſe Perdices quotquot de Animalium natura ſcripſerunt Auſtores teſtantur. Imò Athenæus Salacitatis ſymbolum fuiſſe eas memorat. Additque Mares ſcœminis tantum viſis, aut earum voce auditâ, ſemen emittere.

*Dipnoſoph.
lib. 3. cap. 10.*

aucupium ni modo fallas] Mirabilem aſtum, quo Perdices venatorum inſidias eludunt, vide apud Ariſt. lib. 9. Hiſt. Anim. cap. 8. & Plin. lib. 10. cap. 33.

PAVO.

P A V O.

C *Vibene servata nocuit custodia vacca:
Ignea cui flamma est; cui caro lenta putret.
Qui licet oblectet, sitq; in regalibus ingens.
Delicium, pigra nec levis ille dapis.
Si tamen ante alios Pavonem Hortensius edit:
Sic Avis emernit dira salaxq; venus.*

cui caro lenta putret.] Pavonis carnem integrum annum se incorruptam servasse affirmat D. Augustinus lib. 21. de Civit. Dei cap. 4. Aliiq; addunt quadraginta annos repositam non modò non putruisse, sed gratum odorem spirasse, haud secus quàm si aromatibus condita fuisset. Causam tam longæ, *αφραγίας* cum in occultam proprietatem, tum in frigidum siccumq; temperamentum, carnisq; soliditatem refert Cardanus: quorum causâ sic, ut exhaustâ exiguâ humiditate excrementitiâ, qui superest humor pinguis, optimèq; concoctus putredini facilè resistit. Cujus opinio ut in reliquis facilè admitti potest; ita in eo rejicienda, dum frigidum Pavonis temperamentum statuit; omnino repugnante salacissimâ Animalis naturâ.

*de Rer. Var.
lib. 7. cap. 36.*

*Plin. lib. 20.
cap. 20.*

*de Animal.
lib. 5. cap. 21.*

in Xenii.

Pavonem Hortensius edit] Hortensius Orator omnium primus Romæ Pavonem mensis intulit aditiali cœnâ sacerdotii: cùm antea spectaculi tantum gratiâ alerentur. Imò scribit Ælianus, Alexandrum Macedonem, cùm primùm has Aves in India vidisset, illarum pulchritudine motum gravissimas in eos poenas sanxisse, qui illas occiderent. Martialis quidem exclamat:

*Miraris quoties gemmantes explicat Alas:
Et potes hunc servo tradere dure coquo?*

& Eo.

Et Eobanus Hessus libro de Tuend. bona Valetud.

Insulit hunc primus cœnis Hortensius audax :

ut dubites linguâ doctior anne gulâ .

C O T U R N I X.

Sint autumnales crocea tibi pabula lumbo,
Sive Coturnices, sive voces Qualeas.

Sensibus hac mala sunt, tenebrisq; repletiâ suis:

Ventri invisa, malis febribus exitium.

Si tamen ulla tuos circumvolitaveris orbes;

Cœna tibi non sit, sed leve prandiolum.

sensibus hac mala] Comitiali morbo Coturnices tentari, quæ caveis saginantur quotidie docent. Ideo putant quidam earum cibo homines quoq; eidem affectui obnoxios fieri. Quamvis alii contrarium mordicus affirmant. Gal. certè plurimos in Doride, Thessaliâ, Bœotia, & Athenis, qui Coturnicibus largiùs se impleverant, nervorum distensionibus correptos esse scribit. Eamq; assignat causam: quòd Veratro hæ Aves familiariter vescantur. Quo loco observandum, Avicennam pro Veratro *Napellum* scripsisse. Quo unico, ut opinor, argumento Guilandinus apud Lobelum Veratrum nigrum Avicennæ *Napellum* esse existimavit.

Cœna non tibi sit] Celebris & *in idio* adhuc inter Medicos Quæstio est: liberalius ne prandendum sit, an cœnandum. De qua inter cæteras lege Conciliatorem Disser. 121. Cardanum lib. 1. Contradiç. 18. Fuchsum lib. 2. Paradox. cap. 21. Langium lib. 1. Epist. Medic. 55. Videtur Auctor in illorum ivisse sententiam, qui largiùs cœnandum censent. Quasi velit dicere: si tibi Coturnices apponantur, memineris eas prævi esse succi; ideoq; noli

*comm. 5. in 6.
Epidem. text.
85.*

*lib. 2. 17. 20
cap. 50.*

*Observat.
pag. 388.*

noli eas ad satietatem ingerere, quasi cœnaturus : sed parcè & modice, ut in prandio fieri solet.

MERULUS. TURDUS.

S*I mihi pinguis erit Merulus, tna gloria cedat
Turde: saluiferòs vult mea mensa cibos.*

Igneus ardor inest major tibi. sistitis ambo.

Tu gravius redoles, ni tibi bacca favet.

Si tamen aucupiiis, laqueo, vel rete latenti

Falleris, inde mihi non minùs ipse places.

*Hist. Nat.
lib. 10. cap. 74*

*Hist. Anim.
lib. 9. cap. 10*

Jure merito Merulas Turdis sociavit Auctor, quia mutuus, teste Plinio, est inter has Aves amoris & benevolentiae affectus. Quamvis non ignorem, nonnullos ex Arist. pro Turdis Turtures ibi substituere. Cur autem Merulam Turdo prætuleris: cui tamen Martialis, potiorq; gulæ procerum & Medicorum pars inter Aves primas desert, hæc fortassis erit causa: quòd Turdi, ut quidam opinantur, Napello lethaliissimâ herbâ vescantur. Quod & Auctorem credidisse illa verba videntur demonstrare: *saluiferos vult mea mensa cibos*. quasi Turdoseo nomine minus salubres existimaverit.

si tamen aucupiiis Carnes Avium aucupio, retibusq; captarum ob insignem metum, mœrorem, & fatigationem flaccidiores, teneriores, ac suaviore redduntur. id quod telo petitis ob momentaneam mortem non accidit.

A L A U D A.

I*Gnea si Galeata mihi est præpinguis Alauda,*

Sit brevior, ne sit cœna molesta mihi.

Durior alvus eris, sed jus dabit ilia solvens.

Sic malè quod nocuit, sponte juvare solet.

Si Ga-

Si Galeata] Alauda duplex est: Cristata: & Apice carens. Illam Latini Cassitam & Galeritam: hanc simpliciter Alaudam vocant: Græci verò utramq; communi nomine *περδαλὸν*, & *περδαλὸν* quamvis Arist. Cristatam periphrastice *λέγου ἔχουσιν* nominet. Et hujus potissimum in medicina usus est.

*Hist. Anm.
lib. 9. cap. 25.*

ius dabit illa solvens.] Ad colicos dolores eam summo prece commendavit Gal. sed cum proprio jure sumptam: eo fine procul dubio, ut illius ope alvus solvatur. Verùm cum videam lib. de Ther. ad Pisonem cap. 9. eam coctam quoq; ad eundem affectum extollere; persuadere mihi non possum ejus carnem alvum adstringere: cum Colicus Dolor non adstrictione, sed ventris dejectione sanetur. Q. Serenus etiam ad Coli dolorem Avem ipsam simpliciter proponit.

lib. 11. Simpl.

*Cum Colum invisum morbi genus intima carpit,
Mande Galeritam volucrem quam nomine dicunt.*

F I C E D U L A.

Si sapit, & calida arefcit Ficedula, queris
Cur piper & ut melius, si bibis, inde coquas?

Problemati huic ansam præbuisse videtur Martialis in Xenii, Lemmate P I P E R, dum ait:

Cerea quæ patulo lucet Ficedula lumbo

Cum tibi fortè datur, si sapis, adde piper.

Addendum igitur censet piper in solius potûs gratiam. Ficedula enim licet optimi succi ac suavissimi saporis Avicula sit, destituitur tamen nescio qua, ut ita dixerim, gratiâ & lenocinio, quo palatum proritare possit ad potum. Hoc autem additum piper illi conciliat. Unde stimolata stomachi facultas excitatur ad potum: quo cras-

M

fus

Quod tradunt nonnulli è Volucris solas Coturnices Epilepsiâ infestari, falsum esse non ita pridem deprehendi. Habui enim Gallum, qui frequentissimè eo morbo corripiebatur. Is cùm in corte sanus vagaretur, imò Gallinam sub vesperam compressisset, paulo post Epilepticus factus mortuus est. Epilepsiâ, ut opinor, in Apoplexiam mutatâ: ut hominibus etiam accidere quandoq; obseruatum est. Rabiei quoq; obnoxios esse Gallinaceos, ex Cælio Aureliano colligere licet.

*Acut. Pass.
del. 3. cap. 9.*

A N S E R. A N A S.

Ansér, Anasq; tibi sit pleno domestica succo;
Si validi es stomachi: Rustica dura nimis.
Anseribus magis ardet Anas: præstantior Alis.
Est cibus: hæc profunt vocibus & veneri.

Quisquis honoratum jecur ausus mandere primum,
Hic Messalino doctior arte gula.

2. 2. tr. 2. c. 42. Anseribus magis ardet Anas] Imò domesticis omnibus Avibus Avicennæ credimus.
præstantior Alis] De his superius lemme P E D E S. A L Æ.

*Phylog. la. 1.
cap. 16.*

profunt vocib.] An quia, ut scribit Porta, animalia obstrepera, inter quæ Anseres enumerat, homines loquaces reddunt? an verò hoc peculiariter de Alis intelligendum: quæ, ut substantiæ levioris & magis aëreæ, spiritalis partes similitudine quadam fovere possunt? Venerem autem non solum Alæ, sed & Anserum Lingua mirificè excitare creditur.

honoratum jecur] Anserinum jecur inter lautissimas dapes olim habitum, & etiamnum habetur. Crescit in amplam molem, præsertim si Anseres fartilibus saginentur, ut ipso

Anser,

Anser, inquit Martialis, majus videatur . Incertum, ait Plinius, Scipio Metellus Vir Consularis, an M. Sesejus *lib. 10. cap. 12* Eq. Romanus tantum bonum invenerit .

Is Messalino] Messalinus Cotta, Messalæ Oratoris filius, gulæ studiosus, si quis alius unquam, fuit : qui Plinio te- *loc. cit.* ste palmas pedum Anserum torrere, atq; in patinis cum gallinaceorum cristis condire primus reperit .

IBIS. CICONIA. GRUS.

I Bis in antiquos redeatq; Ciconia luxus,
Escaq; Pygmæis Grus nocitura suis .

Anguibus Ætneo sit perniciofa vorago
Ventre: graves odi, qua nocuere, dapes.

Sat Medicolatum est meriti: si mantica mollis

Intestina lavat; munus ab Ibide habet.

Anguibus sit perniciofa] Scribit Plinius in Thessalia ca- *lib. 20. cap. 23* pitale fuisse Ciconiam occidere : eandemq; legibus pœ-

nam, quæ in homicidam. Tanta enim ea in regione na-
scitur Serpentum copia; ut nisi à Ciconiis continuò con- *Arist. de Ad. mirandi.* ficerentur, incolas solum vertere necesse esset . Ibides

quoq; Serpentibus innoxie vesci tradit Solinus cap. 34.
mantica mollis] i. e. Clyster: cujus inventionem Ibidi *lib. 8. cap. 27.* debemus : quæ rostri aduncitate, inquit Plinius, per eam

partem se proluit, qua reddi ciborum onera maximè sa-
lubre est : quod & oculus testis Gal. confirmat lib. de
Sang. miss. advers. Erasistratum cap. 6. Plutarchus *de Animal. solertia.* *αγρ. πλε* i. e. aquam marinam ad eam purgationem adhibere scri-

bit : idq; postea imitatos Ægyptios. Qui propterea *pier. Valer. lib. 17. cap. 20.* SALUBRITATIS hieroglyphico Ciconiam rostro sibi partem illam sollicitantem pingebant.

COLUMBÆ CELLARES.

Cellaris mihi sunt convivio prima Columba,
 Cum fugis hæc nidos ausa volare suos.
 Tunc calidi, humentisq; cibi, facilisq; culinae:
 Obtusi nimium prima cruoris erat.
 Condiat hanc Labrusca tamen, dum Sirius ardet,
 Et repleant calidos æria poma uteros.
 Parce Venus: tanti non sunt tua numina nulli:
 Docta nocere, sacras ut tueantur Aves.

Rui. Rust.
 lib. 8. cap. 8.

Cellares Columbos Columella vocat, quos Galenus
 na[?]oin[?]is, & nos Domesticos dicimus.
 obtusi cruoris] Succi excrementitii & putredine obnoxii.
 Quo nomine damnantur ab Avic. lib. 2. tr. 2. cap. 133.
 sacras ut tueantur Aves.] Qui Veneris sacris initiati
 erant, Columbis, tanquam ejus numini dicaris Avibus,
 abstinebant. Quod videtur innuere Martialis in Xenii:
 Ne vires teneras praduro dente Columbas,
 Tradita si Quidam sint tibi sacra Dea.

COLUMBA LIVIA. PALUMBES.

Aridior si te delectat forte Columba:
 Livia, turritæ quæ tibi ab arce cadit.
 Non sapiat Torquata minus mihi cara Palumbes,
 Si modo fert molles non diuturna dapes.
 Ni stomacho ignito sint pulmentaria; nervis,
 Poplitibus agris, cum voluere, saevient.
 Has tere securo, nec sis trepidantis, ore:
 Offendisse suam jam didicere Deam.

Hist. Animal.
 lib. 5. cap. 13.

Theodorus Gaza apud Arist. non addit Columbas Livias
 vertit, confecto nomine à colore livido, qui Græcis πάλκο
 dici-

dicatur, & à quo ipsæ *πελαῖαι* nomen sortitæ videntur. Licet verò Livie Columbæ sint omnino feræ & agrestes, quæ in montium rupibus nidificant; hæc Liviarum nomine *Turricolas* designare videtur, quæ nitiore sunt, ac mediæ quodammodo naturæ inter Livias & Domesticas. Palumbos verò Torquatos, sic dictos ab albarum plumarum cingulo circa collum, Hispani mutato nonnihil nomine *Palomas Torcaças* appellant, & quibûsdam Italiæ regionibus *Colombi di Ghianda*: quod quernis glandibus in primis delectantur.

non diuturna] non annosa.

Offendisse suam Deam] Columbæ omnes Veneri sacræ fuerunt. Hoc verò de Torquatis peculiariter dictum puto. Nil aliud enim *Offendisse suam Deam* significari arbitror, quàm Veneris stimulos infringere: id quod hujusmodi Avibus Auctores non contemnendi adscribunt. Martialis in Xeniiis:

Inguina Torquatis tardant hebetantq; Palumbi.

Non edat hanc volucrum qui cupit esse salax.

Unde Albertus Magnus etymo satis ingenioso Columbos dici ait, quòd lumbos colant: Palumbos verò, quòd lumbis parcant. Quod quidem si verum est, Glandibus, quibus hujusmodi Aves delectari superiùs retulimus, adscribendum crediderim. Quæ cum virtute refrigerante & impensè exsiccante præditæ sint, quo nomine nec ad feminis generationem, nec ad membri tentiginem quidquam faciant, quin potiùs dictis operationibus non parum adversentur; improbabile non est, eandem facultatem Torquatis quoq; imprimere posse.

*lib. 3. de Ave.
malis.*

PHASIANUS.

Phasida jam uehat Argos Auem. quassata retardat.
 Debuerat primo discubuisse thoro.

Illalevis stomacho suaves imitatus epores.

Non uolet in mensas, Rustica turba, tuas.

Vix sicca est. Volucrum huic primi debentur honores.

Nec malè, cum fuerit regius ante puer.

Phasida jam uehat] A Phaside Colchidis fluvio primùm
 in Græciam aduectæ sunt hujusmodi Aves, & ab eo for-
 titæ nomen Phasiani. Ita enim Martialis:

in Xenii.

Argivâ primùm sum transportata carinâ.

Ante mihi notum nil nisi Phasis erat.

*Aliment. l. 3.
 cap. 29.*

Illalevi stomacho] Phasianos Gal. & succi bonitate, &
 facilitate coctionis Gallinis comparat. Sed neq; in eo
 decipitur, dum saporis jucunditate præcellere scribit.

Non uolet in mensas, Rustica turba tuas.] Hoc quidem
 seriò cavendum est. Rusticos enim eorum esu asthmaticos
 fieri gravissimi Auctores prodiderunt.

TURTUR.

Turtur honorabis Domini convivia nostri.

Huic melius sapiet posteriore cibo.

Siccescunt, sed calda magis tua fercula profunt.

Sic Domino, ut sapiens hinc magis esse queat.

O bona Avis: casta es, sanctæq; dicanda Minervæ.

Hos tamen in venerem luxuriemq; rapis.

posteriore cibo] Subadstringendi facultate quadam præ-
 dita est Turturis caro: quo nomine Dysentericis pro-
 desse observatum est. Adstringentia autem quæ primâ
 men-

mensâ alvum sistunt, postremâ eandem laxant, & concoctionem adjuvant.

sapiens ut esse queat] Ex Arabum schola effluxit, & principem Averrhoëm habuit opinio hæc, Turturum carnem mirabili proprietate ingenium acuere. Unde quidam *cibum sapientum* eas vocaverunt.

*Collect. lib. 5.
cap. 32.*

in venerem rapis] E Columborum genere cum Turtures sint, & simili ferè illis temperamento; simili quoq; erunt facultate, calefaciente scil. & venerem stimulante.

P E R D I X.

O *Effuit ingenium Perdici. effrena libido
Pernecet, aucupium ni modo fallat Avis.*

Grata tepescens, stomachum siccata, liquore,

Cor, tumidumq; potest prima fovere jecur.

Si timet excelsas, cum sit levis, illa volans;

Palladiâ casus servat ab arce suos.

effrena libido] Inter ceteras artes, quibus Aucupes Perdicibus insidiantur, non incelebris illa est, qua libidine eas illiciunt. Alunt enim foeminas cicures & canoras: (*παυροπίας Alletrices* Græci vocant.) Ad quarum voces Mares libidinis cœstro convolantes, incidunt in casses venatorum præda. Salacissimas autem esse Perdices quotquot de Animalium natura scripserunt Auctores testantur. Imò Athenæus Salacitatis symbolum fuisse eas memorat. Additq; Mares foeminis tantum visis, aut earum voce auditâ, semen emittere.

*Dipnosoph.
lib. 3. cap. 10.*

aucupium ni modo fallas] Mirabilem astum, quo Perdices venatorum insidias eludunt, vide apud Arist. lib. 9. Hist. Anim. cap. 8. & Plin. lib. 10. cap. 33.

P A V O.

C *Vibene servata nocuit custodia vacca:
Ignea cui flamma est; cui caro lenta putres.
Qui licet oblectet, sitq; in regalibus ingens.
Delicium, pigra nec levis ille dapis.
Si tamen ante alios Pavonem Hortensius edit:
Sic Avis emeruit dira salaxq; venus.*

cui caro lenta putres.] Pavonis carnem integrum annum se incorruptam servasse affirmat D. Augustinus lib. 21. de Civit. Dei cap. 4. Aliiq; addunt quadraginta annos repositam non modò non putruisse, sed gratum odorem spirasse, haud secus quàm si aromatibus condita fuisset. Causam tam longæ, *αλφαιας* cum in occultam proprietatem, tum in frigidum siccumq; temperamentum, carnisq; soliditatem refert Cardanus: quorum causâ fit, ut exhaustâ exiguâ humiditate excrementitiâ, qui superest humor pinguis, optimèq; concoctus putredini facilè resistit. Cujus opinio ut in reliquis facilè admitti potest, ita in eo rejicienda, dum frigidum Pavonis temperamentum statuit; omnino repugnante salacissimâ Animalis naturâ.

*de Rer. Var.
lib. 7. cap. 36.*

*Plin. lib. 10.
cap. 20.*

*de Animal.
lib. 5. cap. 21.*

in Xenii.

Pavonem Hortensius edit] Hortensius Orator omnium primus Romæ Pavonem mensis intulit adiciali cœnâ sacerdotii: cùm antea spectaculi tantum gratiâ alerentur. Imò scribit Ælianus, Alexandrum Macedonem, cùm primùm has Aves in India vidisset, illarum pulchritudine motum gravissimas in eos poenas sanxisse, qui illas occiderent. Martialis quidem exclamat:

*Miraris quoties gemmantes explicat Alas:
Et potes hunc servo tradere dure coquo?*

& Eo.

Et Eobanus Hessus libro de Tuend. bona Valetud.

*Inulit hunc primus cœnis Hortensius audax:
ut dubites linguâ doctior anne gulâ.*

C O T U R N I X.

Sint autumnales croceo tibi pabula lumbo,
Sive Coturnices, sive voces Qualeas.

Sensibus hæc mala sunt, tenebrisq; repletiâ fuscis:

Ventri invisa, malis febribus exitium.

Si tamen ulla tuos circumvolitat veris orbes;

Cœna tibi non sit, sed leve prandiolum.

sensibus hæc mala] Comitiali morbo Coturnices tentari, quæ caveis saginantur quotidie docent. Ideo putant quidam earum cibo homines quoq; eidem affectui obnoxios fieri. Quamvis alii contrarium mordicus affirmant. Gal. certè plurimos in Doride, Thessalia, Bœotia, *comm. 5. in 6.* & Athenis, qui Coturnicibus largiùs se impleverant, *Epidem. text. 85.* nervorum distensionibus correptos esse scribit. Eamq; assignat causam: quòd Veratro hæ Aves familiariter vescantur. Quo loco observandum, Avicennam pro Veratro *lib. 2. tr. 2. cap. 50.* Napellum scripsisse. Quo unico, ut opinor, argumento Guilandinus apud Lobelum Veratrum nigrum Avicennæ Napellum esse existimavit. *Observat. pag. 388.*

Cœna non tibi sit] Celebris & invidiosa adhuc inter Medicos Quæstio est: liberalius ne prandendum sit, an cœnandum. De qua inter cæteras lege Conciliatorem Disser. 121. Cardanum lib. 1. Contradict. 18. Fuchium lib. 2. Paradox. cap. 21. Langium lib. 1. Epist. Medic. 55. Videtur Auctor in illorum ivisse sententiam, qui largiùs cœnandum censent. Quasi velit dicere: si tibi Coturnices apponantur, memineris eas prævi esse succi; ideoq; noli

noli eas ad satietatem ingerere, quasi cœnaturus: sed parcè & modice, ut in prandio fieri solet.

M E R U L U S. T U R D U S.

Si mihi pinguis erit Merulus, tua gloria cedat
 Turde: salutiferòs vult mea mensa cibos.
 Igneus ardor inest major tibi, sistitis ambo.
 Tu graviùs redoles, ni tibi baccæ favet.
 Si tamen aucupiiis, laqueo, vel rete latenti
 Falleris, inde mihi non minùs ipse places.

Hist. Nat.
 lib. 10. cap. 74

Hist. Anim.
 lib. 9. cap. 20

Jure merito Merulas Turdis sociavit Auctor, quia mutuus, teste Plinio, est inter has Aves amoris & benevolentiae affectus. Quamvis non ignorem, nonnullos ex Arist. pro Turdis Turtures ibi substituere. Cur autem Merulam Turdo prætulervis: cui tamen Martialis, portiorq; gulæ procerum & Medicorum pars inter Aves primas defert, hæc fortassis erit causa: quòd Turdi, ut quidam opinantur, Napello lethaliſſimâ herbâ vescantur. Quod & Auctorem credidisse illa verba videntur demonstrare: *salutiferòs vult mea mensa cibos*. quasi Turdos eo nomine minus salubres existimaverit.
si tamen aucupiiis Carnes Avium aucupio, retibusq; captarum ob insignem metum, mœrorem, & fatigationem flaccidiores, teneriores, ac suaviore redduntur. id quod telo petitis ob momentaneam mortem non accidit.

A L A U D A.

Ignæ si Galeata mihi est præpinguis Alauda,
 Sit brevior, ne sis cœna moleſta mihi.
 Durior alvus erit, sed jus dabit ilia solvens.
 Sic malè quod nocuit, sponte juvare solet.

Si Ga-

Si Galeata] Alauda duplex est: Cristata: & Apice carens. Illam Latini Cassitam & Galeritam: hanc simpliciter Alaudam vocant: Græci verò utramq; communi nomine *περδαλὸν*, & *περδαλίσσα*. quamvis Arist. Cristatam periphrastice *λέγον ἔχουσιν* nominet. Et hujus potissimum in medicina usus est.

Hist. Anim.
lib. 9. cap. 25.

ius dabit illa solvens.] Ad colicos dolores eam summo opere commendavit Gal. sed cum proprio jure sumptam: eo sine procul dubio, ut illius ope alvus solvatur. Verùm cum videam lib. de Ther. ad Pisonem cap. 9. eam coctam quoq; ad eundem affectum extollere; persuadere mihi non possum ejus carnem alvum adstringere: cum Colicus Dolor non adstrictione, sed ventris dejectione sanetur. Q. Serenus etiam ad Coli dolorem Avem ipsam simpliciter proponit.

lib. 11. Simpl.

*Cum Colum invisum morbi genus intima carpit,
Mande Galeritam volucrem quam nomine dicunt.*

F I C E D U L A.

Si *sapis, & calida arefcit Ficedula, quæris
Cur piper? ut melius, si bibis, inde coquas?*

Problemati huic ansam præbuisse videtur Martialis in Xeniis, Lemmate PIPER, dum ait:

Cereæ quæ patulo lucet Ficedula lumbo

Cum tibi fortè datur, si sapis, adde piper.

Addendum igitur censet piper in solius potûs gratiam. Ficedula enim licet optimi succi ac suavissimi saporis Avicula sit, destituitur tamen nescio qua, ut ita dixerim, gratiâ & lenocinio, quo palatum proritare possit ad potum. Hoc autem additum piper illi conciliat. Unde stimolata stomachi facultas excitatur ad potum: quo cras-

M

fus

fus in ventriculo cibus diluitur & veluti maceratur. Liquidiora autem crassioribus melius concoqui, nemo inficiabitur.

P A S S E R.

Ardet & est Passer molli durissimus alvo.
 Si vis esse salax hic cerebella dabis.
 Cūr neget? huic subitam sunt adducētia mortem.
 I Venus hinc, solas nī modō perdis Aves.

Ardet] Damnant pleriq; Medicorum Passeres in cibis, cum propter carnis duritiem, tum propter impensam ejusdem caliditatem. Verū si rem diligenter ad calculum revocemus, non video tantam hisce Avibus inesse caliditatem, ut penitus à salubritate ciborum censu expungendi videantur. Gal. enim. lib. de Ren. Aff. cap. 6. & lib. 6. de San. tuen. cap. 11. *περὶ τῶν πτερύγων Passeres Turricolas* iis alimentis annumerat, quæ mediam inter extenuantem & crassefacientem naturam habent, & quæ Calculorum morbis apprimè conveniunt. At Calculosis non convenire, quæ insigniter calefaciunt, is novit, qui ex Ægineta didicit efficientem Calculorum causam esse *πυρρὸν διέσπασιν τῶν νεφρῶν, καὶ τῶν νεφρῶν, igneam renum & vesica caliditatem. πτερύγας* verò esse, quos nunc communiter & generis nomine *Passeres* vocamus, inter alia comprobare videtur Recentiorum Græcorum appellatio: qui unitis tantum literulæ additamento *πτερύγας* in hanc usq; diem eos nominant.

Diagnosiph.
 lib. 9. cap. 10.

si vis esse salax] Plurimum quidem ad salacitatem ex quorundam sententia faciunt Cerebella, sed non minus reliqua Passerum caro. Terpsicles enim apud Æthenæum, τὸν ἐμπαγόντα τρυφῶν ἐναισθητὸς ἢ ἀποδιδόντα τρυφῶν, *Passeribus* rescentes in venerem proclives fieri scribit. Ob quam

quam salacitatis notam ^{exhibet} apud Hesychium pro libidinoso accipitur. & eadem metaphorâ Membrum, quo viri sumus, Mimographis, teste Pomp. Festo, *Sturneum*, ^{de Verb. signif.} ut & Catullo *Passer* dicitur.

subitam adducentia mortem] Brevissimæ vitæ sunt Passeres: qui nempe negantur anno diutius vivere. Immodicâ enim venere citissimè exhauriuntur. ^{Plin. lib. 10. cap. 36.}

H I R U N D O.

Desceat infandos ingrati Conjugis ausus,
Igniti & nocui cum sit Hirundo cibi.

Cur noceas? dulci modulamine se dat habendam:

Threicios fugiens intrat amica lares.

Multos hodie reperire est, qui Hirundines non comedunt: quod vulgo persuasum habeant, frequentiores in cibis Anginam inferre: quam alioquin in cinerem ustas & cum melle illitas discutere testatur Gal, lib. 11. Simpl.

S T U R N U S.

Sturne peregrinas mendices aridus uvas.
Socratici mensa nolumus esse tua.

Sturnos inter ignobiles Aves etiam ab Antiquis habitos, ac tenuioris fortunæ hominum cibum fuisse, vel ex vno Martiali colligi potest: qui illos *inopes*, i. e. ad pauperum ^{lib. 9. Epig. 55.} mensas ablegandos, appositè vocavit. Nunc quoque nonnullis Italix locis *Sturni Carnem* pro dura & macerrima proverbiali metaphorâ usurpant. Quo respiciens ^{lib. 5. de Hon. Volupt. cap. 2.} Platina, *Sturnos diabolicam carnem habere* scripsit i. e. duram & insalubrem, iisque relinquendam, qui, ut ille ait, *marcupio magis, quam visa consultum volunt.* Quod si de adul-

de San. tuend.
lib. 6. cap. 11.

tioribus & Cicutâ pastis dictum intelligamus ; audiendus est Popinæ magister : si verò de iuvenclis, præsertim qui in montanis degunt & baccis vescuntur ; non hoc illi facile concesserim . Constat enim eorum carnem suavem & tenellam esse , & quæ Turdis de saporis ac bonitatis gratia non multum concedat . Ut propterea Gal. Aviculis boni succi Sturnos etiam annumerare non dubitaverit . Delectantur autem non solum uvis , quibus mirificè pinguescunt ; sed omnis generis baccis , & præcipuè Olivis , quarum pestis exitialissima sunt . Si enim in Olea confederint , noctu oculi olivis totam ferè spoliunt . Ubi namq; ad satietatē illas ingesserunt , avolantes singulitres , duas pedibus , tertiam ore asportant . Propterea Rustici studiosè eos spectris & simulacris terrere solent . Volant autem gregatim & tam conferto ac numeroso agmine ; ut interdum nubis instar soli tenebras offundant . Quod illis à natura inditum volunt , ut adversus rapaces aves sibi mutuò ferant suppetias . Cujus rei mirabile exemplum elapsis annis vidi . Circumventum enim Accipitrem tantâ vi ac impetu invaserunt , ut temporis momento deplumatus proprioq; cruore conspersus in terram deciderit .

AVICULÆ.

Nunc video innumeras & circum rete volutas ,
Crediderim exustas esse Volucriculas .

Has coquus arte parat celebri condire . vocatus

Sum coque : jam venio : tardior olla tua est .

Ne Caput hoc sicco pede præteriremus , annotare placuit , Aviculas , quæ Cypriarum nomine lautiores mensas nobilitant , easdem esse , quas Itali *Rondoni* , Græci , quòd

quòd pedum usu careant, ἀπόδες vocant: ut Nob. Vir Petrus Phlatus, Cyprius, dum eas in convivio nobis exhibuisset, affirmavit.

T E S T U D O.

Indica qua duro cornu Testudo rigeſcit,
Si coquitur, poſito tegmine, mollis eris.
Manſaphthiſin putrem ſolvit, tumidumq; lienem,
Fitq; venenatis vermibus antidotum.
Senſibus exhibita eſt pulmentum nobile: morbum
Tollit & Herculeum: qui dolet ova bibat.
Calda parum humeſcit: fluvios monteſq; peragrat.
An Caro, vel Piſcis ſit, petis? eſt media.

Indica] Poëtico quodam ſchemate & luſu vulgarem ſeu Terreſtrem Teſtudinem Indicam vocavit: ne forte Au-
 ctorem reſpexiſſe putes ad portentofæ magnitudinis il-
 las, quarum ſuperficie cymbas in India fieri & habitabi-
 les caſas tegi, Plinius aliq; Auctores prodiderunt. Tres
 autem ſunt Teſtudium præcipuæ ſpecies, Marina, Palu-
 ſtris ſeu Lutaria, & Terreſtris. Marina cæteris medica-
 mentoſior eſt: Terreſtris cibus magis inſervit, & ad Ta-
 bidos, coſq; qui cibos non ſentiunt ad miraculum uſq;
 celebratur.

lib. 6. cap. 22.
 & 24.

tumidumq; lienem] Joh. Baptiſta Porta eo opere, quod
 Phytognomonica inſcripſit, obſervat, Aquaticam Teſ-
 tudinem parvum à natura lienem obtinuiſſe: indeq; edo-
 ctos homines exiſtimat, extuberantes lienes ejus uſu im-
 minui. Plinius id virium Terreſtri adſcribit.

lib. 32. cap. 4.

venenatis vermibus] Alia editio habet *iſtibus*: utroq;
 modo bene, pro vermibus ſerpentes accipiente Auſtore:
 adverſus quorum iſtus Marinæ exſiccatum ſanguinem
 extollit Nicander.

in Theriacis.

morbum Herculeum] i. e. Comitalem, quo Herculem laborasse memorant: quo affectis Marinarum sanguinem utiliter exhiberi, scribit Plin. quibus etiam excitandis earundem fel naribus illinit.

qui dolet] i. e. stomachum: in cuius doloribus ova forberi idem Plinius tradit loc. cit.

est media] *dupib.*: cui geminus est victus: in terra scil. & aquis.

P I S C I S.

Fert aqueum & fluidum Piscis tibi quisq. errorem.

*Si sit gratus, aquis fluctuet aquoreis,
Littora, saxosas vel si nates impiger undas:*

*Hunc, modo viscosa est ni piruita, cape.
Stans nocet: affatus pascit bene, tardior exit:*

*Sin minus elix pascere, inde eacas.
Erigidulos angit nervos: languentibus agris,*

*Et stomacha humenti, verticibusq. gravis:
Gaudet ventre, gula & cervice. putrescere norunt*

*Hæc citò: languenti est unica canda cibus.
Excipit hunc fervens dum retibus olla, vorato*

Protinus: hinc nosces, quòd Venus orta mari.

Mensa Lupum, Rhombumq. vales? timidusq. rogatur

Mugil? adhuc mediis nat mea cymba vadis.

Fert aqueum] Non injiciat alicui scrupulum Hipp. seu quisquis fuerit Auctor libi 2. de Dieta, Percam aliq. Pisces inter siccissimos enumerans. Quandoquidem aliorum comparatione id intelligendum. Simpliciter enim Piscis omnis naturâ frigidus & humidus est.

Aliment. l. 3. fluctuet aquoreis] Pisces illos maximè commendat Gal. qui degunt in profundo mari, & ventorum procellis agi-

tato

tato : nec aquæ dulci se immiscent. Compertum est enim Pelagios quosdam delectari aquâ dulci, & subire amnes : imò à mari longissimè interdumabire. Et ego non semel comedi Passeres captos in rivulo quodam ad radices Euganeorum : qui à mari triginta milliaribus Italicis minimùm distat .

saxosus] Jure explodendus Celsus: qui Saxatiles Pisces improbi succi esse scribit . Galenus enim cum universa Medicorum schola non solum reliquos omnes succi bonitate ac facilitate coctionis antecellere ; sed nulli alimentorum posthabendos affirmat . Adeo ut febrientibus eos dare non vereatur . Cur autem concoctu faciliores sint, causam reddit Alexand. Aphrodis. l. 2. Probl. 83. *viscosa est ni pinnata*] Ne contingat in Piscium delectu error, monet Gal. non omnibus Saxatilibus eandem esse succi bonitatem. Nam qui prope lacus aut magnorum fluminum ostia stabulantur, humidam magis ac glutinosam carnem habent.

Stans nocet] Stantes Pisces vocat, vel qui inertis & obsecuri sunt motus, vel qui in desidibus aquis aut paludibus, quas *Stantes* vocat Horatius, vivunt. Qui porro quàm insalubres sint, docet idem Gal. loc. cit.

unica cauda] Adeo vegetus est à natura Piscibus Caudæ motus ; ut etiam per quietem eam leviter moveant . Ob assiduum igitur exercitium Caudam eiq; adjacentes optimè nutrire asserit Gal. libro de Ther. ad Pison. cap. 9. Qui verò gulæ magis quàm sanitati student, Ventrem præferunt, proverbio jactantes : *Pisces & Mulieres in medio esse meliores.*

excipit dum retibus olla vorato] Hac nempe ratione Piscis innata flatulentia nihil deperdit : ideoq; validius venerem stimulat .

PISCIS SALSVS.

Igne vis salso est. qui non bene concoquit illum
Non edat, & Bacchus niq; sit apta Ceres.

Eadem proportionem quadam ratio est Piscis Saliti, quæ
Carnis: de qua superius dictum est.

OSTREA. CONCHÆ.

Humescunt omnes Concha: minus Ostrea frigent.
His inflare? salax est tibi causa Venus.

Dipn. lib. 2. cap. 21. minus Ostrea frigent.] Ostrea, quæ Matron apud Athe-
Gal. lib. 3. Alim. cap. 33. næum Maris Tuberâ metaphorâ venustissimâ vocat, om-
nium *symplic. aliquap* mollissimam carnem habent: quæ ut sal-
tiusculum in se succum continent; ita reliquis Testaceis
sunt calidiora.

lib. 2. cap. 26. His inflare?] Hic quoq; notare oportet Celsi lapsum:
qui minimam inflationem ex Conchyliis fieri scribit. cum
unanimes Medicorum consensu constet, inter Piscium ge-
nera Testacea maximè statim gignere: ideoq; tentigi-
nem potenter excitare.

CANCER. GAMMARUS.

Ostipes exoritur gemino sed onustus Asello
Cancer, Hydram mulcens suppositamq; fovet.
Hic mihi in autumno pinguescens, vere vel imo,
Luna magis pleno si rubet orbe sapit.

Gammare flumineâ poteris si vincere caudâ:

Gratior aquoreis sit mihi Cancer aquis.

Tabida pulmonis si putrida membra peragrat

Cum stomacho extergit, sed premis ille meum.

Siccior

Siccior hinc venter durabitur, at dabit amplas,

Cum rubet accensus, renibus ille vias.

Hic tantum Herculeo ne sit timet esca Leoni,

Nascitur extremo commoriturq; pede.

Oetipes exoritur gemino sed onustus a sello] Istorum Siderum seu Imaginum Coelestium situm & positionem, à qua Auctor suum incipit & claudit Epigramma, vide apud Astrologos: quia hæc explicare alienum ab instituto nostro est.

Luna si pleno] Pinguescunt Cancri & Crustacei omnes pisces plenilunio, non quia per id tempus uberiori pabulo utantur, ut quidam crediderunt, sed quia tunc noctes tepidiores habent propter Sideris lucem. Laborant enim testacea omnia, ut ait Arist. per frigus & æstum: ideoq; temporis exuberantiam pati nequeunt, sed temperiem desiderant. Quæ causa est cur autumno & vere pinguiores quoq; evadant, ut Plinius etiam observavit lib. 9. cap. 25.

*de Part. Ani-
mal. lib. 4.
cap. 5.*

L I M A X. C O C H L E A.

F*Rigida mucosum lentorem ponere Limax*

Munda valet. pluri ni gula parcat aqua.

Hac etiam jecori, sed non quia frigida, predest:

Illud ab innata dote superba potest.

Huic grata est natura nimis. Si lumina desunt;

Tentat iter gemino Cochlea corniculo.

lentorem ponere Limax] Cochlea seu Limax viscidum & mucosum succum, quo scatet, longâ iteratâq; coctione deponit. Unde Medici earum jus Tabidis ad radicalis humidi reparationem utiliter exhibent. Ganæ verò studiosi, ne nimîa elixatione saporis gratiam deperdant, so-

N

lent

Varro lib. 3.
Rei Rust.
cap. 14.

lent eas prunis leviter tostas comedere : & interdum adeo duras ; ut vix dentibus atteri possint . Tanta quippe fuit omni ævo quibusdam hujus cibi aviditas , ut Romani luxu planè portentoso eas sapâ & farre saginaverint . Sed ne deessent seculo nostro Gurgites & Hirpini , vivit etiam unum Venetiis , qui Oryzâ eas pascere solet .

sed non quia frigida] Quasi dicat : non manifestis qualitatibus , sed totius substantiæ proprietate cuicumq; jecoris intemperiei opem fert : quod & Gal. lib. 8. de comp. Med. per hoc. cap. 8. testatur .

Plin. lib. 11.
cap. 37.

cap. de Anat.
Oculor.

silumina desunt] Cochleæ Oculis carere creduntur : & eorum vice dedisse eis naturam cornicula ad prætentandum iter . Auctor tamen Libri de Anatomia Vivorum , Galeno adscripti , oculos habere censet in summitate cornuum , quæ ille nervos vocat . Et profectò si periculum feceris , admoto prope digito , manifestum visus sensum deprehendes . Cornicula enim retrahere observabis , etiam si illa non attigeris .

R A N A.

Ultima , sed nostros non accessura lebetes ,

Ni saliat , putris Rana parabat iter .

Nolumus . succi est pluvii & limosa maligni .

Irata est & adhuc ranca coarctat aquis .

lib. 2. cap. 24.

Ranas apud Veteres inter alimenta locum obtinuisse , neq; à Galeno , neq; ab alio memoriæ prodium invenio . Quæ causa forsitan fuit , quòd quidam earum cibum reformidaverint , & ipsas quoq; Palustres venenatas crediderint : quarum tamen decoctionem serpentum omnium alexipharmacum esse Diosc. & Nicander in Theriacis tradiderunt .

Succi

succo pluvii & maligni] Hic quoq; in scenam prodit
 Joh. Baptista Porta, Ranarum carnes, quia laxæ, humi- *Physiogn. lib. 9*
 dæ, & putrefactioni obnoxix sunt, vitæ brevitatem fa- *cap. 4.*
 cere existimans. Cùm ex adverso afferant Viri doctiss.
 eas non solum probum, sed uberrimum alimentum præ-
 bere: eoq; nomine tabidis, & quos Græci *ἀνθρώποι* vo-
 cant, utiliter præscribant.

Nonne verò risu dignum, quod idem Porta scribit, *Eod. opere lib. 2*
 Ranas, quia noctu vocales sunt, efficere, ut arcana quæq; *cap. 16.*
 in somnis revelentur?

A D L I B R V M.

I Bis inepte Liber: ranchos & inania vulgi
Tedia disce pati: non mea, culpa tua est.
 Et Medici & Vates intra sua pulpita nugas
Mille tua tacitè non sine laude legent.
 Poss tamen in triviis damnabere: fabula fies
Publica; sed moneo, tu modo disce pati.
 Hic tua ridebit medicamina, ut ille possim:
 Altereris Vates, cui nec eris Medicus.
 Vade tamen: mitis domini templa ampla subito.
 Huic, satis & super est, si satis esse potes.

A D E U N D E M.

Roma tuum fratrem si fortè, Libelle, reposeat,
 Cui varia & novitas continuata placent:
 Dic: venit, ille herbas & subterranea fodit
 Fessulus: huic durum est, cùm sit onustus, iter.

COENÆ RELIQUUM

AD CONVIVAM.

Tædia si tarda forsan, Conviva, culina,
 Vel quereris junctas non simul ire dapes:
 Turpe agis: apposito lentus discumbis in ostro:
 Me Cilices vexant, Nilus, & omnis Arabs.
 Semianimis montes & rura per ardua curro:
 Hyblai flores, me nemus omne rapit.
 Mitius insurgas, tibi sic convivium profint:
 Debita sitq; tibi Cæna perenne mea.

CINNAMOMUM.

Jam Coquus exposcit redolentia Cinnama: sordent
 Omnia, ni properas, nec sapit esca, Liber.
 Hac oculos, stomachumq; acunt, tremulosq; lacertos
 Sistunt: his sicca est, nec pituita fluit.
 Artubus hæc vires jam torpescuntibus addunt:
 Et jecur, & renes, putreq; pectus alunt.
 Tædia vexata matricis, & ilia tollunt
 Turgida, vesicæ provida languidula.
 Tot bona cum pariant; mentitus credidit aurum
 Posse dare: hinc nimium Cinnama jactat Arabs.
 Cinnamomum regium olim fuit medicamentum. Raròq;
 præterquam in Cæsarum scriniis, ut refert Gal. quod op-
 timum & selectissimum esset, reperiebatur. Ejusq; pre-
 cium in singulas libras fuisse denarium mille Plinius affir-
 mat. quæ summa non multum infra ducentos florenos
 consistit. Unde hodie in tanta illius copia existimant
 non-

de Antidor.
 lib. 1. cap. 13.

lib. 12. cap. 19.

nonnulli Cinnamomum nostrum, quod Cannellam vulgo vocamus, legitimum veterum non esse, sed potius Cassiæ speciem : cujus duplum cinnamomi defectu sumendum monet Gal. libro cit. cap. 14. Si quid verò ex priscorum nominum vestigiis colligere licet, Cannellam nostram à genuino Antiquorum Cinnamomo nullatenus distare affirmaverim. Scribit enim Petrus Taixejre lib. 1. Hist. Persiæ cap. 35. Mercatoribus Sinis Cannellam in hanc usq; diem vocari *Chin-Hamama*; quod est *Hamomum Sinense*. quam quidem appellationem aut ex antiquo nomine : aut hoc ex illa deductum esse, neminem putonegaturum.

NUX MOSCATA.

India Odoratas & crasso rore madentes,
 Cum tamen exurant, dat tibi larga Nuces.
 Hæstomacho, jecori, vitiatospleni, & ocellis
 Subveniunt, brumâ si modo læsa dolent.
 His bene olent, & vix contactâ labella famescunt.
 Vesica his patula est: hæc fluida alvus amat.
 Quàm malè Nux dicta est. matrone nobile munus
 Nux Moscata datur, cui malè vulva tumet.
 brumâ si modo læsa dolent] Si crassis, pituitosis, frigidisq;
 humoribus afficiuntur.
 malè Nux dicta] Nucis nomen, quod à nocendo deductum est, huic malè inditum videtur, quæ plurimis & utilissimis facultatibus prædita est.

Anno MDCXX natam vidi Patavii in Horto Bembiano Nucem Myristicam. Pullulaverat autem octuagesimo quarto à satione die duobus primis foliis rotundis, in caruleo virentibus crassiusculis, suavem & aromati-

maticum odorem halantibus. sed tertium promere parantem subsequens frigus corrumpit.

G A R I O P H Y L U M.

T Orrida si lucus Gariophylla donat, odores
Indicus at tibi det, cur teris ista coquus?
Dejectum reparant stomachum: tenebrosa relucens
Lumina: calfaciunt cor gelidumq; jecur.
Inde volens munus te nobile vincere, cedat
Lutea, & unguiculis sint ea lectatnis.

Lutea] Caryophylla lutea neq; vidi ego, neq; ab aliis observata audiui. Quæ ad nos afferuntur, corticis castaneæ colorem æmulantur: quem ex aqua marina contrahere affirmarunt mihi, qui in Moluccis vixerunt: (solent enim Mercatores, ut à teredinum injuriis diu innoxia ferventur, marinâ conspergere) aliàs, quæ ex arbore collecta reponuntur, intensius nigricare.

P I P E R.

A Rdet, & in nervos, glutinosaq; phlegmata fertur
Sic Piper, ut nullum siccet Aroma prius.
Exacuit stomachum: mollito ventre superbit.
Hoc caveas, fervet si tibi bile jecur.

Corporis huic minime numero laus damna rependis.

Plura movent alvum, mejere paucâ jubens.
siccet aroma prius] Prius & qualitatis intensiorem, & agendi celeritatem hîc significare potest. Nullum enim Aromaticum, quæ cibis condimentum præbent, validiùs siccet, citiùsq; vires suas exerit, quàm Piper.
mollito ventre] Tria Piperis grana seu semina integra vorata, alvum leniter subducere affirmant.

Plura

Plura movent alvum] Ita habent exemplaria omnia impressa, quæ hæcenus vidi: ita etiam habebat MSc. Cl. Pignorii, quod ego totum olim exscripsi, putans ineditum esse Opusculum. Amanuensis tamen oscitantia inversus procul dubio fuit verborum ordo. Legendum enim *Pauca movent alvum, mœjere plura jubent*, ex Arist. scæ. 1. Probl. 44. ubi quæritur cur Piper largè sumptum urinam, parè alvum solvat. Vide Septalium fufissimè ad eum locum differentem.

Z I N Z I B E R.

Ignitum capiti & pituita Zinziber ingens
Antidotum, frigent cùm tua membra, cape.

Huic tamen innatus si non priùs aruit humor,

Vix satis esse potest igne tepente tibi.

Hoc oculis aufert tenebras: huic nuda debent

Omnia, ne putreans Zinziber educit.

Hoc odisse Venus potuit: sed maxima ventri

Commoditas: siccatur, nec minùs ille cacat.

Hoc odisse Venus] Si verum est, Zinziber tentiginem hebetare, id tantùm de sicco, quatenus flatus, ad membrærectionem necessarios, discutit, asserendum. Nam recens, quod saccharo conditum ad nos affertur, coitum non segniter juvare compertissimum est. Sed hæc de re ex professò disputantem lege Cardanum lib. 1. Controvers. 13.

C R O C U S.

Fama vetus taceat: cedant pulmenta Lucullæ.
Cæna coronata est plenior ista Croco.

Hic

Hic Cilices redolent: ignita cacumina florum

Rubra ferunt cordi gaudia summa tuo.

Si mala sunt capiti, seques ducentia somnos.

Illa decor, stomachus, triste q̃, pectus amant.

Si bibit ista vorax poterit torpere palatum:

Jejuna hæc verita est sedula causa famis.

At vencrem oblectant, vulvam refectant q̃, tumentem.

Hæc ede, si risus expetis assiduus.

Cilices redolent] Crocus probatissimus, qui in Cilicia & potissimum in Coryco monte nascitur. unde Coryceo primas tribuit Dioscor.

ignita cacumina florum] Quæ medium floris occupant, flamina, flammei coloris; cum sola medicis & coquinaris usibus inserviant, *ουινδοχμή* Croci nomine insigniuntur.

Quidam tamen Græcis privatim *κρόκος* ea appellari volunt. Quo autem Auctore invenire nondum potui.

noni dicitur aliàs dicuntur fila seu flocci in vestibus prominentes. Unde *κρόκος* floccorum evulsio & collectio,

delirantibus familiaris. Crocidis item ex Apollodoro meminit Plinius; cuius tactu phalangia moriantur.

ducentia somnos] Corollæ etiam ex Croco olim necebantur ad mulcendam crapulam, & conciliandum somnum.

Illa decor] Idem sibi vult Auctor, quod Dioscorides, dum ait elegantem colorem conciliare.

poterit torpere palatum,] i. e. poterit inediau ferre. Crocus enim licet stomachum roboret; deiecit tamen appetitum, ex Avic. lib. 2. tract. 2. cap. 130.

si risus expetis assiduus.] Tantam aliqui tribuunt Crocovi exhilarandi Cor; ut eo liberaliter sumpto scribant homines ridendo exanimari.

Hist. Nat.
ib. 24. cap. 27.

Plin. lib. 21.
cap. 20.

A N I S U M.

Plurimas Anisi grana exarentia pingues,
 Igne pari iliacum solvere crediderim.
 Si stomachus, lumbi, gelidumq; increverit hepar,
 Vesica intumeat, vulva, lien, femora,
 Illa ede, & antiquo vel cor si caumate languet:
 Præsentis dices auxiliatur ope.

Laus numerosa quidem, minimi nec formula fallit:

Pectus & hoc torpens guttur, & alvus amant.
vulva] Ad muliebres affectus peculiari quadam præroga-
 tivâ commendatur: adeo ut Pythagoras apud Plin. olfa- *lib. 20. cap. 17*
 cientes quoq; facilius parere affirmaverit.

antiquo caumate] Per antiquum cordis *καρδια* diutur-
 nam febrem, à crassis & frigidis humoribus ortam intel-
 ligo. Sic nomine *καρμάντιον* apud Hipp. febres nonnullos
 interpretari notat Gal. 7. Aphorif. comm. 13. aliàs quid
 in cordis æstu præstare possit medicamentum, quod Ga- *lib. 6. Simpl.*
 leno teste ad urentium facultatem proximè accedit, non
 video.

minimi nec formula fallit] Minimo nempe semini magnas
 & innumeras dotes natura tribuit. Quo loco notare non
 alienum est, me ante aliquot annos coluisse Anisi speciem
 è Cypro allatam: cujus grana triplo erant vulgari mayo-
 ra: quod Theophrasti *καριάντιον* esse opinatus sum: sic
 fortè appellatum, quòd ejus semina ad Coriandri magni-
 tudinem accedant.

guttur torpens] *στόμαχος ἀνδραγός*. Licet enim superno ven-
 triculi ori propriè indita sit appetendi facultas; non ine-
 prè tamen gula, quam gutturis nomine designat, appetere
 dicitur: cùm eâ potissimùm parte gustus & ciborum sa-

*Hist. plant.
 lib. 1. cap. 18.*

*Dipnos. lib. 1.
cap. 5.*

por percipiatur. Ut non injuriâ Philoxenus ille Dithyrambicus apud Athenæum naturam accusasse videatur, quod sibi gruis collum non indulisset: quo diutius cibi porûsq; voluptate frueretur. Appetentiam etiam præstare Anisum, ob idq; *ἀνισόση* quibusdam vocari Plin. loc. cit. testatur.

Cæterum cum nullus Herbariorum, quos hætenus viderim, Vulgare Anisum ad vivum delineaverit, non ab re visum fuit hic ejus imaginem, quantum fieri potuit, ad naturæ amussim repræsentare. Ex qua observare poteris, inferiora folia, quæ integra & rotundiuscula esse debebant, perperam à Botanographis omnibus profundis laciniis efficta fuisse.



Anisum
Vulgare



C U M I N U M.

Villis & in iussu campestris grana Cumini
 iusta nimis: cultu mitia facta placens.
 Hæc ede ventosi clamas si tormine ventris:
 Et stomachum & lumbos igne minore iuvans.
 Pallida cui grata effigies & buxea cordi est,
 Hæc simulata cohors religioſa voret.
 Illa remolliſſum ſubducere docta lapillum,
 Urina norunt rumpere poſſe vias.
 Si ſinea erodat vel ros tua corda nivalis,
 Illa ede: ruſticitas læſa probanda venit.

cultu mitia] Sativum Cuminum ab Hipp. *καρὰ βασιλῆα*
 i. e. Regium cognominatur: quod nempe cultura natiſſus
 majusq; evadit. Cujus ad tormina præcipuus uſus.
effigies buxea] Non ſine myſterio Chriſtus Servator no-
 ſter ad arguendam Phariſæorum hypocriſin videtur Cu-
 mini meminiffe.

lib. 26. cap. 14

Pallorem enim bibentibus gignere compertum eſt. Sic
 Plinius, Porcii Latronis Rhetoris ſectatores ſimilitudi-
 nem coloris, ſtudii contracti eo imitatos fuiſſe ſcribit.
 Unde Perſius *pallētis grana Cumini* ab effectu appellavit.
Illæde] i. e. ſilveſtria.

Satyr. 5.
 verſo 55.

Ruſticitas læſa] A Ruſticorum indole feſtivum deducit
 epiphonema. Quasi velit dicere: ſi enumeratas utilitates
 conſequi cupis, Agreſte Cuminum non quidem curi aut
 naribus admove, ſed dentibus tere & vora. Ruſtici enim
 non precibus aut blanditiis, ſed minis ſuſtibusq; ad obſe-
 quium cogendi.

S I N A P I.

Vane olitor lacrymas dabis: exarsura Sinapis
 Cura tibi est: miserrima pœna sequetur opus.
Phlegmata, mucosum vel si attenuata lienem,

In caput, & febres ingeniosa poscit:
Pellicere exanimem noris si prouida vuluam,

Soluat & angustis imperet illa locis,
Ing. venenatos fungos victura feratur;

Dira prius lacrymis vult maduisse tuis.
in caput] Non aliud, inquit Plinius, in caput & cere-

brum magis penetrat: à Pythagora propterea maximo in
 precio habitum: inde forsan existimans, mentem ad phi-
 losophandum puriorem reddi.

exanimem vuluam] Strangulatione suffocatam Diosc.

l. 2. c. 146. odore aceto mixto addit Plin. loc. cit.

lacrymis vult maduisse] Similiter Columella lib. 10.

Sej. laceffenti fletum factura Sinapi.

Proprium enim ejus est ciere lacrymas: diciturq; Græcis

σινάπι, ut ait Athen. *ὅτι σινάπι τὰς ὄπας τῇ ὀσμῇ, quia ol-*
factu oculos ledit: & à nomine Sinapi deducit Casaubo-

nus verbum *σινάπῳ*, quod ipsi est *vuluum adduco*, pro-

prium indignantium. Unde olim homines tetrici, tristes,

& *δυόλαστοι*, ac ex Trophonii antro vaticinati *Synapi vi-*
etitare dicebantur.

C O R I A N D R U M.

Ne crasso noceant oculis Coriandra liquore,
 Siccata huc veniant igne referta leui.

Hæc caput inuisâ pressum caligine mensis
Opsat summo:is, hæc fluida alvus amat.

Dura

Dura parum, stomacho tamen optatissima nostro:

Hinc redolens, sicca est, nec putrescens assa caro.

Niliacis præstant si sint delecta sub hortis:

Plura odi, parca sint mihi grata manu.

Sic mea demulcent ardentia corda, nec omnes

Nostra Venus numeros perdet inepta suos.

ne noceant oculis] Vetusissimi Græcorum Coriandrum

καριαννον appellaverunt, quasi καριαννον, καρι το αρβανου

τας καρας ab hebetandis oculorum pupulis. Posteriores ve-

ro καριον απο των καρων, quod scil. foetidissimum & abo-

minandum Cimicum odorem planta virens spiret.

igne referta levi] Galenus l. 7. Simpl. Dioscoridem ar-

guit, quod refrigerantis facultatis Coriandrum esse pro-

diderit: multisq; rationibus probarè nititur, ipsum cale-

facere, & contrariis qualitatibus constare. Recentiorum

verò quidam hac distinctione eos conciliare student. Vi-

rentem Herbam, ut Diosc. placet, refrigerare, largiusq;

sumptam movere mentem, & lethalem etiam fieri: Semen

verò per maturitatem omni frigiditate deposita manife-

stum calorem adipisci. Scribunt tamen Monachi Franci-

scani, qui in Mesuem Censuras ediderunt, Hispanos vi-

rente Coriandro copiosè vesci: nec solum juribus in-

cocto, sed etiam crudo in acetariis: & quidem, ut arbi-

tror, innoxie. Fidem enim me iudice non meretur, quod

illi subdunt: maximam reperiri ea de causa per universas

Hispanias fatuorum copiam. Quisquis enim credit, her-

bam, qua homines dementire observatum fuerit, alios fa-

cile in cibum admissuros, næ fatuus ille magis & amens

consensus est. Admiratione quidem dignum mihi vide-

tur, eos tam execrandum plantæ foetorem non averfari.

Sed hoc fortassis tribuendum peculiari Nationum genio

& consuetudini. Nam & Guzarates aliosq; Indiæ Orien-

talis

*Distinct. 8.
cap. 275.*

talibus populos Afsâ Foetidâ, quæ nostratibus penè animam subverteret, fercula condire, cæq; lebetes & patinas inungere, imò non sapere epulas, quæ tali scitamento fraudantur, testatur Petrus Teixeira Lusitan. lib. 1. Hist. Reg. Pers. c. 6.

Stomacho opatiſſima] Id peculiariter de Coriandro prodit Simeon Sethi: quòd cibos in stomacho tamdiu detinet, quoad probè cocti fuerint.

nec putret caro] Plin. ex M. Varrone, Coriandro subtrito cum aceto carnem incorruptam æstate servari scribit. *Hist. Nat. l. 6 cap. 20.* Quod verò Xenocrates apud eundem tradit, tot diebus sceminarum menstrua cohiberi, quot Coriandri grana præsumperint, curiosis experiundum relinquimus.

F O E N I C U L U M.

Semina si chymo exurunt hortensia duro
 Fœniculi, & sicca non bene sana cibo;
 Torridiora time silvestria, renibus ingens
 Pharmacum, & uxor nobile curriculum.
 Durius è lumbis sunt comminuentia saxum:
 Sint tumido hac femori pabula fœmineo.
 Ride infans: poterit reclusi munera lactis,
 Si viride hortense est, mox revocare tibi.
 Ride infans: molles colubri experientiâ ocellos
 Servari incolumes hoc tibi posse docet.
 Subversum & vento stomachum extendente tumentem
 Equat: in antiquis febribus esca potens.
 Semina si redaperta vigent membra omnia; lotæ
 Gloria radices non minor exhibita est.
 Silvestre Fœniculum Dioscoridi *ἡρώδης* Nicandro
καυὸν μάγειρον vocatur.

se viri

si viride Hortense] Semen quoq, cum ptissana sumptum
iisdem viribus commendat Diosc.

lib. 20. cap. 23. colubri experientia] Fœniculum, inquit Plinius, nobili-
taverè serpentes, gustatu senectam exuendo, oculorumq;
in Theriac.
in princ. aciem succo ejus reficiendo: unde intellectum hominum
quoq; caliginem eo præcipuè levare. Sic & Nicandri
Scholiastes: ἰστέον δὲ ὡς οἱ ἔφουσ ἐν τῷ χαμῶσι τυφλοὶ
γίνονται διὰ τὴν παγνύν: ἐν δὲ τῇ ἔαρι γινώσκονται μακράθω
πάλιν ὁφθαλμοῖσι, καὶ ἀναβλέπουσι. Sciendum porro serpen-
tes hieme ex gelu cæcos fieri: verno autem tempore
gustantes fœniculum visum recipere, & acutè iterum
videre. & paulò post: ὁ χυλὸς τῷ μακράθω ὁφθαλμοῖσιν παρέχει.
ἰδίῳ καὶ οἱ ἀράκοντες ἐ μὲνον ἰδῆσαι αὐτὸ, ἀλλὰ καὶ περιχέουσι
τὸς ὁφθαλμοῖς. Fœniculi succus videndi acumen præstat.
unde serpentes non solum eo vescuntur, sed & oculos
juvant.

A N E T H U M.

NE tua odoratum convivium fallat Anethum,
Igne tuis nervis torminibusq; potens;
Invisum est, moneo, stomacho, nec parcis ocellis:
libera ab hoc pleni munera lactis habent.

nec parcis ocellis.] Natura hoc quoq; nomine prava & si-
nistra mortalius videri potest, quòd Fœniculum &
Anethum, contrariæ prorsus ad oculos facultatis herbas,
tam simili facie donaverit; ut inconsulto gustu alteram ab
altera discernere difficillimum sit.

P A P A V E R.

Lurida Niliacis nigra exsiccata sub hortis
 Pessima, letheum quæ genere Opium.
 Candida sint profugos latura Papavera somnos;
 Ni modo sint oculis noxia turgidulis.
 Lenimen querula tussis, sistencia fluxus
 Quosque, sed in calidis commodiora focis.
 Trita calcescenti superinducenda podragæ
 Profunt; insipida ni gula parcat aqua.

Papaver sic appellatum putat Taubmannus ad Plauti *AB. 5. sc. 2.*
 Epidic. quod papæ i. e. pulticulæ infantum inderetur *in fine.*
 adversus insomniam. Solebant quoque ejus semine olim in-
 spergi panes, *μικρον ὄρε*, seu, ut Athenæus habet, *μικρον ὄρε* *Dipnos. lib. 3.*
 inde appellati. Quorum non solum ad conciliandum som- *cap. 17.*
 num, sed etiam, ut arbitror, ad gulæ delicias usus erat.
 Unde sumptâ metaphorâ Petronius Arbiter elegantem
 & ornatam orationem sesamo & Papavere sparfam dixit.
quæ genere Opium] Ex Papaveris nigri lacryma den-
 batur olim Opium: nostris verò temporibus ex solo fer-
 mē albo præparari solet. Quod cum nigro longè mitius
 sit; fieri arbitror, quod Orientales populi eo ita familia-
 riter & citra noxam uti possint. Scribit enim Bellonius, *Observat. lib. 3.*
 Turcas castra secuturos totas ferè provincias Opio spo- *cap. 17.*
 liare. Ejus nempe usu se audaciores fieri, bellique pericu-
 la minùs formidare sibi certò persuadent. Imò affirmat
 Petrus Teixeira, se quosdam in India vidisse mortuos, *Niss. Pers.*
 quod eos Opium defecisset. At quamvis illos Opium lar- *lib. 1. cap. 6.*
 giter sumere compertum sit; fidem omnem mihi supera-
 re uidetur, quod tradit Garcias ab Orta, Corasone-
 quendam, Nizamaluchi Indiæ Regi à secretis, quotidie

decem & ultra illius drachmas non solum innoxie sum-
fisse, sed ad omnia muneris sui officia obeunda semper
promptum fuisse.

de Anrid.
lib. 1. c. 2.

Teixeira l. c.

Niliacis sub hortis.] Opium, quod ab Ægyptiis peteba-
tur, reliquarum regionum prætulit Galenus. Quem se-
cuti Arabes & Indi in hanc usque diem *Oson Meçerdi*. e.
Opium Ægyptium tanquam præstantissimum commen-
dant.

L A C T U C A.

Cumate in ardentis stomachi Lactuca nivale
Delicium, & somni dulcis alumna veni.
Si modo sit mundus cultor, non lora placebis.

Et prima & grata est, mensa secunda tua est.
Gratior astricto es dum Sirius aestuat orbe;

Sed valeas. si vult gaudia nostra Venus.
somnia dulcis alumna]

Florentinus Græcorum Geoponi-
corum princeps Lactucam etiam stragulis suppositam
somnia conciliare ait. Sed mirare hominis superstitionem:
qui plantam ante solis exortum sinistra manu radi-
citus evelli jubet, ægrisque nescientibus supponi.

& prima] Prima quidem mensa, quia alvum blandè sub-
ducit: quod & Martialis novit.

lib. 11. Epig. 53

Prima tibi dabitur ventri Lactuca movendo
utilis.

postrema verò, quia somnum efficacius conciliat, & quod
nonnulli putant, temulentiam arcet. Ultimo autem lo-
co Veteres eam mensis intulisse idem Martialis in Xenii
testatur.

Sed valeas.] Frigida & humida omnia libidinis cæstrum
obeundunt. Lactuca verò etiam ultra proprii tempera-
mentum

menti vires & peculiari quadam facultate id præstare creditur. Non edat hanc igitur, qui cupit esse salax, & qui liberis operam dare vult. Non solum enim venerem incrementum reddit; sed frequenti usu genitale semen tandem extinguit. Imò, si Simeoni Sethi habenda fides est, filios etiam ipsos ad generandos impotentes reddit. Ut non injuriâ Ibcus Pythagoticus apud Athenæum *ἰβύχου* & *ἀστυδία* eam appellaverit. Inde arbitror Poëtæ fabulatos, Venerem Phaonis amore captam eum inter Lactucas abdidisse, non aliam ob causam, quàm ut ibi à Mitylenæarum mulierum procacitate & indagine securiùs delitesceret: ratam hæud unquam suspicaturas, illam plantâ sibi invisâ dilectissimum puerum occultasse.

Dipnos. lib. 2.
cap. 18.

ENDIVIA. CICHORIA.

Frigida Campestris minùs est, & amarior: hepar
Intyba demulcens: bilis utramq; timet.

Campestris amarior] Silvestre Cichorium ab insigni amaritudine Græci *πικρίδα* vocaverunt. Videtur tamen hoc nomen ad alias herbas transferri. Nam Plinius Lactucæ *lib. 19. cap. 8.* pessimum quoddam genus cum exprobratione amaritudinis Picrida appellatum ait. Unde & in sacris literis, ubi *Exod. cap. 12.* Deus Israëliticum populum nostri Paschatis azymos panes *ἐν τῷ πικρίδαν*, seu ut habet textus hebraicus *nhāl merorim* comedere jubet, B. Hieronymus cum *Lactucis silvestribus* vertit.

BRASSICA.

J Am venias folio Chrysippica Brassica crispo,
 Vel patulo & leni, vel glomerata comas.
 Prima salutifera, & ventrem lenire parata,
 Bullierit modico si tamen igne, placet.
 Omnibus ardor inest, gravior tumet esca secundis.
 Ne capiti noceant vina superba premunt.
 Extumidam referant vesicam, agrumq; lienem,
 Hepar & obstrusum, fæminumq; femur.
 Arida Socraticam pareret ni Brassica bilem,
 Jure erat in morbis omnibus una satis.

folio crispo] Hæ sunt tres præcipuæ & à Veteribus celebratæ Brassicarum species: Crispa, Græcis σικανοειδὴς λατὰ, læui & lato folio: & κισλωτή, quæ vulgo capitata & Glomerata dicitur, Pliniiq; Lacuturris esse creditur. Vocat autem Brassicam Chrysippicam à Chrysippo Medico: qui, Plinio teste, privatim ei volumen dicavit per singula hominis membra digestum.

Prima salutifera] Theophr. quoq; & M. Cato Crispam ceu medicamentosiores cæteris præferunt.

bullierit modico] Constat Brassica diversis ac contrariis facultatibus. Siccanti enim & adstringenti junctam habet aliam nitrosam validèq; abstergentem: quæ cum succo foliorumq; superficiei inhæreat; fit, ut longiori & geminatâ coctione deperdatur. Hinc contrarium sæpè ab illius esu effectum experimur. quippe primum jus, aut ipsa leviter cocta alvum subducit: contrario autem modo eandem sistit. Quod & in Lente observatur.

Omnibus ardor inest] Averrhoës, quem alii sequuntur, frigidam Brassicam esse existimavit. At Medicorum antesigna-

lib. 20. cap. 9.

Hist. Plant.
 lib. 7. cap. 4.

comm. textus
 2.

signanus Gal. calefacere apertè testatur. Libro enim de Salubri Diætâ, ubi de victu hieme congruente; οὐ δὲ, in-

quit, καὶ τῶν ὀσπρίων ἐπιλέγει τὰ θερμαίνοντα καὶ ξηραίνοντα, καθάπερ τὸν φαλὸν. ἀλλὰ καὶ τῶν λαχάνων ὅσα τάντιον ἔχουσι τὸν ἁυαμιν, ὥσπερ ὁ κραιβή: τῶν δὲ leguminibus eliges quæ calefaciunt & exsiccant, ut Lens: ex Oleribus verò quæ-

cunq; eandem habent facultatem, ut Brassica. & Hippo-
crates ante ipsum ^{κραιβή θερμαίνει} Brassica calefacit. Quo-
rum verba eo consilio hîc inferere volui, ut videres, quàm
verè Ludovicus Septalius, doctiss. alioquin & indefessi
studii vir scripserit, Græcorum neminem primarum ejus
qualitatum meminisse.

lib. 2. de Diætâ

Probl. sect. 1.
comm. 17.

vinapremis] ἀνυπόστατον enim esse creditur: & primâ
mensâ sumpta ebrietatem arcere: postremâ verò eandem
discutere. Propterea Sybaritas, antequam potarent,
ejus semine se præmunire solitos scribit Athenæus. Hoc
referunt nonnulli in latentem quandam Brassicæ & Vitis
antipathiam. Observârunt enim rerum naturalium inda-
gatores, Brassicam propè Vitem confitam mox tabesce-
re, aut Vitis sarmenta siccari. Et si Brassicæ, dum coqui-
tur, vinum instilletur, non ampliùs coqui, ejusq; colorem
corrumpi. Vitiari quoq; in dolio Vini saporem ejusdem
foliis demersis. Vineas præterea, in quibus satæ Brassicæ,
languidiùs Vinum ferre: nec improbabile ducunt, easdem
quoq; inimicitias in humano corpore exercere. Aristo-
teles verò, qui rerum causas è naturæ penetralibus quæ-
rit, ideo putat Brassicam ab ebrietate præservare, quia
ejus succus Vinum per alvum & urinam faciliè possit edu-
cere. Sic Vinum dulce caput minùs gravare compertum
est, quia faciliùs per intestina descendit. Sic Absinthium,
Crocus, Allium, Raphanus aliaq; multa ebrietatem ar-
cent, quia urinam liberaliter provocant. Existimârunt

in fin. lib. 1.
Dipnosoph.

Sect. 3. Pro.
bitem. vit.

alii ex Brassica elevari crassos vapores, qui densæ cujusdam nubis instar coërceant Vini spiritum, quo minùs cerebrum tentare possit. Hac ratione oleum ad arcendam crapulam valet, non quia, ut ait Philosophus, urinam moveat, haustusq; vino viam sternat; sed quia ventriculo innatando, non sinat acres Vini spiritus in caput ascendere. modo non ab simili, quo pharmacopolæ succos medicatasq; infusiones affuso oleo diu non evanidas & incorruptas servare solent.

de deco aff.
lib. 3. cap. 7.

lib. 30. cap. 9.

Socraticam bilem] Ita *μελαγχολία* Melancholiam vocat. Socratem enim melancholicum fuisse, & ejus mores à Laertio relati ostendunt, & apertè testatur Arist. sect. 30. Probl. 1. Porro licet Cato Brassicam atræ bili adversari, morbos ex ea sanare constanter affirmet, contrarium asserentem Galenum habemus: qui solam ex Oleribus Brassicam melancholicum sanguinem gignere scribit.

in morbis omnibus una satis] Futura nempè videbatur *πύργον* medicamentum. Quo nimirum solo Pop. Rom. si Plinio credimus, pulsæ Urbe Medicis DCannis adversus morbos omnes usus fuit. Cujus mirabiles & penè innumeras facultates, licet pleraq; nullâ ratione suffultas, fusè prosequitur M. Cato Rei Rust. cap. 156. Et ob cujus multiplices usus puto Menandrum sacramillam appellâsse: non autem quia Teleolides & Epicharmus per eam jurare soliti fuerint, ut censet Athenæus lib. 8. Dipnosoph. cap. 2.

B E T A.

Beta mala est stomacho Viridis vel Nigra: nivali
Rore caput mundat naribus haust a tnum.
Compar eat Malvis: clysteri immixta dolores,
Quos tibi mansa facit, pellere Beta potest.

Viridis

Viridis vel Nigra] Beta Veteribus duplex fuit, Alba, & Nigra. Auctor Viridis nomine Candidam notat à diluto foliorum virore: qui in altera ad atrum magis vergit. Sic & Columella lib. 10.

Deprimitur folio Viridis, pede candida Beta.

Compar eat Malvis] Laxandi facultate, qua utraq; prædita est. *Hist. Nat lib. 19. cap. 8.* Experimentiæ enim non respondet, quod Plinius tradit, Candidis solvi alvum modicè, Nigris adstringi. *Simpl. lib. 2.* Licet enim Nigra, Galeno teste, minùs deterget, & ad strictionis non nihil sit particeps; & ipsam tamen ventrem solvere compertum est.

SPINACHIA.

S*i levioris edas bruma Spinachia, primum*
Ejice jus, succo & dilue amygdaleo.
Sic stomacho minùs irvisa & præcordia & alvum
Mulcent: clamosis commoda pleuriacis.
levioris bruma] i. e. fucci inter Olera innocentioris. Ita enim de Spinachiis censent Arabes: qui ea amygdalino oleo condita in morbis pectoris peculiariter cõmendant.

APIUM. PETROSELINUM.

T*orrentis plures Apii seris inscie plantas,*
Villice, Petrosam vix mea mensa capit.
Et nocuum hoc capiti, & stomacho minùs utile tardo.
Lactuca extremo, si places, adde cibo.
Cura caput nobis prior est: quem phlegmata vexant
Splen, femur, aut renes, vel jecur illud edat.
nocuum capiti] Infentissima capiti sunt omnia Apii genera: & proprietate quadam Eplepsiam gignere creduntur:

tur : opinanturq; nonnulli *σιλίνης* nomen apud Græcos invenisse ἀπὸ τῆς σιλίνης à Luna, quia morbum hunc, qui per quosdam Lunæ circuitus accessiones ut plurimum habere solet, indeq; Lunaticus etiam dicitur, inferre observatum sit. Plinius in puerperis ab esu Apii Comitiales fieri scribit, qui ubera hauriunt. & Arnald. Villanov. prægnantes, quæ frequenter Apio vescuntur, Epilepticos parere. Ut propter eam mirari subeat Galenum, quod in Consilio pro Puero Epileptico Apium & Smyrnum commendaverit : quod etiam à Q. Sereno in ejusdem mali cura propositum legimus.

cap. 19

stomacho tardo] Imbecilli tardeq; concoquenti. aliàs Apium stomacho gratum judicavit Gal. lib. 2. Alim. cap. 52. ubi lactucis misceri ait, ut insipidum earum saporem acuat, simulq; frigiditatem attemperet.

M E N T H A.

Nauseat, ignitam & bene olentem carpere Mentham
Vult stomachus : caput est triste, morare Liber.
Obstruit illa femur, veneri tumefacta parumper

Grata licet : sperma hinc lacve coire nequit.

bene olentem] *ινώλια* etiam cognominavit Oppianus l. 3. *αλινωτικόν*. Odoris autem gratia proprium & antiquum herbæ nomen apud Græcos immutavit. quæ prius enim *μίνθη* dicebatur, *ἡδύσσω* vocaricæpit.

veneri grata] Rebus venereis ineptam esse Mentham Hipp. Aristot. aliiq; scripserunt. At Diosc. Venerem stimulare apertè asserit. Utrumq; fortassis affirmari potest : illud nempe de Silvestri : hoc de Sativa, quam venerem mediocriter stimulare ait Gal. ob flatuosam & semicoctam humiditatem, quam ex cultura sibi adsciscit : qua destitui

hb. 2. Dial.
 Sed. 20. Pro-
 blem. 2.

destitui videtur, quæ in silvestribus crescit.

lac coire nequit] Hæc de Mentha à Veteribus produntur : quòd lacti immixta coire & densari id ampliùs non patiatur : quòd scœminarum locis ante coitum admota conceptum impediât : quòd genitale semen liquet & corrumpat : quòd deniq; ægrè curentur eorum vulnera, quibus ipsa exhibita fuerit. propterea videtur Oppianus *ἰτιανὸν*, & ejus Scholiastes *βοτάνιον* malam & nihili herbam appellâsse.

R U T A.

Singulus acidus pellat, gelidumq; lienem

Ignis suo, umbrosis optima Ruta oculis.

Si femur hanc lascivum odit, rabidumq; venenum,

Discipit hanc nervus cæliacusq; dolens.

Singulus] i. e. ructus acidus, qui ex frigida ventriculi intemperie fiunt.

umbrosis] i. e. caligantibus oculis : in quem finem ejus succus collyriis utiliter miscetur. Ut propterea Plinius

lib. 20. cap. 13.

jure reprehenderit Pythagoram, quòd Rutam oculis noxiam existimaverit : asserens, sculptores pictoresq; visus

acuendi causâ hoc cibo frequenter uti. Non latuit hoc Sulmonensem Vatem, qui *acuentes lumina Rutas* vocavit.

lib. 2. de Re-med. Amor. prope. fin.

lascivum femur] Ruta Græcis *ῥήγανον* dicitur, teste Nicandri Scholiaste, *κατὰ τὸ πρήγασθαι τὸ γυναικῶν, à congelanda genitura.* Ait enim

ἰπασχετὶνὸν ἵνα τῆς σωστικῆς venerem compescere: ideoq; *τὰς μυκμῖνας sacris initiatis eâ uti.*

de San. Juen. lib. 4. cap. 14.

Gal. ad nocturnas veneris imagines ejus foliâ substernit.

rabidumq; venenum] Lethalibus medicamentis auxiliatur : & præsumpta, ut ait Avicen. à venenatis poculis præservat. Scribit quoq; Arist. mustelam cum serpente

lib. 2. tr. 2. cap. 579. Hist. Anim. lib. 9. cap. 6.

Q

dimi-

Rei Ruff.
lib. 1. cap. 24.

dimicaturam Rutæ esu se præmunire : quippe ejus odor serpentibus insensus est. Palladius etiam Rutæ ramulos adversus noxia animalia in columbariis suspendi jubet. *caliacus*] *ναυαγγελινός* pro colico.

Bell. Ind.
lib. 7. cap. 32.

Est autem Ruta mira viuacitatis planta. Tradit enim Flavius Iosephus in Macheruntis Regia Rutam fuisse tantæ proceritatis, ut nulla ficu magnitudine aut crassitudine esset inferior. Quam ab Herodis temporibus durasse fama erat : ulterius etiam duraturam, nisi à Iudæis, qui locum occupant, excisa fuisset.

C A P P A R I S.

*S*olvitur ardenti torpescens flore palatum
Capparis & folio cumq. liene jecur.

ardenti flore] Nostras Capparis secundo calefacientium ordine constituitur. Qui verò in Africa & Arabia nascitur longè calidior esse videtur : quem & pustulas in ore excitare & osse tenus gingivas exedere Diosc. & Plin. scripserunt. Cui non absimile quod in Hodee porico suo Orientali tradit Rudolphus Avantius Eques Rhodius, in Queixome finis Persici Intula non longè ab Harmuzio Cappares ad arboram magnitudinem crescere : cæterum adeo acres & amarus, ut à nullo animalium, præterquam ab aquaticis quibusdam Avibus attingantur. *cum liene*] Efficacissimus quidem est Capparis ad immnuendos extuberantes lienes. Nimis tamen hyperbolicè scriptum à Plinio, ejusdem radice cortice xxxv diebus in vino hausto totum lienem per alvum, & urinam expurgari.

lib. 20. cap. 15.

Zenonem Stoicum refert Laetius per Capparim jurare solitum fuisse. Cujus consuetudinis vestigium quoddam
apud

apud Italos adhuc videtur superesse : qui aliquid cum admiratione aut ironiâ extollere aut affirmare volentes, etiamnum hanc vocem *Cappari* usurpare consueverunt.

B O R A G O.

S *I tibi Buglossa est succi & Borago tepentis ;*
Letus eris, siccum nec tibi pectus erit.

Quam vulgo Boraginem dicimus Veterum Buglossum esse à doctis. viris satis superq; probatum est. M. Cato voce Romanâ Linguam Bubulam vocat : & Apulejus apud

Lucanos Coraginem appellari ait : quòd Cordis affectibus, ut quidam existimant, opem ferat. Nisi malimus apud Apulejum Coriaginem legere : fortè quia ad Boum Coriaginem ejus esset usus. Est autem Coriagio, Columella teste, morbus, cum pellis ita Boum tergori adheret; ut apprehensa manibus diduci à costis non possit. Ex alterutra harum vocum videntur Recentiores Boraginis nomen formâsse.

Letus eris] Eade causa *ὑπερβολή* Plinio dicitur. Folia enim in vinum injecta animi voluptates augere creduntur. In quem finem hodie flores saccharo condire solent.

siccum pectus] Hoc videtur innuere Apulejus, ejus succum cum melle ad suspirium proponens. Suspiriosos autem vocabant, qui spirandi difficultate laborant.

A S P A R A G U S.

Quod, Liber, Asparagos habeas vix igne tepentes,
 Quos tulit Adriacis cincta Ravenna vadis;
 Quod etiam incultis, durâq; à cote revulsis,
 Qui magis exurant, plena culina tua est;

Hoc tibi ab excelso est non parvum munus Ubaldo,

Cui datur immortæ gloria prima Rotæ.

Quàm bene consuluit nobis ? tibi nomen ab illo

Æternum : addicta est vita salusq; mihi.

Renibus hinc valeo, jecore, intumidoq; liene :

Ilia, nec mundum tergo, ut ante, dolet.

Si venere hinc crucior, supra hoc mihi munus abundè est :

Quod potuit salvâ religione dedit.

Asparagorum omnium silvestrem & spontaneam originem esse existimo : nec aliâ ratione Altiles, quibus hodie vescimur, factos, quàm Silvestribus assiduo cultu, atq; iterato mangonio cicuratis. Cujus quidem rei argumentum est, quòd Hortenses nostri uno aut altero anno culturâ neglecti, duriores hispidioresq; evadant, & ad pristinam ferè redeant feritatem. Propterea Hermolao Barbaro, aliisq; non facilè subscripserim, qui putant hodiernos Asparagos nostros Veteribus incognitos fuisse. Si enim diligentem curam examinemus, quam colendis Asparagis suis illi impendebant; videbimus à nostrorum olitorum cultura parum aut nihil differre : talemq; fuisse, quæ potuerit agrestem eorum naturam domare, & ex aspera spinosaq. mitissimam reddere. Hoc sibi velle videtur Plinius, dum inquit, *Silvestres fecerat natura Corrudas, ut quisq; demeteret passim : ecce Altiles spectantur Asparagi.* Quibus alibi, *Hortensiorum omnium lausissimam curam* esse scribit. Quo solo Plinii loco poterit iis satisfieri, qui censent, Asparagos nullo olim in honore habitos fuisse. Quòd si objecerit quispiam Veterum Altiles culturâ quidem mitiores factos non tamen spinis prorsus caruisse, ut ex Martiali & Rei Rusticæ Scriptoribus videtur colligi posse; ipsi opponam Dioscoridem, qui Hortensi Asparago lenia sceniculi folia adscripsit, nullâ de spinis

Corollar. 355.

lib. 19. cap. 4.
c. 8.

spinis factâ mentione : & quidem verbis adeo luculentis ;
ut talpâ cœcior sit, qui non statim in iis veram Altilis no-
stri faciem agnoscat. Sed modò sufficiat ista prælibasse :
quandoquidem alibi *quod dicitur* hæc fusiùs probaturi sumus.
à cote revulsis] i. e. Corrudis : quos à natali loco *παιδαίους*
vocabant Græci.

renibus hinc valeo] Fallitur Plinius, Asparagum vesicam
ulcerare scribens : contrarium docente ratione & experi-
entiâ.

si venere hinc crucior] Venerem Asparagos stimulare cer-
tissimum est . ut propterea non admittendum videatur,
quod scribit Dioscorides alligatam radicem aut haustum
ejus dectotum cœceptum adimere & sterilitatem inferre.

Quod verò fabulæ loco scribit Diosc. nasci Asparagos
contusis defossisq; arietum cornibus , Mizaldus propriâ
experientiâ verissimum esse testatur . fides sit penes
Auctorem.

A M A R A C U S.

Torrida sinervis & Amaracus apta cerebro,
Hanc sitiens semper non minùs optat hydrops .
urine & humidis reserat spiracula ventis.

Hanc, cui sit matrix agra, puella voret .
sitiens hydrops] Hydropicorum sitim, qua non aliud ipsis
contingit molestius symptoma , eleganter Ovidius auri
sacræ fami comparavit.

Creverunt & opes & opum furiosa libido :

Et cùm possideant plurima, plura petunt.

Sic quibus intumuit suffusa venter ab unda,

Quo plùs sunt pota, plùs sitiuntur aque.

Porro licet Amaracus omni hydropi convenire possit ;
aptior

aprior tamen videtur Tympaniti, quandoquidem flatus vehementer discutere potest.

S E R P Y L L U M.

Menstrua Serpyllum, vesica pondera, tabem
Pectore ab inferno subtrahit igne suo.
tabem] Crassos & putridos humores spiritales partes
obsidentes.

M E L I S S A.

Cor mihi triste, gelu pectus cerebrumq; rige scit,
Singultus stomachus, grata Melissa veni.
Per te hilaris, redolens, & mundi corporis, aucto
Snmq; calore potens: gratia magna tibi.

Melissa Græcorum *μελισσόφυλλον* esse creditur: quod Mar-
rubii defectu, tanquam illius *αντιβαλλόμενον* substitui pos-
se, scribit Gal. lib.7. Simpl. Nicandri autem Scholiastes
Dorycnium etiam Melissophyllum vocat. inquit enim
δορύκνιον, ὃ καὶ *μελισσόφυλλον* καλεῖται, ἀγρία βοτάνη ἐστίν.
αὕτη ποταμῶν ἐπὶ δὲ ἀποβάζα, ὅμοιον γάρ κεν τῷ θύαν, καὶ
τῷ γίνεον, καὶ τῷ ἑσπερίον. ὅθεν καὶ ἀνοσιμέριστόν ἐστι τῷ πίονι.
πότερον γάρ κεν ἐστίν, ἢ ὅ. *Dorycnium*, quod & *Melissophyl-
lon* vocatur, silvestris est herba: quæ vulnerata succum
fundit, aspectu, gustu, & odore lactis similem. Quocirca
bibenti quoq; difficile est iudicare, utrum lac sit, necne.
Sed quid est?

*Alexiph.
ubi de
Doryonio.*

MERCURIALIS.

Usta parum vulva duroq; innoxia ventri,
Fœmina seu Mas sit, Mercurialis erit.

Maxima Mercuriolans est. Fœmella puellam,

Mas puerum, Venus est cùm sociata dabit.

Usta parum] Nullus Græcorum, quòd viderim, Mercurialis temperaturam expressit. Auerrhoës cum Recentioribus primum illi caloris & siccitatis gradum assignat. *maxima Mercuriolans*] Ab inventore latinis Mercurialis, Græcis ἑρμῆ βοτάνιον dicitur.

Colledan.
lib. 5. cap. 42.

Mas puerum] Diof. & ex eo Plinius mirum de utraq; specie produnt: ut Mares gignantur, Hunc facere: ut

Hist. Nat.
lib. 25. cap. 5.

ut Fœmina, Illam. Reliqua tibi fusiùs legere poteris. Hoc solo argumento Valerius Cordus censuit, Fœminam esse

Annot. in
Diof. lib. 3.
cap. 140.

ἐύλαον φυλάγον: Marem ἀρρηνόγον: quorum meminit Theophr. l. 9. Hist. Plant. c. 19. quamvis non omnes notæ respondeant. Mirabilem autem naturæ metamorphosin in hac planta observare licet: Marem in Fœminam interdum mutari. Quod ego studio satis illius seminibus quandoq; expertus sum.

Auctor alterius de Dynamidiis, Galeno adscripti, Mercurialem sanguinem purgare scribit. Quo loco per Purgare non educere & evacuare, sed desfoecare & depurare intelligendum. Quippe nullum datur medicamentum, sanguinem educens, quod venenis annumerandum nō sit, ut docet Gal. libro de purg. medic. fac. cap. 4. ubi historiam refert illius, qui herbam hæmatogogam invenerat: si modò historiam & non fabulam dicere illam malimus. Cathartica enim medicamenta cùm vires suas non exerant, nisi à calore nostro in actum deducantur: quis sibi per-

persuaderi patiatur, plantam suillo jecori, jam exanimi & frigido, ad motam sanguinis rivulos educere potuisse?

S A L V I A.

Vix sicca est: calido stomachum & cerebella juvabit,
Certa salus tremulis Salvia poplitibus.

Dentibus, urinæ reclusa, menstrua ducens

Salvia, & in fluidis ventribus apta satis.

Vix sicca] Recentiores tamen secundo siccantium ordine eam constituunt.

menstrua ducens] Salvia adstringētis facultatis esse, nemo, quod sciam, hætenus negavit. quo nomine Aëtius gravidas mulieres, si fluidæ & laxæ sint, i. e. si faciliè abortiant, eam comedere jubet. Foetum enim in utero continere, & vegetum vitalemq; reddere, Agrippa apud eundem notavit, *ἡπὶν βοτάνῳ* inde eam vocans. Menses item immoderatè fluentes & Muliebre profluvium suffitam compescere, idem prodidit: & quidem solidiori ratione, quàm Diosc. ex quo Auctor, menses & foetum mortuum educere.

cap 101.

Dicitur autem Salvia Apulejo etiam Corsalvium: fortè quia natiui caloris fontem fovere & conservare quibusdam persuasum sit. Sedulò tamen cavendum, ne pro saluari ope extremum Cordi exitium afferatur. Bufone enim non solùm ejus umbrâ, quod alii quoq; scripserunt, delectari, sed & folia avidissimè vorare, & funestissimâ salivâ suâ inficere observavi.

ARTEMISIA.

Est calida & capitis frigenti in tormine succans

Provida, Parthenidos cui modò nomen erat.

Regia jam facta est: menses revocatq; secundas

Famineas, vulva sedula in obsequiis.

Parthenidos cui modò nomen] Id totum elegantissimè Plin. lib. 25. cap. 7.

nus. Mulieres quoq; hanc gloriam affectauere: in quibus

Artemisia uxor Mausoli, adoptatâ herbâ, quæ antea Parthe-

nis vocabatur. Sunt qui ab Artemide Ilishya cognomina-

tampotent: quoniam privatim medeatur fœminarum malis.

Ab Artemide nomen deducit etiam Pseudo-Macer:

Herbarum matrem justum puto ponere primum,

Cui Græcus sermo dedit Artemisia nomen.

Hujus opem fertur prior inuenisse Diana,

"Agricus à Græcis quæ dicitur: indeq; nomen

Herba tenes.

Hinc Vegetius latinâ inflexione Dianariam appellare Mula. Medio.
lib. 3. cap. 33.

Sub hujus Plantæ radice reperiri ajunt Carbones, quos
& viri docti se vidisse affirmant, inter Epilepsiæ amuleta
decantatissimos. Superstitiosi vigiliâ Divi Johannis, &
ipso meridie eos colligi jubent.

ROS-MARINUS.

Densibus & gelido capiti tumidifq; lacertis

Et stomacho ignis â est Ros Maris aptus ope.

Extra chorum saltare non videbor, si loci opportunitate
ductus præstantissimum ex Rore-marino medicamentum,
quod inter clariss. Joannis Prævotii præceptoris mei se-
lectiora quædam legi, in medium protulero. Quod ut Tu,

R

Can-

Candide Lector, gratiori animo excipias, iisdem, quæ ex illius autographo excerpfi, verbis fideliter hîc subijcio.

„ Cùm mihi certò constet multorum casibus vis admira-
 „ randa subscripti remedii, narrabo quâ fortunâ in illud
 „ inciderim. Anno M DC VI vidi inter libros Francisci
 „ Podocatri ex nobiliss. Cypria familia, cum quo summa
 „ mihi erat familiaritas, per vetustum Breviarium, maximæ
 „ apud eum venerationis: quod à S. Elisabetha Hungariæ
 „ Regina majoribus olim suis datū assereret in mutæ bene-
 „ uolentiæ symbolum. In hujus libri vestibulo Remedii
 „ ad Podagram illius Reginæ manu inscriptum mihi
 „ oblatum fuit perlegendum: quod his formalibus verbis
 „ quæ inde excripfi, erat expressum.

Ego Elisabetha Hungariæ Regina anno ætatis LXXII multum infirma & podagrosa usa sum per unum annum istâ receptâ, quam mihi dedit unus antiquus Heremita, quem nunquam videram nec antea, nec post: & fui citò sanata & viribus restituta, atq. omnibus apparens ultra modum pulchra, ut Rex Poloniæ me petierit in matrimonium, cum ego & ille vidui essemus. Remui tamen id agere amore Dom. nostri Iesu Christi; à cuius Angelo credo me accepisse hanc medicinam. Recepta hæc est:

R. Aqua vitæ quater passatæ part. iij.

summit. & flor. Rosmarini part. ij.

ponantur in vase bene clauso simul: stentq. in loco calido per L. horas: tum alembico destillantur: & manè in cibo vel potu sumatur drach. 1. singulis septimanis semel: & omni manè laventur cum ea facies & membra ægra. Renovat vires, acuit ingenium, mundificat medullam & nervos, visum instaurat & conservat, vitamq. auget. Hæc ex Breviario.

„ Neq. vanum esse putes hujus Remedii, paratu facillimè,

enco-

encomium. Præservavi aliquot antiquæ Podagræ & frequenti obnoxios hoc remedio : adjunctâ tamen conventi diætâ, nec non usu Hermodactylatæ repetitæ singulis mensibus pro corporis impuritate. Cùmque hujus medicamenti variæ extent descriptiones; hanc omnibus præfero parandi facilitate & suavitate :

℞. Hermodactylor. Oriental.

Turbith electi an. unc. β.

Diagridii drach. i.

Zinziberis scrup. ij.

Sacchari fini vnc. i.

M. f. pulvis exhibendus ex jure calido à drach. i. ad ij. circiter.

Hæc ex Prævotii schedis.

B E T O N I C A.

Publica Betonica, qua nulla operosior herba,

Gloria, siccato grata tepore venit.

Cui dolet, aut luxum est corpus, cui vulnera mille,

Cui caput infirmum, cui jecur invalidum,

Cui Stomachus gelidus ve lien, cui lumina languent,

Quisq. lassatis dentibus invigilat.

Cui serpens rabidusve canis, vel dira venena

Officiunt, podagrâ qui dolet aut chiragrâ.

Deniq. cui tumida est vesica, & venter obesus,

Cui gelida est febris, cui pituita nocet,

Delectam aprico Geminorum in colle sub ortu

Carpas, & hanc, salvus si velit esse, bibas.

qua nulla operosior herba] Gabriel Hummelbergius, qui Opusculum de Betonica, Antonii Musæ nomine vulgatum, notis illustravit, Betonicam Græcis *νίσσος* appellat.

ri ait ob varietatem & copiam remediorum. Sed quæ sit huius etymologia, non assequor. Nisi forsitan dicere voluerit, *κέρρον* dici, quasi *κέρρον*. Sicut enim *κέρρον* erat *παινίλον*, καὶ πολυνέντονον, *cingulum multis interpretionibus variegatum*: in quo, ut ait Homerus, *διπλότεια πάντα τίκνυτο*. illecebra omnes struxerant; sic *Betonica* *πυλὸν χυρόν* medicamentum est, cunctisq; penè morbis accommodatum.

Iliad. 8.

cui serpens] Venenatis moribus utiliter imponitur. mirumq; de ea prodit Plinius, serpentes ejus circulo inclusas, ipsas sese interimere flagellando. additq; domum, in qua facta fuerit, tutam existimari à piaculis omnibus. *venter obesus*] i. e. retentis foecibus tumidus & induratus. alvum enim teste Diosc. subducit.

lib. 23. cap. 8.

lib. 4. cap. 1.

Geminorum sub ortu] Quod est circa primum & vigesimū Maji mensis diem. Antonius verò Musa, seu quisquis ille fuerit, in Præfatione ad M. Agrippam, colligi vult mense Augusto, cum ceteræ herbæ mature scire incipiunt: quo quidem tempore opportuniùs in medicos usus reponi videtur.

B A T I C V L A.

Sic capiti & stomacho Batis arida grata tepore,
Sive sit Hortensis, sive Marina tibi:
Sic jecur & lumbos, vesica aptissima, mulcet,
Inter regales ut sit habenda dapes.

Batis meminit Plinius duobus in locis: sed utrobique, adeo jejundè, ut præter nudum nomen nullam ejus notitiam nobis reliquerit. Lib. 21. cap. 15. loquens de sponte nascentibus herbis, quæ in ciborum usum veniunt. *In Italia*, inquit, paucissima novimus: fraga, tanum, ruscum, Batim marinam, Batim hortensianam, quam aliqui asparagum gallicum

Gallicum vocant. & eodem libro cap. 26. *Batis quoq; album molli*: *illinitur podagricis tosta & confusa*. Columella quoq; lib. 12. cap. 13. *sunt quaedam herbe, quas appropinquante vindemiâ condire possis, ut portulaca, olus cordum, quod quidam sativum Batim vocant*. Nec plura addunt. Non desunt tamen viri docti, & in Botanicis versatissimi, qui Batim eandem esse existimant, quam Diosc. Crithmum, seu Critamum, vulgus Fœniculum marinum, & Herbam Sancti Petri vocat: eo fortassis argumento ducti, quòd idem Plinius Batim Crithmi speciem fecerit. Sed præterquam quòd invalida conjectura hæc est, nec Batim Crithmum ipsum esse convincat; illud mihi scrupulum non levem injicit, quòd Columella Bati muriam convenire neget, qua Crithmum condiri & conservari Diosc. & Plinius tradunt. Licet autem controversia hæc faciliè componi possit, si Dioscoridem & Plinium agrestis, Columellam verò sativi condituram respexisse dicamus. nolo hac in re meum interponere iudicium, neq; in tanta auctorum brevitate affirmare, Batim Crithmumq; unam eandemq; esse plantam. Auctorem quidem nostrum Baticulæ nomine Crithmum ipsum designasse non dubito. quippe facultates, quas ille Bati adscribit, iisdem, quas Crithmo Diosc. & Botanici, adamussum conveniunt. Caput enim & ventriculum roborat, jecur, & lienem ab infarctu liberat, auriginem tollit, urinas moderatè provocat, & ad excitandum appetitum vix est reperire par remedium: in quem usum aceto & sole condita in externas & longinquas regiones infertur: ubi deliciarum loco habetur, & in acetariis capparum more avidè expetitur.

sive sit Hortensis] Duplicem cum Plinio ejus statuit speciem, Marinam & Hortensem, Marinam illam vocans,

quæ

quæ circa littora adolescit, & nativi soli qualitatem adhuc redoler: Hortensem verò, quæ in hortos, ut puto, trāssata, aut in iisdem sata mansuescit: quæq; cultui â & mangonio salislaginem & agrestem naturam exuit, aliàs nullam Batim (si modò eadem cum Crichmo) Hortensem novi, aut ab aliis observatam audiui.

DRACUNCULUS.

NE vereare, tuam si fortè Dracunculus intret,
Stulte Liber, canam: fercula amata feret,
Ignitum stomacho agroto allatura teporem,
Vesica & lumbis non minùs apta meis.

Draco, seu Dracunculus Hortensis vulgaris est plantâ nonnemi nota. Nugantur qui semine lini bulbis infuso nasci tradunt: ut ego non semel irritò eventu expertus sum. Falluntur quoq; qui primum illi caloris & siccitatis gradum assignant. Quippe acris & vellicans ejus sapor ad erucæ & nasturtii temperamentum accedere convin- cit: ut propterea ad temperandam lactucarum frigidita- tem utiliter misceatur. Incognitum autem Veteribus fuisse concors est ferè omnium Botanicorum sententia. Clariss. tamen Prævotius, præcept. meus *μαναπίτες*, cujus piis manibus quicquid Rei Herbariæ novi acceptum de- beo, Ostriaginem Apuleji esse censebat: motus antiquo MSc. codice, quem apud Donatum Maurocenium, Se- natorem eruditiss. Venetiis vidisse assererat, in quo talis legebatur descriptio. *Nascitur Ostriago circa monumenta, aut parietes, qui sunt circa montium radices [foliis salicis, gustum remordentibus]* conclusis scil. verbis supra vulga- ras editiones exsuperantibus. Quæ descriptio si recipi- enda est, non parum Dracunculo nostro congruere vide- tur. Hydropiperi tamen, me judice, magis conveniret.

PRA-

P R A S I U M.

Torrída jam veniant & amari Prasii succi.

*Splen tumet, & plenis renibus arēta via est,
Phlegma jecur pectusq; replet, renocanda puellis*

*Menstrua sunt : hac, ne surda sis auris, amat.
plenis] i. e. obstructis renibus. succi enim amaritie, & ab-
stergendi facultate non solum renes, sed viscera omnia ab
infarctu liberare potest. Quicquid Diosc. renes & vesi-
cam lœdere prodiderit.*

*ne surda sis auris] Valet quoq; ad inveteratos aurium
dolores ejus succus instillatus, ex Diosc.*

CARDUUS HORTENSIS.

Carduus Hortensis, cui spina est mollior arse,
Cui calor est modicus, cui tumidusq; liquor,
Et stomacho & lumbis sapidus : si ducit olentem

*Urinam, os redolet, nec sapis ala caprum.
Hunc tibi jus præpingue coquat, præstantior inde est :*

*Ibis & in numeros sic venus apta suos.
cui spina est mollior] Carduis omnibus agrestis natura.
Solent tamen culturâ crebrâq; translatione miscere :
spinisq; carituros scribit Palladius, si contractis cucumi-
nibus semina terræ mandentur.*

*Mens. Mart.
Tit. 9.*

*tumidus liquor] Succus flatuosus : quo ad excitandam
tentiginem apprime facit.*

*nec sapis ala caprum] Hircum, tragum, & caprum vocant
axillarum graveolentiam, similitudine desumptâ à tetro
& viroso odore, quem ab amore recens hircus spirat.
Vitium autem hoc Carduus emendat expurgando per
urinæ*

*Phylogn. l. 3.
cap. 42.*

urinæ vias vitiosos & olidos venarum humores . cuius rei indicium est , quòd Scolymum esitantes foetidissimum lotium reddere soleant. Joh. Baptista Porta id nobis plantæ quodam signo & caractere indigitasse naturā more suo conatur ostendere . Scolymus enim, cūm latis surgat alarum cavis inter caules, ramum, & frondes , axillarum quodammodo vallem cavitatem referre videtur .

A B R O T O N U M.

A Brotonum Siculis missum mihi nuper ab oris,
Cui calida & sicci roris amarities ,
Antidotum est stomacho, & confusis nobile nervis :
Nunc valco : obstrusum cui femur illud edat .

lib. & cap. 27.

Siculis] Laudatissimum Plinio est Abrotonum Siculum: quod peculiariter de Foemina intelligi vult Diosc. lib. 3. cap. 25.

*lib. 6. Simpl.
cap. proprio.*

Antidotum stomacho] Contrà Galenus apertissimis verbis Abrotonum stomacho admodum infestum scribit . redditq; rationem: quòd amarum sit, & paucissimæ acerbittatis particeps. Docet autem amarum per se omnifariam stomacho adversum esse : acerbum verò, austerum, & adstringens eidem gratum & amicum.

lib. cit.

obstrusum cui femur] Sive urinalium viarum obstructionem intelligas, sive virilium partium *desiderium*, utroq; modo verum & genuinum sensum assequeris . Plinius urinæ angustis Abrotonum auxiliari scribit. Item ejus ramulo pulvino subjecto venerem stimulari : efficacissimamq; esse herbam contra veneficia, quibus coitus inhibetur. Hinc opinor , Abrotoni nomen impositum nobili scorto, ex quo magnum Themistoclem ortum in Convivio Sapientum perhibet Athenæus : quia fortassis ob formæ venu-

lib. 13. cap. 5.

statem,

statem, mirasq; meretriciæ artis illecebras frigidos & fascinatos suscitare, & ipsius Priami alutam tendere posse crederetur.

A B S I N T H I U M.

TErribiles perdant siccata Absinthia succos;
 His furere in stomachum docta caputq; meum.
 Ni tamen hinc noceant, suavi mihi grata tepore
 Et stomacho & iufis provida poplitibus.
 Hac jecoris referant fibras, his renibus amplum
 Curriculum: hinc siccus nec sitibundus hydrops.
 Et tinea & rabidi fugiant Absinthia vermes:
 Tutari tunica jam didicere meas.

His furere in stomachum] Conveniunt Medici ferè omnes Absinthii succum insigne ventriculo nocumentum inferre. & propterea Gal. in dolore capitis ex stomacho ab ejus usu abstinendum monuit. Quare dicendum videtur, adstrictionem illam, qua tantopere idem Gal. Absinthium stomacho gratum & utile prædicavit, substantiæ & corpori ipsius herbæ inesse: succum verò nudam amaritiam omnis adstrictionis expertem retinere.

jecoris referant fibras] Vix reperias medicamentum hepatis magis idoneum Absinthio præcipuè Pontico: quippe quo non solum visceris robur apprime fovetur, sed etiam ab humorum biliosorum infarctu mirificè expurgatur. adeo ut Theoph. & ex eo Plin. scribere non dubitaverint, pecora in Ponto, ubi ejus pabulo pinguescunt, sine felle reperiri.

tutari tunicas] Quamvis Absinthium vermes strenuè interficiat, & vestimenta à tinearum noxis vindicet; & ipsum tamen aliquando verminare observavi. quod non

lib. 2. per loc.
cap. 1.

lib. 6. Simpl.
cap. de Abro-
tom.

Hist. Plant.
lib. 9. cap. 18.
Nat. Hist.
lib. 27. cap. 7.

aliunde, quàm ex medulla, quæ dulcis percipitur, provenire existimandum est.

P I M P I N E L L A.

V *Efficax lapides si Pimpinella remollis,
Iguita est: jecori sana, lienq; tibi.*

*in Theaur.
sanit.*

Ne quis cum Durante Pimpinellam, de qua hic sermo, cum Sanguisorba vulgo dicta confundat; notare oportet, hic illam intelligi, quæ ab effectu Saxifraga nuncupatur. cujus cum duæ vulgatiores sint species, Major, & Minor; utriusq; eadem facultas. Urinam namq; ciet, renum & vesicæ calculos dissolvit; & ob partium tenuitatem, ac abstergendi vim lienis jecorisq; obstructions tollit. Quibus, tanquam admiratione dignum addere placuit, quod de Majori prodit Federicus Chrysogontus Jadertinus, Opusculo, quod Artificiosum modum curandi febres inscripsit, Illam scilicet à nutricibus, quæ lactis inopiam patiuntur, sinu gestatam lac sex horarum spatio tam dapsili proventu suppeditare; ut eam deponere cogantur, ne ob lactis copiam ubera nimis indurentur.

cap. 1.

L U P U L U S.

S *I Lupulum oblectant antra & nemorosa salicta,
Hoc facit, ingrato sit satis ut Medico.*

Frigidus hinc bilem calidumq; arcere cruorem

Est potis: hunc calida & febris anhelat times.

Gratia si magna est illi: tua noxia major

Est, Medice, hoc sanctum quod male perdis olus.

Carolus Herbetus, Veronensis, eximius olim Botanicus, & amicus meus piâ memoriâ colendus, elegantissimum
de

de Lupuli laudibus Poëmaticum carmine hexametro composuit. quod utinam hæredes, ad quos preciosa ejus literaria supellex pervenit, publico bono aliquando evulgent. Conquereretur & ipse cum Mesue & Fiera nostro, tantarum virium herbam à Medicorum vulgo negligi, aut rarò revocari: quâ nempe solâ, tanquam alterâ Panacæa morborum myriades expugnari possent.

nemorosa saliceta] Ita Plinius à natali loco Lupum Salicetarium vocavit. lib. 21. cap. 15.

frigidus] Radicum & florum odor manifestæ caliditatis index est. Turiones cum plurimâ humiditate inconcoctâ abundant, temperatiores sunt. at ne ipsi quidem frigidi.

P O R T U L A C A.

Cui rubor est ardens, dysenteria æg. laborat,
 Purpureus cura cui fluore est fluidus.

Cui nocuere ignes, frigentem hic Peplion herbam
 Deligat: hæc pluvio rore probanda venit.

Si sapias, illa tuas norit rarissima mensas:

Lumina cum stomacho contemnerare potest.

Cui rubor est ardens] Ignem sacrum, seu erysipelas ex Diosc. interpretare.

frigentem Peplion] E' Plinii fonte emanavit error hic, lib. 2. cap. 20.
 qui silvestrem Portulacam cum Peplio, planta omnino diversa, confundit. Peplis enim seu Peplion è lactariarum genere, acerrimiq; saporis herba est. cujus usus, Hippocrati in purgationibus familiaris, nostrâ hac tempestate obsolevit. Deceptus videtur Plinius Dioscoridis verbis, qui Peplida silvestrem Portulacam nonnullis appellari ait, quamvis verba illa, *στὴ δὲ ἀνδράχων ἀγγίαν*, in pervetusto MSc. cod. superiùs laudati Caroli Herbeti non legantur.

lib. 4. cap. 150 *Lumina cum stomacho*] Diosc. tamen ophthalmicis medicamentis utiliter misceri, & stomachi æstum in acetariis sumptam juvare scribit.

F L O S S A M B U C I.

Flos venis hortensi candens ab olente Sabuco:
Hic odor, hic cibus est, mensa, decorq; tibi.

Non levis est stomacho, capiti sed amicior: hepar

Hunc amat, & frigens lumbus in obsoniis.

lib. 4. cap. 174 *olente sabuco*:] Folia enim odore grauiā, Dioscoride autore.

mensa] Folia quippe olerum more, caules teneros mitioris Sambuci in patinis coqui, ad pituitam bilemque detrahendam tradit idem; aquam pariter Plinius: qui folia mollissima ex oleo & sale edi scribit. Non tamen sæpius quam bis dandum aduertit Oribasius.

cap. 175.

lib. 24. cap. 8.

Coll. lib. 7.

cap. 27.

Non lenis] Ipsius namque decoctum stomacho est inutile, monente Plinio. quod Actuarius etiam notauit. Prima etiam germina cocta. folia pariter, vomitum excitant.

Metb. med.

lib. 5. cap. 8.

capiti] Succo tamen ipsius collectiones cerebri priuatimque membranæ, quæ circa cerebrum est leniri infuso Plinius præcipit.

frigens lumbus] Peculiaris hæc autoris observatio. Calculo ceteroquin conferre deprehenditur. In quem usum aqua ex baccis sambuci cum vino aruifio destillatur.

S I U M.

Cœna, paludosis quod natum & crescat in undis,
Credideris gelido rore juvare Sium.

Falleris: exustum est: vesicam & menstrua solvit,
Saxag. de lumbis pulverulenta trahit.

Mira-

Miraris? pluvio solum hoc depascitur imbre: . *sigillatim* *lib. 2. Simplic.*

Quicquid ab aethereis est potis hausit aquis. *T.*

Non vulgi modò, sed doctiorum etiam quorundam fuit opinio, palustres & aquaticas plantas, tanquam elementi, in quo vivunt, naturam redolentes, frigidas omnes esse. Quæ quantum à veritate distet, inter plurimas docent, Ranunculi, Nasturtia, Hydropiper, &c, de quo hîc loquimur, Sion. Cujus facultates provocandi menstrua, ciendi urinas, frangendi renum calculos, caloris operationes esse, notissimum est.

Gal. lib. 2. Simplic.

T R I B U L U S.

T *Ribule in undosis si nate paludibus alges;*

Cur tamen irata cornua frontis habes?

Secretas intamur opes: sub cortice dulcis

Esca latet, dulce hoc non nisi ab igne datur.

Et mihi ab aethereo numerosa potentia rore:

Me maris & cæli provida cura fovet.

Languentes vercor fauces: me mandere lumbus

Discipit, urina huic cum nocuitve lapis.

Ex me mica juvat, gravidas sed contrahit alvos.

Me miserum! mortis dos mea causa mihi,

nocuitve lapis.] Tribulus duplex est: Terrestris, & Aqua-

ticus. utriq; Diosc. frangendi lapidis vires tribuit. At *lib. 7. Simplic.*

Gal. Terrestri id privatim adscribit. quippe qui partium tenuitate in intimiorem lapidis substantiam facilius sese insinuare potest. In quorum confirmationem non semel audiavi ab amplifs. Senatore Octaviano Bono, qui olim Byzantii pro Senatu Veneto Legatus fuit, Turcas hausto hujus succo calido renum calculos feliciter deturbare.

gravidas sed contrahit alvos.] i. e. ventrem cohibet & adstrin-

lib. 22. cap. 19.

adstringit. Plinius, Thraces, qui ad Strymonem habitant, Tribuli foliis equos saginare scribit: ipsos nucleo vivere, panem facientes prædulcem, sed qui ventrem contrahat.

E. R. U. C. A.

Ignita in venerem lentos eruca priapos

Excitat, & tremulis optima poplitibus.

lib. 2. de Art.
Amendi.

ErUCA, quam per antonomasiam Ovidius *Herbæ salacem* vocat, ad excitandam venerem decantatissima est. Hellespontiaco Deo propterea dicata erat, & prope ejus sacella feri consueverat. Sic enim COLUMELLA

lib. 10.

Et qua frugifero feritur vicina Priapo,

Excitet ut veneris tardos ERUCA maritos.

C. E. R. U. C. A.

Quid tibi cum Hippolyto Liber adversare paternis
Admonitis semper? culpa luenda tibi.

Crudele admissum hoc & detestabile manus,

Vae misero, in lacrymas te rapit assiduas.

Cepa tibi est munus, caput inflatura lutofo

Ignem & rorem malo: jam sperere incipias.

Si Stomacho obsequitur; clamosa assuescere discant

Ora siti: obtusum hinc corrumpat ingenium.

Vesica & Veneri si grata; hemorrhoids inde

Effluit. ò magni muneris antidotum!

Isine me in pœnas temerarie & improbe tantas.

Quàm vellem horridior quod rubra missa foret.

At bene consultum est nobis. Tu rusticus oras

Munera: Cepa datur: saxens exhibitor.

lib. 19. cap. 6.

in lacrymas] Cepæ odorem elegantissime Plinius lacrymosum

molum vocavit : quia admota oculis lacrymas movet . In-
de Athenæo teste *ὑψηλὸν* Græcis dicitur : ὅτι νέμας μύημα, *Diphos. lib. 9.*
quoniam oculos claudimus, dum admovetur . Cur autem *cap. 1.*
lacrymas eliciat, docet Philosophus *Sec. 20. Problem. 22.*
stomacho obsequitur] Stomacho utilis, inquit Plinius, spi- *lib. 20. cap. 5.*
ritûs agitatione : concitato scilicet, ut interpretatur do-
ctûs. Dalechampius, ructu. Nam ructus ventriculi exer-
citatio est.

obtusum corrumpit ingenium] Idem sibi velle Auctorem
puro, quod Diosc. Lethargicos nimirum fieri, qui adver- *lib. 2. cap. 143.*
sis valetudinibus plus æquo eâ vescuntur . Lethargici
enim sensus omnes obtusos, ac inertiam & oblivione sepul-
tos habent. *horridior*] i. e. acrior. Sic Plinius : *rufa acrior quàm*
candida, sicca quàm viridis, & cruda quàm cocta.

ASCALONIA.

Cœna mihi scitè est actum. Ascalonia tarde
Jejunis veniunt desitnenda coquis.
Illos calfaciant, hebeti repleantq; liquorè :
utq; minùs noceant, illa recocta vorent.
Cepæ species & Ascalonia est, ab Ascalone Judææ oppi-
do, unde primum advecta, sic denominata : eademq; , quæ
reliquæ species , præstare potest . capiti tamèn minùs
noxia judicatur.

Hujus peculiarem naturam observavit Theoph. quòd
sola à radice sterilis sit : nec ut cæteri bulbi, eâ parte pro-
ficere & propagari possit : sed mox edito caule & semine
exinaniatur .

A D L I B R U M.

S *Epe, Liber, quòd te alloquar, admirabitur hospes:
Dic, licuit, Cœna hac ne mea surda foret.*

A L L I A.

S *I quod Cœna sapis minimum est insulsa, quod optas
Horrida cum exustis Allia verticibus?
Hac grave olent: capiti nec convenientia ocellis,
Pulmoni & rauca sint licet apta gula.
Hac, ut noris, edas: quantas prorumpet in iras
Vesica, & venter depositurus onus.
grave olent.] Multa à scriptoribus traduntur ad obtundendum gravem Alliorum odorem. Columella docet, Allia sata, cùm luna infra terram fuerit, & rursus sic recondita, neq; acerrimi saporis existere, neq; mandentium halitus inodorare. Restingui quoq; gravem eorum odorem liberali esu apii, aut beta radicibus tostis, aut fabâ crudâ alii prodiderunt.
nec convenientia ocellis.] Sanam quidem oculorum aciem lædit: at nimîa humiditate hebetatam juvat; si verum scribit Simeon Sethi.
rauca gula.] Ad raucitatem extenuandam, & vocem claram reddendam, Allium magnopere commendatur. Quod caulis figurâ, vacuâ, inani, & laryngem quodammodo exprimentē hominibus indicâsse naturam, Joh. Baptista Porta seriò contendit.*

*Phytagor. lib. 3
cap. 50.*

P O R R U M.

T Abida cui cura pulmonis membra, & anhelum
Pectus, cum Porri torrida Cœna vocet.

Cura mihi est stomachus, placidissima somnia, dentes,
Bis licet elixum non tamen illud edam.

Hoc colat ingrata cui fœmina cura calenda:

Quig, nec adstrictis renibus esse velis.

Munera non tanti ventris pensantur, ut alio

Postposita, irati tormina ventris amem.

placidissima somnia } Dioscoridi Porrum dici-

tur. compertum est enim tumultuosos & ludibriis plenos *Hist. Nat. lib. 20. cap. 6.*
somnos efficere. quicquid Plinius somno conferre dicat.

Bis licet elixum } Porrum, si bis elixum fuerit, succi pra-

vitatem deponere multoq; minùs inflare asserit Gal. lib. 2.
Alim. cap. ult. Auctor verò, ut ejus malitiam plenius ex-

primeret, illud à Cœna sua quantumvis elixum rejecit.
ingratæ cui fœmina cura calenda: } γυνὴ ἀνάχαρτο, ut So- *Dipnos. lib. 3. cap. 20.*

phistes ille ἐνοικητοδύρας apud Athenæum loquebatur:
Mulier scilicet cui suppressa sunt, aut illiberaliter fluunt

menstrua: quibus sciendis, aliisq; muliebribus affectu-
bus aptissimum esse Porrum, Hipp. Diosc. Plin. aliq;

testantur.

RAPHANUS. ARMORACIA.

H Inc eat, aut Raphanus postremo accumbat in orbe,

Mensa magis sapidâ si sit onusta dape.

In caput, & dentes, limosoq; igne in ocellos

Savit: & hinc stomachus nauseat assidue.

Morchio cum colat, & fungi cui cura, Nicander,

Qua, amat aternas fœmina pulchra comas.

postremo accumbat in orbe, } Non levis est inter Diosc. &
Gal. de tempore comedendi Raphani controversia. Ille *lib. 2. cap. 105*

T

enim

Aliment. l. 2.
cap. 70.

enim primis epulis sumtum cibum suspendere, vomitumq; eiere ait: postremis verò, stomachum roborare, cibi; juvare coctionem. Hic contrà, experienciâ doctus, eorum miratur & damnat consuetudinem: qui, ut ventriculi adjuvent concoctionem, Raphanum à cibo sumere consueverunt: quorum exemplum neminem unquam ait sine nocumento imitatum fuisse.

Hist. Nat.
lib. 19. cap. 5.

in dentes suis] Illos atterendo. Nam & eborà eo poliri scribit Plin.

lib. 28. cap. 4.
in Alexiph.

Morchio cum colat] Morchion Græcus Plinio teste loc. cit. peculiare de Raphano volumen edidit. Alii Marcionem nominant, qui Raphani laudes celebravit. Sed nec improbable est, hujus quoq; nominis Auctorem id argumenti attigisse. Cùm Marcion quidam Smyrnæus, ut idem Plinius memorat, de Simplicii effcibus scripserit. & *fungi cui cura Nicander*] Nicandri verba hæc sunt.

Ἄλλὰ ἢ ραφάνοιο πόροις σπερῶσθαι νόρῳ,
ἢ ρυτῆς κλώδοντα περὶ ὑπὸ δάκτυλου κεδύσας.

Quæ Anonymus sic vertit.

Tu contra Raphani sinuosum corpus, & acris

Concede excisum Rutæ de cespite rami.

Ad quem locum Scholiastes pro *ραφάνου* Brassicam accipiendam esse notat. *Δίδω*, inquit, τὸν παντὸς, ὅτεσι τῶν κρυφῶν τῆς κρήνης, τυτῆσι τῶν ἀσφάργων. ἐπειδὴ ραφάνος τῶν κρυφῶν φέρει. ὕψιστον γὰρ πρὸς ἀντιπάθειαν. *Exhibe caulem, seu cymam, idest, turionem Brassicæ.* Quippe *Raphanum Brassicam dicunt. utilis enim ex antipathia.* Fallitur tamen bonus vir, & dum nimium Atticus videri vult, in errorem non levem impingit. Non quòd negandū sit Veteres Atticos Brassicam *ραφάνον* appellasse, id enim Arist. inter alios his verbis aperte testatur. γίνονται δὲ αἱ καλέμεναι ὑδαὶ ἐκ τῶν κρημῶν. αἱ δὲ ἐκ τῶν ἐλλειψῶν τῶν χλωρῶν, καὶ μέλιστα

ἀέλιος ἐπὶ τῆς ῥαφάνου, ὅν παλαιοὶ τινες κρέμβλω. nascuntur
vocati papiliones ex erucis: haec verò virentibus foliis, &
potissimum super Brassicâ, quam nonnulli Cramben vocant;
 sed quòd luce clariùs constare arbitrer, Nicandrum hoc
 loco Raphanum; seu, ut Latinâ voce utar, Radiculam in-
 tellexisse. ut enim mittam Plinium, qui hoc ipsum Ni-
 candri testimonium de Raphano locutus adducit; cùm
 ille toto Theriacorum, & Alexipharmacorû opere semel,
 quòd observaverim, Brassicæ meminerit, eam κρέμβλω,
 non ῥάφανον vocat. Nam Taurinî Sanguinis alexiphar-
 maca recensens proponit.

καὶ σπύραλλον κρεμβῶν ἄλλοι μμοροχυζόν ὄνα.

Quo loco si Brassicam Atticorum more ῥάφανον appel-
 lare consuevisset, æquè potuisset & citra carminis
 luxationem scribere ῥαφάνοιο, ac κρεμβῶν. Contrà verò
 alibi pro Radicula ῥαφάνου nomen usurpavit. De Hyo- *in Alexiph.*
 scyamo enim agens

Εὐδαίτη νασήαν, ῥάφανονδ' ἄλλοι, εὐδαίτη λιπτάς

Ἄμμιγκ προμύμων γαθυλλίδας.

Quibus ferè ad verbum respondent, quæ adversus idem
 venenum proponit Diosc. ἀρμύζει δὲ κιχώριον, καὶ νόστιν,
 καὶ κέρδαμον, καὶ ῥάφανον, καὶ πρόμμινα, &c. At Diosco-
 ridem Brassicam perpetuò κρέμβλω, ut Radiculam ῥάφανον
 appellare, is novit, qui in ejus lectione mediocriter ver-
 satus est. Præterquàm quòd Brassicam, quamvis Anti-
 dotis misceri solitam, proprium esse & specificum Fungo-
 rum alexipharmacum, nullus Medicorum, quod viderim,
 si Plinium excipias, qui & ipse Græci nominis ambiguitate
 decipi potuit, unquam scripsit: Radiculam verò omnes.

Diosc. τοῖς ὑπὸ μυήτων πνιγμένοις, *iis, qui à Fungis stran-*
gulantur, auxiliari scribit. Galenus quoq; adversus ma-
 los Fungos ῥαφάνους ὤμας, *Radicus crudas* copiosè dari

lib. 20, cap. 9.

lib. 2. de
 Antid. cap. 7.

jubet. ut omittam Celsum l. 5. c. 27. Scribonium Largum cap. 198. Avicennam lib. 4. Fen. 6. tract. 1. cap. 10. aliosq; plurimos, qui in dictorum confirmationem adduci possent.

lib. 2. de
Morb. Mul.

Quæq; amat æterna fœmina pulchra comas] Hipp. ad capillorum defluvia affricatum Raphanum commendat. Quod præstare potest expediendo cutis poros, & evocando fuligines.

I N U L A.

Fervida contusis superinducenda lacertis
Est Inula, in gelidis sedula torminibus.
Pectora, cor, lumbosq; fovet: si mansa cerebro
Est gravis, urinam non malè grata ciet.

Avic. lib. 2.
cr. 2. cap. 240.

cerebro est gravis] Solvit tamen hemicraniam pituitosam, si ejus decoctione perfundatur caput.
urinam ciet] Adeo valenter urinam provocat Inula; ut qui familiariter eâ utitur, non indiget, ut barbarus Avicennæ interpretes loquitur, *ut mingat omni horâ.*

R A P A. N A P I.

Sunt calida, & rigido gaudentia frigore Rapa.
Humidus hinc illi turgidulusq; liquor.
Gloria Narfinsis: sitientes cedite Napi:

Educes ipse licet vos Amiternus ager.
Cum sapiant Veneri magis, hæc si crassa & obesa,
Cena ea postremo lenta sub orbe ferat.
gaudentia frigore Rapa] Martialis imitatione in Xeniiis.

Hæc tibi brumali gaudentia frigore Rapa
Quæ damus, in cælis Romulus esse solet.

Gau-

Gaudere autem frigore dicuntur : quia, ut ait Theophrastus, frigoribus maximè dulcescunt : augenturq; magnitudine admirabili. Tunc enim incrementum in radice, non in folia vertitur. Austrinis autem constitutionibus celerius caulescunt.

*Hist. Plant.
lib. 7. cap. 4.*

surgidus liquor j. i. e. succus flatuosus, quo venerem stimulat. propter inflationes autem Democritus ea intotum abdicavit in cibis.

*Plin. lib. 20.
cap. 3.*

Amiternus ager] Palma Amiterninis Napis olim fuit : quemadmodum Nursinis Rapis : de quibus Plin. lib. 18. cap. 13. & lib. 19. cap. 5. & Martial. in Xeniiis. Athenæus Thebana Rapa commendavit.

*Dipsos. lib. 1.
cap. 4.*

PASTINACA. STAPHYLINUS.

S I venit humescens culto Staphylinus ab horto,
Ferventi & sapido plena rubore sapit.

Ista licet stomachum vel bis decocta lacescat,

Et coitum inflato rore superba ciat ;

Si coquus & pipere & melliti munere mulsit

Condiat, & stomacho grata erit & Veneri.

Candida nec montana placet. cui lumbus & arctum

Est femur, Errantem, cum magis urat, edat.

Staphylinus Pastinacæ tenuifoliæ, seu Dauci species est : cujus in radice varietas potissimum observatur : quæ vel lutea seu albicans est : vel saturo colore rubet. Itali, & pleræq; Europæ nationes Carotam vocant : nomine non ita novitio, ut quidem existimant. Apicius enim libro *cap. ult.* Carotas præparare docet : & *ναρτῆς* mentio fit apud Athenæum lib. 9. cap. 3. Quicquid ibi *ναρτῆς* Casaubonus legendum contendat. Nam quod Græcorum aut Latinorum nemo, ut ille ait, præter Dioclem Carotum

rotum

rotum nominaverit, me iudice, non convincit. neq; enim alius forsitā, si eundem excipias, Astaphylinum pro Staphylyno dixit. imò verisimillimum, harum vocum, tanquam Diocli pēculiarium, neq; ab alio usurpatarum studio meminisse Athenæum. Ac propterea mirabilis mihi visa est doctiss. viri & omnigenā eruditione cultissimi Leonis Allatii conjectura: qui hunc Athenæi locum mutilum esse, & ita concipiendum arbitrat. τὸν δὲ σταφυλίνον ὁ Διοκλῆς ἐν πρώτῳ ὑγιανῶν ἀσταφυλίνον παλῶ. τὸ δὲ κάρτερον παλῶντων παρωτέρ. ita ut quemadmodum Diocles Staphylinum additione τῷ α. ἀσταφυλίνον vocavit: ita κάρτερον communiter dictum παρωτέρ additione τῷ α. Codex Palatinus, qui in Bibliotheca Vaticana nunc asservatur, neutram lectionem habet, sed παρωτέρ. monstrum planè.

Isb. g. Simpl.

Errantem] Staphylinum silvestrem, quem Gal. ἀγροσεν cognominat, & Domestico in omnibus vehementiorem esse docet, rustici Patavini familiariter comedunt oleum more coctum. Cujus usu urinam reddunt copiosam, Violæ Martiæ odorem referentem: quemadmodum iis, qui Terebinthinam sumpserunt, evenire observamus.

T U B E R A.

T Errea ferre aqueoq; madentia Tuber a rore
 Alba: famescences sine Nigra vestra, coqui.
 Ultima sint nostra post pulmentaria Cæna;
 Mixta sit in nostris ut Venus ipsa jocis.
 Si turgent, æquum est: ventosa tonitrua & imbres
 Hac genere: piper, Chiaq; vina bibam.
 Sic faciles stomacho sunt adducentia chymos;
 Nec vesica tumet, nec dolet iliacus.

Cui

Cui caput obscurum & triste est, mollesq; lacerti

Exeat: his tantum Tubera Cœna negat.

Terrea] *Terrea*, sive quia crassum & melancholicum sanguinem gignant: sive quia, ut aliis placet, Tubera nil aliud, quàm terræ vitium sint. Terræ enim naturam in se globari eo argumento probat Plinius, quòd Lartio Lacinio lib. 19. cap. 2. mordenti Tuber deprehensus sit intus denarius, qui primos dentes inflecteret.

mixta Venus] Nobilissima Tubera circa Lampfacum nasci Plinius & Athenæus testantur. & rationi quidem consonum videbatur, libidinis hæc irritamenta ibi optima provenire, ubi Deorum salacissimus colebatur. *Dipnos. lib. 2. cap. 21.*

ventosa tonitrua] Johannes Ciampolus faceret admodum Tubera Sorores Zebedeorum appellabat, qui in Sacris literis filii tonitruum dicuntur. Jove enim tonante, cumq; crebra decidunt fulmina magnum perhibent fieri Tuberum proventum. Quod iis verbis etiam expressit Juvenalis. *Marc. 3. Satyr. 5.*

& faciant optata Tonitrua cœnas

Majores.

Cur autem per eas cœli constitutiones potissimum Tubera gignantur, hanc nonnulli assignant causam: quòd pluvix cum tonitru & fulminibus decedentes calidiores sint. unde ab humido illo calore excitata materia, quæcunq; tandem ea sit, tuberosum illud corpus format.

Subesse autem Tubera cognoscuntur indicio, ut ait Athenæus, supernascentis plantæ, quam Hydno-phyllo vocat. Ita enim è Pamphili Glossis. ὑδνοφυλλον ἢ φουμρὴ τῶν ὕδνων ὑπερβὰ πῶα, ἀφ' ἧς τὸ ὕδνον γινώσκεται. Sic & Hesychius. ὑδνοφυλλον ἢ ἀπὸ τῶν ὕδνων φουμρὴ πῶα. Quid verò de hujusmodi herba proferam non habeo. Consului quidem quotquot novi non solum viros doctos & peritos

Bota-

Botanicos, sed etiam vulgares homines, qui in effodiendis huiusmodi radicibus ferè vitam consumserunt. qui omnes uno ore affirmarunt, se in inveniendis Tuberum locis nullius duci herbæ indicio, sed soli tantum qualitate arenosâ, ac terræ superficiei rufescente, rimasq; interdum agente, contrâ quàm scribat Plinius: deinde suum sagacitate uti. Inno nonnulli asseruerunt, iis locis, quibus subsunt Tubera, nullas omnino provenire herbas. Exhibet tamen Lugdunensis Herbarii compilator Tuberariæ nomine plantam: quam ideo Hispanis Yerva Turmèra appellavit ait; quòd ubi ea nascitur, copiosa Tubera repariantur: eoq; argumento Veterum ὑπόφυλλον esse opinatur. Quæ itidem de Cisto annuo recenset Carolus Clusius. Quid Hispanico solo proprium sit, ego quidem ignoro. Illud certò scio, herbas illas pluribus Italiæ locis crescere, ubi nulla prorsus Tubera inveniuntur. Ita ut statuendum sit, aut eas non esse proprium, saltem quarto modo, latentium Tuberum indicium, aut nemini adhuc cognitum esse verum Hydnophyllum, aut deniq; fabulosam & commentitiam esse plantam illam. Quòd enim Jul. Cæs. Scaliger sibi allatum scribit ex Moiraxi agro Tuber cum stipite & oblongo foliolo, si modò fidem meretur, haud verum & legitimum fuisse Tuber illud, sed potius alterius generis strumosam & consimilem radicem, omnino affirmaverim. Sed esto, in efformando eo Tubere luisse ac luxuriasse naturam: quid porrò ex insolenti ac monstroso germine inferre velit doctis, quidam & magni nominis Vir, planè non video. præsertim cum allati Auctores ὑπόφυλλον non Tuberis folium esse prodant, sed herbam τοῖς ὕδασι περιγενομένην, & ex putriac halituoso eorum vapore (si eos interpretari licet) quodammodo succrescentem. Vidi quoq; olim in vetustissi-

Hist. Rarior,
lib. 1. cap. 49.

Exercit. 180.
adv. Card.

mo ac in membranis picto Herbario Caroli Herbeti Veronensis parvam herbam, 'cujus imaginem ex eo ad unguem expressam hîc damus, TUBERONIÆ epigraphe, à Tuberibus forsan deducto nomine. Plantam certè aut pessimè, ut rude illud seculum solebat, dolineatam, aut in Gurgustidoniis campis requirendam.

Qui verò plura de Tuberibus legerè cupit, adeat Alphonsum Ciccarella Mevenatem, qui singulari libello hoc argumentum diligenter prosecutus est.

TUBERONIA.



AD CŒNAM.

Plura olera, & plures fructus, non omnia ferre,
Et pluri poteras esse refera dape,
Cœna: satis sunt hac, modo sint condita: vorator
Quærat in externis turgidus esse thoris.

V

RE.

Languidius pleno] *ἡν τὸ πλὴν*, inquit Hipp. *τὸ πλὴν*
σολήμιον. & viâus extrema tenuitas, & extrema plenitu-
 do periculi plena est, & bonæ valetudini valde noxia. Si
 tamen in alterutro viâus genere errandum est, satius fue-
 rit in paulò pleniori, quàm tenuiori delinquere. Pleni-
 tudinis enim viâia facillè corriguntur inediâ, exercitio,
 alvi dejectione, aliisq; vacuationum generibus. At quæ
 ex tenuiori viâu contingunt mala non ita facillè emenda-
 ri possunt. Inediâ autem noxas breviter attingit Gal.lib.
 de venæ sect, advers. Erasistr.

S O M N U S.

D *Efficiunt vigiles sensus, bebetantur ocellis.*

Tertia jam à sumpto praterit hora cibo.

Cacuba præcipiunt somnos: caput annuit: ite

Convivæ, in solitos currite quisq; thoros.

Naturæ hic benefervet opus, bene concoquet hepar,

Venter & amplexu nobiliore cibum.

Lethæa est resupina quies: hinc omnia pallent

Membra, jecur, ren, nervi, ora, caput, stomachus.

Pronus quisq; cubet, dextrâ vel parte recumbat,

Mox laevi lateris commoda somnus amat.

Somne nihil sine te bene possumus: optime Somne,

Blanda agris animis corporibusq; quies.

tertia praterit hora] Optimum & salutare præceptum
 circa somnum hisce verbis insinuat. quasi dicere velit:
 non debes statim à cibo te tradere somno, sed stare ali-
 quantisper, aut molliter deambulare, quoad cibus in ven-
 triculi fundum descendat, probaq; fiat ingestorum com-
 plexio. Iis enim qui à mensa illico dilabuntur in lectum,
 repletur insigniter vaporibus caput: cibusq; supernè ven-
 triculi regione innatans ægerimè concoquitur.

Letheæ est resupina quies] Pessimus est, omnino fugiendus est Supinus Decubitus : quia ruentibus ad posteriorem cerebri partem vaporibus epilepsiæ, tremori, nocturnis suppressionibus, aliisque innumeris morbis occasionem præbere potest. In ægrotantibus etiam, quibus naturalis non est, malum portendere existimatur : præsertim si cruribus & cervice extensis fiat. Significat enim motricem ferriari, nec posse corpus amplius vertere, victam ab ejus gravitate. Adde, quod incalescentibus co situ renibus & venâ cavâ pollutiones sæpissime contingere solent : quarum causâ ægros non raro periclitari observatum est.

Pronus quisq; cubet] Mirari satis non possum, cur Pronum Decubitum tantopere commendet : qui & oculis impendiò noxius est, & ab hominum more ita alienus, ut inter centum vix unum reperiās, qui naturaliter ita decumbat. Ego sanè, si quando hoc modo cubare expertus sum, spirituales partes adeo gravari mihi sensi, ut vix spiritum trahere potuerim : quod & aliis evenisse scio. Ut propterea alucinarum crediderim Plinium, qui Pronum Decubitum tussibus conferre scribit. Nam licet pectus quodammodo fovere, crassosq; humores attenuare, adeoque ad expectorationem faciles reddere videatur ; expertus tamen fateberis, te difficilius extrussisse pronum, quàm in latus, aut rectâ cervice cubantem.

lib. 28. cap. 4.

Fuchsius in
Hir. lib. 2.
sect. 4. cap. 4.

dextrâ vel parte recumbat] Nimis subtiliter philosophari videntur, qui Somnum incipiendum censent in dextrum latus, finiendum vero in sinistrum. Parum enim referre arbitror, in alterutram aurem pro consuetudine tua obdormias. Tanta quippe non est gulæ circa quintam (ut illi asserunt) thoracis vertebram in dextrum latus propensio, ut cibi descensum juvare possit. Æquè autem juvabitur coctio, si ventriculus jecori, ac si jecur ventriculo incum-

incumbat. Sed audi Hipp. concinnam & convenientem
 Decubitū formā elegantissimē delineantem hisce verbis: prognost.
lib. 1. tex. 13.
*Cubantem offendi agrum à Medico oportet in latus dextrum
 aut sinistrum: ac manus, cervicem, & crura paululum re-
 ducta habentem, & totum corpus molliter positum. Ita enim
 pleriq; bene valentium cubant. At ita cubare, ut sani so-
 lent, saluberrimum est.*

VIGILIA.

Surgite: ab Oceano rapidus jam surgit Eous.
 Aurora roseum jam iubar ecce rubet.
 Jam vigilate graves. somno meroq; sepulti.
 Septena in somnos est satis hora meos.
 Longior obtundit cerebrum, torpedine corpus
 Afficit: exacuet cum Vigilata dies.
 Sic calor internus revirescit, & aptius, omni
 Sorditie ejecta, membra vigore fovet.
 Luce vigent operose artes: it miles in arma
 Luce: gemunt fessi sub iuga luce boves.
 Delia non noctu venatur: nocte quiescunt
 Pulpita: sed luce est docta Minerva vigil.
 Luce minax Pallas. Vigilata quot bona lucis?
 Corpora, Dij, Sensus, Ingenium, Arsq; vigent.
 Septena in somnos est satis hora] Septem aut novem ad
 summum horarum spatio naturali somni tempus circum-
 scribi solet. Tanto enim & vires instaurari, & coctionem
 absolvi experientia docuit. Quia tamen non idem omni-
 bus dormiendi terminus præfiniendus est: *Qui bene con-*
coxit, manè suè surget: qui parum, quiescere debet: & si
manè surgendi necessitas fuerit, redormire. Coctionis
 autem signum ex urinæ colore habebis: quæ si aquæ spe-
 ciem

Celsus lib. 1.
cap. 2.

Gal. lib. 2. de
Sani: tuen.
cap. 2.

ciem referat, crudum adhuc in venis contineri chylum:
 si verò rufa bilosaq; sit, jamdudum concoctum esse hujus-
 modi succum indicabit.

ANIMI ACCIDENTIA.

SI deest, & sancti rationem admittitis aequi,
 Sancta manent oculos gaudia lata tuos.
 Jam satur est venter, sumes hic, jacet ille supinus:
 Jam properent risus: ira timorq; abeant.
 Nodosa rerum cause & sublimia cedant
 Natura ingenia: hæc non capit iste locus.
 Sensibus addita est nunc mens: sub sensibus extans
 Delicia: gaudens corda, jocosq; parant.
 Gaudia sectentur risus dulcesq; cachinni,
 Lusus, firma fides, spesq; jocusq; salax
 Læticia & risus reparant me: gaudia servant
 Incolumem: exanimant ira metusq; graves.
 Ridendum est, hilares Convivia, amentia magna est,
 Si finimus celeres accelerare rogos.

Non minimam inter bonæ & adversæ valetudinis causas
 sibi partem vindicant Animi Perturbationes: quas in hu-
 mana natura tantum posse testatur Gal. ut multi præ sola
 læticia morbos evaserint: multi etiam præ solo mœrore
 in eisdem inciderint. Quibus addas, Animi Pathemata,
 cum modum excefferint, subitaneas mortes interdum at-
 tulisse: sive de repente dissipato vitali spiritu, ut in effuso
 gaudio, & vehementi ira: sive eodem compresso & con-
 culcato, ut in magno timore & trœsticia. Horum exem-
 pla passim occurrunt apud Plinium, Valerium Maximum,
 aliosq; tum veterum tum recentiorum. Ut autem Per-
 turbationes nostras componere & emendare possimus,
 nos

nos docet Gal. aut eo verè ac philosopho digno libello,
qui de cognoscendis curandisq. Animi Morbis inscri-
bitur.

C O I T U S.

Maxima jam veniant Erycinæ gaudia : proles
Expectata diu est, huc Hymenæe veni.

Te sine vana hominum spes omnis : gaudeat hares,

Cùm Veneri annueris : tu modo blande veni.

Per te nostra decens, & casta, & sancta voluptas,

Servor & incolumis, si modo parca Venus.

Renibus extumidis hinc cura est : ira furorq.

Et metus omnis abest : hinc vigil audes amans.

Hinc validum est corpus, crescit calor intimus : hinc cor

Sidereumq. caput, si modo parca Venus.

Hinc Stomacho emptæ fames : pulsâ caligine sensus

Hinc valet : hinc bilis fœda perire solet.

Delicia hinc dulces, hinc est amor ille protervus,

Hinc Veneris puer est tamque cupitus Amor.

Sis modo castus Amor. Claudis si liqueris antrum

Mater, & est Marti dedita, culpa tua est.

Si lacer Hippolytus moritur, si proditur ingens

Ilium, & infausto sanguine mora rubens,

Si Puer Idæus summo sis cura Parenti,

Credi dis hinc nocuus cùm minùs esse thoras.

Culpa tua est, fallis tua non satiata libido :

Pallet & hinc moritur, ni bene cautus, amans.

Evolat ex sanguis subitus calor, ora, palatum,

Et male olet stomachus, nec satis inde coquit.

Perditur, & misero nihil est quod prosit : abito

Improbe : velle mori, non Amor, iriò Furor.

Servor

Art. Medic.
cap. 86.

Servor & incolumis, si modò parca Venus] Veneris usus non modò speciei propagandæ, sed tuendæ quoq; sanitati oppidò est necessarius. Neq; enim audiendi, qui nullum veneris usum salutarem esse contendunt, Epicuri potiùs, quàm rationis & experientiæ fidem secuti. Quippe constat moderatum Coitum & bonæ valetudini conferre, & morbos etiam nonnullos perferare. Quoniam verò Coitus pro ætatum ac temperamentorum diversitate moderatus & immoderatus censerì debet; Gal. universalem dat regulam, quæ unicuiq; temperamento, ætati, & individuo inservire poterit: si is modus adhibeatur, ut neq; resolutio aliqua inde sequatur: sed se ipso homo quodammodo levior factus; ac meliùs spirare videatur. *ira furorq;]* Non rarò fiunt melancholica deliria, & furores è retento semine: quos veneris usus solvit. *ora, palatum malè olet]* Congestis in ventriculo cruditatibus, & corruptis in eo cibis. Si quid enim ventriculi crasin enervare valet, id certè immodica Venus est. ut rarò invenire sit hominem valde salacem, qui non idem sit *πικροδύμηχ*.

B A L N E U M.

BAlnea, ni corpus mundum est, hanc intres, obesum
Es tumidum fieri si tibi forte velis.
Si modo sint munda & lymphæ tibi suave tepentis
Utilia: in laxis noxia poplitibus.
Si gelida ingrederis, calor hinc internus abundat,
Musculus obdurat, nec tibi, nerve, nocet.
Sulphureum aut salsum si sis tibi forsè, vel ære,
Aut cinere, aut ferro concomitante, cave.
Consule prudentem Medica prius Artis alumnus:
Es prodesse potest, & nocuisse soles.

ni cor-

ni corpus mundum] Balnea, ut ait Palladius, & voluptati plurimum conferunt, & salutis. Usurpantur enim non solum ad eluendas corporis sordes, sed etiam ad plurimas ægrotudines tum sanandas, tum præcavendas. Cum verò Balneum simpliciter dicimus, aquæ dulcis, & potissimum calidæ seu tepentis intelligimus. unde Nicandri Scolia-
stes *ἐλκτὰ θάλαττα* aquas coctas Balnea vocavit. Hujus autem præcipua facultas cum sit attrahere ad ambitum corporis, patet non esse administrandum existentibus in ventriculo & primis viis humoribus.

*Rei Rust. l. 12.
cap. 40.*

*Alexiph. ubi
de Cerussa.*

laxis noxia poplitibus] Quia liquata calore Balnei excrementa in languidos & imbecilles artus facillimè ruunt.

Si gelida ingrederis] Post calidi Balnei usum frigidâ olim perfundebantur, quod inventum Plinius Antonio Musæ ejusq; fratri Euphorbio adscribit. Hac autem frigidâ lo-
tione seu immersione laxatum corpus densatur, ab externis injuriis munitur, innatusq; calor in primis reboratur.

lib. 20. cap. 70.

Sulphureum] Thermæ omnes aquæ, quacumq; tandem minerâ constiterint, siccandi facultate plus minus præditæ sunt. Quocirca earum Balneum sano temperatoq; homini fugiendum. Siccando enim, corpus extenuare, & ad maciem paulatim ducere potest.

Consule prudentem] Tot quidem requiruntur in recta Balnei administratione cautiones; ut inconsulto perito Medico difficile sit non graviter errare.

F R I C T I O.

S*I rogitas citius pinguescere lote, sequatur
Balnea sitq; levi Friccio facta manu.*

Sensibus illa favei: calor hinc viget omnis: aluntur

Effusa hinc melius membra: caputq; valet.

X

Quid

Quid non humanum ingenium sapit? agram moveri

Corpora cùm nequeunt, Frictio prompta subest.
levi frictio facta manu] Satis fuerit pro rudioribus hîc
 monuisse, non omnis Frictionis easdem esse operationes:
 sed Lenem corporis habitum mollire & laxare, Duram
 densare & cogere, Mediocre[m] augere & carnosum red-
 dere, Multum deniq; sanguinem absumendo eundem ex-
 tenuare. Qui verò plura desiderat, Galenum legat lib. 2.
 de San. Tuen. capp. 3. & 4. ubi de Frictionibus exactis-
 simè agit.

A E R.

Corpora jam in motus properant: purissimus Aër
Queritur: hîc venti nec malus erret odor.

Lucidus exortum ad solem gratissimus: absint
Stagna, puresq; lacus, & malè quicquid olet.

Si Jove, vel tardo gelidus sis forsitan orbe,
Gratior est: nostra hinc membra calorq; valent.

Si Venere aut Marte incaleant, lacera inde peribunt
Afsidue humanis pabula corporibus.

Undiq; diripimur. si spirant corda subintrat:
Hoc sine nil miseri corporis ora vorant.

Quas dabimus grates Aër tibi pessime? per te
Vivimus, & morimur: gratia nulla tibi.

Si Jove] Iupiter nempe ventos movet Septentrionales
 frigidos & siccos, qui serenifunt.

sardo orbe] Nimirum Saturni, qui planetarum inertissi-
 mus orbem suum non nisi triginta annorum spatio ab-
 solvit.

Venere] Hæc enim ventos ciet Meridionales, qui calidi
 humidissimiq; putredinis autores.

Marte] Hic ventos excitat occidentales, qui experientia teste sunt humidi ac tepidi. Mercurius ex se nullos producit, sed reliquorum planetarum, quibus jungitur, alios reddit efficaciores. De Planetarum in ventos dominio plura Cardanus in Text. 52. lib. 1. Quadripart. Ptolomæi.

M O T U S.

Pæonis assidue si forte requiritis haustus,
Pharmaca, vel pilula nobilis antidotum;
Surgite jam lati Convivia, corpora torpent
Vestra: petunt motus tempora certa suos.
Reliquia saturo refecata à ventre supersunt:
Sedulus has solvet, cum labor auctus erit.
Hic salias, faciles alius decantet amores,
Cursitet iste, leves torqueat ille pilas.
Quadrupedi insideat spectabilis ille feroci,
Iste leves cervos, ille sequatur apros.
Sic agite in valido dum crescunt pectore vires:
Nec finite à fesso ut corpore sudor eas.
Natura hinc calor invigilat, bene concoquit, omnes
Effugiunt sordes, & famis ardor adest.
Segnities torporq; abeunt: *Medicina* valebis:
Nominis est solo non mihi grata sono.
has solvet cum labor auctus] ἡ ἀναγκαία τοῦ σώματος ἀνάγκη
 ἐκείνου, ὡς μὴ καὶ νομίζω. Non potest, inquit Hipp. homo, lib. de Diata.
 cum comedat, bene valere, nisi & laboribus utatur. Cum
 enim in unaquaq; coctione quædam generentur excre-
 menta, non facile est naturæ illa excernere, nisi Exercitii
 ope adjuvetur. Hinc videre est per inertiam saginata cor-
 pora excrementis scatere, & ut plurimum valetudinaria ef-
 fe. Ut propterea rectè dixerit Celsus, Ignaviam hebetare lib. 1. cap. 2.

corpus. Laborem firmare : illam maturam senectutem : hunc longam adolescentiam reddere .

leves pilas.] Parvæ pilæ Exercitium nobilitavit . Galenus edito de eo peculiari & eleganti Libello : in quo omnia rursus commoda & beneficia recenset .

bene concoquit] Non aliam coctionem , quàm quæ in venis ac singulis corporis partibus absolvitur , hinc accipere debemus . Primam enim quæ in ventriculo perficitur , tantum abest ut motus præsertim vehemens juvet , ut eam potiùs insigniter labefaciat & corrumpat . Quippe cum Exercitii præcipua vis , distributionem alimenti in corpus juvare , eo neutiquam mutandum constat , cum crudi incoctiq ; cibi aut succi copia in ventriculo & vasis continetur . aliàs periculum imminet , ne , priusquam per maturam coctionem utiles evadant , in omnes corporis partes rapiantur . unde cacochymia omniumq ; malorum fons uberrimus . Memini me in hanc rem legere , Fredericum Imperatorem experiri aliquando voluisse , Coctio meliùsne perficeretur Somno , an Motu . Iussisse autem duos fontes similis , quoad fieri potuit , ætatis & temperamenti benè pastos , alterum quidem dormire , alterum verò deambulare ac strenuè exerceri : deinde post aliquot horas utrumq ; capite plecti & aperiri . in illius , qui dormierat , ventre cibi adhuc reliquias : in alterius verò , qui se exercuerat , nihil penitus repertum fuisse : indeq ; iudicasse Imperatorem , Motu n Coctioni magis conferre , quàm Somnum & Quietem . At quis non videt contrarium omnino statuendum esse ? Cibi enim reliquæ in illius ventre ideo repertæ , quia prope extremum Coctionis terminum devenerat : in hujus verò nihil , quia validi motûs ope cibus inconcoctus ad intestina & mesceraicas venas descenderat .

*Gal. de San.
Tuem. lib. 2.
cap. 2.*

nec finite à fessio ni corpore sudor erat] Profusum & abundan-
tem sudorem intellige. Nam Exercitationis finis, ut
loc. cit. ait Cellus, debet esse sudor, aut certè lassitudo,
quæ citra fatigationem sit. Cui adstipulatur Galenus, qui
hominem exerceri consulit, donec sudor cum calido va-
pore mixtus manare cernitur. *lib. vii. cap. 12*

A D L I B R U M.

Quod Veneram, Geniumq; colas, Cererisq; frequentes
Sacra, putas forsân vivere posse Liber?
Falleris: & fugiet ratio te vana: proterva est
Et Venus: hac novit perdere, & Ingluvies.

F I N I S.

MARCI AURELII SEVERINI

Ad Cl. D.

MICHAELEM RUPERTVM BESLERVM
Archiatrum Norimbergensem

EPISTOLA

DE LAPIDE FUNGIFERO.



On injuriâ, quantum video, Cl. Mi-
chaël Ruperte Beslere, curiosa
tuum incescit animum cupido no-
scendi, quæ natura sit Lapidis cu-
jusdam, qui suâ quasi alvo fœcun-
da teneras & perennes, nec non
edendo probaras edit cartilagi-
neas & orbicularas placentulas,
quas Fungos appellamus. Scitum & insolentem naturæ
lusum, miram & incomparabilem metamorphoseos spe-
ciem, quam neq; in suis memorandam reliquisset, si no-
visset, Ovidius: verum inter primas & nobilissimas for-
tasse recensuisset. Nam quid illud est profectò, squalens
& aridum corpus naturâ madidum germen educere, soli-
dam & densam massam levem & raram, qualis certè Fun-
gea est, substantiam expromere? item de fatua & inepta
gleba gustu suavem & commodam escam efferri? Deniq;
quid illud est, de informi montis cujusdam segmento con-
formatum in pilei modum prodire concrementum? Unde

*Prudens &
digna philoso-
pho admira-
tio, & digna
de lapide Fün-
gifero inquit
fitto.*

*Non indigna
recitatu Fun-
gea metamor-
phosi.*

igitur

igitur, & quibus uenarum ductibus, quo motore, vel quo conformatore proveniant in dies nobis ante notata scetabula? Hæc quippe singula citra nonnullam admirationem fieri notarive non possunt. Quapropter & nos, tuos amicos, qui circa Fungarios istos tractus versamur, Beslere sagacissime, qui pleraq; referremus, quasi visti.

Scribendi ratio.

Argumenti difficultas.

Prologus.

Silvarum pro-nuntiatio.

Hermolaus Barbarus.

Nos verò Tibi pleraq; etiam, quæ comperimus, ea de re enunciabimus gratuito. Utinam autem aut naturam hanc penetrare, aut exactæ tuæ intelligentiæ satisfacere parte, non dico equidem omni, sed plurimâ queamus. Veruntamen certum illud est, si quæ nostra est animi sagacitas, si quæ ingenti perspicacitas ad res novas & reconditas acriter investigandas, hanc nos pari cum promittunt cunctam Beslerò nostro exposituros. Nec mora igitur, agedicamus ad hunc modum. Lapis, quem vulgo Fungiferum appellant, tam oppidò obscuram, tamq; reclusam naturam nactus est, ut ne etiam nomen unum apud omnes retinuerit, aut uni tantum generi relatum fuerit. Aliis nempe volentibus Lyncurium, aliis Electrum, aliis Tuber Fungarium, aliis Lapidem Fungiferum: quæ suo nomina loco mox explicabimus. Interim multorum opiniones, & varias de ipso sententias, exponemus. Primus prodito Matthæus Siluaticus, qui in Pandectis scripsit hæc: *Lapis Lyncis apud Evacem fit de urina Lupi Cervarii mellea, in montibus coagulata: qui in domo servatus generat optimos Fungos supra toto quolibet anno. Vales contra dolores stomachi, icteritiam, & fluxus ventris.* Secundus, accedito Hermolaus Barbarus, qui in Corollario super Dioscorid. 698. scripta reliquit hæc: *Oritur & è saxo i. e. lapide Lyncurio, sive Lyncæo vulgari vocedicto, Fungus admirabili naturâ. Præciditur hic in esum, & alius subnascentur anno toto. Pediculi pars relicta du-*

duratur in silicem: atq; ita semper crescit lapis restibili fecunditate: nec credidimus antequam domi natos ita manducavimus. Hermolaum secutus videtur & Andreas Cæ-

Andreas Cæsalpinus

salpinus, Romanus professor, qui lib. 2. de Metallicis cap. 45. Lapis, ait, Lyncis apud Evacem sive ex urina Lyncis, qui vulgo Lupus Cervarius vocatur. Hæc mixta in montibus coagulatur in lapidem, qui in domo servatus gignit optimos Fungos supra se toto anno. Vales contra dolorem Stomachi, icteritiam, & fluxus ventris. Dioscorides vanum putavit ex urina Lyncis Lyncurium appellatum fieri, sed Eleærum esse. Cui consentire videtur Strabo lib. 4. Theophrastus tribuit Lyncurio Fungos ferre. Hodiæ Neapoli notissimus est lapis, qui domi asservatus, si irrigetur, Fungos fert toto anno: de quo Hermolaus explicavit. Ad hos omnes non præteribitur Julius Cæsar

Julius Cæsar Scaliger

Scaliger, qui in lib. exotericarum Exercitationum de Subtilitate ad Cardanum, Exercit. 87. lemmate inscripto de Lapide Fungifero scripsit hæc: *privata lapidis natura inter admirabiles referenda. Is apud Romanos magno in precio est. Unum vidimus Neapoli, quo in Regno tradunt inveniri. Crustâ crassâ est: eâ terra dodrante operâ, aspersâq; tepidâ irroratione quarto post die fungos edit.*

Et Petrus Andreas Matthiolus in Comment. 78. lib. 4. Matthiolus

Dioscor. scripsit hæc: *Neapoli inventi sunt Lapides, qui defossi, & in cellas vinarias translati, terrâ aliquantulum operati, & subinde aquâ tepidâ inspersi, intra quadri-duum in fungos non ingratos procreant. Nos Romæ & Neapoli vidimus. Taceo quod & Philippus Ulstadus lib. de*

Philippus Ulstadus

Sensibilibus cap. 33. paucis meminit, quod Neapoli ex quodam Lapide fungi generentur. Ad nostræ gentis scriptores nunc venio, id est ad primum Janum Baptistam Portam *μεγαλογραφῆ*: qui cum in Lib. 10. suæ Villæ discre-

Bapt. Porta

visset genera Fungorum, tandem postremum ait: *è saxis nascitur: praecliditur ad esum: alius subnascitur: sepius novos producit restibili fecunditate: septem diebus conficitur: sexies in anno demetitur: terrae dodrante operitur* Neapolim afferuntur ex Vesuvio monte Lapides, Abellinum ex Partherico monte: in Apulia ex Gargano & alioribus montium partibus. Nam saxa, ubi semel produxisset vident, suffodiunt, & venum exportant. Nascuntur aliquando non pileati, sed turiones, ut asparagi, & in ramos divisi. His Portæ decretis subleripsit promptè Carolus Clusius in Opere Rariorum Plantarum, Tractatu, qui est de Fungis, autore illo *Αἰὲ μὲν τὸν καὶ τῶν ἀπασιν* vocato. Qui rursus Porta & Lapidum Fungiferi meminuit in lib. 6. Phytognomonicōn cap. 26. dicens: *Fungus est in saxis nascens, ab aliquibus Lyncurius dictus, mirò experimento frangendis calculis. Quippe umbrâ siccatus, contritus, potusq; jejuno cum urina veteri ita renes expurgat, ut nunquam in eis calculi regenerentur: frequenter à nobis usq; ad admirationem expertum.* Portæ succedit proximus Ferrandus Imperatus, qui cap. 5. quod est de Tuberibus Fungariis, subdidit: *Sono li Tartuffi di cibo più duri. & più fibrosi, & nella grandezza molteplici: onde se ne veggono al peso di libre cento. Producono li Fonghi nella primavera, & nell'autunno. Da alcuni si tengono sotterrati, bagnandoli moderatamente per raccoglierne li Fonghi, percióche dall'humore soverchio s'ammarriscono.* Et cap. 6. quod est de Fungis pag. 73. eo proposito titulo, quod est de Fungo Petreo subnexuit hæc: *Il Fongo intiero, la cui testa dalla parte sottana hà partimento di colore impagliato, ottimo à cibo.*

Carolus Clusius.

Fungi hujus
petrigena
ra vis liban
ariba.

Ferrandus
Imperatus.

Ex omnibus
arbitris quis
proferendus.

Ita quidem isti omnes. Quorum priores duo, Barbarus inquam & Cæsalpinus (porrò Silvaticum quid memorem?)

rem?) cum minore, quàm nostri, laude (verbo absit invidia) rem exegerunt . Nimirum loci productioris testatio quantum favit proximis ; tantumdem longinquos absoluta rei notitia fefellisse potuit . Ferrandus enim Imperatus etsi verè scopum non attigit ; non tamen longè abiit ab una rei natura . Nos igitur pleniorē interdum addemus demonstrationem, quam ætiologia ministret ; si priùs tamen de Tuberibus Terræ concesseris ut dicamus . Horum admirabilis natura visa est Plinio lib. 19. cap. 2. tum quòd ἀντομάτως quidem, i. e. sponte ac sine semine nascantur : tum quòd nulla nedum radice vireant, sed neq; fibris aut capillamentis nixa, præterquam circumdata, nec utiq; extuberante loco in quo gignuntur , aut rimas agente : neq; ipsa terræ cohærent . Cortice includuntur, ut planè nec terram esse possimus dicere , nec aliud quàm terræ callum . Excedunt sæpe magnitudinem mali cotonei etiam librali pondere . Crescant, anne vitium id terræ (neq; enim aliud intelligi potest) eâ protinus globetur magnitudine, qua futurum est ; & vivantne, annon, haud faciliè arbitror intelligi posse . Putrescendi enim ratio communis est iis cum ligno . Lartio licinio Prætorio viro, jura reddenti in Hispania , Carthagine paucis his annis scimus accidisse, mordenti Tuber , ut deprehensus intus denarius primos dentes inflecteret . Quo manifestum erit terræ naturam in se globari : quod certum est ex iis, quæ nascuntur , & feri non possunt .

Hæc quidem omnia Tuberum arcana Plinius non tam videtur ex natura interpretatus, quàm admiratus : ita nos intricavit potius, quàm extricavit, Tuberum genus, causas, ortum, naturam veriùs memorando, quàm enarrando . Utinam igitur in tanta creandæ rei caligine, in tanta

ἐν μυστηρίῳ obscuritate lux aliqua affulserit nobis, ut satis cau-

*Testificatio
potior proxi-
morum inco-
larum.*

*Admiranda
hypothesis Pli-
ni.*

*Plinii perple-
xitas.*

*Arignorum
& Homeri
mythologia.*

fas describere queamus. Describemus autem hoc pacto. Porro mihi rectè fecisse videntur Antiqui, quorum primus Homerus est, qui voluerunt, grandem coelitus à Jove & Superis adusq; terram admissam catenam, quæ rursus ad superiora reflectatur: per hoc indicantes spectabile regimen à superioribus in inferiora, quorū optimi ductus ad supernorū provisionem referantur. Nullam enim sine coelestium illustratione fieri vel terris vel subtus procreationem posse certum est. Indeque Arist. Lib. 1. Meteor. Cap. 2. pronuntiavit, inferiorem hunc mundum contiguum debere superiorum lationibus, ut inde omnis virtus guberretur. Hunc astrorum & cœli cum inferioribus consensum neque sub terris latitans natura præterit. Verum admirabilis & suspicienda est cum maximè *συνεπιμαρτυρία* in hanc sedem: quæ constat sanè fontium scatebris, metallorum thesauris, lapidibus multigenis, radicibus altè penetrantibus, bestiolis *ὀρυκτοῖς* i. e. fossilibus vocatis piscibus, animalibus denique pluriformibus, & nullâ luce gaudentibus, ad summam creatis viventibus aut non viventibus corporibus variis. Inter quæ Tuberæ & Misy historiæ nostræ portio sunt. Quibus Tuberibus privatim credidit antiquitas (inquit Marcellus Virgilius in Dioscoridem) cognationem aliquam cum cœlo esse: nec nisi tonante Jove nasci. Quod Satyrographus bellè notavit, dicens:

& faciens optata tonitrua cœnas

Majores.

Quamquam tonitruorum haud est verè producere Tuberæ isthæc, verum causas productrices secum quasi convehere, & convehi demonstrare, si quispiam interim hæc rectè norit agnoscere. Nimirum frequentibus nubium complusionibus aëre plurimum diffracto, deciduis affatim imbribus terrâ non irrigatâ quàm gravidatâ, (Plutarcho

Con-

Misy.

*Tuberum ex
cœlis haussum.*

Convival. 4.) variis ventorum flatibus internè externè mundo inferiore commoto , corporum humores spiritusq; omnes subinde cientur , ac nova rebus temperamenta indantur oportet, fiatq; ut singula gestiant in generationem. Quo non miremur , roris matutini lento guttatu gratiorem ac suaviorem herbam pecoribus adulescere. Magis miremur Iridis , alioquin *ἡ ἀδελφὴ τῆς Ἥρας* suapte naturâ mirandæ conflexo in terras arcu jacentem omnem plagam divino quodam halitu compleri. Cui, sicut ait Virgilius , comparari suavitas nulla possit. Hac igitur , quam modò descripsimus , per tonitrua corruscantia , per imbres ingruentes , per flatus irruentes , per Jovem fulminantem factâ mundi quassatione, factâq; mutantâ caloris & frigoris collisione , non quati, & non commoveri undiq; terra non potest. Quæ verò intra terram sunt , itemq; novum sui modum motumq; concipiant necesse est: sic ut continuò modificatus humor genitili jam æstro excitetur , & spiritu vivifico occupetur. Est hic materiæ apparatus permagni quidem ad generationem momenti : verùm nonihil detrimenti patietur , nisi ad hunc omnem naturæ apparatus accedat à natura tantopere ætheris afflatus , ac Solis *πρωτότης* radius. Cujus vis , ne vivam , exprimi si potest quàm plenè vivificet, vegetetq; omnia : præsertim cùm ad binas Zodiaci sedes & puncta, ut loquuntur, confederit : terrasq; de binis his quasi speculis prospexerit: quæ sunt videlicet Tauri & Libræ stationes. Quarum quæ Taurina longè potior est aptissima , mehercules , & splendidissima regio : qua consistens optimus Planeta terras fœcundat inexplicabilibus planè modis. Sed hoc tamen explicare nixus est ornatissimus Petrarcha per hoc suæ linguæ poemation.

*Admiranda
Iridis celestis
in spaciâ.*

*Marcel. Virg.
dictum.*

*Dictorum cō-
plexio.*

*Solis accessus
necessarius.*

*Solis stationes
præstantissi-
ma.*

*Fræc. Petrar-
cha de Tuberi-
b. professio.*

QUAN-

Quando il Pianeta, che distingue l'hore,
 Ad albergar col Tauro si ritorna,
 Cade virtù da l'infiammate corna,
 Che veste il Mondo di novel colore.
 Es non pur quel, che s'apre à noi di fuorè,
 Le rive e i colli di fioretti adorna,
 Ma dentro, dove giammai non s'aggiorna
 Gravidofa di se il terrestre humore:
 Onde tal frutto & simile si colga.
 Così costei che tra le donne è un sole
 In me movendo de' begli occhi i rai,
 Cria d'amor pensieri, atti, e parole:
 Ma come ch'ella li governa e volga,
 Primavera per me pur non è mai.

Egregiè quidem Tuscus Poëta. Qui tamen utinam adje-
 cisset pleraq; nobiliorem effectorem indicantia, cujus
 fortassis notitia desideratur; magno nos certè labore le-
 vasset, atq; operæ precium quoq; maximum fecisset. Ve-
 rùm quia cunctas naturæ subtilitates plenè non exequun-
 tur Poëtæ, nisi se physicos, ut Empedocles & Lucretius,
 ex toto profiteantur, quemadmodum Vida & Castelve-
 trus nobis aperuerunt in Poëticis; propterea nos, qui-
 bus sua & constituta hæc est professio, profundiore hæc
 & tota causarum dissertatione non abstinēbimus, sed il-
 lam exordiemur. Missis nonnullorum opinionibus, quæ
 referuntur ab Alphonso Ciccarello Mævenate Libro de
 Tuberibus Cap. 5. primùm cum Hieronymo Cardano,
 qui in operis Subtilitate Julio Cæsare Scaligero inter-
 prete in Exercit. 180. visus est censuisse è nivibus à calo-
 re putrido colliquatis secerni terrenum humidum, quo
 Tubera progignantur. Quamquam hæc meo quidem ju-
 dicio haud Cardani fuit opinio: verùm huic adscripta.

Ad-

Poëtarum in
 physicis mi-
 nistria à quævis.

De causis Tu-
 berum Scali-
 geri professio.

Adscripsit, inquam, hanc Scaliger nescio quo animi furore instigatus ac juratus adversarius generationem Tuberis Cardano, qui neq; per somnium, Juppiter, isthanc rem novit. Injuria autem sic liquidò & contumelia sic iniquè inusta est Cardano, ut à bono quocunq; viro & æquitatis studioso non videatur sustinenda. Et eo ampliùs, quòd cum ironia & improbis dictis commissa est injusta animadversio. Nostrium igitur esto, Beslere, re ut expensâ *πονημαθὶ τὸν ἀνδρα* vindicemus: qui Lib.9. Subtilitatum hæc proposuit conceptis suis verbis: *Putredo etiam, ut dixi, omnis calida est; ob id Tuberum nascentia nives in directo superstantes colliquant. Calor enim putridus, dum terreum quoddam humidum secernit, radices gignit sine germine, quæ Tuberum vocatur. Contrariâ ratione, cum frigidam & humidam tenuemq; materiam concoquit, germina sine radicibus emittit, quæ Fungos vocamus.* Hæc ille. In quorum ambitu omni vides subtilium scriptorem nihil meminisse generationis Tuberum; verùm attigisse solum partim propriam putredinis naturam, quæ est calida, atq; halitu caloris putridi dissolvit nives incumbentes, partim philosophatum de diorasi inter bulbum Tuberis & umbellam Fungi. Tuberum verò tantum abest ut in se ipsa nivium recipiant adum Cardano; ut hæc ipsa sint, quæ nives commoveant & dissolvant. Hæc quidem apertis verbis & illustri oratione complexus est Cardanus. Ad certitudinem autem & integritatem sermonis quid quæso desiderabitur, quando difficilis interpretator ambigua hæc verba & incommodam dixit orationem? Item quæso quid ironicè subsannatum? quòd acutè constituerit Cardanus cum natura, ut ex crassa materia radicem, & minus crassa minùs item crassum videlicet stipitem procreârit? Tertiò, quæso subtilem Æstimatorem eo quo Cardani ver-

Cardano per Scaligerum imposita injuria.

Ab improborum contumelia vindicandi viri innocentis.

Cardani propositio expensa.

Vacuum a Scaligeri calumnias Cardanus.

Ironia Scaligeri crassa.

bo è liquefactis nivibus fieri Tubera primùm intellexit? Imò nos primùm per Scaligerum è liquatis nivibus fieri Tubera intelleximus. Ex Cardano ego Severinus, & Alphonsus Ciccarellus, scriptor Tuberum primus capp. 5. & 10. facilè intelligimus, caloris putridi halitibus fieri, ut nives dissolvantur, & parùm diu cohaereant, ubi Tubera considerunt. *Nimirum*, inquit idem Ciccarellus eodem cap. 10. sub finem: *ova cruda, posita per diem naturalem inter Tubera, adeo eorum odore saporifico imbuuntur, ut vix comedi possint. Et hoc profuit ex eorum calida temperatura, ex qua effumat vapor ille calidus, qui propter ejus partes tennes & calidas ova penetrat &c.* Ubi verò Scaliger argumentatur, quòd frigore nihil ineptius ad generationem: & deinde, quòd in Hispania, ubi rarissima ac minima frigora, in Aphrica, ubi nullum frigus, nullæ nives, plurima, maxima, optima Tubera generantur; ubi, inquam, hæc objectat? cum umbris & cum sua phantasia videtur maximus homo colluctari. Cum umbris quoq; colluctatur i. e. vaniloquè & supervacuè argumentatur, memorans Plinium haud ex nivibus, sed imbribus ac tonitibus dixisse Tuberum proventum uberiorem. Candidus autem si velit esse Scaliger & ingenuus, qualis ut sit, virum generosum decet; non accipiet, ut sonant, Cardani verba: quibus propositum est, sine radicibus stipites oriri Fungorum. Nimirum sine radice corpori proportionem respondente voluit nasci Fungos, non sine omni radice. Porro si semine Fungi gaudent, ut eruditissimus Porta demonstravit, & radicis quoq; non erunt expertes: & non expertes profectò perhibet Cardanus. At Cardanomastrix, qui verborum ambiguitatem & inconditam orationem accusavit in æmulo suo, videat, oro, quàm ambigua sint verba, quàm incondita oratio sua, qui dixit:

Fungi

*Experimentū
Ciccarelli.*

*Cum umbris
Scaliger col-
luctatur.*

*Cardani Ger-
ba minus cā-
didè Scalige-
ro accepta.*

*Radices Fun-
gis non ex co-
lo abnegata
Cardano*

Fungi verò vel sine radice videntur, vel etiam sunt, nisi vetustissimi. Quantæ enim in his paucis ambages, quàm multa obscuritas, nemo non agnoscit. Quoniam verò neq; perspicitur hîc Scaligeri consilium aut sensus, nec quò verba dirigantur, aut quid tum omnis oratio tum hujus particulæ conficiant, hanc ego rem in silentio transigam, imò cætera multa. Nam nolim equidem Scaligeri censor videri, qui Cardani censor ita efflictim gavisus est esse. Illud tamen hîc adnotare velim & monuerim hoc exemplo, ut viderint edocti omnes, Subtilitatum Subtilis accusator ne qualis in hac una re fuit, talis & in cæteris se gesserit omnibus plerisq;. Sed nos ad institutum sermonem nostrum redeamus. Monstratum à nobis est in Libro de Viperæ Natura, Veneno, Medicina, qui *Vipera Pythia* inscriptus est, spiritum fermentatorem summo conditoris consilio & providentiâ, totâ rerum, quæ sub luna est, universitate diffusum, Mercurio relictum Hermeticorum *ἀνμαλουργὸν*, omnifabrum, incrementi largitorem, perfectorem, conservatorem, amplificatorem: nempe penetrandi vi, agendi celeritate & vehementiâ, functionum varietate præstabilem medium aut ambiguum inter primas energeticas qualitates, & harum compotem utrarumq; caloris decantati vires longè exuberantem, *ἀντονηνίου καὶ ἐνεργύου* sui cuiusq; receptaculi: cuius spiritus præcipuum est inquiete donati perpetuâ hanc aliis implacide excitare, neq; cuiquam *ἀδορίβος* vel *ἀπράγμινος* adstare: ob id acoris assidui instructum ministerio: quod facultatis & dignitatis est argumentum, non putredinis derivamentum. Hujus omnem summam & rationem fusè exposuit Petrus Castellus, amicus noster, & Naturæ consultus maximus in 4. & 5. suarum *Epistolarum* Tomi primi. Neq; enim hoc loco nos spiritus *παντοκρατορ* plenam

Crimine ab uno suspectus Scaliger & aliorum multorum.

Spiritus fermentatoris & summa.

Spiritus fermentatoris proprietat præclara.

& amplam demonstrationem describere vel necessum est, vel epistole breve præscriptum permittit. Dicam tantummodo de suo circa Tuber ergastio. Spiritus hic cœlo demissus, & tenuitate suâ sub terras transmissus in humentem pinguemq; terræ portionem insinuatus per aco-
 rem, qui comes suus & minister est, rapit ab arenti terræ
 portione, in unum cogit & contrahit abreptum per fermentum suum quoddam in globum à Plinio notatum con-
 format, spirituq; afflatum suo vivam & vegetam reddit in eam, quæ Tuberis visitur, formam. Conceptam bene sententiam nescio verbis exprefferim aut explicârim. Tantum illud mihi persuasum est, indicatâ hac ratione facile & omnem Plinio admirandi causam ademtam, & singulis admirationis suæ capitibus satisfactum iri. Primum enim spontaneus exortus nihil mentem angit: quando non per se Tuber, sed altissimi satoris ministerio prodit in lucem. Seminis autem necessitas nulla est, defectum hunc suppleantibus ejus viribus, satore τῷ μεγάλῳ per Hippocratem Lib. de Flatib. vocato. Quamquam & his inesse semen prodit Jo. Bapt. Porta Lib. 6. Phytognomonicâ cap. 2. per hæc: è *Fungis semen perbelle collegimus exiguum & nigrum in oblongis præsepiolis vel liris latens, è pediculo ad pilei circumferentiam protensis: & præcipuè ex illis, qui è saxo proveniunt: ubi decedente semine perenni feracitate feritur, & pullulat.* Falsò igitur Porphyrius Deorum filios Fungos & Tubera dixit, quòd sine semine provenirent. Sic in Tuberum corticibus, ut in enpressi pilulis, nigrum etiam latet semen. ob id in silvis, ubi sæpius prodierint & computruerint, semper proveniunt, & locis ubi corticum lotura vel cortices projiciuntur sæpe nata vidimus. Nec desunt ex antiquis, qui sementiciâ origine nasci crediderunt. Sed non operæ precium duximus omnia prosequi.

*Acor assiduus spiritus
 Zymosus.*

*Satis fit unice
 Plinio nostra
 via.*

*Fungis semina esse com-
 pertum Por-
 ta: item τῷ
 μεγάλῳ
 ἰσχυρί.*

*Fungi male
 Deorum filii.*

sequi. Quapropter consultò omittimus, cùm præsertim in memoria nunc alia non habeamus. Aliter quoq; responderis cum Athenæo Deipnosophistân Lib. 2. quo de Tuberibus differente, *Sunt, inquit, qui è semine ortûs sui principium habere opinentur*: deinde subdit: *in Mitylenæorum quidem littore non antea gigni memorant, quàm imbre copioso semen deferatur à Tiaris: loci id nomen, in quo multa generantur.* Athenæum verò sequutus Hieronymus Cardanus lib. 2. de San. tuen. cap. 43. *Tuber, ait, in aliquibus regionibus, veluti Mitylenis, etiam feritur, & irrigatur: ut non dubium sit illa augeri. Terra enim extuberat, scinditurq; ut quidam dicunt.* At neq; radix ulla desiderabitur viventi, cujus tota substantia radix est, Joanne Costæo testante Lib. 1. de Univers. Stirp. Nat. cap. 10. sicut Fungorum una superficies spectatur. Quid, quòd crassitudine ac pinguitudine suâ vivit in annum, tantùm si in udo matris suæ sinu foveatur & conservetur nativo? Sic quod terræ cohæreat alendo necessum non fuit: quemadmodùm neq; etiam necessum est herbæ Aloës, Scillæ, Pancratio, & aliis plerisq; stirpibus, etiam extra foveitis terræ complexum viventibus. Quid, quòd neq; exploratè contenderit quispiam, neq; certò negaverit radices omnes fungifero. Quandoquidem & breviculæ radices ac fibræ nonnullæ capillares dependentes à corpore isthoc extant, si rectè adverteris. At neq; aliter fieri potest: si quidem hæc terræ germina vivere demus. Quæ vivant enim, è terra nisi trahant? aut quæ sine radicibus ullis aut harum fibris trahant? Quam & Cardanus attigit rationem lib. 2. de San. tuen. cap. 45. *Nascuntur, inquit de Fungis agens, sepultis lapidibus quibusdam lasis mensarum modo, quos in Samnitico agro inveniunt, quatuor digitorum altitudine sub terra: inde aqua inspersa intra*

*Ex Athenæo
producta ratio
nostra.*

*Tuberis substantia tota
radix.*

*Auxesis ad
confirmationem.*

quatuor dies abundant in nemoribus, & celerem ortum habent. calore enim indigent sicciore. ob id lapides illos exust quippiam habere convenit. Præceptum enim Fungorum generatio, ac quasi absq; radice. nihil enim sine ea. Si enim alimentum trahit, si vivat, aut augeatur: etiamsi non vivat, à terra trahit. Oportet autem id, quod trahit, & à quo trahit conjunctum esse. Pars autem quæ jungitur, radix est. Hæc Cardanus. Per quod validum argumentum apparet, minus rectè sensisse Plinium, quod nullâ nedum radice, sed neq; fibris aut capillamentis nitantur hæc prægnantis terræ scetabula. Non extuberat, nec rimas agit locus, in quo gignuntur, quia suavior est hæc Tuberis concretio atq;eductio per divinam opificis manum, quàm ut aut verrucas terram recipere, aut disrumpi lateribus oportuerit. Quamquam & hiare terram, qua sub concreta Tubera fuerint, observatorum pleriq; testantur, & Imperatus. Quod ad extremum corporis habitum: laxa non fuerunt, cortice vel friabili, ut terrestris omnino portio viderentur. Siquidem transmutatâ per vim fermentatoris maximi terrâ callo quodam sunt obducta; quod omnium naturâ constantium commune sit duriori integmine ad sui *ἀνωστήκεν* & conservationem. Credidit Plinius Tubera *terra vitium*: quod *ἄρρυναν* interpretatus videtur Marcellus Virgilius; Terra dixit Lepram Georgius Pictorius in 3. de San. tuen. Dialogo. Sed nihilominus mihi magna videtur rei dignitas & perfectio: quæ *ἐν τοῖς ἔχουσιν* spiritus *ἐν τοῖς ἔχουσιν* vi visitur. Sic aliud quàm vitium, quod opinabatur Plinius, Virgilius, & Pictorius, intelligi potest. Falsum ergo, quod communi cum ligno putrescentis materiæ faceffat in Tuber. Quippe cum morbus ligneæ parti marcoris sit; est perfectio & nova Tuberis dignitas formari raptim in eam formam & rationem,

Rimas & verrucas qui non vomitoqueant Tubera terra.

De cortice phloesophatio.

Terra vitium Tubera non sunt.

Tuberib. non qui Lignorum communis est mater.

nem, quā dixi, plus quā Dēdaleā spiritūs architectatione.

Vivant, an non vivant, quærit ambigitq; Plinius. Sed nos vegetalem vitalemq; sine controversiæ metu sentimus: ad annum tamen ævum ejus omne constitutum est, tum ex ipso Plinio, tum ex Athenæo. Aristoteles etiam lib. 2. de Plant. cap. 1. & lib. 4. de Part. animal. cap. 5. Theoph. lib. 8. de Hist. Plant. capp. 1. & 9. Diosc. lib. 2. Medicæ Mater. cap. 139. & lib. 4. cap. 78. & Gal. lib. 8. Simpl. Tubera in Stirpium genere censuerunt. Quod etiam ostenditur, quia quæ per sese augescunt atq; excresecunt, hæc vivere sunt comparata: atqui Tubera per sese, i. e. accreto conversoq; in sui naturam alimento, quaquā velis dimensa, excresecunt. Præterea, Baptista Porta autore, Tubera emittunt ex se turiones, quales asparagi sunt. Scaliger verò testis est de Tubere cum unico folio: quod ostentare potuit plerisq; omnibus in museo asservatum suo. Deniq; quemadmodum Spongiæ marinæ post animantis non commeritam absolutam vivendi rationem suā non carent vitā; ad eum fermè modum Tubera post legitimas plantas neq; ipsa desiderant plantarum vitam.

Protinus globetur eā magnitudine, qua futurum est, difficile non videtur spectanti vires cumulatissimas & actionem citissimam valentissimamq; spiritūs effectoris, qui massam omnem uno simul actu fermentando, & abstrahere materiam, & conglobare, & incremento suo statim donare, & obducere, & perficere simul semelq; valet. Quo fit, ut non miremur sexaginta usq; libras pendisse Tubera. Lartio Licinio Prætorio viro, ut Plinius lib. 19. cap. 2. refert; mordenti Tuber, deprehensus sub dentibus est denarius. Ferrando vero Imperato lapilli concreti sunt observati: ea de causa eoq; prin-

Vegetale Tuber est extra controversiam.

Moles Tuberum non adeo miranda, si vim effectoriam spiritus quodvis spectes.

Concreta ut δρεγογίνω cū Tuberibus comparanda.

cipio,

cipio, quod spiritus fermentator per festinationem, & cœco interdum consilio agens, fermentando simul materias abripuit, atq; adeo heterogenam radicem fecit. Ita admirationem omnem, si æquo animo ferat, exhaustimus Plinio: ita quæ Tuberum sit procreatio naturaq; omnis brevi per cunctas ferme causas ostendimus. Sublatiore autem aliquanto ratione quasi sensui propinquior definitionem requiras: hæc nulla melior, quam quæ producta est à Cl. Fortunio Liceto, Philosopho tempestatis nostræ sūmo lib. 3. de Sponte nascentib. capp. 3. 4. 5. eo maximè legenda, quod mōstrat acutissimè syngeneam & univocam hanc procreationem esse. Præstat nunc Tuberoli corporis partitiones & observationes, quæ nobis extant, expromere. Primùm autem à Ferdinando Ponzetto Cardinali Lib. 2. de Venenis cap. 23. prodita sunt hæc. Tubera similiter vocata tantùm ea, quæ sunt veluti radices absq; stipite; distinguuntur à prædictis Fungis colore, figurâ, & modo substantiæ: nec sunt adeo frigida & humida: & meliora habent medullam solidam & altam, & nascuntur in locis solitis producere incolumia, & præcipuè arenosis. Quæ verò habent medullam tendentem ad opacitatem sunt humidiora.

Discreta Fungis Tubera.

Optima.

Locus proprius.

Tuberum genera ternæ.

I.

II.

Interim amicus quidam meus, cui Mutio Caponesco nomen, Asclepiada Samnis, has mihi suas Tuberum observationes fecit communes. Proveniunt, inquit, in Samnio prope Nursiæ civitatem atq; etiam aliis ejusdem agri locis petrosis & montosis terna genera Tuberum, quæ vulgo *Tariniffi* dicuntur. Alia quidem istorum sunt globosa, inæqualia: externè coloris nigri, cum cortice prope membraneo, quibusdam distincta ductibus exilium venularum, internè verò subruffi; gustu suaviora, quam reliqua. Alia sunt etiam nym globosa, sed non ut priora, sic inæqua-

inæqualia, cortice donata coloris inter album & nigrum mediis: intrinsecus autem totâ sui substantiâ sunt alba: quæ quidem edendo sunt, licet non ita suavia gustu. Plurimum autem reperiuntur in vineis, transplantanda ceparum aliorumq; modo. Alia deniq; nascuntur in campis, ambitu minora, ouorum non excedentia magnitudinem columbinorum, munita per interiorem faciem amiculo nigro: substantiâ internè candidâ, quæ cocta igne redditur opacior, & fuscidula. est autem his externa facies æqualis figuræ ovi: gratissimus sapor: neq; deest radícula, qua succum è terra trahant suum. His educitur & suo tempore quidam flos sambucino similis. Dulcis hic triplex est patris suis, rostro sagaci perpetim hæc hinc inde quæritantibus. Hæc de Tuberibus nostratibus brevi Caponefco relatore.

III.

Verùm aliter Alphonso Ciccarello Lib. de Tuberib. cap. 4. Tuberum genera describuntur quaterna. Nam aliqua sunt subruffa, nigro cortice, gustu injucunda. Alia sunt candida, nigro cortice, & insipida. Tertia sunt cinerea, nigro cortice, & aliis sapidiora. Et alia sunt nigra, cortice item nigro, & crispo, aromatica, sapore dulci, & admodum sapido, cæteris præstantiora: quæ magnatibus maximopere in cœnâ expetiuntur. Hæc primò Mævenas auctor: qui mox, quasi se correctio, professus est vnum Tuberum esse genus: quod sic placitum Dioscoridi, Galeno, Oribasio, Aëcio, Paulo, Rufo, Aretæo, Razæ, Avicennæ, atq; alijs.

Tubera Ciccarello quaterna.

Cæterùm à Jacobo Veckero in Medica Syntaxi ætiologicè collectæ sunt hæc Tuberum notiones

Jacob. Veckerus de Tuberibus.

1. *Frigida sunt & insipida.*

2. *Aqueum præstant alimentum: crassius autem quam Cucurbita.*

3. *Sunt*

3. Sunt succi boni Galeno .
4. Melanculici succi Avicenna .
5. Facile currumpuntur in ventriculo .
6. Aegrè concoquuntur .
7. Colicam pariunt .
8. Venere mexcitant .

Tubera eduntur elixa in aqua & sale brevi tempore : deinde abiecit à aquâ priore rursus in aliam calidam translata, additis oleo, butyro, pipere, Zinzibere, & pauco aceto. Nec alia de his iste. Multo plura Ciccarellus in suo de Tuberibus Opusculo capp. 8. 10. 12. 13. 14. atq; aliis. Tradidit & de Tuberum natura, & præparatione gallice des Ruffes ; sed falsò de Tribulis inscripto cap. 10. lib. 5. de alimentis Jac. Fontanus hisce verbis : *Albis præferuntur nigri, si magni sint, inæqualem habent corticem, & durum, sintq; recentes, & naturalis odoris adhuc participes. calidi sunt, & humidi in secundo. omnibus juris generibus facile admiscuntur : cocti, & crudi possunt comedi, sed non laudatur eorum sapor. Multum gignunt seminis, licet alimentum, quod ex ipsis provenit, terrestre sit, multos flatus gignat. & succi melancholici magnum prouentum. Nervis, capiti stomachoq; nocent, & oris fetorem inducunt. ex nimio eorum usu Epilepsia oritur, & Paralysis. ut hæc nostra corrigantur, lauari debent uino, tum coqui sub cineribus, & bene mundati cum oleo, pipere, sale, limonum succo, aut auranciorum. possunt etiam coqui in pingui iusculo cum pauco cinnamomi. comedi debent sub finem pastus, vinum purum superbibendo. Ita Fontanus: nunc postremum, qui fuerat à principibus primus quasi perorantem plenissime ponemus Simeonem Sethi, qui in Libro de Cibariis facultatibus scripta reliquit hæc : *Tubera (râ & d'ave) frigida sunt secundo gradu, humorem crudum gignunt, mali sunt**

sunt succi, permultiq; eorum nimio usu colicis morbos, & Epilepsiam, & Apoplexiā nacti sunt. Oportet ergo antequam coquantur accurate, diligenterq; curare, aquamq; per aliquot horas madefacere, mox sale, Origano, rutaq; in aqua coquere, cocta condire oleo. thymbra, pipere, & Caro. Horum frequentior usus colicos inducit morbos, & coquendi difficultatem; sicca autem si edantur, nocentiora sunt, difficiliorisq; concoctionis.

Hæc de coquinaria Tuberum conditura. Cæterum ex Medicinali suo quopiam Apparatu en Tibi Serapium de Tuberibus Leonhardi Floravanti Bononiensis Lib. 2. Physices cap. 10. descriptum.

Tubera sunt germina quædam terræ, quæ cyclaminis modo & figurâ producuntur: naturâ calidiora, & stomacho amica: cujus imbecillitati bellè consulunt: lotium ciunt, calculos atterunt renum, atq; alia pleraq; commoda coctioni inducunt. Ejus Serapii conficiendi modus certè non operosus hic est.

*Syrupus de
Tuberibus.*

Tuberum suo cortice liberatorum libræ ad manus sunt quaternæ. Melissæ libra. Cardui Benedicti libræ octonæ. Ferveant in aquæ s. q. dum residuæ sint libræ ternæ: quæ primùm colo demissa, validâ manu mox expressa, tertio postquam resederint, piltaciolo, ut moris est, destillata servantur in syrupum. quorum in singulis libras addito Aquæ stillatitiæ Mellis drachmam, spiritûs vini unciam mediam. Condiuntur mosco & aquâ rosaceâ quantâ videbitur. Quæ quidem conditura difficilè corrumpitur: quandoquidem Tuberis natura illa est, ut acorem non sentiat. Remedio est Syrupus cunctis penè malis interiorum partium. Corrigit harum intemperaturas, sanguinem reddit purum, venerem excitat, aliisq; facultatibus pollet, per quas in Hispania & Regis Catholici aula memini

*Syrupi de
Tuberibus
vires.*

me curâsse valetudines longè gravissimas. Potui sumitur syrupus unciiis binis calidiuscus : quo sumpto deinde non priùs pransurus est homo , quàm elapsis horis quaternis : nec usui sunt edulia humentiora , aut putredini obnoxia , ut quæ vim hebetant medicamenti. Quòd si ipsum catharticum fortè fortuna parare vel sudorificum libuisset , utrumq; equidem facile præstare consuevi per hunc modum. Catharticum quidem feci Senæ foliis Polypodio vino decoctis & commixtis. Cum autem medicaminis usus est , potabitur calidus unciiis binis : cui si in strato quiescens horis duabus indormiverit homo , satius sibi faciet. Adhibitus autem plusculis diebus abolet dolores , ulcera , scabiem , & pleraq; alias incommodas affectiones. Ad summum autem Tuberis proprium illud est , sedare malas omnes corporis immutationes , valetudinem inducere meliorem. Hæc ille.

*Ferrandi Imperati de Tuberibus pro-
fessio recitanda.*

Super sunt ab his Ferrandi Imperati singulares observationes : quas equidem conceptis suis verbis , nec ullâ parte immutatis , quæ vernaculâ , sed selecto sermone fuerit conscripta , recitabo. Porrò par & utrumq; nificum in his compendium & absolutio. Gli Tartuffi , dicit ipse , sono vegetali , di forma globosa , ineguali , generati sotto la corteccia della terra , di sostanza callosa , tenera , atta à nutrire . Nascono in luoghi arenosi , & tra le sterpi . Linostrati crescono per lo più in grossa di mela con corteccia nera , ruvida , & rimosa . La sostanza di dentro è di color latteo , & sono comunemente grati al gusto . Sono altri Tartuffi , che alterone nascono , di superficie liscia , pallidi più piccioli , mà al gusto sciapiti . Alcuni se ne ritrovano , che contengono entro di se arena , & brecciole , d'altra materia . Il che loro avviene , per che il principio della loro generativone è l'humore , che pigliando consistenza sopra ai tal materia
dopo

dopo di ciò cresce : *Cognosconsi li luogbi, oue siano concrea-
si li Turiuffi dalle rime, che sù fa la superficie della terra.*

Hæc ille glossemate nostrate. Quibus alterum adde in-
dicium per me Severinum, seu veriùs per Athenæum
Lib. 2. Dipnosophistarum, Hydnohylli vocatæ herbæ,
quæ supernascitur, quo substrata Tuberæ cognoscuntur.
Quamquam hanc rem studiosè rimatus Carolus Avantius
Rhodiginus Botanicus nostri seculi clariss. vix certi
quicquam adinvenire quivit. Dubitavit verò aliquando
ad me scribens vir solers, num fabula sublit. Cujus ego
viri auctoritate suadebar quoquo pacto. Verùm hanc
suspicionem sustulit Scaliger loco ante citato, scribens,
servatum in suo sibi Musæo Tuber cum stipite & oblon-
go foliolo. Alterum indicium ex Alphonso Ciccarello
Libro de Tuberibus Cap. undevigesimo : quòd super
Tuberibus terrâ matre foetis quædam genera muscarum
circumvolitare gaudent : seu vaporibus quidem allicien-
tibus è calore putrido sublati; seu quòd putrescentis cir-
ca locum materiæ vaporosæ altera pars in Tuberum pro-
creationem abit : altera est muscarum procreandarum
materia. Hujus quoq; loci est, quod cap. 15. retulit Cic-
carellus, audivisse se miram narrationem ex patre suo
Claudio : se sæpius vidisse in agro Ceretano bajulum
quendam solo visu Tuberæ adinvenisse. Itemq; rusticum
hominem quendam ductam suam rostro sagaci venata Tu-
bera passim suffodere consuetam.

*Athenai Tu-
berum sub-
stratorum in-
dicium Hyd-
nohyllum.*

*Tuberum in-
dicium Cic-
carelli.*

*Solo visu co-
gnitus Tuber-
um locus.*

*Sus Tuberib.
inveniendis
dux.*

Venio nunc ad tuam, Bessler, postulationem : quæ de
Lapide Fungifero per nos enarranda fuit : redeoq; ad
Imperati modò recitata decreta. Quæ ipsa si conjunxe-
ris his, quæ paulò superiùs ex ejusdem scriptis relata per
nos fuerunt, apertissima apparebit tota sententia de Tu-
bere Fungario, quam ipse professus est. Quam quidem

quicunq; sequetur, declaret oportet prius: (quoniam congeneris Tuberi ponitur Lapis Fungiferus.) Tuberis ipsius genus analogum: quod primò quidem pertinet ad Tuber simpliciter dictum: mox verò ad Lapidem Fungiferum, qui certè vilioris & terrestrioris est ordinis: deinde oportet, ut doceat, qua tandem necessitate Fungifera illa cartilago (genus nominabò cum Porta, Callosam dixit Imperatus) debeat in genus Tuberis referri. Quam cùm minimè exposuerit Imperatus; nos, qui successimus auditores, exponemus.

Nomenclatura per Imperatum imposita rationes omnes.

Causa, inquam, multiplex. Prima quidem alta & laxa, ut in quam minimè plura genera rerum ordines contrahantur. Secunda ratio propior & adstrictior: quia substantia videtur Tuberacea, nimirum callosa tum Plinio, tum ipsi Imperato. Hæc quidem simplex est huius substantia. Caterùm est & his composita ex arenosa portione, quæ communis est utrisq; corporibus. Tertia: quia respondet color externus maximè i. e. facies pulla aspera & rudis: nec non internus color, qui paucà parte lacteus est, licèt pullo altero terræ colore interstinctus. Ad hæc duritiei modus est medius inter durissimum & molliissimum. Nam neq; durus est, ut Lapis, neq; mollis, ut Fungus. Mediùs quoq; inter terram & lignum modus. Adde, quòd rarius est utrisq; corpus. Taceo, quòd vegetant utraq; , & per semet excrescunt. Utraq; sub prima terræ conduntur facie. Per hæc & alia fortasse pleraq; plurimùm consentire videntur Tuber simplex & Tuber Fungarium inter se. Hactenus hæc quidem Nostratium Scriptorum de Tuberibus opiniones fuisse: quas singulas ordinatim oportet expendi.

Adversus eos qui Lynceurium μυνετορύμα Goluerunt.

Primum autem Lynceurium, ut isti volunt, esse Fungiferum nostrum Phyma (μυνετορύμα nos dicimus) quis diu

diu patiat^{ur} à nostris omnibus, qui scimus nostris in terris Lynces non extare, neq; nasci, scimusq; sic affatim *τοιαύτη μυκητοφύματα* provenire? Nam neq; ad pervidendos Lyncei lyncei oculi requiruntur: neq; verum est in Ligurum oris copiosa esse Mycetophymata hæc: tantum abest, ut hic crebri visantur Lynces: quod Strabo prodiit, à falsis narratoribus, credo, doctus. Neq; etiam omnino verum,

Straboni credulitas, & deceptio.

ἐν τῇ μυκητοφύματι Fungi partem pedicularem relictam in silicem, nisi extra terram, durefcere: atq; ita semper crescere Lapidem restibili sæcunditate. Neq; enim, quod tradit Hermolaus, si de nostrate Mycetophymate, suas in manus delato, sicut certè videtur, tradidit hic idem; eam nos duritiem in reliquis Fungorum exsectorum observavimus in quibusdam *συμμομητοφύροις* Horti Camaldulensis. Verùm Imperati placita expendamus. Cujus quidem, ut pleraq; omnia plurimum suadere videantur ipsam naturæ speciem referentia; nihilo tamen minus, si hoc mihi condonârint Imperati manes, aliud ab his est, quod credere, veriùs nominare debeamus. Nimirum adverti terræ dodrante obrutum *τῇ μυκητοφύματι* molliusculum cõtrectatu, quod eminebat tuberosorum excessuum: quorum exemta portio postquam in arido loco servata fuit mihi, postridie, fortè recepta in manus, durata omnis lapidis formâ se obtulit. quod factum est, posteaquam humor, à madore terræ inditus, expirâisset in auras exsolutus.

Fungi restibili pedunculum, in matrice residuum, lapidescens, falsum. Quamquam Acanthii doctiss. observationi adversum, pluribus experimentis mihi comprobandum est exarâsit.

Infirmum Imperati decretum, novæ nostræ observatione.

Aliud etiam observavi: consitum in hortis unum idemq; *μυκητοφύματι* per Aquilonii venti flatus rigentiusculum contactu, quod mox per Austrorum afflatus cedentius digitis redditum est. Ita videlicet medium se exhibet utriq; affectioni & duritiei & mollitudinis: quam vicissim accipit pro vario subeunte causarum incurfu: non aliter profectò, quàm Spongia, quæ rimosis conceptaculis & mul-

Alia observatio nostræ.

Spongia descriptio.

tipli-

tripliciter flexuosis anfractibus undiq; pervia novâ quadam ratione vasculi miro naturæ artificio fabrefacti complexis in sese quacunq; sorte insinuati deciderint humores, ab horum quidem liquido lævore nonnullam primum induit mollitudinem ac teneritatem. Verùm iisdem buccis pro volentis arbitrio elisis atq; exhaustis arentem rursum adipiscitur formam, rigentemq; quem amiserat, habitum restaurat. Hanc igitur hypotyposin, nuperum hoc mentis idolum, quæso Te, Beslere, sequamur: eamq; non amplius *μυκτοφύμα*, verùm *σπογγωμυκτοφύμα* genus hoc scætabuli terreni Fungipari censeamus. Porro huic nostræ novæ appellationi, præter hanc, quam dixi, ad durum & molle habitudinem æquam, faverit corporis raritas prima, tum inæqualitas, tum color, tum alia, quæ mox subdidero; si modò quam hujus vegetabilis formam notavi, jam exponam. Corpus enim (quod plurimum fieri solitum est) cubicæ formæ terrâ suffulsâ obrutum ad summum usq; sed tamen extremâ ærem facie spectante, quæ tuberosa est, variè subnigra, maculis internè albicantibus aut cinereis, fungosâ & fibrosâ specie quadam ligni friabilis. Quali ad unguem deniq; formâ descriptos vulgo circumferri suetos se vidisse refert Andreas Cæsalpinus Lib. 2. de Metal. cap. 45. Præterea sapor & tactus mixtum quid tum ex ligno remollito, tum ex terreno pulvere coagmentatum redolet. Quare hinc aspritudo, illinc mollitudo offertur denti experimentum captanti.

Quod autem maximæ admirationi est, liquidò jam apparet hæc, de qua sermo, non abjecta & vilis compago terræ, vel excrementum, ut Costæo, in hac alioqui re minùs consulto, placuit, neq; naturæ aborsum aut erratum; verùm vegetabile corpus, nullo non studio curatum atq; directum à Conditore, sive mentibus laboriosis exacuen-

dis

σπογγωμυκτοφύμα
σπογγωμυκτοφύμα con-
 probationes.

Cæsalpino de-
scripta σπογγω
μυκτοφύμα
forma eadem
ferè, qua no-
bis.

dis, five corporibus nostris fructuosè alendis : quod sollicita tutatrix natura legitimo circum tegmento munivit : non tenui, quod offensâ facili detereretur, sed crassiore & firmiore, per quod injuriis obsistere quiret. Ita scilicet istorum *τῷ αὐτῷ* providè cavit, ita usum spectavit opifex beata. Cæterùm rugosam ei faciem indidit : quod factum credo unâ contrectationis & extensionis sua, qui *συνόρη* est, commoditate ac necessitate. Præterea, quòd amiculum si semel amittitur, ipsi sibi fossilis natura brevi restituit, admirabile quoq; est. Fit autem subatrum hoc tegmen humoris portione, quæ extra suffusa fuerat, ab externo plurimùm calore, ab intimo fortasse magis exhalatu exsiccata.

*Legimus
huic fossilis
tegmen usus.*

*Color subater
huius fossilis.*

Præter quas sunt & hæ observationes.

Primis quidem diebus surgit Fungus totus : secundis excrescit : tertiis consistit : quartis deinceps ne disperit quidem, sed quasi vietus obdurescit sic, ut fiat esui minùs idoneus.

I.

Referunt autem observatores nonnulli probati, pediculi reliquias insigni tum instrui duritie. Quam rem ut non miremur, facit illud Ciccarelli cap. 17. Libri de Tuberibus adnotatum: Tuber pondo librarum LX miraculo servatum, lignosum, & aridum evasisse. Quamquam illud huic generi extra terram posito advenire, minùs magna res videri debet, ut ante præmonui.

II.

Incrementum ejus inter Fungos omnes enorme. Ex bipedali quippe substrato corpore pedali & amplius latitudine venit umbella.

III.

Necessum est fomento matricem humido nutrire. Si quidem amens illa Fungeas altori tibi escas scæneretur.

IV.

Educta enim de germana sua terra, nisi refosso amplius loco pristino, in quo sepelias universam, sepultamq; conte-

V.

contegas humo vel totam, vel tantum non integram, singulos in dies irrigans aqua, foeturam haud tibi promittas.

VI.

Est autem, ut cum minimè alitur, suo, ut dixi, humido privata contabescat, & extremè inarescat.

Coloris varietas nuda.

Sic Coloris quandoq; varietas oritur. Nam bene lætis ac vegetis hisce foetabilis junioribus fortasse color est, qualis ab Imperato describitur, tuberaceus videlicet: senioribus verò, aut negligenter cultis sæculentus i.e. sub-rufescens & rancidulus i.e. ligni amplè corrupti color est. Quamquam sunt & qui terrarum procreatricium diversitate, vel ligni, quod putrescit, habitudine primà colores fieri vel hos vel illos volunt.

Agresium opinio.

Porrò Ruricularum est opinio, qua volunt ex confectis particulatim Fagi segmentis, & diù vel humore terræ vel imbre cœli computresactis procreari per silvas ejusmodi vegetalia. quod & cortici Populi vel albæ vel nigræ particulatim cōciso & sulcis stercoreatis mandato fieri, scripsit in 2. quo de Populo Dioscorides. Quam quidem transmutationem ut Fago advenire quemadmodum & Populo non dubitārim; ita perpetuam hanc Mycetophymatis procreationem non concesserim planè. Verùm hæc atq; alia pleraq; ad pleniores & certiores nostras observationes servo.

Observatio quoq; nostra est: quodcunq; aut qualecunq; sit hoc corporis (est autem meo quidem judicio radix: non aliter sanè quàm Tuberi sola radice forma tributa est,) sive longinquitate temporis, sive loci importunitate, sive aëris ambientis insolentiâ, sive nimio aquæ modore, sive aliâ quacunq; inimicâ circumstantiâ corrumpi sic, ut digiris atteri, & luti, cui ferrugineus color sit, modo conformari queat. ita videlicet lenis, ita mollis, ac prope cerea putrescens redditur suo. Quæ res ostendit scilicet
haud

haud Lapidis fossilis substantiam aut terream absolute. Talis quippe neutiquam corrumpi visa est: neq; corrumpetur præsumma sui siccitate. Verùm quia mador nonnullus inest, & *σπυγγοειδὲς* i. e. molliusculum potiùs quàm lapideum est corpus, ad hunc modum luti formam acquirat putredine.

Verùm enim verò illud addi oportet, hanc eandem ceream, seu dicam veriùs, lutiformem diathesin haud diu servari: verùm si diutulè digitis atteratur, molliusculum illud & figulare corpus minimis subinde momentis exarescere & in friabiles quasi arenarum particulas faceffere. Adeo verum est scilicet inter duritiem & mollitudinem medium seu neutrum hoc vegetabile esse.

Verumtamen haud plurimum affundendum est humoris, ne nimium diffluens inde conteratur vividus ejusdem calor, & paulatim emoriatur.

Ad summam enim, ut Fungiferum edendis suis geminibus proficiat, ad victum ejusdem & vitam, qui sibi naturâ comparati sunt, spectare colentem oportet. Videris enim hos in silvis sub fagis & sub frōdosis aliis arboribus, opacis videlicet locis ex arborum frondibus udo nativo maceratis ali, vigere, germinare feliciter. Ad alia verò loca traductos non item: nisi quàm simillimæ sint sedes mutaræ.

Hac igitur naturæ normâ propositâ facilè apparet procuranda eorum conservatio situ locorum non arenti, sed pinguiusculo, qualis & Fungis omnibus communis est: in opaco magis, quàm in aprico, secluso solis omni collustratu, sub australi vel meridionali orâ potiùs, quàm Septentrionis. Humor autem quo nutriti debent hæc vegetalia potiùs intrinsecùs, quàm extrinsecus, ipsis esto, h. e. cui genius ipsius faveat, non cui reluctetur. Hæc quidem

probabilis nostra conjectura super hac re fuit; consentiens alioquin his, quæ rerum periti de cultu Fungiferi refossi consulti retulere. Cæterum quæsitâ rerum & temporis occasione certiores ac potiores in dies observationes ejus rei comparare licebit.

Verum jam satis de Fungi matrice dictum est. Nunc de Fungo ipso pauca. Portio Fungiferi triplex. Una, quæ sub terrâ, radix & fibræ colore pullo. Secunda pedunculus albo luteus. Tertia Fungi umbella. Singula describamus. Radix propemodum arborescentem processum refert i. e. indivaricatum: scissilis est, & geniculata, ut Zinziberis Penæ, Iridis silvestris Matth. Iridis, Chamæiridis, & Iridis Polyanthes. Radicis extimæ fibræ sunt veluti capillus tenuissimæ, ac variè implicatæ crispæq; quales ad unguem stipitis Oryzæ sunt palcæ minutæ. Fungi germen primum & stipes, si plenis suis numeris adoleverit, digitali vsq; longitudine attollitur: infimo pediculo nixus, quo magis terræ propinquat, gradatim tenuiore. Cui Fungo primum erumpenti vesicula major est gemmæ vitis magnitudine, aut paulò majore: quæ digitis compressa reddit humorem aquæ speciei, saporis aciduli gustu. Est autem Fungus facie, qua cælum spectat, umbilicata & levi: inferiori verò continenti serie distincta punctulis quàm creberrimis & alveolis minutissimis: quorum diligentissimum quasi exsculptum observaveris non sine jucunditate nec sine formatoris Opificis admiratione. Quamquam hæc & *τοῖς ὑμῶν* communis est effigatio. Asservatus in assula Fungus sexto à decerptu die, suo ipsius madore resolutus emarcuit, liquatâ quidem umbellâ, non sic tabefacto pediculo Fungi proprio, solido spongiformi manente. Est autem esu non ignobili, licet callosiore, ut aiunt, manducatu. Hæc autem singula sunt ob-

servata in Spongofungifero, quod in Divi Martini Carthusiensis horto Munificentis. Antistes D. Joannes Baptista Bizantius meis his usibus curavit alendum.

Hactenus hæc nostra prior cura priorq; meditatio fuit. *Novum aliud
judicium &
de Fungifero
sententia.* Novum nunc sequitur examen ac castigatio *παλλογία* : in qua probabiliorem, ac firmiorem fortasse sententiam de

Funcea Matrice sum prolaturus. Et rectè quidem, ni mea mens fallit, nominavi Fungeam : quando talem hujus substantiam declarant pleraq; multa : quorum primum illud fuerit, quòd Tuber hoc & *τὸ φύμα* luculentam analogiam & sympathiam habet ad lignum i. e. ad arborem, quam hederæ more sequitur : amatq; circa arbores, quæ sunt llices, Orni, Tiliæ, & Fagi, umbrosa cacumina, & opaca, principio sata, propagata, conversata, & ævolongo conseruata. Adeo, inquam, ligno est analogum Fungiferum vegetale, ut multis imposuerit, volentibus, ex arboreis segmentis diu corruptis genus hoc erumpere : deinde quòd ligni putrescentis modo Fungum de sese edit & emittit : qua eadē putribili affectione & ortum Fungo communem habet. Præterea vel Imperati testimonio *Ratio. I.*

analogum est Tuberi. Quod Tuber *ἀναλογία καὶ ἀδελφίζε* pro confesso Fungis adeo, ut sub vno eademq; genere conjiciantur à Scribentibus : & jure merito quidem : cum complura habeantur in natura communia, quæ faciliè cuiquam ex relatis possunt apparere. Quid quòd externa *Ratio. II.*

substantia vegetans, & in sobolem perpetuò gliscens odore, colore, sapore fatuo, videlicet contrectatu, germinibus deniq; prodit se Fungeam : idest molli quadam duritie, vel durâ mollitie, quæ Cartilago est Portæ, Callus Imperato. Quoniam autem germina nominavi : una obducta Tuberi inter alias est particula, quæ crustam refert & ligniformes Fungos in Tiliis & Fagis oborici consuetos : qui *Ratio. III.*

Ratio. IV.

Ratio. V.

Ratio. V.

humano postmodum opificio comparantur in fomites
Ratis. VI. igneos: quos ζώνυρα Græci vocârunt. Refert etiam, ut
 adverti, substantiâ fibras venasq; Fungorum liquidò sic,
 ut illud observanti non liceat ambigere de Fungi natura.

Hactenus ex multis monstrata τοῦ μυστηρίου τοῦ σώματος corporis
 est idea: quod ipsum, quæso Te, cui satius ordini confes-
 ras & componas, quàm Fungorum? Porro si genera uni-
 versa percurreris, non aliud porro videbitur, quàm Fun-
 gus immersus & oblitus solidiore compage corporis: hic
 μυστηριώδης dicitur, vel, si mavis, μυστηριώδης ζυμοτός; per
 fermentum conglobatus, spiritu ζυμοδίνῃ agitante &
 commiscente terram ligno putrescenti analogam, unâ
 cum crasso, viscido, & pinguiore succo, quem Plinius ar-
 borum pituitam appellavit Libr. 22. cap. 25.

Qua nostrâ descriptione atq; opinione per omnes cau-
 sarum ordines, uti vides, probatâ licebit unicuiq; faciliè
 problemata & quæstiones complures resolvere. Nam
B. Problemata. quòd exerescat, ut Imperatus ait, in centum librarum
 molem: tum id quidem in spongioso corpore continuò se
 dilatando, Fungi genius facit, & spiritus, si me audis,
 ζυμοδίνῃ, tum substrata initio terra συγγενὴς & concordans,
 tum succi ubertas, tum uliginosi loci proportio: postre-
 mò, sed non postrema energia ignis subterranei, qui no-
 stris hisce cœli tractibus viget; quam rem prodidit me-
 moriæ Strabo Lib. 5. Geograph. & hoc auctore prior
 Pindarus αὐδῆναι initio ferè. Geographi græci verba La-
 tina si volueris, hæc sunt. *Probabiliora sunt quæ Pindarus*
dixit, ex iis, quæ apparent, ratiocinari orsus. Apparet au-
tem totum maris trajectum, qui à Cumis ad Siciliam usq;
pertingit, ignitum esse, & in profundo habere cavernas
quasdam, & inter sese, & continenti conterminas. Qua-
mobrem & eam Ætna, quam omnes memorant, ostendit sui

naturam, & Lyparaorum Insula, & loca Puteoli, Neapoli, Bajisq; propinqua & Pithecusa. Quibus consideratis Pindarus toti isti regioni subiectum ait Typhonem,

Cujus pectora nunc premuntur hirta

Littorum tumulis mare, quaprofligant

Cumarum super urbem

Ipsiufq; solo Trinacria.

Hæc ille.

Inde igitur est, quod nostro duntaxat cœlo, nullis aliis II. Problema.
sub oris genus hoc fossilis reperiatur: quod nostrum alterum fuerit III. Problema
III. Problema
Problemata. Tertium est: quod arborum surculos, lapillos, atq; alias terræ quisquilias in hoc concremento repereris. Hæc autem sola spiritus *Ζυνάδης* est corrasio.

Quoniam autem cum Tubere Imperati Fungario *Πογγονατρομυνητόφορον* nostrum contulimus; conferamus utrumq; aliàs absolute i. e. nulli attributæ: præstantiam utriusvis curiosè disquirentes: ut nullus profectò laboris hujus sit excessus, quem nos amplectentes Beslerio nostro non expleamus.

Ex altera quidem parte videtur Tuber Terræ nobilius: ut qui fructus terræ jam terminatus, & usibus hominum i. e. alendo comparatus: item medendo præter quàm orando accommodatus. Deinde formâ dignius & sincerius, quàm Fungiferum nostrum: quod alioquin informe ac deforme, quin etiam bicorpus, aut etiam tricorpus est, ut monstratum fuit. Quare imperfectius & emendicatus est. Hæc sua Tuber terræ jactat dona.

Nihilominus contra Fungiferum nobiliora sua facit bona: quod plantæ perfectæ propius sit: quippe infernè supernèq; vegetat, & foecundum est singulos in menses, aut saltem binos.

Præterea hujus effectio elaboratior, operiosior & numero-

merosior est : ipsum verò firmitus & perennius : ad cultum, altum, medicatumq; mortaliū semper aut sapius utile.

Ad hæc insignis, & mirabilis, admirationemq; alens pluribus modis, qui per nos ante consistere. Quare iucunditatem cum utilitate complectitur. Quæ & quot doctes Tuberi non insunt utiq;

Observabilior, & Spectabilior in dies ejus sobolis est progressus.

Principibus viris carius & speciosius : itemq; philosophantibus, ut Bessero, magis prosecutum. Deniq; semper & indistinctè melius.

Quibus jam omnibus de Fungiferi natura *ὑπομνήσεις* atq; discussis, deinceps hæc atq; alia pleraq; Problemata, Bessere peritissime, facili per hanc nostram rationem negotio resolveris. Cæterum nostra appellatio, ac de idea fossilis opinio discernes etiam pari felicitate quàm longè præstet Imperatianâ : quando nos univoca & *συναπὴ* producinus : in Imperati verò opinione Fungum inter & Tuber tanta est disparitas, quanta duorum generum æstimari potest *ἀλογία* : & præterea tanta est determinatio accidentium, & numero & gravitate Spectabilis; ut pigeat me nunc referre tum longo enarrandi tædio, tum Præceptoris alioquin consultissimi reverentiâ. Præstat multò gravissimas & extremas aggredi observationes, quæ per Analyses Hermeticas compertæ fuerunt & mihi & Josepho Donzellio Neapolitano *τῷ ἐργατῶν* Spagiricorum primo, meo & egregii Viri Joannis Georgii Volckameri amicissimo : qui suapte manu rei voluit totius al-laborator esse. Igitur pandam ordine, & ad amussim *τὸ πραγματεῖον*, ut se prodidit pertractando massam Fungiferi ruditer contritam, pondo librâ. Vas vitreum vix inflexum ventre non nihil amplo superpositum est igni, principio

De nostra
appellatione
atq; opinione
judicium.

Administratio
ad alchymiam
et c.

cipio quidem non admodum multo, mox vehementiuscul-
 lo. Propulsæ descenderunt stiria quæpiam humoris pel-
 lucidi, sapore fatuo. Postmodum audiore igne visus est
 prolici liquor luteolus, fuscior, guajacinæ de stillaturæ
 similis, qui guttulatus dum pergebat, vidisses plurimum in
 excipulo vase undiq; fumum album circumfluere & attol-
 li, non aliter, ac si chalcanthi spiritus elaboraretur. Quo
 temporis puncto dum vas excipulum vehementissimè
 exæstualet, refrigerari per nos continenter & contem-
 perari, donec prodierit ejus aquæ libræ semissis, passei
 coloris, odoris, & saporis cæcissi Guajacinæ adeo similis,
 ut hanc atq; illam extillationem in æquis phialis æquè plen-
 nis haud discrevissem equidem, ac dixissem numeris o-
 mnibus æquas. Simile quoq; licèt aliquanto crassius oleo
 Guajacino per vitrum extillato, visum est excipulo adhæ-
 sisse oleum, quod ad proximam flammam adhibitum illico
 exardebat, quod oleum tamen præ materiæ paucitate
 paucum & ipsum fuit. Fuit autem, quæ destillatione de-
 fluxit, aqua cum spiritu cumq; oleo commixta: quod fa-
 ctum est, certò credas, unâ ignis violentiâ, quali aliqui
 aut quanto ad extillandam materiam crassam & terrenam
 fuerat opus. Exacta est hæc omnis opera sex horarū cur-
 riculo. Quo tempore disrupto vase repertus carbo ater-
 rimus, sic manus inquinans mordicus, ut vix aquâ eluere-
 tur. Ex quo Carbone comparatus ulteriore igne cinis
 contritus, colore pullo i.e. proprio terræ, miculis scintil-
 lantibus plerisq; nitidus est. Cujus, & Carbonis, & Cine-
 ris itemq; Salis fixi mittuntur particulae. Qui Cinis quan-
 tum est digitorum attritu lævis, tantumdem est peracris &
 aciduli gustatûs linguæ: adhæsus quoq; firmioris, quàm
 unâ aut alterâ horâ aboleatur.

Aqua fatua,

Oleum Gua-
jacinæ

Spiritus,

Sal exceptus est, sapore quidem acerrimus, quantitate s. al.

per-

Portiones principiorum seu priorum corporum cunctorum.

Confirmationes placitis nostris cumulatissima.

perquam modicus : multo major Olei portio prodit, Spiritus, quem vulgo vocant, maxima: Cineris verò inter omnes partes uberrima. Qui Cinis aequè ac Spiritus acore nobili atq; inseparabili tinâ mansere. Ut etiam atq; etiam confirmetur animus in ea opinione, quòd fermentator spiritus *πᾶν τὸ πρᾶγμα* creârit. Cujus acoris ergo fit etiam, ut præclarè *διθροτρίβει* naturâ sit hoc fossile. Confirmemur item oportet ex eo, quòd olei guajacini, quicujusq; destillati ligni refert odorem, colorem, saporem, vigorem; ut stabiliamus, & Fungeam & Ligneam hujusce fossilis substantiam, h.e. materiam, formam, uno verbo, naturam esse.

Peroratio.

Medicinales Fungiferi Girintici.

Quæ nos ad hoc tempus commentari de hac re primi valuimus. Alias de eadem fortasse per otium plura & meliora. Tuâ jam, Bessere, solertia ex cædua nostra silva longè majora & graviora lignabitur. Interim quòd ad medicinales istorum vires attinet, sic habeto. Capto mihi Spiritus è Fungifero extillati experimento, vulnerarium hunc compertum : & vulnerarium sic probatum, ut ejus ope solius ex umbone, qui ad folliculi lussu cubito obducitur, per vim illiso vulnus inferiore labio transfossu curârim equidem quatruidui spatio. Fungi autem arefacti pulvisculum audivi Medico cuidam in Calabris usitatum felici Pleuritidis & Nephritidis remedio: quòd abscessum aut mature dissolvit, aut suppuratum jam dirumpit ac purgat. Pauca hæc & rata medicaminis hujus sunt effecta. De cujus ego virtute mihi polliceor majora, quæ cûmpatuerint, non ero lentus adnotare, ac sedulæ tuæ, Bessere, expectationi significare. Bene vale. Scribebam in Musæolo meo Neapoli paucis aliquot ante Calendas Decembres MDCXLII.

FUNGIMAPPA cum superstita umbella



FUNGIMAPPA discussâ umbellâ



AA Siliculus substratus vegetanti locus

BB Stipites assurgentes

CC Mappa superdata

DD Siliculus vegetationi substratus

EE Stipites suâ mappâ orbati, ac propterea reclinati.

DE LAPIDE FUNGIMAPPA
HYPOMNEMA

MARCI AURELII
SEVERINI

Ad

Eruditissimum Virum & Medicum eximium
JOANNEM SIMONEM A GRATIA,
Gratosum Amicum suum.

*Progressa dis-
sertatio à du-
plici Lapidis
generatione.*



Enerationem agnosci Lapidibus novum non
est: seu quidem hanc edant, seu recipiant.
Naturæ nimirum omnipotenti placito sum-
mi Conditoris arduum est nihil. Sic, quod
ad prius attinet genus, Mythologi præci,
qui singula naturæ facta sub certis figmentorum imagini-
bus obvelârunt, Hominum mortalium sationem è saxo-
rum soliditate deduxerunt: atq; adeo Virgilius Georg. i.
cecinit,

*Generatio
materialis.*

quo tempore primis

*Dencalion vacuum lapides jactavit in orbem:
Unde Homines nati, durum genus.*

Quam rem, credo, commentus est Poëta naturæ nostræ
indicandæ ergo: quorum manus, labores improbos in ar-
tibus exercendis quotidie sustinentes, duriores perstant
ipsis lapidibus, qui atterunt in dies atq; in annos, non at-
teritis nervis nostris. Lapidēs quoq; , sicut jam pridem au-
disti, Fungos umbellatos è sinu suo produnt. Rursum an-

tem

rem & stirpes quasdam edi de saxis receptum est etiam à doctissimis Peripateticis Nimirum quòd tum ex aliena lapidi mixta materia, tum ex altera intra lapidem insinuata manare liquores ac pullulare plantas observatum est. Haec genus attigimus energeticam i. e. ab ipsis non ex ipsis còditam procreationem: si modò energetica est hæc functio, non eidem analoga, quod liberius quispiam admittat. Verùm de altera procreatione, quæ per accretionis & adjectionis coagmenta fit, jam me compono dicturum.

*Generatio per
accretionem.*

Est Lapis, de quo agitur, Coticula parva, oui anserini longitudine, sed eodem complanator. Si perconteris de magnitudine cotis, unciolas tres examinata pependit.

*Descript. Lapi-
dis Fungi-
mappa.*

E cujus diametro circumquaq; surgit seges capillamenti, recti, digiti pollicis infantis longitudine, colore candidissimo, rigentibus fetis: quæ cuspidulæ extremæ, siquidem, obtutu diligenti & acri spectentur, acetabula & coryledones referunt exilissimos. Visa est nobis hæc habitudo tota barbamcanam referre.

*Fistulosi Hii-
pites Fungi-
mappa.*

Quibus tamen pilis instructissima cos plurimâ parte deglabrata est: seu quidem extremo squalore collapsis: seu frequenti manuum attrectatione detrimenta passis.

*Sapor stipiti
de gustatorû.*

Cæterum hæc fila dentibus attrita gustatum linguæ salsum excitavere, terreumq; echini marini spiculorum sensum stridescentem reddidere. Qua delapsi parte capilli, facies cotis asperior & hispior: ut cognosceres inde relicta vestigia decussorum pilorum.

*Facies filicis
deglabrata.*

Quamquam indicâsti mihi scitissimis literis tuis, Simon Gratiose, silvescentes saxo multos ac tenuissimos quasi capillos summis suis apicibus tenuis communi obductos umbellâ, & convexâ propemodum fungeâ patellâ. Quam ob causam Fungiferum an Herbiferum Lapidem ambigere Te, disertis verbis es professus. Qua cæteroquin umbellâ non compertâ credidi facilè longinquioris agitatio-

ne vecturæ decussam. Hac igitur *τῇ ἐπιτροπῇ* particulâ, quam non vidi, suppositâ, licenti in re nova vocabulo ausus sum vocare FUNGIMAPPAM: quòd Fungea soboles mappâ quadam inductâ supernè contegatur. Ipse, Simon, qui polles ingenio tam præstanti ac tam perspicaci, si nomen aptius inveneris, quæso Te, non gravatè substituas & accommodes. De quo Naturæ lusu quid iudicem stricto verborum compendio sum dicturus.

*Fungimappa
aliud genus,
quàm Fungi-
feri legitimi.*

Est hic Siliculus aliùs longè naturæ quàm Fungiferus, aliàs per nos enarratus. Hic nempe parit interiore principio Fungos: Fungimappa verò, præterquam extrinsecus, ab se nihil habet. Enimverò per alienam accretionem pari segetem hanc indubiè puto: non aliter quàm in multigenis corporibus accessisse concrementa notavit in aureolo de Sponte Nascentibus Opere disertus æquè ac sapiens Fortunius Licetus: quo nos auctore plurimùm usi sumus. In Plantis quippe sunt hæ generationes. Corallium, & arina stirps, super fictili radicibus actis germinavit. Palma in lapidea basi statuae Cæsaris Dictatoris, quæ in Trallibus fuerat, orta est. Ad hæc in aris lapideis coalitas stirpes: in Lysandri statua concretam coronam ex herbis asperioribus legimus. Deniq; Filix, seu Palma Filicis imagine, Abies marina, Fucus capillaris, & alii Fuci, aliaq; adnascencia germina Ferrantis Imperati, ad naturam omnem pernoscendam parati, duâoris olim ad Botanicen nostri clarissimi. Hæc de stirpium genere. Ex Animalibus verò. In Cervi cornu enata Hedera visa est: atq; ex cornibus arietis Asparagus expullulasse: nec non ex Cranio humano Corallium & Muscum ortum invenisse: & è dorsi spina enata planta est, cuius ideam apud Illustriss. Equitem Cassianum à Puteo videre est. Cæterùm ut de Metallis sermonem compleamus: ex æreo Tripode Platanus

*Generationes
varie per ac-
cretionem.*

ranus aliquando profiliit. Ex ænearum statuarum capite nata herba Cephalalgia consuluit. Et in medio marmore subortam vixisse viperam tempore Martini V. Pontificis compertum est. De quibus ortubus omnibus perhibere primùm Veteres Historici: mox Cl. Fortunius Licetus Lib. cit. de Sponte Nascentibus Lib. 3. & 4. Nos de nostro Fugimappa vestigemus jam aliqua. Certum est hujus procreationem in saxo convenire cum his, quæ dudum relata sunt de coralliis & stirpibus, quæ in statuis lapideis concrevere. Quorum aggenerandorum & educandorum ratio communis exposita primùm est ab Aristotele Lib. 4. de Plant. cap. 44. Cujus verba sunt hæc: *Planta igitur, quæ in solidis lapidibus nascitur, longo tempore contingit. Qui enim in illis comprehensus est aër, ascendere nititur. Dum autem viam non invenit ob lapidis fortitudinem, redit, seq̃ ipsum aër calefacit, & humorem, qui in lapidibus est, reliquum trahit sursum: exitq̃ vapor cum humore illo cum partium lapidis minimarum resolutione. Etenim frequens mos lapidibus est, ut eos sol juvet per suam concoctionem. Et ad hunc modum ex illis Planta fit: quæ non ascendit, nisi propinqua terre aut humori fuerit. Nam planta substantia terrâ indiget, & aquâ atq̃ aëre. Consideretur itaq̃ Planta: & si prope solem fuerit, nascetur celeriter: si verò ad occasum Sol fuerit, tardabitur.* Hæc Aristoteles. Cujus ut sensum assequamur, intelligere nos primùm oportet, ad uniuscujusq; corporis viventis obeundam procreationem, quemadmodum & in aliis omnibus, duorum interventu principiorum opus esse, calore, inquam, & humore: hoc quidem materiæ substratæ usu: illo verò ut motore ac formæ productore. Et hic quidem ambiens aëris est calor: qui Philosopho auctore, quia nusquam non est, & nuspiam non subit,

*Præfata de
Fugimappa
dissertatio.*

*Arist. doctrina de his quæ
Lapidibus in-
nascuntur.*

*Enarratio dis-
seru Arist.*

com-

comprehensus intra lapidis prærupi poros evolare (qui suus levitatis est raptus) extorsum conatus, per angustias loci cohibetur. Egressum autem & regressum identidem longâ die facitans, partim agitatione istâ, partim accedente nulla ventilatione concalescit. Interim, quam attrahendi facultatem calore comparavit, hac & humorem, qui lapidibus acquisitus est, sursum attollit, dum excundi viam inveniat. Acquisitus, inquam, humor adventitius, sive qui per venas inaspectabilis lapidem penetrat & pervadit. Inde prodit vapor, & aëre crassior factus, & remixtus humori, sub quo fuerant multa stirpium corpuscula, atq; adeo particulis saxi minimis ab aqua guttatim lapsa, remollitis, atq; in lutum resolutis, calore solis agitante concoquitur materies ac temperatur sic, ut in vitam disponatur, ac in vegetabile deducatur. Hæc Philosophi summi fuit sententia: à qua qui est, qui discrepare ritè queat? Equidem, quod ad Fungimappam nostram, seu Fungeam in silice segetem pertinet, persuadeo mihi, non absimilem, quàm Coralliorum esse generationem: quæ nascuntur in profundo maris, saxis aut testis adhærescente materiâ quodam glutinosâ: quam intrusus calor, & alter solis in altissima vada penetrans, ubi præparaverit donaveritq; calore convenienti, requisitâq; ad vitam temperaturâ, continuò congruentem in hanc formam eleuat extenditq;. Pari hercle pacto nostra Fungimappa ex materia lenta, crassa, halituosa copiosiore atq; humectiore prognata, subinde multos in culmos atq; in unam quasi stolonum sobolemeducta, uberiore fortasse agitante ac dispartiente avenulas calore suppetente sub meridionali alioquin cœli situ, sole aprice spectante: qualis ad unguem est Japyga plaga. Quoniam autem crebræ segetis extremi termini tantum non se mutuò contin-

tingunt; ex dilatato de osculis, quæ nuper descripsimus, humore glutinoso coalescere Mappa facile potuit Fungæq; Umbella: quæ una sanè complecteretur atq; contingeret uniuerfos pedunculos atq; culmos: tales enim cùm teneri forent, opinandi videntur, quando fistulosos spectantibus acutè oculis sese efferunt. Jam vero uniuerſi corporis particulæ primum quidem vegetalium, ut credi par est, teneritudine, ac lenta flexura donatæ, dum humor hæc aluit, mansere; mox eadem seu fluoris vicinia, seu vapore destituta paulatim exarescentes, atq; obdurescentes, demum in vigorem, & petream formam secesserunt; ac si Medusa spectauisset, vel aqua petrifica nostratis Acerræ, quæ quatuor ab urbe Neapoli lapidibus distat, imbuiſſet, ac saxeo de genere reddidiſſet.

*Ut induſus
vegetali rigo-
re.*

*Acerrana a-
qua petrifica
vis.*

Hæc nostra meditatio, hæc inscriptio, hæc enarratio prima fuit de Fungimappa, quam tua mihi humanitas Janne Simon *ἐυχαιρίστου*, dono miſit carissimo. Ego tuæ gratiæ quas rependerin gratias, niſi illas, ut naturam hujus omnem non ſupprimerem: verùm, ut cunq; datur, in examen revocarem, examinandumq; aliis primus hac quaſi arrhâ darem. Eam enim ob cauſam diſcuſſa mihi brevi res est. Licet etiam & eo nomine, quod apud doctiſſimum Virum, qualis Janus Simon est, meus & monſtrator & doctor, non pluribus res erat, quàm tribus explicanda char- tis. Eloquentiæ ſapientiæq; tuæ tergemina munus est, ut diſertiùs, graviùs, abſolutiùs edifferatur. Quod ſi vel otii inopia, vel curæ mordaces illud tibi negotiū non permiſerint exequendum; rogatum cæteroqui te velim, ut ſaltem diligentem mihi pares rationem earum rerum, quæ ad exactam eius naturæ interpretationem obeundam requiruntur, ideſt locorum, temporum, modorum, unde lapis primum elementum generandi vegetantis conce-


*Advertatio
ad abſolutā
enarrationē.*

*Deſiderata
capiti enar-
rationis.*

perit;

perit ; vim fabricandi ejus concrementi senterit ; quo promotore atq; autore generationis, & mutationis universa momenta retulerit . Quæ tuæ, Simon, prudentiæ distinguere, ac dijudicare fuerit, ut pleraq; subinde theorematâ contemplari, ac problemata coniectari commodum sit . Bene vale, & me ama, qui Te reverenter colom cum Baptista Capuccio, collegâ nostro, viro, quem parècè laudare nefas est.

Neapoli Idibus Jun. MDCXLIV.



INDEX

Eorum, qui hoc opere memorantur.

A.



Ctarius. 140.

Ægineta. 15. 54. 65.

90. 183.

Ælianus. 74. 78. 86.

Actius. 14. 15. 128.

183.

Tobias Aldinus. 48. 56.

Clemens Alexandrinus notatur. 31.

Leo Allatius. 150.

Alexander Aphrodiseus. 25.

Alphonſus de Andrada. 41.

Anaxagoras. 38.

Andreas Medicus. 17.

Cælius Apicius. 149.

Appianus Alexandrinus. 35.

Apulejus Maudarenſis. 63.

Apulejus Medicus. 10. 18. 123.

128. MS. 134.

Arabes Medici. 119.

Petronius Arbitr. 10. 76. 113.

Areæus. 183.

Aristophanis interpres. 32.

Aristoteles. 64. 74. 75. 81. 82. 85.

88. 89. 95. 97. 103. 117. 118.

120. 121. 143. 172. 178.

exponitur. 205.

Athenæus. 4. 5. 8. 9. 11. 15. 17. 22.

49. 58. 61. 85. 90. 96. 106. 109.

113. 115. 117. 118. 136. 143.

145. 149. MS. 150. 151. 179. 187.

Rudolphus Auantius. 122.

Carolus Auantius. 187.

Auerrhoes. 11. 13. 69. 85. 116. 127.

D. Auguſtinus. 26.

Auicenna. 13. emendatur. 25. 34.

36. 70. 76. 82. 87. 104. 121. 148.

183.

Auicennæ interpres barbarus. 148.

Cælius Aurelianus. 80.

Autr de Dynamidiis. 10. expoſi-

tus. 127.

Libri de Anatomia viuorum. 28.

B.

Hermolaus Barbarus. 49. re-

fellitur. 124. 168. 170. 189.

Conſalvus Barreda. 57.

Petrus Bellonius. 25. 113.

Polydorus Bellodus. 13.

Michael Beſlerus. 167.

Ioannes Baptiſta Bizantius. 127.

Oſtauius Bonus. 141.

Iacobus Boſius. 36.

Antonius Muſa Braſauiolus. 24. 48.

58. 63.

Guillelmus Budæus. 75.

Busbequius. 17.

C.

Andreas Cæſalpinus. 169. 190.

Mutius Caponeſcus. 182.

Baptiſta Capuccius. 208.

Federicus Chryſogonus Iaderti-

tinus. 138.

Dd

Hic-

I N D E X.

Hieronymus Cardanus. 86. refellitur, <u>103. 163. 174.</u> defenditur. <u>179.</u>	Phanias Eresius. <u>58.</u>
Valerius Cordus. <u>127.</u>	Euax. <u>49.</u>
Corn. Celsus tangitur. <u>54. 79. 95. 96. 148. 157. 163. 165.</u>	F.
Catullus. <u>91.</u>	Pomp. Festus. <u>91.</u>
Petrus Castellus. <u>177.</u>	Bapt. Fiera defenditur. <u>20.</u> notatur, <u>37. 79. 156.</u> emendatur. <u>103.</u>
Casteluetrus. <u>174.</u>	Leonardus Fiorauantus. <u>183.</u>
Cato notatur. <u>118. explicatur. 123.</u>	Anutius Poesius. <u>4.</u>
Ifacus Causabonus notatur. <u>64. 109. 149.</u>	Iacobus Fontanus. <u>184.</u>
Ioannes Ciampolus. <u>151.</u>	Hieronymus Fracastorius. <u>57.</u>
Claudius Ciccarellus. <u>187.</u>	Fridericus Imperator. <u>164.</u>
Alphonſus Ciccarellus. <u>152. 174. 176. 183. 184. 187. 191.</u>	Leonardus Fuchſius. <u>87. 156.</u>
Carolus Cluſius. <u>26. 152. 170.</u>	Antonius Fumanellus. <u>57.</u>
Columella. <u>6. 30. 31. 33. 38. 82. 109. 119. 123. 133. 142. 144.</u>	G.
Petrus Aponenſis Conciliator. <u>87.</u>	BArtholomæus Gajonus. <u>57.</u>
Ianus Cornarius notatur. <u>14.</u>	Galenus. <u>4. 6. 7. 9. 10. 14. 15. 16. 17. 18. 19. 20. 21. 22. 23. 24.</u>
Ioan. Coſteus <u>24. 182. notatur, 190.</u>	emendatus, <u>28. 29. 32. 33. 35. 37. 39. 44. 46. 54. 55. 56. 58. 59. 60. 61. 62. 64. 67. 68. 69. 70. 71. 81. 82. 84. 87. 89. 90. 91. 92. 95. 96. 98. 100. 101. 105. 110. 114. 117. 118. 119. vellicatur, 120. 121. 126. 127. conuellitur, 136. 137. 141. 145. 150. 155. 157. 158. 159. 160. 162. 164. 165. 183.</u>
D.	Gallus quidam. <u>30.</u>
Iacobus Dalechampius. <u>14. 143. Dioscorides. 5. 7. 10. exponitur, 16. è MS. emendatus, 19. 20. 31. 32. 37. 48. 54. 58. 64. 98. 104. 109. 110. 111. 112. 120. 122. 124. refellitur, 125. 127. 128. 132. 133. tangitur, 135. 136. 139. MS. ib. 140. 143. 145. 147. 169. 183. 192.</u>	Theoderus Gaza. <u>82.</u>
Rembertus Dodonæus. <u>30. 34.</u>	Florentinus Geoponicus. <u>114.</u>
Iosephus Donzellius. <u>198.</u>	Ioannes Simon Gratiſius. <u>203.</u>
Caſtor Durantes. <u>27. 138.</u>	Melchior Guilandinus. <u>87.</u>

E.

S Anctâ Elifabetha Hungariæ Regina. 130.

H.

H Erbarii Lugdunensis compilator. 172.

Caro.

I N D E X.

Carolus Herbetus. 19. 138.
 Herodotus. 75.
 Eobanus Hessus. 87.
 Hesychius. 23. 91. 151.
 D. Hieronymus. 115.
Hippocrates. 4. 30. 35. explicatur,
94. 105. 108. 117. 120. 139. 145.
157. 163.
 Homerus. 132. 172.
 Horatius. 17. 95.
 Gabriel Hummelbergius. 131.

I.

F Errandus Imperatus 170. 187.
188. examinatur, 169. 192.
195. 196. 204.
 Flavius Iosephus. 122.
 Iuuenalis. 151. 172.

L.

D Iogenes Laertius. 118. 122.
 Pomponius Lærus. 1.
 Christophorus Landinus tangitur.
 75.
 Ioannes Langius. 16. 87.
 Scribonius Largus. 148.
 Fortunius Licetus. 182. 204. 205.
 Matthias Lobelus. 87.
 Lucretius. 174.

M.

P Seudo-Macer. 129.
 Albertus Magnus. 83.
 D. Marcus. 151.
 Martinus V. Pontifex: 205.

Martialis. 7. 14. 35. 46. 70. 74. 77.
81. 82. 83. 84. 86. 88. 89. 91. 114.
124. 148. 149.
 Petrus Andreas Matthioli. 65. 169.
 Donatus Maurocenus. 134.
 Valerius Maximus. 158.
 Menander. 118.
 Hieronymus Mercurialis. 61.
 Mesue. 110.
 Monachi Mesuæ interpretes. ibid.
 Antonius Mizaldus. 125.
 Emmanuel Mormori. 26.
 Moses. 115.
 Antonius Musa. 131. 132.

N.

C Osms Nerius. 50.
 Nicander. 14. 46. 93. 98. 111.
146.
 Nicandri Scholiaſtes. 24. 46. 79.
112. 121. 126. notatur, 147. 161.

O.

O Ppianus. 120. 121.
 Eiusdem Scholiaſtes. ibid.
 Orbaſius. 183.
 Garcias ab Orta. 113.
 Ouidius. 111. 125. 142. 167.

P.

P Alladius. 29. 31. 122. 135. 161.
 Pandeſtarius. 25. 49.
 Pamphili Gloſſæ. 151.
 Aulus Perſius. 108.
 Franciſcus Petrarcha. 173.
 Laurëtius Pignori. 9. 64. 78. 103.
 Pindarus. 196.
 Plato. 4.
 B. Platina. 91.
 Plautus. 113.

D d 2 Pli-

I N D E X.

Plinius. 4. 6. explicatur, 8. 10. no-
tatur, 12. 13. emendatus, 14. 16.
17. 19. 22. 23. 24. 28. 29. 31. 32.
34. 38. 41. 46. 48. 49. correctus,
61. 64. 74. emendatus, 75. no-
tatur, 76. 78. 81. 86. 88. 91. 92.
93. 94. 97. 98. 100. 104. 105. 108.
109. 111. 112. 115. 116. 118.
 refellitur, 119. 120. 121.
 refutatur, 122. 123. 124. rejici-
tur, 125. 127. 129. 132. 133.
136. 137. 139. 140. 142. 143. 145.
146. 149. 151. 152. damnatur,
156. 158. 161. 171. 188. 196.

Plinius Valerianus. 39
 Plutarchus. 4. 12. 29. 35. 59. 67. 81.
172.

Franciscus Podocatarus. 130.
 Ferdinandus Ponzettus. 182.
 Porphyrius notatur. 178
 Ioan. Bapt. Porta 80. 93. vellicatur,
99. 136. 144. 169. 170. 178. 188.
195.

Ioannes Preuotius: 129. 134.
 Cassianus à Puteo. 204
 Balth. Pisanelius reprehenditur. 39

R.

R Hæses. 183
 Rei rusticæ script. 37. 124
 Ioan. Fridericus Ronasus. 51
 Ioannes Ruellius. 31
 Rufus. 183.

S.

S Ioan. Dominicus Sala. 5. 21. 54.
 Claudius Salmassius. 41. 75.
 Iulius Scaliger. 64. 152. 169. 174.
 refellitur, 176. 187.
 Seneca philolophus, 46.

Ludovicus Seprallius. 107. 117.
 Q. Serenus. 89. notatur, 110.
 Seruius. 8. 21. 28
 Simeon Sethi. 35. 72. 111. 115. 184.
 Mátthæus Siluaticus. 168. 170.
 Iulius Solinus. 78. 81.
 Strabo. 169. deceptus, 189. 196.
 Suetonius. 20.
 Suidas. 6

T.

F Ridericus Taubmannus. 113.
 Alexander Taxonus. 3
 Terentius 75
 Petrus Texeira. 101. 111. 113.
 Theophrastus. 11. 24. 31. 49. 50.
116. 127. 137. 143. 149.

V.

P Icrius Valerianus. 81.
 M. Varro. 11. 12. 75. 76. 98.
 Iacobus Vecherus. 183.
 P. Vegetius. 129.
 Andreas Vesalius. 73.
 Vida. 174.
 Ioan. Baptista Vindterius. 73
 Arnaldus Villanouanus. 120.
 Virgilius. 19. 22. 29. 37. 202.
 Marcellus Virgilius. 5. 31. 172. 173.
 Philippus Villadius. 169.
 Ioan. Georgius Volchamers 198.

X.

X Iphilius. 46.
 Xenocrates. 111.

Z.

Z Eno. 38.
 Iacobus Zabarella. 79.

Rerum

I N D E X

Rerum, ac Verborum maxime notabilium.



Absinthii succus ventricu-
 lo inimicus. 137.
 Absinthii Pontici vis.
 ibid.
 Absinthium vermes gignit. ibid.
 Acor spiritus fermentatoris. 178.
 Acerranæ aquæ vis petrifica. 207.
 Acree, pro Acido 8.
 Ægyptii edentuli. 21.
 Ægiritæ fungi. 46.
 Agrestium de fungi petrigene ortu
 opinio. 192.
 Alauda duplex. 89.
 Alefforius lapis. 78.
 Alhi odor quibus tollatur. 144.
 Alui suppressio a duris ovis. 63.
 Amygdala amara non necat vul-
 pem. 12.
 Annonæ caritas ingens Italiæ. 56.
 Angina ab hirundinum esu. 91.
 Anserum alæ & lingua venerem-
 excitant. 80.
 Anisi vulgaris icon. 106.
 Anisum Cyprium vulgari maius.
105.
 "Anodis. 93.
 Apium capiti infestum. 119.
 Aquæ potus à ficu. 4.
 Arantia. 24.
 Artemisiæ carbones. 129.
 Asparagi nostri à veteribus nihil
 diuersi. 124.
 Asparagi è cornu pullulantes. 204.
 Asthma à phasianis esu. 84.

Auctor Auantius Paralipomena-
 botanica promittit. 50.
 Avena duplex. 39.
 Auculæ Cypriæ. 92.
 Auium laqueo captarum. caro de-
 licatior. 88.
 Axillarum foetorem tollit scoly-
 mus. 136.

B.

Baleum simpliciter. 161.
 Batis. 133.
 Βαρυχάρι 23.
 Bascocchi Cyprianæ. 6.
 Beta duplex. 119.
 Bilis Socratica. 118.
 Boleti. 46.
 Boraginis etymon. 123.
 Borago suspensiois conducit. 123.
 Botanographorum error commu-
 nis detegitur. 106.
 Brassicæ discrimina. 116.
 Brassica soluta ac sistit aluum. 116.
 Bubali caro. 72.
 Bulimo veruecina optima. 69.
 item gires. 77.

C.

Cadauera melle condita. 64.
 Cannella veterum cinnamo-
 mum. 101.
 Calculo sambucus prodest. 144.
 Calculis Renum Tribuli succus
 confert. 141.
 Capparis amarissimus. 122.
 Cappari. 123.

Dd 3

Ca-

I N D E X.

Capillorum defluuium.	<u>17. 148.</u>	Cupressus feralis.	<u>20.</u>
Carot salita.	<u>66.</u>	Cuminum Regium.	<u>108.</u>
Carota.	<u>149.</u>		
Caryophyllorum nigredo.	<u>102.</u>		
Caleus recens valetudini suspe-		D.	
ctus.	<u>62.</u>	D Asypus.	<u>75.</u>
Cassita.	<u>89.</u>	Decubitus supinus.	<u>156.</u>
Cassaneæ barba.	<u>14.</u>	pronus damnatur.	<u>ibid.</u>
Ceruini cordis os.	<u>23.</u>	in dextrum, & sinistrum latus.	
Cerui crux.	<u>ibid.</u>		
Cibus simplicissimus vitæ confert		optimus.	<u>157.</u>
producendæ.	<u>55.</u>	Dentibus aduersæ palmulæ.	<u>21.</u>
Cicer connubialibus sacris adhibi-		Dianaria.	<u>129.</u>
tum.	<u>33.</u>	Dorycnium quid?	<u>126.</u>
Cinnamû veteribus preciosum.	<u>100.</u>	Dracunculus etiam priscis notus.	
Citrullus.	<u>44.</u>		
Coeliacis remedium.	<u>122.</u>	Dysenteria remedium.	<u>12. 84.</u>
Coeliacus dolor pro Colico.	<u>122.</u>	Causa vinum prunorum silue-	
Coctio ventriculi motu vehementi		strium.	<u>19.</u>
læditur.	<u>164.</u>	Dysuria causa.	<u>76.</u>
Coctio motu an somno perficia-			
tur.	<u>ibid.</u>	E.	
Cochlearum visus.	<u>98.</u>	E Brietatem arcent Diuretica.	
Columbi Veneri dicati.	<u>82.</u>		
Comarus.	<u>10.</u>	Elephantiasis Alexandrinis fre-	
Crocus Coryceus.	<u>104.</u>	quens.	<u>35.</u>
appetitum dejicit.	<u>114.</u>	Epilepsia à coturnicibus.	<u>87.</u>
Crustacei pisces plenilunio pingue-		Epilepsia amuletum.	<u>119.</u>
scunt.	<u>97.</u>	Erinaceus geminus.	<u>76.</u>
Corago.	<u>123.</u>	Essib Acetum Germanis.	<u>59.</u>
Corallium è cranio humano sur-			
gens.	<u>204.</u>	F.	
Cordis <i>uav. ma.</i>	<u>195.</u>	F Ar duplex.	<u>28.</u>
Corollæ olim croceæ.	<u>194.</u>	Ficatum.	<u>68.</u>
Corna. Corno-Cerasa.	<u>8.</u>	Ficus mouet sudorem.	<u>4.</u>
Corisaliuim.	<u>128.</u>	Frumentum.	<u>28.</u>
Cucurbita bombycina rarior.	<u>40.</u>	Fungi venenati signa.	<u>46.</u>
		esculenti nimius esus periculo-	
		sus.	<u>47.</u>
			Fun-

I N D E X.

L.

L Auri extinctæ.	20
Lac dentibus noxium.	60
Lacuturris <i>Plinii</i> .	116
Lapis fungum ferens.	48
Lapidis fungiferi cōsideratio	167
varia.	168
Polyonymia.	ibid.
Lapidū generatio materialis.	202
per accretionem.	203.
Lapidis Fungimappæ descriptio,	203.
Laurices.	74.
Lentes feræles.	35.
Leo non metuit gallinaceum,	78.
Lepores non esse utriusq; texus.	73.
Leporina caro formā conciliat.	74.
Limonia mala.	25.
Prægnantia.	26.
Limaces oryza pastæ.	98.
Liu æ columbæ.	82.
Lingua bubula quid Catoni.	113.
Lupuli laudes. carmine hexame-	139.
tro.	139.
Lyncurius lapis.	48.
Lopimus.	14.
Lyncurium non esse fungiferum.	188.

M.

M Ala Rosea. Ferruginea, Or-	
biculata.	5
<i>Maroni</i> .	14.
Medicus Tiberii bibaculus.	12.
Melo.	45.
Mel amarum.	64.
Melissophyllum.	126.

Memecylum.	10
Mentha vulneribus aduersa.	131
Mercurialis temperamentum Græ-	
cis ignotum.	127
eiusdem transmutatio.	ibid.
<i>Milax</i> .	31
Mily.	172
<i>Morsadelle</i> .	22
Murcia.	22
Murtatulum, farcimen.	ibid.
Mulcus in cranio humano produ-	
ctus.	240
<i>Myriale</i> .	22

N.

N Arantium malum veterum.	25.
Nephritidis remedium.	200
Nucis appellatio.	11
Nucis umbra capiti noxia.	ibid.
Nux juglans vetustior lingue para-	
lysin infert.	ibid.
Nux Heracleonica.	12
Nux myristica Patauii nata.	101

O Leum cibus condimentum.	62.
Opium priscorum, recentiorum.	113
Ejus usus Orientalibus familia-	
ris.	ibid.
Drachmæ decem quotidie sumtæ.	114.
Opium Ægyptium ceteris præfer-	
tur.	ibid.
Orbiculata mala.	5
Oryza calida oculis infensa.	37
Ostriago.	134

Pal-

I N D E X

P.

P <i>Almulæ.</i>	21.
Pan's Aquaticus, seu Parthicus. <i>Pan matto.</i>	54.
Pan's materia diuersa.	55.
Panis <i>μακρὸν ὄσπ.</i>	113.
Palumbi torquati.	83.
Veneri aduersi.	ibid.
Papaueris etymon.	113.
Passer Catulli.	91.
Passeres pisces montis Euganei.	95.
Pauonis caro diu durat.	86.
Pectori confert spinachia.	119.
Peplis.	139.
Pepones.	45.
Pestilentia Italiæ.	56.
Phthiriatis à sicu.	4.
<i>Φικουπτισάνα.</i>	35.
Piper aluum soluit.	102.
<i>πικρὸς.</i>	115.
Pimpinella saxifraga.	138.
Pimpinella gestata lac prouocat.	138.
Pini nux Cybeli sacra.	14.
Paruæ pilæ exercitium.	164.
Pisa pectori conferunt.	34.
pituira arborum.	196.
planetarum in aere effectus.	162.
Plaута ἐξ ἰππῆας ὀπίσθεν.	204.
Platanus ex æro tripode profiliit.	ibid.
Plato <i>πλάτων.</i>	4.
Pleuritidis remedium.	400.
Podagræ auxilium.	130.
Poma orbiculata.	5.
Epirotica.	ibid.
Ferruginea.	ibid.
Pomorum succus radens.	5.

Piuna Damascena.	7.
Punica mala diuretica.	16.
<i>πυγίται . σπυγίται .</i>	96.

Q.

Q Veixome sinus Persici <i>insu-</i>	122.
<i>la.</i>	

R.

R Anarum resu priscis ignotus.	98.
Renes animalium.	88.
Robus.	28.
Randoni.	92.
Rorimarini gratus in vnguentis succus.	9.
Rusticorum indoles.	108.

S.

S Acchari vis.	29.
Salacitatis etymon.	59.
Salacitatis symbolum.	85.
Sal Ægyptiis sacerdotibus vetitum.	59.
Indum.	65.
Salubritatis hieroglyphicum.	81.
Salua bufoni grata.	128.
Solis fecunda vis.	173.
M. Aurelii Seuerini Imperator.	204.
Sitire, pro siccum esse.	7.
Spiritus fermentatoris vis & proprietates.	177. 200.
Spinus niger.	19.
Spelta.	19.

Spon-

I N D E X

Spongiæ descriptio.	189.
<i>σπογγιωκητοφύμα</i> genus tuberis fungiferi.	190.
Spongofungiferus.	195.
Staphylinus siluestris diureticus.	150.
<i>σπίδος</i> . <i>Salax</i> .	91.
Strutheum.	91.
Strumi caro. pro dura.	91.
Strumolius delectantur.	92.
se fortiter aduersus accipitrem tuentur.	92.
Suilla caro.	91.
Superfoetatio.	75.
Sus tubera inuenit.	187.
<i>συνκτόν</i> .	68.

T.

T Abidis cochleæ jus cõfert.	97.
etiam Ranæ profunt.	99.
Testes gallinaceorum.	66.
Thermarum noxa.	161.
Tubera.	172.
Eorum è cælis ortus.	ibid.
Causa.	174.
Tonitrus potestas.	172.
Triticum.	28.
<i>τῖψ</i> .	31.
Tubera maris.	96.
Tubera Zebedeorum sorores.	151.
Tuberaria.	152.
Tuberonia.	153.
Tuberis conformatio.	178. 169.
Tubera fungis discretæ.	182.
Optima.	ibid.
Eorum locus ibid.	193.
Visu incognitus.	187.

Genera.	182. 183.
Notiones.	183.
Nomenclatura.	188.
Indicium.	187.
Conditura.	185.
Syrupus.	185.
Ejusq; vires.	187.
Tuberum fungiferorum rationes, & modi.	188.
Velamentum.	191.
Ruga.	ibid.
Ortus, progressus, & incrementum.	191.
Pediculus durefcit.	191.
Substantia.	193.
Color.	192.
Nutritio.	193.
Corruptio.	192.
Turdi napello pascuntur.	88.

V.

V Eternus ex vino Cretico.	182.
Venerem excitat Abrotonum.	136.
Veneris vsus, & noxa.	160.
Vicia alba.	39.
Vini qualitas dubia.	57.
Vinum Tipergum.	58.
Augustanum.	ibid.
Cæcubum.	ibid.
Falernum.	ibid.
Vinum ventrem soluens.	58.
Vipera in medio marmore nata.	205.
Vnedo.	10.
Voci allium confert.	114.
Vulnerarium remedium.	200.
Vux in olla.	17.

Yerusa

I N D E X.

Y	Erufa Turmera.	Y.	Zinziber num Veneri aptum.
		<u>151.</u>	<u>103.</u>
Z	Ea Zea.	28.	Zyzypha difficilis concoctionis malig; Succu.
			<u>15.</u>

F I N I S.



Errata sic emendentur.

2. ver. 13. mendicamus 4. 5. intellige 7. 18 fungos 8. 25.
 παταχρησινās 26. 5. fructibus 28. 12. πολυχρησότητων. 38. 26. red-
 denda. 40. 27. repraesentare 41. 22. cucurbiras 54. 4. fo-
 uet nos omni 23. aliisq; 56. 9. plurima 57. 26. famem 80.
18. si Auicennę 110. 10. τῶν 122. 21. arborcam 125. 13.
 decoctum. 137. 12. tunicas 147. ver. post. Radiculas 155. ver.
 post. regioni 170. 6. Parthenio 183. 12. pastus 184. 3.
 corrumpuntur 189. 6. prodidit 206. 11. quadam 207. 18.
 rependerim

2 1 54 1 5

... ..

1. The first part of the document is a list of names and addresses, which are arranged in a columnar fashion. The names are written in a cursive script, and the addresses are written in a more formal, printed style. The list includes names such as "John Smith", "Mary Jones", and "Robert Brown", along with their respective addresses in various cities and states.



